



35256

I


Mag. St. Dr.

P

*L. Ignatius
a. B. H. H. H. H.*

not





35256

I

PROVISIONES
SENECTVTIS
Per tres Partes distri-
butæ.

In quibus raræ ac pernecessariæ veritates

Cum omnibus Christi fidelibus tum potissi-
mū Gratiarum Cælestium, lucrorumque
æternorum avidioribus, quæ theoricè
quæ practicè proponuntur.

LABORE AC INDVSTRIA
R. P. GASPARIS DRVZBICKI
Soc. IESV Theologi

Anno Infantis Dei-Hominis

I 6 7 3.

Editio Posthuma

Cum permissu Superiorum.

Ex Typographia Collegii Calissien: Sol.



35256



Absistant culti Cadmae Vomere Campi
 Quem pro messe, Virum Vitis Secuta seges.
 Nobilior Lecbia est dicta Polonia, Campus,
 Cujus, non falsa fruge superbit, ager.
 A MADALINIUM duplici nam Vomere, Solos
 Huic Campo noscitur quisq. Venire Viros.















ILLVSTRISSIMO
AC
REVERENDISSIMO
D.D. BONAVENTURÆ
à NIEDZIELSKO
MADALINSKI

Dei & Apostolicæ Sedis Gratia Episcopo
Metonenſi, Coadiutori Episcopatus
Plocenſis,

Supremo Theſauri Regni Notario, Præpo-
ſito Cathedrali Vladislau: Gneſnenſ:
Varſavienſ: &c. &c-

CANONICO,
Domino Domino & Mecœnati Fauentiffimo.




Rovidere ſibi lucique ſuæ melius haud potuit po-



Proſtibus hic Proviſionum Senectutis Liber, IL-



 LVSTRISſIME ac REVERENDISſIME



 (2) DOMI-

DOMINE, quàm dum sub meridiana Nominis
 TVI luce publicū ambit. Humanissimo nempe TVORVM
 penetralium receptu donatus, ad Solis Regiam, admis-
 sum se autumabit non ex vano; unde postea, domestico
 lucis TVÆ Arario diuor, patrocínio tanti Nominis secu-
 rior factus, in Orbem, liberius prodeat universum. Et
 verò in triumphali animorum cultura, ad quam ordina-
 tur, absq; laureatis, ILLVSTRISSIMÆ MADALI-
 NIORVM GENTIS Vomeribus, quī proficeret? Novit
 probè, illū in campo suscescere palmas, meti laureas,
 quemcunq; illi, longo splendescere ab usu simul conti-
 gerint, simul excoluerint ad gloriam. Si meritis Armorū
 TVORVM palmaribus, virtutiq; TVÆ, repositū ex
 equo fuisset premium; o quanta jam Honorum messis,
 Dignitati TVÆ surrexisset. Sed magnarum molium inge-
 nio, non absq; laudabili mora proveberis in sublime. cūq;
 eisdē merearis, serò admittis Honores: securus Magnitu-
 dinis, vel extra virtutibus TVIS pridem debitū Honoris
 clivum, ad quem TIBI heroo passu Maiores ILLVSTRISSI-
 MI praverunt. Debes illis splendidi Oriūs gratiam, &
 glorie parte, decus immortale; debent & illi TIBI: quo-
 rum magnitudo, novis in Te grandescit incrementis ut
 minime nobis verendum sit, ne tributarium hoc nostræ
 in TE observantie munus cū infra amplitudinē TVAM
 venit, minus gratū accidat, quod TVIS attollitur auspi-
 ciis, Nomine TNO crescit; illo inquam, nomine, cui nu-
 per Augusta decrevit Vienna Austriacorum, in venerati-
 onem & stuporem. Quodsi

Ovid:

acceptissima semper

Munera sunt, Auctor quæ pretiosa facit,

inveni.

invenient apud TE pretium, accipientq; Incubrationes
posthuma, Viri (sensu totius Polonia, ore TVO loquor)
Apostolici planè, Gassparis Druzicki, qui non minùs in
sacro pectore TVO, quam in fati supremi urna, ad hodi-
ernam usq; diem, corruptionis exsors vivit manetq; Sci-
licet integrum vita, hac etiam integritatis decuit pra-
rogativa. Ergo admittes innatâ facilitate Libellum, ILL-
VSTRISIME ac REVERENDISIME DOMINE,
impleturus grandes Æternitatis fastos, gnarusq; appri-
mè ipsum ter Maximum, Optimum Numen minores etiã
paucioresve non dedignari Hostias, dum non suppetit He-
catombe. Quis in TE, Polona Societatis I E S V,
animus sit, palam esse debuit, per aliquod tributariae
venerationis pignus lucrarium, ex illo Musarum
domicilio commodum veniens, quod olim sub Karuko-
viani Agni sidere vellereque aureo, sapientia competitor,
plantis innocentibus consecrasti, in quo vastissima erudi-
tionis Olympia, palmari semper ingenio decurristi. Omen
annorum, quod TULÆ in nos propensissima voluntati, ac
oblatae vltrobeneficentiae vovemus, ex Libri argumèto ca-
pias. Provisiones sunt Senectutis, illius Ævi prodroma,
quod DEO clarè viso perbeatum, votorum omnium am-
bitionem felicitate sua longissimè supergreditur. Tolle,
lege ILLVSTRISIME ac REVERENDISIME
DOMINE, & Patria Nestor, supremas implens Infulas

Nestoreos vivas Soles, Pylijque senectam.

Ita precatur ex animo,

Ita vovet

ILLVSTRISSIMO ac REVERENDISSIMO


NOMINI TVO

deditissimum

Collegium Califfiense

SOCIETATIS JESV.

APPRO-




APPROBATIO

OPus posthumum PROVISIONVM SE-
NECTVTIS, A.R. Patris Gasparis Druzbi-
cki, e Societate Iesv, magno elaboratum
studio, sed non minori compositum pieta-
te, valdè vtile & pernecessarium, non so-
lùm luce publicâ dignum censeo, sed etiam
singulari amplector affectu, cuius supersti-
tis assiduos venerabar coniunctos cum pi-
etate labores. Datum Posnaniæ die 19. De-
cemb. Anno 1671.

Albertus Dobrzelewski.

*Præp. Lascent. Archidiac. & Officialis Posn:
Generalis.*



provi-

PROVISIONVM
SENECTVTIS
PARS PRIMA

Complectens Considerationes speculatiuo
practicas ac ad feruens
instansq; Studium perfectionis exhorta-
tivas.

provi-

Prouisio I.

Per Satisfactionem Obligationi,
quâ tenemur ad omnem perfe-
ctionem curandam.

Considera te obligari ad feruens,
perfectum, accuratum, avarum fame-
licumq; Deiolequium, ad salutisq; &
perfectionis tuæ curam incessabilem,
ad acquisitionem diuitiarum spiritualium (quæ
sunt bona perfecta; opera, merita gratiæ & gloriæ
æternæ, omnium virtutum Theologicarum, cardina-
lium moraliumq; in gradibus perfectis conqui-
sitis, deniq; consummata per omnem modum,
quantum hæc vita paritur sanctitas atq; perfectio)
quam maximam, quamq; copiosissimam; ita, ut *I. Cor. 1. 7.*
tibi nihil desit, in vlla gratiâ.

Considera, te ad prædicta in tantum obligari,
ut nullus tibi relictus sit locus, siue recusandi, siue
tergiuerfandi, siue negligendi, aut negligentius o-
scitantiu suæ agendi, ac ne cessandi quidē vel ad mo-
mentum (quatenus hæc vita permittit) ab hac iam
prædictâ occupatione. Etenim, si teste veritate,
de omni verbo otioso quodcumq; locuti fuerint homi- Matt. 12. 36.
nes, reddent rationem in die iudicij Diuini: Utq; eti-
am & de omni tempore, momentoq; temporis ac
vitæ, quodcumq; homines sine congruo ad æterni-
tatem fructu, transmiserint; in illo eodem iudicij
Diuini die, reddent consimilem, hoc est, rigoro-
sam rationem. Atqui si de omni momento vitæ
temporisq; ratio erit reddenda in iudicio, sine du-
bitatione sequitur, nullum non vitæ momentum
esse impendendum obsequio Diuino, cæterisque
æternis bonis; & quidem impendendum eo cum
A indu-

- 2
Ioan. 6. 27. industria conatu, qui sit & Deo dignus, & æterni-
 tati idoneus: dicente Domino nostro. *Operamini,*
Ioan. 15. 16. *non cibum qui perit, sed qui permanet in vitam eter-*
nam. Et rursum. Ego elegi vos, *ut eatis, & fructum*
Ecel. 9. 10. *afferatis, & fructus vestri maneat.* Cui consonat Sa-
 piens, dum ait; *Quidquid potest manus tua operari*
instante opere. Non ait simpliciter, *operare,* sed
 addit *instante opere* totâ nimirum animi instan-
 tiâ & liberalitate sese inter operandum exerente &
 exercente. atq; hoc non in vno vel altero solum o-
 perationis genere, sed in omni penitus, ait enim.
quidquid potest manus tua operari, instante opere,
 veluti præoccupans omne instans euolantis tem-
 poris operando destinati. Ut juxta eiusdem Sapi-
 entis monitum, *ante mortem, cum iam tempus non*
Ecel. 14. 13. *erit, gloriam beneficias amico tuo, tibi scilicet ipsi, &*
secundum vires tuas, exporrigens des pauperi, ite
ipse tibi, quo nemo à bonis Spiritualibus pauperi-
or, nec defrauderis à die bono, & particula boni doni,
(atq; diei) non te prætereat. Vbi non obiter temet in-
 spice, quomodo te usq; hodie habueris in hac in-
 stantaneâ, omnisq; momenti & particula occupa-
 tiuâ æternaturi cibi operatione? quot momenta
 amisisti, sine fructu æternitatis? quot impendisti,
 non tantum particulas dierum, sed ipsos dies, atq;
 adeo annos, fructibus vanitatis, mortis, perditio-
 nis? Et quæso te quamdiu sic erit? quousq; dura-
 bit ista profusio & perditio temporis atq; vitæ sine
 fructu, & vtinam tantum sine fructu beatæ æterni-
 tatis. quo tamen, quid detrimentosius? & non eti-
 am cum damno duræ castigationis.

Considera, quod si omnibus hominibus prædi-
 cta cura incumbit, certè longè magis incumbit ijs,
 quos iam senectus salutat, & occupat. declarat e-
 nim ijs, quod iam modicum tempus habeant ad
 tantum opus officiumq; suum peragendum & ex-
 plendum: ac proinde monet & vrget illos, nunc
 demum non esse cessandum, nunc demum instan-
 dum

3
dum atq; perurgendum esse, omne laboris ad æternitatem beatam proficientis genus. Et certè si non tantum hanc obligationem omnibus communem, sed etiam tum vitæ suæ breuitatem (senibus enim longa esse non potest) tum eiusdem omni velocitate velociorem fugam, tum nullam alterius deinceps temporis ad operandum meritorie idonei spẽ, tum rerum, fructuum, merciumq; comparandarum, hoc solo residuo, simulq; breui & volatili tẽpore dignitatem, pretium, necessitatem, tum deniq; cessationis & negligentia irreparabilem per totam æternitatem compensationem, desperatamque penitus iacturam, quispiam hominum inspexerit & expenderit, mirum & plus quàm mirum erit, si videns se in hac breuiati iam vitæ suæ temporis circumstantiâ positum atq; conclusum, poterit de vllâ aliâ re huius vitæ ad momentum etiã cogitare, & non hac vnâ & solâ curâ incessanter morderi, vt non defraudetur à die bono, vt particula boni diei doniq; non eum prætereat, vt quàm auarissimè merita gratia gloriæq; accumulet, vt quàm plenissima plurimaq; virtutum opera exerceat, vt quàm contentissimo cursu *viam voluntatum Diurnarum decurrat*, vt per singulos gradus suos cum Job, per *omnia quæcunq; intra se sunt* cum Dauid pronunciet, maiorem ac maiorem gloriam Deo Atq; tu qui hæc siue legis, siue expendis, siquidem fortè in senectutis statu, qui est mortis cõfinium, iam positus es, exnunc accuratam tecum ini deliberationem, atq; firmissimam facito conclusionem, & designato statuitoq; rationem viuendi & operandi, talem, in qua te nullum omninò momentum vitæ residuæ defraudet, nullum tibi sine æternitatis fructu, nullum sine vltiori in perfectione virtutum, maximè verò charitatis cõsummatione elabatur progressu.

Job: 31. 37.

Psal: 102. 1.

Prouisio II.

*Per suppletionem paucitatis perfectio-
rum operum, meritorumq; hactenus partorum.*

Considera omnes annos præteritos vitæ tuæ, vsq; ad præsentem, in eisq; omnibus diligenter attende, quantum tibi ex eis perditum sit, partim nihil agendo, partim non agenda agendo, partim agenda non agendo, partim inutilia tibi agendo, partim nociua & noxia agendo, partim bona quidem, sed non benè agendo, partim benè quidē fortasse, sed non perfectè, neq; consummatè agendo, partim extra gratiam atq; amicitiam Dei, partim extra intentionem rectam, perfectam, sublimem, deſecratamq; agendo, partim non cum eo, quo & parſuit, & fieri potuit conatu, ſeruore, induſtria, liberalitate in Deum ſtudioq; agendo. Infantia & primæ pueritiæ annos, in ſolidum perdidisti ſine fructu, reliquas ætates iam ſcilicet rationis compotes, maximam partem ita impendiſſe te reperiēs, vt rationis vſum accepiſſe ad hoc ſolum videri poſſis, vt peius, quàm ante rationis vſum. hoc eſt, cum peccato operari poſſes. Quod ſi etiam in prouectiorem, ac ſi ſuperis placet, in perfectiorem vitam tuam, intendere oculum conſiderationis placet: ibi quidem forſitan minùs vitæ in pernicioſa & criminofa opera impenſum reperiēs: tamen etiam inibi reperiēs, quod in Dei lumine, ipſemet reprehendas, erubeſcas, deſceas, vel in ipſismet bonis & perfectis tuis.

Conſidera ſeu meliorem conſcientiæ tuæ portionem ac reſeſſum, ſeu Cœleſtium depoſitorum veluti locum, in eoq; bona cum Diuinitatis indulgentiâ, omnes bonorum tuorum operum, omnes meritorum, omnes donorum, omnes gratiarum, õnes beatitu-

beatitudinum in futuro possidendarum, iam autē in præsenti merendo acq̃sitarum thesauros diligenter inspicere, pondera, dinumera. Vtinam non fallar, nec fallaris tu ipse, si non ibi omnia scrinia tuis opibus destinata conseruandis, vacua magis, quā nunc autumas, comperies: idq̃; ideo: quia bona tua, in oculis quidem tuis bona, at in oculis Diuinæ Maiestatis minimè bona. exiguè valdè bona, æternitatis præmio, vel prorsus nullo, vel admodum exiguo digna reputantur. Itaq̃; thesauri illi tui, thesauri sunt demeritorum magis, quā meritorum, aut si meritorum, paruorum certè atq̃; paucorum. Atq̃; vt exemplo res illustretur vel vñico. Sacerdos es, plurium, etiam annorum, diebus singulis Officiū Diuinum recitasti: hæc tot tanti officij recitationes, in scrinio beatitudinis depositas vide, recense. audes ne tibi ex mente conscientia tua polliceri, totidem eos à te inueniri conseruatas in cœlo, quot eos recitando decurristi in vita præsenti? putas ne tale earum ibi esse pretium, quale esse par foret, si diligentia recitandi tanto pretio apud DEVM ponderatorem dignas fecisset? Pari ratione expendas licet cætēra tua opera virtutum atq̃; perfectionum, vt sunt Missæ. Cōfessiones. communiones. examina. coronæ. mortificationes. labores &c. Expendas quoq̃; similiter opera, quæ naturā suā indifferentia sunt, & nō nisi ex modo motiuoq̃; agendi, pretium habent. Eheu quantis tu olim ventris & vacuitatibus impletos reperiēs thesauros tuos scriniaq̃; tua in cœlo, quæ nunc putas plenissima esse auro, argento, lapidibusq̃; pretiosis. Nimirum *Egestatem operatur manus remissa*, nimirum *maledictus qui facit operā Dei negligenter*. Vide itaq̃; vide o homo hac iam ætate declinante, ne, centum annorum licet, puer tamen moriaris, ne, qui modo tuā, aut etiam fortè alienā opinione Vir diuitiarum Cœlestium existimaris, in die immutationis tuæ nihil omnino,

*Prou. 10. 4.
Ier. 48. 10.*

6

1. Cor. 13. 12.

aut parum quidpiam inuenias in manibus tuis. *inuenies inquam ligna, ferrum, stipulas fuisse*, quæ tu in præfenti existimas aurum, argentum, lapides pretiosos, à te super ædificara & congregata fidei, vocationi, operationi; existisse.

Nunc igitur mi homo si sapias: ini consilium, fac deliberationem, fac & conclusionem, atq; præscribe vitæ tuæ subsecuturæ rationem, quâ hisce õnibus deceptionibus tuis occurras, & thesauros tuos reuera perfectis consummatissq; virtutum operib9 repleas. Vt cum Iudicis æterni districtio adueniat, cum iudex *Christus ventilabrum in manu suâ acceperit*, cum aræ suæ, vitæ scilicet tuæ perpurgationem & ventilationem inchoarit: nihil palearum, plenum autem granorum purgatissimorum, in vitâ tuâ se reperisse gaudeat, totumq; in horreum congreget & inferat.

Prouisio III.

Per nostræ cooperationis, quam Diuinæ Gratiæ atque Gloria summè debemus expletionem.

Considera quod omnia opera tua sint quidem tua: quia à te liberâ voluntate tuâ sunt, sint tamen etiam & quidem magis ac prius, opera & bona & dona ipsius DEI. tum quia ab eius gratia sumunt initium, à qua etiam prodeunt in actum ipsū cum tua voluntate, gratiæ cooperante: tum quia sunt DEI propria, vt potè cuius proprietates & possessio est, omnis ubiq; reperibilis bonitas: siquidē

Iac. 1. 17.

Omne datum optimum & omne donum perfectum desursum est descendens à Patre luminum. Cum ergo omnia tua bona opera DEI sint, & propter possessionem & propter operationem eorum ab ipso, juxta illud *Jsaïæ. Domine omnia opera nostra, operatus es nobis*, sequitur, hæc eadem omnia tua opera, de-

Iac. 26. 12.

here

7
Deut: 28. 4.
bere esse omni ex parte perfecta, & absolutæ boni-
tatis. Etenim *Dei perfecta sunt opera*. Quod si talia
non sunt, quæ tua sunt, sed inveniuntur imperfe-
cta & sordida, id necesse est à tua culpa provenire:
provenire autem in Dei iniuriam, & quidem non
lenem, imò nec vnam. Quod enim à Deo, quan-
tum ex parte illius, perfectissimè peragitur, & val-
dè bonum esse debet; hoc ex tua parte & culpâ,
quatenus negligenter & sordidè cooperaris Deo,
imperfectum inuenitur, & sordidum tanquam
pannus menstruatæ reputatur. Atq; ita impedi-
tur à te & per te Divina in tuis operibus bonitas &
perfectio, supponitur autem in eius locum tua im-
perfectio, remanetq; bonum Divinum, quantum
ex te, sordidum, vile & ingratum. Ex quo collige-
re debes, quanta tibi cura incumbat opera tua bo-
na, benè, imò optimè operandi, sciens & videns
eum modum, quo tu bona tua operaris, adiungi il-
li modo, quo Deus eadem tua opera bona tecum
operatur, & ita adiungi, vt non ex Divino, sed ex
tuo operandi modo, pretium omne, bonitas, per-
fectio, dignitasq; operibus imputetur. Quo fit, vt
si tuus operandi bona modus egregius excellensq;
sit, etiam Dei opus tale sit, taleq; ab ipsomet Deo
reputetur. Si autem tuus operandi modus sit mi-
ser, languidus, tepore & imperfectionibus scatens,
id quoq; totum Divino operi, ab ipsomet Deo im-
putetur. nihilq; profit ad meritum vel laudem o-
peris, illud à Deo perfectissimè factum esse. Quod
sitne Deo iniuriosum, tu ipse iudex esto.

Confidera ex omnibus operibus bonis tuis, Deo
deberi gloriam & quidem maximam, & planè om-
nem. Non ex illo solum capite, quia tu quidquid
agis, totum in Dei bonum, scilicet gloriam hono-
remq; & obsequium agere debes, quandoquidem
quantus quantus es, in substantia & entitate, in
partibus & potentijs, in efficientia & actionibus
operationibusq; totaliter Dei possessus es, proinde

vt qui agri, vel arboris Dominus est, is etiam omnium quæ ager & arbor germinat possessor est. Verum etiam ex illo iam proximo proposito capite: quia Deus omnia tua opera tecum operatur, operatur autem in suam ipsius gloriam, dicente ipso.

Isa: 48. II. *Propter me, propter me faciam.* Et quia Deus non potest gloriam suam quærere minorem, nisi quantâ ipse dignus est, inde fit, vt in omnibus suis operibus (etiam illis quæ tecum operatur, & in quibus tibi cooperatur) Deus, maximam atq; ad eam omnem gloriam intendat & quærat. Inde etiam consequenter fit, quod tu (idemq; sensus esse debet de omni creatura) in omni opere tuo tenearis intendere & quærere gloriam Dei, & quidem maximam, atque omnem. fit quoq; inde, quod modus tuus operum operandi (Diuinæ præsertim cooperationi sociatus, ad Deiq; gloriam institutus) is esse debeat, qui & cooperationem Diuinam non dedecet neq; dedecoret, & gloriam Deo non tantum qualem qualem, sed maximam, sed omnino omnem quantum ex se proferat & producat. Hoc verò non tantum in grauissimis aliquibus, quæ à te sunt operibus seruandum venit, sed in omnibus omnino singulisq; operibus tuis, etiam minutulis, & specie sua abiectissimis (coram Deo enim nihil est abiectum, excepto solo peccato, siquidem Deus omnium est Author & Pater atq; fons) procurandum est, quoniam etiam talium operum, nihil non ad gloriam Dei maximam, & omnem faciendum est. Quod si ita se habet, vt omnino habet, iam hinc videre euidenter potes, cum quàm accurata contentione, cum quàm liberali conatu omnia opera tua facere, quantâ vigilantia omnem imperfectionem, imperfectionisq; umbram ab omnibus tuis operibus & operationibus submouere debeas. quãdoquidem quantum addes de perfectione operandi, tantum addes de gloriæ Diuinæ summitate, quantum verò admiscebis de imperfectione, imò
verò,

verò, si quid admiscebis de umbra imperfectionis inoperando & in opere, fortè quidem parum aliqui gloriæ Divinæ serviēs, aut addes, infinitum autem erit illud quod detrahes: quoniam Divina gloriæ illa maxima, illa omnis est, quæ infinita est.

Quod an sine iniuria Dei esse possit, tibi iudicandum sume. Cùm verò rectè & sobriè iudicaveris, retorque oculos mentis tuæ ad præteritos vitæ tuæ annos, & ad opera eorum, & ad operationis modos. Et non obtrude tibi nunc peccaminosa opera: sed ipsa bona tua, ipsa obsequij Divini opera tua expende, & ex supra dictis eorum qualitatem recognosce: nimirum ex tot (& fac esse quàm plurima) quàm multa sint indigna & iniuriosa Deo gloriæq; ipsius; quàm verò pauca, si tamen vel pauca sint, Deo condignè digna, Deo condignè gloriosa? Post hæc verò eosdem mentis oculos dirige ad sequentes residuosq; vitæ tuæ annos: & tecum ipse deliberationem conclusionemque facito, an tibi deinceps, juxta præteritæ vitæ normam operandum Deoq; serviendum sit? an omnem omnino aliam, novam, per omnia perfectiorem perfectissimamq; operandi rationem, Deo condignam, Dei gloriæ maximæ, omnisq; fecundam, ineundam, tenendam, exercendamq; in omnibus & singulis operibus & operationibus, in omnibus & singulis residuæ vitæ particulis? quoniam residuæ sunt tantum, hoc est, quoniam exiguæ, breves, evolantesq; sunt, neq; aliarum præter hos siue post has, vlla spes, vlla expectatio est.

Prouisio IV.

Per adæquationem (quantum fas) liberalitatis CHRISTI in nos merita sua influentis.

1. *Thes.* 4. 3.2. *Petri.* 1. 10.2. *Pet.* 3. 14.*Rom.* 6. 15.

Considera obligationem curamq; tibi hanc incumam, maximam, totamq; incumbere, ut alius fias, æternamq; beatitudinem, post hanc vitam consequaris. Hæc est enim voluntas Dei, sanctificatio vestra ait Apostolus. Ad huius salutis consecutionem Deus te vult peruenire per tua ipsius opera meritoria vitamq; æternæ digna. Satagite, ait per Apostolum, ut per bona opera certam vestram vocationem & electionem faciatis. & iterum Satagite immaculati & inuolati inueniri Deo in pace. Opera vitæ æternæ meritoria tibi nulla esse possunt, nisi facta à te fuerint, & ex gratia Dei. Ex gratia quidem tanquam auxilio Diuino supernaturali, quo hominem Deus excitat ad bonum operandum, adiuuat ut operetur, & cum operatur, deniq; subsequitur postquam operatus est. Iuxta illam Ecclesiæ orationem. Tua nos quæsumus Domine Gratia semper præueniat, comitetur & sequatur. Itemq; illam. Actiones nostras quæsumus Domine aspirando præueni & adiuuando prosequere, ut cuncta nostra oratio & operatio, à te semper incipiat, & per te cæpta finiatur. Per Christum Dominum nostrum. In gratia verò, nimirum in amicitia Dei & consortio illius naturæ, atq; filiationis adoptiue, quæ quidem est vita animæ, à qua sola habet, ut opera vitæ, opera meritoria facere possit. Inde illud Apostoli. Gratia Dei, vita æterna, & quidem in Christo Iesv Domino nostro. ut ibidem addit Apostolus. addit autem ideò: quia neq; auxilians, siue actualis, neq; sanctificans siue habitualis gratia haberi potest à nobis nisi per Christum, nisi inquam per merita & ex meritis Iesv Christi: de quo infra. Igitur hic est ordo salutis humanæ, & hi passus ad illam. Saluari debemus, non possumus autem sine operibus & meritis (loquendo de adultis) Merita salutis habere non possumus sine gratia Dei, gratia nobis non datur, nisi ex meritis Christi. Christi merita nobis non suffragantur, nisi credamus.

credamus in Christum. iuxta illud. Quotquot receperunt eum (scilicet Christum credendo in ipsum) dedit eis potestatem filios Dei fieri. Et, de plenitudine eius accepimus nos omnes, & gratiam pro gratia, quia lex per Moysen data est, Gratia & veritas per IESUM Christum facta est. Quocirca vniuersa structura salutis nostrae aeternae super fidem in Christum aedificata consistit. super fidem dico illam, quae per dilectionem operatur, ut ait Apostolus. de qua re idem alibi sic loquitur. Ut sapiens architectus posui fundamentum: alius autem superaedificat, vnusquisq; autem videat quomodo superaedificet. Fundamentum enim aliud nemo potest ponere, praeter id quod positum est, quod est Christus IESVS.

Confidera ex praedictis indigentiam tuam, quam Christo Domino opus habes. Indulgentiam Christi, quam ille sese tibi profusissime indulget. Obligationem tuam, quam tu Christo vicissim obligatus remanes. Indigentia tua, quam Christo, eiusq; meritum indigus es, tanta est, quanta & ipsa salutis aeternae. eam enim sine Christo (ut visum supra) nullatenus assequi potes, sed omne tuum opus, si vitae aeternae meritum esse vis, necessario debes ex Christo & ex eius meritis desumere, dignificare, viuificare. aliam omnino inutile & indigum erit aeternae vitae. Declarauit hanc ueritatem atq; indigentiam simul nostram ipse Dominus praeclara similitudine. Manete in me, & ego in uobis, sicut palmes non potest ferre fructum a semetipso, nisi manserit in vite, sic nec vos, nisi in me manseritis. Ego sum uitis, vos palmites, qui manet in me & ego in eo, hic fert fructum multum: quia sine me nihil potestis facere. Si quis in me non manserit, mittetur foras sicut palme, & arefcet, & colligent eum, & in ignem mittent, & ardet. Nihil expressius ad nostram sine Christo insufficientiam declarandam dici potuit. iam quoad Christi, quam sese ti-

bi &

11

Ioan: 1. 12.

Ibid: 6. 16.

Gal: 5. 6.

1. Cor: 3. 10.

Ioan: 15. 4.

2. Cor: 3. 5.

Philip. 2. 13;

bi & omnibus quantum ex ipso est, profundit Indulgentiam: ea quidem tanta est, ut maior nec desiderari, nec cogitari possit. Nam & ad omne prorsus meritum salutis æternæ tuum opus sua tibi merita suppeditat, & non ad opus tantum, verum etiam ad ipsam voluntatem, quia & ad ipsam primam cogitationem operis. Luculenter dicente Christo: quia (inquit) sine me nihil potestis facere, proinde neq; velle, neq; cogitare, quoniam & hoc est aliquid facere. Cui consonat eius Apostolus cum ait. Non sumus sufficientes cogitare, aliquid (salutare) à nobis, quasi ex nobis, sed sufficientia nostra ex Deo est. Et alio loco idem loquitur. Deus est enim qui operatur in vobis & velle & perficere pro bona voluntate. Hanc porro profusionem meritorum suorum in nos exerceret Dominus omni prorsus momento, partim conservando nos in gratia & vnione secum, partim assistendo vultui Dei Patris pro nobis, & intuitu meritorum suorum, omnes & singulas gratias, omniaq; auxilia, ad bonum siue cogitandum, siue volendum, siue inchoandum, siue operandum, siue perficiendum, nobis obtinendo, impetrando, exigendo, tanquam mercedem suam, sibiq; à Patre cœlesti debitam in nostrum utiq; bonum salutis. Quocirca nullum est assignare momentum in nostra vita, quo Dominus Iesus meritis suis non obtineat nobis quantum in ipso est Gratiæ salutariter operandi à Patre æterno. Nullum etiam licet assignare opus nostrum bonum, in quod non influat, imò præinfluat meritis suis Christus. quemadmodum nullum est momentum, in quo vitis in palmites (in se manentes & non recisos) non influat virtutem, vigorem, efficaciam, vitam, profectum; nec influat solum, sed etiam præinfluat, ex se habens præbensq; principium influendi, non ex palmitate. Est autem ista profusissima Christi in nos indulgentia non tantum inde, quia est ipsi naturalis, propter

propter nimiam eius in nos dilectionem & charitatem, quæ illi naturaliter infusa est, sicut Deo erga creaturas, sicut Patri erga filios, sicut capiti erga membra, sicut viti erga palmites: sed etiam quia est ipsi acquisita & emptæ, & quidem non auro, neq; argento, neq; corruptibilibus pretijs, sed pretioso sanguine suo proprio, quo profuso, & meruit & emit tibi à Patre hanc mercedem, hocq; officium, vt in nos, tanquam in membra sua, influeret efficaciam meritorum suorum, vtq; mercedis loco sibi debita à Patre daretur nobis omnis gratia ad salutem operandam necessaria. Quocirca omnis Dei gratia, quæ nobis datur, merces est laborum & passionum mortisq; Christi, & cui gratia aliqua datur, pretium sanguinis & merces laboris atq; mortis Christi datur. & qui gratiam Dei quam bene vitur, per eamq; ad salutem proficit, ex merito Christi proficit, mercedem Christi adauget; qui verò gratiam Dei abijcit, aut non iuxta eius gradum operatur, mercedem Christi abijcit atq; euacuat. Maximam quidem cum Christi offensa: quia & cum maxima eiusdem iniuria, cum maxima eiusdem contristatione, cum maxima eiusdem inhonoratione, cum maxima erga bonitatem, charitatem, liberalitatem eius ingratitude, cuius enormitas patet ex obligatione. Ex tanta enim nostra, quæ Christi meritis indigemus indigentia, & ex tanta eiusdem Christi, qua ille nobis merita sua profundit indulgentia, non potest non consurgere in nobis immanis quædam & nullatenus persolubilis à nobis ad Christum obligatio. Obligatio dico gratitudinis & gratiarum actionis, tanto, ratiq; profuso, & tam nulla nostra vilitate & indignitate, insuperq; etiam ingratitude vincibili & arctabili in negotio tanti momenti, quanti est nostra æterna salus largitori. Quæ gratitudo, etsi potest fieri & exhiberi Christo Domino per intimas cordium nostrorum gratiarum actorias affectiones, etsi po-

& si potest etiam exhiberi deuotissimis orationibus & confessionibus, & laudationibus. et si fieri potest insuper etiam aliquibus in Christi laudem atq; gratiarum actionem operationibus. Nullum tamen est genus gratiarum actionis in presenti negotio, seu Christo desiderabilius atq; honorificentius consequenterq; gratius & acceptius, seu nobis vtilius, atq; ad gratiam meritaq; Christi in nos amplius deriuanda accommodatius; quàm ipsismet gratijs ac meritis Christi diligētissimè, accuratissimè, deuotissimè in operatione salutis perfectionisq; nostræ vt, vt autem ad eorum efficaciam adæquatissimè:

Hæc est enim vnica & pretiosa Christi glorificatio, hæc mercedis laboribus meritisq; eius debita augmentatio, hæc efficaciarum meritorum eius vltima completio atq; consummatio. Quo quidem Christo gratius esse nihil posse, res ipsa quia loquitur per se, vltiori exaggeratione non eget.

At cum hæc ita sint, tibi quidem o homo iam incumbit ista cognoscenti & consideranti, primum quidem inspicere elapsam vitam tuam, atq; quantum per omnem illam in Christi profusissimam hanc super te liberalitatem & indulgentiam peccatum abs te sit tandem aduertere, æstimare, redarguere, deslere, punire & expiare. Deinde verò etiam atq; etiam acerrimam mentis contentione, tum cognoscere, tum decernere, qualem te esse in hac declinui & ad occasum vergente vitæ tuæ, deinceps oporteat, quàm profuso & circumspecto sinu cordis profusissimam adeò Christi Domini largitatem, non tantum excipere, sed etiam etiamque prouocare. Id quidem præstabis ad mentem planè Christi Domini, si nullam gratiam DEI ex meritis eius tibi indultam in vacuum acceperis. Si nullam non auidissimo animi studio occupaueris; si nullam non plenissimo cooperationis conatu exæquare contenderis. si deniq; per nulla residui tibi

tibi temporis momenta ad gratias actuales, iuxta
& habituales, temet amplius ampliùsq; disponere
earumq; capaciore te reddere iuxta earum men-
suram obsequio Divino æternæq; vitæ congruis
operationibus te fatigare, te saginare, te explere
in gloriam maximam Deî, in mercedem me-
ritorum Christi superabundantissi-
mam destiteris.

Prouisio V.

*Per Imitationem & Supergressionem Ele-
ctorum DEI.*

CONsidera vocatum te esse à Deo ad æmulatio-
nem imitationem supergressionemq; Sancto-
rum Dei in obsequio eius. Et Sanctorum quidem
si non omnium, plurimorum certè, tam ex Ange-
lorum, quàm ex hominum ordinibus. Id hoc ita
esse, potes ex eo conuinci; quia Dominus Deus fami-
liare habet, nos ad amorem, cultum obsequi-
umq; prouocare, propositis exemplis Sanctorum
suorum. quod non ob aliud facit, nisi vt nos eo-
rum conuersationem intuentes, imitemur & emu-
lemur fidem atq; fidelitatem ipsorum cum Deo.
Hoc sensu Dominus dicit per Prophetam filijs Isra-
el: Attendite ad Abracham Patrem vestrum: &
ad Saram, quæ peperit vos. Non solum autem De-
us homines vocat, vt per imitationem Sanctorum
eius eidem dignè famulentur, securamq; viam &
Sanctorum vestigijs tritam incedant, verum etiã
vt eosdem in via Dei supergrediantur, superareq;
connitantur, Hoc enim nisi fieri Deus vellet, ac
nisi fieri posset: de factoq; fieret: nequaquam no-
bis proponet in Euangelio suo negotiantes suos
seruos, lucrantes alios quidem decem mnas, alios
autem quinque, esto singulas tantum mnas, alios
autem

isa: 512

- autem quinq; , esto singulas tantum conat à Domino ad negotiandum accepissent. Nō etiam pro-
 1. Cor. 15. 10. fiteretur de seipso Paulus. Plus omnibus laboraui
 & iterum Ministri Christi sunt [vt minus sapiens
 2. Cor. 11. 23. dico] plus ego. Et rursum. Nihil enim minus fui
 ab ijs, qui sunt supra modum Apostoli. tamen si ni-
 2. Cor. 12. 11. hil sum. Ad hoc etiam facit, quod sicut differt stel-
 la à stella in claritate, sic & resurrectio mortuorum
 1. Cor. 15. 41. Sanctorum in sanctitate. Adde quod non aliam
 ob causam Dominus voluit Sanctorum catus, in-
 Religiosis præsertim Ordinibus, in vnum institu-
 tum, professionem, domicilium cogi, nisi vt amu-
 latione imitationeq; mutuâ à se inuicem prouocâ-
 tes, vnusq; alterum supergredi in obsequij Diuini
 ardore & cursu contententes, seruiant Deo, alius
 quidem sic, alius autem sic, iuxta mensuram gra-
 tiæ sibi cælitus indultæ, quæ non est vna ac eadē,
 Psal. 88. 6. sed omninō diuersa valdē: juxta quam serui Dei
 ascensiones disponunt in corde suo, donec vide-
 ant Deum in Sion, & multi consummati in breui
 Sap. 4. 13. expleant tempora multa. Neq; enim alligatum est
 Domini Verbum, neq; virtus, neq; gratia, sed di-
 uidit singulis prout vult: percipitq; ex terra sua
 bona, à se seminatâ, fructum trigesimum, sexagesi-
 mum, centesimum, secundum multiformem gra-
 tiam suam.

Age iam ô homo à Deo in terra Sanctorum po-
 site & plantate, ad ordinem catusq; Sanctorum
 de terra Babylonis translate. computa annos vo-
 cationis conuersionisq; tuæ, numera dies conuer-
 sationis tuæ cum Dei sanctis, & his qui in cælo,
 & his qui in terra sunt eius. Obi omnes Sancto-
 rum ordines, omnesq; etiam in particulari Sanctos
 in cælo, ecquem vnum ex his reperies, cuius imi-
 tator sedulus exstiteris; quem in sanctitate, &
 meritis æmulatus, quem prætergressus sis? Quem
 Apostolum in zelo & charitate æquasti, quem Pa-
 triarcham in spe, quem Prophetam in spe timo-
 reque

reſq; Dei, quem Martyrem in fortitudine & con-
 ſtantia, quem confeſſorem in deuotione, oratione,
 mortificatione, vigilijs, victoriâ de dæmonibus,
 vigore & aſſiduitate pœnitentiæ, quem aut quam
 Virginem caſtitate, continentiaq; vel aſſecutus
 vel prætergreſſus es! O quantum chaos inter te &
 Sanctorum quemlibet! Reuoca etiam in memoriâ
 viuentes homines perfectos atq; ſanctos, quos no-
 ſti quibus cum viuis, aut vixiſti, & confer tuas
 virtutes cum illorum virtutibus, labores cum la-
 boribus, aſteritatem in ſeipſos illorum cum tuâ:
 noſti illius perſonæ ad omnes humilitatem, illius
 manſuetudinem, illius ſimplicem & innocuum cā-
 dorem, illius verborum parcitatem & in loquendo
 cautela cultumq; ſilentij, illius in agendo feruo-
 rem, illius in minimis regulis obſeruandis, in mi-
 nimis perfectionibus conſectandis, in minimis la-
 beculis imperfectionibusq; euitandis & caſtigandis
 ſedulitatem? Quàm ille punctualis in obedientia,
 quàm ille a rebus creatis, affectu, & re ipſâ ſpolia-
 tiſſimus? quàm ille ad omnia placita Diuina & ma-
 iorū ſuorum reſignatus paratusque? ille verò quā-
 ius in fraternæ charitatis cura? quàm portat alie-
 na onera? quàm ſupplet ab alijs prætermiſſa? quā
 irasci neſcius? & vlcisſci? quàm laedit neminem,
 quàm vincit in bono malum? quàm nulli inuidet?
 quàm ex animo compatitur & ſuſtinet ſubleuatq;
 infirmos? Ille verò quàm in Orationem & Deuo-
 tionem profuſus? quàm in orando, contemplan-
 do, cum Deo agendo inſatigabilis ſimulq; Maie-
 ſtatis Diuinæ reuerentiſſimus? quàm in omnibus
 & ſubditus Deo, & in eius Prouidentiam ſecuriſ-
 ſimè proiecſtus? Quàm ſapè quàmq; multorum
 tu pœnitentium tuorum admittatus es, virtutem,
 conſuſusq; es de tanta animi puritate, innocentia,
 diligentia, placendi Deo curâ, inter licet negotia
 mundana, minimè tamen mundanas mentes? quo-
 ties ab eorum lumine ipſe illuminatus? ab eorum
 B quæſitis

quæ sit ipse instructus? ab eorum feruore ipse inflammatus? ab eorum deniq; feruore ipse prægressus & superatus es? Nonne & hic magnū chaos inter te & istos, inter horum & tuas virtutes? inter horum & tuam perfectionem? Et tamen tu peritatem perq; opinionem, Magister in Israel videris, & videris esse? Qui tibi pudor erit, putas in Iudicij die, quando tuam ignauiam, tam multi multorum ferient oculi, dicentes. Ecce homo & opera eius? En quā curauimus, quāmq; impositum est nobis, putantibus summam in isto fuisse perfectionem, summum perfectionis studium, summā cum Christi virtutibus similitudinem, summam cum Deo vñionem. Ecce autem ille, quā in imis serpfit, quantā pigritiā tepuit? O medice, quare te non ipsum curasti? O magister, qui alios docuisti, cur te ipsum non docuisti? Dux aliorum, quare ipse non peruenisti? Inflammator aliorum, cur ipse tepore ob torpuisti? Quis tibi pudor? quæ latebræ, quæ excusationes tunc suffragabuntur?

Ergo inueterate dierum tepidorum & ignauiz consecratorum, vel nunc in effluentibus istis vitæ annis te respice, & saltē fac, vt eos assequare, quos longissimè præire atq; post te relinquere & putabaris, & potuisti & debuisti, inter tanta, inter tot auxilia Diuina, Sanctorum exempla, status tui media annorumq; curricula. Quibus omnibus, si adusq; hæctenus non ex æquo debitoq; respondisti, in hoc quidem vitæ residuo, non tantum respondere, uerū etiam præteritas iacturas compensare, nec tantum compensare, sed etiam superare, toto animi conatu, elabora.

Prouisio VI.

Per Imitationem Pretiosissima DEI Matris quā perfectissimam.

Considera

Considera vocationem quoq; tuam & fuisse & adhuc esse, vt Pretiosissimam DEI tuamque Parentem quantum mortali fas esset, id est, quàm maximè & quàm perfectissimè imitaretis. Sicut enim ad hoc DEUS rerum conditor sapientissimus iuxta ac providentissimus, solem in alto loco posuit, quem luminosissimum & in omnia inferiora beneficentissimum esse voluit, vt omnium in eum oculi intenderent, ex eo virtutes omnes haurirent, ita idem Dominus Gratia dator profusissimus Pretiosissimam suam Matrem, sole hoc visibili longè illustriorem, quippè suæ perfectionis atq; dignitatis & Maiestatis sole vestitam, in altissimo præclarissimoq; Regni sui cœlestis loco & statu collocauit: vt ad eam omnium seruorum suorum oculi, mentes, corda conuerterentur subleuarenturq; & ab eius efficacissima beneficentia, omnes, omnem plenitudinem bonorum, hoc est, maximam cum eam similitudinem morum, veluti molles ceræ à sigilio, veluti inicta specula ab opposita specie exciperent, eaq; in suo beato Regno præfulgerent.

Et tuæ igitur partes fuerunt, operam omnem dare, vt totus fieres mulieri huic sole amicæ, soli; iustitiæ amicissimæ, quàm similimus, quàm vicinissimus, quàm familiarissimus. Tuæ partes fuerunt, operam omnem dare, vt totus in Mariam transires, totus in affectum erga Mariam migrares, totus Mariæ laudes spirares, rotus Mariæ honor esses, honoresq; ubiq; plantares, totus Mariæ peculium, patrimonium, possessio, hæreditas, hæreditatisq; proventus fieres, perinde uti etiam hæc omnia, infinitiesq; plura & maiora tibi est Maria, tibi sunt in Maria, tibi sunt per Mariam, sunt tibi propter Mariam.

Considera enim Amorem Mariæ erga te. qui tantus est, vt & si tu vilissimus, peccaminosissimus ingratusq; sis, & causa autorq; passionis vni-
geniti eius, ipsa nihilominus, & amauerit te, dede-

vitq; Filium suum in mortem crucis pro te. & amet te, vt etiam peccatis ipse tuis trahatur ad amandū te miserendumq; tui. Memor & gnara vnigenitum quoq; suum miserabilitate peccatorum tuorum in visceribus misericordiæ suæ fuisse commotum ad amandum te vitamq; suam pretiosam ponendum

Jer: 31. 3. pro te, quod ipse fatetur Prophetæ dicenti. *Longe Dominus apparuit mihi.* Cui respondet. *Et in charitate perpetuā dilexi te, & attraxi te miserans.* Quod

Ezech: 16. 6.

ipsum fufius enarrat de seipso apud alium Prophetam, in cætera dicens Animæ cuiuslibet peccatrici. *Transiens per te, vidi te conculcari in sanguine tuo; & dixi tibi cum esses in sanguine tuo, viue. dixi inquam tibi, in sanguine tuo viue.* In hunc ergo modum Mater imitatur filij sui charitatem, & amauit & amare pergit te, quamuis reuera indignissimum elicientibus eius in te charitatem, tum Filij sui labore pro te, tum miseriam peccatorum tuorum, quæ hæret in te. Est enim Maria æmulatrix Samaritani illius veri, & illius exemplo miseretur saucium, spoliatū, semiuuium, & ab omnibus derelictum te. Hic porro amor Mariæ nequaquam sterilis fuit aut est in te, sed profusus est profunditurq; in omnia momenta, per liberalissimam beneficentiam super te. Infinitum esset recensere omnia beneficia eius. Vñ recole beneficium Vocationis Religiosæ, quo vtq; illa te ornauit & ditauit, haustum de thesauris Diuinæ Prædestinationis & prouidentiae circa te. Quanta sint in uocationis Religiosæ beneficio bona, nulli hoc tibi calami describere, nulli discursus explicare tam præclare possunt, quàm tua ipsius tor annorum experientia. Vide & numera, quot malorum generibus, speciebus simulq; myriadibus expeditus es per uocationem Religiosam? vide item & numera, quot bonorum generibus, speciebus simulq; myriadibus per eandem ditatus, vallatus es iam nunc, & adhuc vallandus dum viues, maximè verò dum beatam æternitatem posside

dere

derere incipies? Atqui omnes hæc myriades, Mariana imprimis post Deum beneficia sunt & erunt. Et quomodo respondisti, quomodo respondes, quomodo non minor, ac planè minimus minutulusq; es, in tua erga ipsam gratitudine?

Confidera etiam (ut saltem obiter attingam, minime licet obiter considerandas) Mariæ virtutes. Mariæ gratias. Mariæ dignitates. Mariæ officia. Mariæ honores. Mariæ potestates. Mariæ merita & apud Deum, & apud omnem creaturam, quibus solo tantum Deo Filio suo inferior est. omnem autem & inferiorem & superiorem mundum immensè excedit. Ad quæ condignè æstimanda, Dei Filij solius & sola mens quæ contulit capax est. cæteræ creaturæ omnes, & singulæ, tam ad æstimandum impares sunt, quàm ad exæquandum insufficientes. Atq; his tu omnibus, quantum tibi fas consideratis æstimatesq; intellige quænam fuerint tuæ partes ad Mariam diligendam, æstimandam, colendam, prædicandam, imitandam? Quàm parum ac planè nihil effecisses, etiamsi tota vita tua aliud omnino nihil egisses, nisi quod te officio tuo obligationiq; erga Mariam, omni possibili tibi conatu, studio, seruire incessabiliter impendisses! Cū verò conscius tibi sis, te planè hoc in officij erga illam genere negligentem atq; perfunctorium fuisse, iam cogita & conclude, quàm ingratus, quàm iniurius, quàm morosus erga tantæ Eminentiæ personam, quantæ Maria Dei Mater est, exstiteris? Accedit ad ista omnia, quod hæc Dei Pretiosissima Dignissimaq; Parens, tua facta sit, ex tua quidem voluntate atq; electione (nam alios fontes nunc prætereo) facta sit inquam tua Domina & hera, tu verò eius mancipium: tua Mater, tu verò eius Filius, tua Hæres, tu verò eius possessio & Hæreditas, tua vicissim possessio atque Hæreditas, tu verò eius hæres. tua Sponsa, tu verò eiusdem sponsus, charitate mutua illi desponsatus. Ex quibus o-

mnibus tuis cum DEI Matre connexionibus, maxima ac prope modum infinita tibi confurgit obligatio, immò obligationum seges, quibus omnibus ad amorem, exaltationem, appretiationem, venerationem, semper semperq; maiorem, atq; nulla efficacitate exhaustibilem, huic tuæ Dominæ, tuæ Matri, tuæ Hæredi, tuæ Hæreditati, tuæ Sponsæ, obnoxius es & eris.

J nunc & vide quomodo hætenus Mancipij Filij, Hæreditatis, Hæredis, Sponsi Mariani partes expleveris, & quia sine dubio multam sterilitatem, ignauiam tuam deprehendis. nunc ergo saltem hoc quodecunq; residuum est annorum & vitæ, hisce partibus quàm plenissimè explendis impende: sciens tantum te placiturum Deo, quantum placebis DEI Matri. sciens etiam tantum te accessurum ad DEUM, in gloria; quantum accedes ad Mariam in Amore & gratia; sciens contra, tantum delecturum apud Deum in meritò, quantum deficies erga Mariam in deuoto obsequio.

Prouisio VII.

*Per Imitationem & fruitionem Domini
Nostri IESU Christi Crucifixi.*

C onsidera vocationem etiam tuam esse, fuisse semperq; fore, ut Christum IESUM Dominum tuum imiteris. Non enim ille de cælis ac sinu Aeterni Patris in terras descendit carnemq; nostram induit, ideò solùm; vt nos sanguine suo redimeret, aut vt nobis legem vitæ & disciplinæ præscriberet, aut vt Rex noster etiam secundum hominem fieret aut vt nobis Patrem reconciliaret, cælos aperiret, peccata condonaret; verùm etiam ideò; vt nobis seipsum, vitamq; suam & mores suos, actusq; omnes, in exemplum; in speculum, in regulam, in amissim exhiberet. Cui nos veluti regulæ exemplariq;

plariq; consummatissimo inhaerentes, indubitatè sancti, recti, iusti, perfecti, vitæ æternæ idonei coram iudice Deo Patre inuenioremur, inueniriq; vitæ æternæ hereditate donaremur ex gratia quidem Dei Patris, ex meritis autem ipsius Christi, & ex bonis operibus nostris in Christo, & ad exemplar operum Christi factis. Hinc est illud toties repetitum à Christo Domino. *Sequere me. Discite à me. Exemplum dedi vobis. Venite ad me omnes. tollite iugum meum super vos. Non est seruus maior Domino suo. Ego sum via, veritas & vita. Ego sum pastor bonus: pastor ante oves vadit, & oves eum sequuntur: quia sciunt vocem eius. Qui non sequitur me, non potest meus esse discipulus. Non est me dignus.* Quibus omnibus suis dictis, Dominus, & necessitatem & obligationem declarat, quæ nobis incumbit, vt eū in moribus virtutibusq; eius imitemur. Cum verò hoc ad omnes homines, præsertim qui in Baptismo Christum induerunt pertineat. speciali tamē ratione, hoc opus eorum est, qui Christi Domini etiam consilia amplexi, simul etiam obligationem plenæ & perfectæ Christi imitationis in sese receperunt atq; induerunt. Tales autem Religiosi omnes sunt. De quorum numero cum & tu miseratione Diuinâ existas, nihil tibi suffragatur, quo Christi imitationis obligationem recusare possis.

Considera autem mores, opera & virtutes Christi Domini triplici modo, seu sine nobis proponi & à nobis cognosci posse (quod idem etiam de Sanctorum virtutibus dici potest.) Primus est idcirco cognoscere virtutes moresq; Christi, vt virtutum naturā, species, partes, gradus, dignitas, perfectio agnoscat. Secundus est, vt ob virtutes & earum opera, excellentiam, exemplaq; Christus laudetur. Tertius. Vt agnitæ in Christi operibus exemplisq; virtutes, à nobis imitatione sedulā, suppariq; ex desiderio Christi similitudinis atq; perfectionis & gratiæ effingantur in nobis, & in vita, moribus, o-

peribulq; nostris. Primus modus & finis, non est ille quidem malus, magis tamen est Philosophicus, quàm Christianus, si ulterius non procedat, quin potest esse aliquando meræ curiositatis. Secundus finis atq; modus, est quidem ille bonus cum Christum, & eius virtutes laudare, bonum procul dubio sit, parum tamen utilitatis ex eo percipit laudator, qui si non ultra se porrigat Politicum magis, quàm Christianum redolebit. Tertius deniq; Modus ac finis optimus, & ex mente Christi est, propriusq; Christianorum Religiosorum, perfectorum, & tum salutem, tum perfectionem completam continens atq; conferens suo exercitatori. *Sicut enim discipulus non est supra Magistrum: sic sufficit illi si sit sicut Magister eius.* Ille ergo tertius modus, circa Christi Domini virtutes, ab omnibus veris Christianis, Religiosis Perfectisq; curandus, exercendus, & toto mentis conatu laboreq; perficiendus est, ac in eius perfectionem consummatam, totius vitæ nostræ cursus indefinenter impendendus est. Alioqui quidquid agitur à nobis aliud, si non per viam vitæ virtutumq; Christi curritur, totum frustra est & ludificatio est: sicut frustra cucurrit, quisquis quanquam contentissimè, sed non ad metam cucurrit. Christus autem noster, est via in exemplo, sicuti veritas est in verbo, & est vita in præmio.

Confidera insuper, quid in Christo imitandum sit, quænam scilicet opera & quæ virtutes. Neque enim omnia quæ in Christo Domino sunt ad imitationem nostram, hac præsertim in vita, assumenda sunt. Quædam enim sunt inimitabilia, ut sunt Divinæ potestatis miraculosa opera, quæ imitari præsumere, & superbi, & insani sit. neq; hæc Dominus nobis proposuit in se imitanda. Et quanquã dedit servis suis aliquando potestatem ejiciendi dæmonia & super omnem virtutem inimici, infirmosq; curandi & similia patrandi; docuit tamen illos,

illos, quomodo se in talium patratione gererent,
dicens. *Nolite gaudere in hoc, quod demonia subji-*
ciuntur vobis, sed in hoc gaudete, quia nomina vestra scri-
pta sunt in cælo. Et cum aliquando dixisset illis. *Di-*
scite à me: non adiecit. Mundum fabricare, morbi-
dos curare, demonia eijcere, mirabilia facere sed ad-
didit: quia mitis sum & humilis corde. Atque hæc
sunt alia opera Christi imitabilia & imitanda quã
studiosissimè, opera nimirum humilitatis, mode-
stie mansuetudinis, patientie, obedientie, castita-
tis, paupertatis, mundi & sui contemptus atq; ab-
negationis, observationis mandatorum, condona-
tionis iniuriarum, DEI & proximi dilectionis.
Hæc sunt quæ in Christo securè imitatur, hæc
sunt, per quæ, ad interiora IESU ingredimur, per
quæ æmulamur charismata meliora, cum scilicet
pauperem, nudum, contemptum, stultificatum,
patientem, laborantem, egentem, passum, crucifi-
xum, Patri per omnia subditum, propter obedi-
entiam & reuerentiam Patris eidem supplicem, atq;
formam serui, indutum insuperq; exinanitum, a-
more honoris Paterni & salutis nostræ mortuum.
cum inquam talem Christum amamus, ac in ipsis
nobis effingimus, in eumq; talem propter nos fa-
ctum, vicissim propter illum transformamur, tunc
transcendimus forinseca IESU, & vt dixi interio-
rum eius participes reddimur, ipsumq; Christum
proprijssimè induimus.

Hiscè consideratis, tu te ipsum iam respice, &
quantum sit chaos inter te & Christum, inter vir-
tutes tuas & virtutes Christi, inter mores tuos &
mores Christi, inter interiora tua & interiora Chri-
sti animaduerte, attende quod hæc de Imitatione
Christi lingua, si apud te ignotum sonet ac si quod-
piam de noui orbis idiomatibus audires. & tamen
hæc sunt exordia atq; prima elementa sermonum
doctrinarumq; Christi dicentis accedentibus ad se.
Sequere me &c. Ergo tu per tot decedes annorum

Christi discipulus tantum in schola imitationis eius profecisti, quantum profecisse te vnius diei, aut horæ discipulum, erubescere quàm maximè opus esset. Nec dum triennio discipuli Christi apud ipsū perdurarent, & tamen Dominus exprobrat illis. *Ahuc & vos sine intellectu estis?* & alibi etiam grauius. *O generatio incredula & peruersa, quousq; ero vobiscum? & quequo patiar vos?* tu tot annorum decadihus ad Christi latus hærens, celestibus eius doctrinis exemplisq; operum saginatus, & nihilominus adeo morum Christi rudis, adeo ab eius imitatione nudus, quid quæso tu reprehensionis exprobrationisq; audies? quid castigationis supplicijq; referes? Arbor trienio in horto sine fructu tolerata, excindi nec terrā occupare frustra iubetur; alia ficulnea fructibus cassa, licet non esset tempus ficorum, tamen maledicitur à Domino, & æterna sterilitate plectitur. Quid te putas manet non trium sed triginta trium & eo amplius annorum Religiosum, in fertilissimo, si quis alius, Ecclesiæ Christi agro, infructuosum?

Matt. 17. 16.

Mar. 11. 18

Age igitur, te, resq; tuas tandem circumspece, & seriam rationem ini atq; institue, quā ad exactissimam Christi in moribus virtutibq; similitudinem studiosissimā & resolutissimā imprecatione pertingere elaboras. Et licet quantumcunq; te deieceris humilior Christo non eris: quantumq; te nudaueris, pauper maior Christo, non eris, quantumcunq; toleraueris, patientior Christo non eris, nihilominus quàm maximam similitudinem vicinitatemq; desidera, procura, elabora. Nulla sit dies, nulla hora, nullum quoad fas momentum, nulla ætio tua, quā non ducas lineam similitudinis ad Christum. Scito nullam esse Christo gratiorem & gloriosorem tuam circa Christum occupationem, & cum Christo tractationem, & Christi laudationem; quàm eius abs te imitationem, quàm tuam cum ipso perpetuam assimilationem, quàm tuam cum.

eum ipso quàm maximè genuinam similitudinem.
 Hoc enim vnum & solum, iustis omnium est obsequiorum & encomiorum, quæ Christo impendi debent & possunt à te. Hoc est Christum amare, Christum induere, Christum efformare, Christo uti, Christo vniri, Christo configi, Christo conspeli, Christum manducare, Christum bibere, deniq; cum Christo esse, cum Christo viuere, cum Christo regnare, Christum esse.

Prouisio VIII.

*Per Imitationem & fruitionem Domini
 nostri quàm familiarissimam.*

Considera incumbere etiam tibi imitationem Domini Dei tui, imitationem autem non qualem qualem, sed imitationem in perfectione, in sanctitate, in rectitudine, in iustitia, in veritate, in pietate, in misericordia, in charitate, in Dei glorificatione. Imitantur quidem omnes creaturæ Deum tanquam conditorem suum tanquam opera artificem à quo sunt, & habent, & possunt & operantur, quidquid sunt, & habent & possunt, & operantur ac ideo ad modum sui fontis, suiq; Idealis Esse, artisq; ipsas efficientis, & in esse operationeq; conseruantis, necessariò semper operantur: neq; vnquam ab hoc genere imitationis creaturæ possunt exerrare, cum natura & essentia earum sit, sic se habere. Sed est alia Deum imitandi ratio, per liberi arbitrij motum, scilicet iuxta Rationem, & legem, & voluntatem, & ideam, & exemplum Dei. Quæ omnia Deus impressit nobis, primum quidè in creatione, condens nos creaturas Rationales, liberas, actionumq; nostrarum potentes & dominantes. Quod non minus expressè, quam copiosè affirmat Spiritus Sanctus per Sapientem dicens. *Deus Eccl. 15. 14. ab initio constituit hominem, & reliquit illum in ma-*

na consilij sui: adiecit mandata & præcepta sua. Si
 volueris mandata seruare, conseruabunt te, & in-
 perpetuum fidem placitam facere. Apposuit tibi
 aquam & ignem, ad quod volueris porrigere manum
 tuam. Ante hominem vita & mors, bonum & ma-
 lum, quod placuerit ei, dabitur illi. Deinde verò
 præter arbitrium liberum & legem, partim in na-
 turali ratione impressam, partim etiam exteriore
 intimatione præceptam: adiecit lumen superna-
 turalis fidei per Christum reuelatæ, simulq; donum
 gratiæ ad obseruationem necessariæ, quâ de re o-
 Ioan: i. 17 *annes Baptista testatus est dicēs. Quia lex per Moy-
 sen data est, Gratia & veritas per Iesum Christum fa-
 cta est.* Ex his ergo liberæ rationis & reuelatæ ve-
 ritatis; quarum priorem cum natura, posteriorem
 cum gratia, priorem nascendo, posteriorem re-
 nascendo sortimur. ex his inquam Rationis & ve-
 ritatis fontibus; consurgit in nobis, & facultas &
 necessitas Deum imitandi. De quâ re luculenter
 Eph: 5. 1. *Apostolus sic loquitur. Esote ergo imitatores Dei, sicut
 Filij charissimi, & ambulate in dilectione, sicut &
 Christus dilexit nos, & tradidit semetipsum pro nobis,
 oblationem & hostiam Dei in odorem suauitatis.* Quod
 ipsum à Christo Domino non euulgatum solum,
 verum & præceptum habemus. Nam cum inter alia
 præciperet nobis dilectionem inimicorum atq; cal-
 umniatorum, adiecit causam præcepti dicens. *Ve-*
 Matt: 5. 44. *stis filij Patris vestri qui in cælis est, qui solem suum
 oriri facit super bonos & malos.* Neque hoc dixisse
 contentus, iterum subdidit. *Esote ergo vos perfe-*
 Ibib. 5. 48. *cti, sicut & Pater vester cælestis perfectus est.* Quæ
 Domini grauissima sententia atq; præceptio, non
 solum qualemcunq; imitationem, sed etiam perfe-
 ctam, sed in ipsa perfectione Patris cælestis, à no-
 bis exigit, eamq; in eo fundat: quia nos quidem
 filij, ille autem Pater est. Est autem sine dubio o-
 mni rationi consonum, vt filij Patrem moribus re-
 ferant, eiusq; actiones & virtutes, suis actibus &
 virtuti-

virtutibus imitando repræsentent. Quod opus si-
cut est super omnia opera nobis incumbentia ad
peragendum grauissimum, sic est etiam super o-
mnia nobis, & fructuosissimū & simul honorificē-
tissimum. Quid enim potest cogitari, tum grauius,
tum fructuosius, tum dignius, quàm esse nos per-
fectos, sicut & Pater noster cælestis perfectus est?
Certè sicut nihil est perfectius Deo: ipsius enim
perfectio, est mensura & fons omnium aliarum
perfectionum; ita ille est in moribus & actioni-
bus suis perfectior, & maior, & dignior, qui est
Deo, in eius morum & perfectionum expressione
vicinior. Quod si præclara res est, tam ad fructum
quàm ad laudem Sanctorum Dei perfectiones ex-
pendere & æmulari: quanto erit fructuosius & lau-
dabilius Diuinas perfectiones sic scrutari, vt etiam
eas assequaris, etiam induas, etiam in eas imitati-
one transformeris. Vtile est, ex riuulis aquam pete-
re, sed longè præstantius ex fonte aut mari ipso
haurire. His adde quod quantitati assimilationis
nostræ cum Dei perfectionibus moribusq; in hac
vita, responsura sit assimilatio item nostra cū Di-
uinis beatitudinibus beatificisq; perfectionibus in
illa altera. Iuxta cuius assimilationis in cælo gra-
dum, erit etiam gradus nostræ beatitudinis, no-
stræ beatificæ in Deum transformationis, nostræ in
Diuinas beatificas laudes effusionis, nostræ deniq;
& totius vniuersi per nos, ac propter nos perfectio-
nis & exornationis atq; exhilarationis. Vnde col-
ligi potest, quàm insatiabilem infatigabilemq; cu-
ram nostram esse oporteat in Deo, per hoc vitæ tē-
pus, in suis moribus imitando, & quàm maximè
per nos & in nobis assimilando.

Considera autem in quonam præcipuè ac vlti-
matè consistat, quidq; requirat hæc Diuinarum per-
fectionum & morum à nobis imitatio, vt congruè
& cum profectu fieri possit. Primò igitur. Opus est
habere notitiam morum & perfectionum Diuina-
rum:

rum, quas quidem nobis manifestat creatura: dicente Psalmo. *Celi enarrant gloriam Dei.* & Apostolo. *Inuisibilia Dei à creatura mundi, per ea quæ facta sunt, intellecta conspiciuntur:* sempiterna quoque eius virtus & Diuinitas. Manifestat deinde Sacra Scriptura & fidei reuelatæ doctrina. Vtriusque huius rei, scilicet creaturæ & Scripturæ consideratio, ducit nos in cognitionem perfectionum & morum Dei, inibi; luculenter & luculentissime in Christi Domini tum persona, tum doctrina, tum operibus elucescentium. Secundo cognitioni & considerationi morum ac perfectionum Dei, addenda est reflexiua quædam ad nostros mores & ad operationes nostras applicatio. Quamuis etiam nuda consideratio morum Dei, arcana quadam & sibi propria virtute eosdem mores effingit, in moribus ipsius considerantis, si hoc diligenter assidueque faciat. Nihilominus hæc efformatio longè efficacior redditur, quando ut dixi reflexiue & practice moribus nostris consideratio ipsa applicatur. Sicut enim pictor solo intuitu Regiæ Personæ, non effingit imaginem eius in tabula, sed manu coloribusque opus est. sic mores Diuini, sola consideratione sui in cordibus moribusque nostris, non efformantur, nisi accedat practica eorum in nobis delineatio.

Tertio. Hæc practica delineatio morum Dei in tabella cordium & morum nostrorum, exigit conuersationem cum Deo commorationemque idque siue ita, ut nos apud Deum, siue ita ut Deus apud nos (esto hæc in idem recidant) commoretur: ad quod non est opus, neque alta cælorum à nobis conscendi, neque Deum ad nos inde descendere, neque eundem apud alias aliasque creaturas venari, sed cum immensus sit. & tum ubique, tum etiam in propriis intimisque nostris cordibus, velut in cælis sibi gratissimis (anima enim iusti, sedes est sapientiæ) conuersetur, assuescendum omnino est nobis, ut ibi,

intra

Greg: Hom.

30 in Euag.

tribuit Salo-

moni Et Au-

gust: in Psal.

121. sup 7.27

iuxta LXX.

Aug: iterum

intra nos & cum Deo conuersemur, & Deum nobiscum conuersantem agnoscamus habeamusque. Inde enim conserget.

31
Conc: 1. in
Psalm: 88.

Quarto amicitia familiaritasque; & conuictus cum Deo mutuos, quin & assuetudo quadam intima ad mores mutuos. Hoc autem negotium, optime suauissimè efficacissimèque; perficitur charitate, presentia Dei memoriâ, orationis usu, quàm maximè fieri potest sine intermissione, quàm impinguet simplicissima fiducia & deuotissima reuerentia. Ab hisce manabit.

Quinto. Fructio Dei vtrinque; valde grata, familiaris, cordialis, sapida, confidentia plena, penè dixerim assidua, certè ereberrima, satians, nec tamè famem adimens, sed explendo acuens, & exuendo explens. Quod ne quis miretur, aut ne etiam suspectum habeat, obseruo, multorum iustorum errorem esse, quod semper Deum querant & inuenire laborent, ad se inuicem, desiderant; neque; tamen votis suis potiantur: ut ipsis videtur etiam experimento constare. Quæ res multum iustis eiusmodi angit, & à profectu distrahit: Non aduertentes practice, Deum frustra & erroneè à se queri absentem, desiderarique; cum sit reuera intimè illis præsens per gratiam & charitatem, cuius est euidentis signum, illa ipsa in desiderando, quærendo, inuitando anxietas: hæc enim non esset, si ille absens esset. Est ergo intimè & amicissimè præsens, sed esse, practice ut dixi ignoratur, nec eum Anima ut sibi intimum agnoscit, neque; ut præsentem tractat, amat, amplectitur: gaudet, gratias agit, oblectat; verum nihil, ut cum præsentem agit, sed tanquam de absente semper cogitat, velut longè positum requirit. Qui error exuendus est iustis, & sæpè agnoscendus, habendus, tractandusque; Deus, ut quàm maximè, intimissime, familiarissimèque; præsens, nec tantum præsens, sed etiam presentia fructus exhibens; quorum primus præcipuusque; est. Fructio ipsius.

5

ipsa, qua & Deus fruitur Animâ, & hæc vicissim Deo. Quod sit contemplatione, hoc est de Deo, cum & coram Deo cogitatione, deq; eius perfectionibus & attributis, moribus, operibus, beneficijs, Essentiâ Vnitivâ. Desigendo obtutum devotum in Dei eiusdem pulchritudinem, sapientiam, admirabilitatem, maiestatem, dignitatem, laudabilitatem, potentiam, iustitiam, misericordiam, immensitatem, simplicitatem, veritatem. Gustando etiam eius dulcedinem, suavitatem, appetibilitatem, familiaritatem, communicabilitatem, providentiam, præsentiam. Exaltando, prædicando, laudando eius excellentiam in operibus, in beneficijs, in perfectionibus, in Essentia, in Personis. Inuitando omnium corda ad vacandum, ad gustandum, ad videndum, ad fruendum, ad inhabitandum, ad viuendum Deo, de Deo, in Deo, propter Deum. &c. Deficiendo etiam & tabescendo atq; sibi pereundo, in Deum autem transmigrando, & sese (secundum voluntatem, voluntatisq; cû Divina similitudinem ac vñionem, non verò secundum substantiam & entitatem quæ nequit fieri) in eum transformando. Ab hac fruitione Dei existet.

Sexto Imitatio & assimilatio & assumptio morû perfectionumq; Dei in Anima iusta & perfecta, existet autem penè sinè labore connaturaliter & quidem modo perfectissimo pro statu istius vitæ. Si enim Anima Deo fruens modo prædicto in Deum transformatur, quomodo non etiam in moribus eidem assimilatur? Sicut luminì nihil similius, quàm àër illuminatus, nihil igni similius, quàm ferrum aut carbo igne candens, ita Deo nulla anima in proprietatibus moribusq; similior, quàm ea, quæ in Deum transformata fruitione voluntatumque vñione & consermentatione reperitur. Quapropter audeo dicere, seu quod dixi commutare, non tam à fruitione Divina existit perfecta morû Dei imitatio in Anima, quàm potius ipsa Dei fruitio, est

gio, est ipsissima eaq; perfectissima & consummatissima eiusdem imitatio, & assimilatio, & assimilatio nis flos, est fructus, est medulla.

His consideratis, tu iam tandem te circumspeice & aduerte, quantum sit chaos inter te, & Deum, quantum ad similitudinem & imitationē eius morum & perfectionum! Et quidem attentā conuersionis tuæ ad Deum antiquitate, mediorumq; & auxiliorum Diuinorum abundantia, iam te omnino pridem, consummatum esse oportebat in Dei imitatione, possessoremq; domesticum, veteranū in Diuina fruitione. At quia tepor, incitia, incuria, inconstantiaq; tua, te ab hac felicitate deiecit, non absq; innumeris & tui profectus, & Dei, totiusq; celi & vniuersi huius gloriæ detrimentis. Ex nunc saltem, dum adhuc vita decurrit, antequam penitus excurrat, totum te huic, imitandi Dei, fruendiq; Deo labori infatigabiliter ac incessabiliter impende, totum te Diuinā, & imitatione, & fruitione imbue, occupa, fermenta, penetra, omnia, vitæ tuæ (quoad fas) momenta, omnia, & singula opera tua, Diuinarum perfectionum & morum similitudine intinge, perfice, informa. Totus hoc age vnicum atq; præcipuum (tale enim reuera hoc est, & est illud Christi vnum necessarium. est illa Optima pars, quam elegit Maria) vt totā mentis acie, toto voluntatis libertatisq; pondere, totā cordis affectione, semper & vbiq; totā tui, totiusq; Vniuersi substantiā, atq; Personā, Deum & quæras & habearis & agnoscas & imiteris & fruaris. Hunc semper & vbiq; oculus purissimæ intentionis intueatur, hunc auris simplicissimæ obedientiæ audiat, hunc gustus deuotissimæ sapientiæ degustet, hunc odoratus profundissimæ charitatis inuestiget, hunc tactus viuidissimæ resignationis comprehendat, hunc totus tu, vicissim totum possideas, ab eoq; toto, totus possidearis & tu.

Luc. 10. 42

Prouisio IX.

*Per debitorum, quibus plurimis obstricti
sumus plenam exsolutionem.*

Considera necessitari te quàm maximè ad obsequium Dei, non tantum feruens & perfectū, verum etiam liberaliter supererogatorièque perfectum & feruens, tum aliàs semper, tum præsertim sub extremum vitæ, ex multitudine debitorum, quibus oneratus es, atq; adeo oneratissimus, super capillos capitis tui, imò super stellas cæli & arenam maris. Decurre indicem capitum debitorum istorum, & ex eo saltem aliquam noticiam ipsorum colligere numerumq; conijcere poteris, qui indiculus atq; numerus, et si alijs quoq; hominibus tecum est communis, non ideo tamen te minus solū, quàm omnes grauat, neq; minùs te ad exoluendum, quàm omnes stimulare debet. Primò igitur quibusdam rebus sumus debitores, naturæ & necessitate innatâ. Ita debitores sumus Deo creatori nostro, & post Deum causis omnibus secundis, tam vniuersalibus quàm particularibus, à quibus & ex quibus, nostrum naturale esse constat. a quibus vitam & conseruationem vitæ, totiusq; esse nostri habemus, in operando iuuamur &c. Ex hoc ergo capite debemus cælis omnibus, Soli, lunæ, stellis, elementis, & quæ in his, tum parentibus & parentum etiam maioribus. &c. numera homo si potes, tam creditores tuos istos, quàm debita tua respectu illorum.

Secundò sumus debitores, ex morali quadam obligatione: quomodo debemus post parentes cæteris nostris præsidibus atq; maioribus, magistratibus, præceptoribus, & quocunq; modo curam nostri gerentibus, in nostramq; eruditionem aliquatenus adlaborantibus. Hoc caput debitorum
• afficit

afficit nos tam in ratione morali naturali, quàm in ratione morali supernaturali: in qua ratione, & Deus, & Christus, & Mater eius, & Sancti Angeli, & omnes Beati & infiniti alij continentur.

Tertiò sumus debitores, etiã inferioribus nostris, quicunq; ad nostram alicuius generis curam pertinuerunt & pertinent.

Quartò sumus debitores, ob Naturæ communione, eamq; maiorem aut minorem. omnibus autem rebus ob aliquam saltem: ideò, quia creatæ sunt, vel quia sunt aliquid & existunt, immò & quia possibiles sunt.

Quintò sumus debitores ob gratiæ communione, necnon ob omnis boni Spiritualis consortium, adiuncta etiam æternà, quam speramus Beatitudine.

Sextò sumus debitores, ratione beneficiorum, obsequiorum & commodorum, quæ ab alijs vel ex alijs percepimus, percipimusq; debemus namque his amorem congruum, beneficia & obsequia commodaq; supparia, & cuiusq; naturæ & gradui consentanea.

Septimò sumus debitores ratione malorum & molestiarum, quæ ab alijs perpeffi sumus, vel perpeti potuimus: istaq; occasione nulla mala animi & corporis vitauimus, correximus, cognouimus. Hoc nomine etiam ipsi Inferno sumus debitores: quem dum timemus, deuitamus, & vt deuitemus, à peccatis partim cauemus, partim cessamus: poenitentiam agimus, & ad meliora proficimus, salutemq; lucramur. Quod ipsum de dæmonibus dici potest, quibus debitores vigilantix, pro salute nostra, inuocationis Diuinæ & Sanctorum opis. Humilitatis, Prudentiæ, & multorum aliorum commodorum sumus.

Octauò sumus debitores, ratione omissionum, incuriarum, negligentiarum, quibus res tractando, ~~om~~ priuamus, debito ijs comodo, profectu, per-

fectione, ornamento, vsu obsequio. Sic debitores sunt Domini subditis, seruis, famulis. Parentes liberis. Magistratus subiectis, quin & proximi proximis, amici amicis, quos ad virtutem, sanctitatē, prudentiam promouere potuerant, exemplo bono, monito salubri, oratione, solatio, auxilio, consilio, supportatione. Hac etiam ratione ipsismet nobis sumus debitores, ratione similibus bonorū, quibus nos nostrā incuriā, incitiā, malitiā priuamus, tam quoad bona fortunā, quā quoad corporis. quā quoad animi, & maximē in bonis salutis æternæ quibus eo ipso, quod ea non curauimus, spoliauimus nos, nec nos tantum, sed etiam Deum, Christum, Ecclesiam triumphantem, militantemq; quibus ex nostro profectu, labore, charitate, virtute, partim gloria, partim ædificatio provenire potuit. Hinc etiam sumus debitores, tot medijs, auxilijs, occasionibus, circumstantijs, horis, momentis, diebus, annis, locis, exemplis, monitis, inspirationibus, cæterisq; incitamentis ad bonum aut profectum, quibus tamen obsequi negleximus, & frustra fleuere permisimus.

Nonō sumus etiam debitores ratione non impēfæ exsolutionis debitorum. vt v. g. cū non restituiamus, quod inuito rationabiliter Domino iniuriosē retinebamus. siue illud fuit debita Deo gloria, subiectio, laus, honor, deuotio, gratitudo: siue fuit honor & bonū nomen alicuius proximi, quod iniquē læsimus detrahendo, quocunq; detractionis modo, siue obsequium indebitē denegatum, siue, gratitudo, siue res quæpiam alieni iuris.

Decimō sumus debitores ratione dignitatis & potestatis eminentiæq; aliquorum. quomodo post Deum nostrum, sumus debitores Angelis, & vniuersis Sanctis in cœlo & in terra; item Principibus & Potestatibus. Item Sapientibus & Doctis. item Sacerdotibus, Religiosis & Deo sacris personis. quibus omnibus honorem & reputationem reuerentiamq; debemus.

Vnde

Vndecimò sumus debitores aliquibus, ratione eorum miseriae, abiectionis, afflictionis, insufficietiae ad sese iuuandos, hoc modo debitores sumus, pauperibus, mendicis, infirmis. Ita etiam debemus auxilium animabus purgatorij: Item vinctis in carcere, captiuis, peregrinis. Item ignorantibus errantibusq; Item etiam bestiis ac iumentis faucibus, sub onere vel in præceps prolapsis.

Duodecimò sumus debitores ratione compositionis & consociationis physicae ac moralis. Ita quisq; sibi, personae suae, vitae suae, membris suis, sensibus, potentijs quibus constat, debitor est. Ita etiam sumus debitores Vniuerso Orbi, Humano generi, Christiano populo, Regno, Vrbi, Religioni, Domicilio, Familiae, Congregationi, consanguinitati, Cæui deniq; cuius aliquo modo compartes sumus.

Decimo tertio sumus debitores ratione particularium & cuiq; propriarum siue obligationum, siue necessitatum, siue factorum. Sic debemus Deo ratione specialium & nobis solis propriorum beneficiorum. sic & Christo. Pretiosissimæ Parenti. Sanctis Custodibus Patronisue, ob specialia beneficia debemus. Sic quibusdam Dei attributis, fidei Mysterijs, Scripturae sententijs & exemplis, Sanctorum item factis, quorum nos deuotione singularius affici & perfici experimur, qui salutis nostrae media sunt. &c.

Decimo quarto sumus debitores quibusdam ratione eorum malitiae. Ita Dæmonibus, damnatis, peccatoribus, peccatisq; debemus, odium, fugam, derestationem, impeditionem, poenam, poenae desiderium, vt iustitia Dei fiat, vt laesus honor Diuinus sarciatur, vt scandala submoueantur, vt cesset iniuriæ Dei, conculcatioq; Sanguinis & Meritorum Christi &c.

Omitto alia debitorum capita: hæc quæ recensita sunt, satis ostendunt immensitatem infinitudinemq;

28
nemq; debitorum nostrorum: Ad satisfaciendum
quibus per omnia, quantis opus sit viribus, dico, di-
uina auxilijs, quanto animi conatu, diligentia,
quantâ executionis assiduitate & incessabilitate,
fateor id explicari à me non posse.

Dico tantum, quoniam debita hæc omnia & sin-
gula persolui non possunt omnibus singulisq; cre-
ditoribus ad æqualitatem, soluantur saltem secun-
dum voluntatis (si eius effectus possibilis esset)
promptitudinem, soluantur saltem in eo, qui est o-
mnium Dominus, & in quem velut in centrum o-
mnia debita confluunt, qui est DEUS. cui si soli
satis fiat pro omnibus, satis factum erit omnibus,
tam obligationibus quàm creditoribus, quod ta-
men dixerim, saluâ iustitiâ, si quæ cui debetur &
præstari potest. Interim autem. Primo quidem
Deus ametur, æstimetur, appretietur, laudetur, e-
xaltetur, gratiarum actione honoretur, oratione
flectatur, super omnia. Amentur in Deo & propter
Deum omnia, ametur Deus, pro omnibus & singu-
lis creaturis, præcipuè ratione carentibus: quarum
Deus hanc esse instituit conditionem, vt illæ
quidem nobis hominibus seruiant per omnia ad v-
sum omnem, etiam cum sui dispendio & destructi-
one: nos autem illis obligati simus ad laudandum,
amandum, prædicandum, honore & gratijs & ob-
sequijs æternis prosequendum Deum, pro omnibus
illis. ita vt illæ quidem suo modo Deo seruiant, ser-
uiendo nobis vsq; ad sui perditionem: nos verò ra-
tionalitiam modo, seruiamus ipsis, exhibendo ser-
uitium & honorem & amorem laudemq; pro ipsis,
nostro & illarum Deo.

Ex dictis tu iam disce, quantum debitum Dei
laudis seruitutisq; tibi incumbat, ex tot capitibus
debitorum, tum ex tot debitis, tum ex tanto nu-
mero eorum, quibus debitor es: Et quia iam præ-
terita doleri tantum possunt, corrigi autem non
possunt; saltem ergo in præsentem, quod tibi super-
est tem-

est temporis & vitæ, hoc age & satage, vt omnibus
residuis vitæ momentis, totus in laudem & obse-
quium te effundas, adeo profuse liberaliterq; vt
omnibus obligationibus, pro omnibus creaturis
apud Deum te exsoluas ac eliberes. Toto mundo,
& pro toto mundo, Deum laudando, amando, z-
stimando, honorando, & omnes eius voluntates fa-
ciendo. sicq; semper ad finem vitæ perseuerando.

Prouisio X.

*Per adæquationem Bonorum, potissimum ve-
rò Gratiarum, quibus respondere ade-
quatè obligamur.*

Considera Bonorum quæ à Deo accepisti copiâ,
compelli te, & omnino necessitari ad insignem
tum sanctitatem ac perfectionem, tum sanctitatis
perfectionisq; zelum, studium, cupiditatem. quâ
in re vt magnitudinem obligationis tuæ cognoscas,
debes immensitatem bonorum cognoscere. quæ
tanta est, vt abs te nullo modo naturali ingenio di-
numerari possit. Neq; solum immensitatem quo-
ad numerum & multitudinem, sed etiam quoad va-
rietatem, excellentiam, efficacitatem, quantum ex
illis est, eratq; intensionem atq; perfectionem co-
gnoscere te oportet. quæ etiam sub naturalem tu-
am cognitionem non cadunt aut vix cadunt, neq;
tamen ob hoc, tibi obligationem non augent, neq;
non etiam tuam ignauiam ingratitude me non
accusant, neq; deniq; non te tuamq; industriam,
ad insigniter in studio perfectionis coram Deo, &
propter Deum, conandum & laborandū excitant.

Considera classes Bonorum Diuinorum in te, &
ijs inspectis, tum numerum tum magnitudinem,
tum varietatem eorum, tum demum obligationē
tuam aliquantisper dispice. Data sunt igitur tibi &
DEO.

1. Bona Naturalia & Supernaturalia.
2. Bona Animæ, Animi, Corporis, Fortunæ.
3. Bona Honeſta. Iucunda. Vtilia.
4. Bona Naturæ. Gratiæ Actualis, habitualisq; Gloriæ.
5. Bona communia cum omnibus, cum multis, cum paucis, propria tibi ſoli.
6. Bonæ Eſſentiæ ſeu Subſtantiæ, Potentiæ arum, Operationum.
7. Bona data tibi, ſine te.
8. Bona data tibi tecū, ſeu cooperante te.
9. Bona data tibi propter alios.
10. Bona data tibi per alios.
11. Bona data tibi ſupra alios.
12. Bona data alijs, propter te.
13. Bona data alijs, per te.
14. Bona præterita, præſentia, futura, æterna, temporalia.

In eas bonorum iſtorum numerum, pretium, varietatem, efficaciam, ſi potes, & inde metire vim obligationis tuæ. Neq; enim dubitare potes his & pro his omnibus debitorem te conſtitutum eſſe Donatorieorum Deo, debitorem autem obſequij, laudis, honoris, Amoris, non qualiſcunq; ſed eximij, ſed ſummi, ſed ſimpliciter iuxta poſſibilitatem tuam omnis. Ad magis claram diſtinctamq; cognitionem & penetrationem huius tuæ obligationis ad perfectiſſimum Dei ſamularum ex bonis eius in te collatis pullulantem.

Conſidera vnus tantum generis bona Diuina ſibi data bona inquam mediorum atq; auxiliorū, ſeu gratiarum tam habitualium, quàm (& potiſſimum) actualium in ordine ad ſalutem; perfectionemq; curandā, vitamq; æternam conſequendam. In quo ipſo bonorum Dei genere, nolo te omnia, quæ inſunt conſiderare, ſed ſolum conſidera hoc tantum. Teſtatur Dominus noſter IESUS Chriſtus.

tus, quod si ille suæ prædicationis gratiam Iudæis
 tunc à se impensam, impendisset Iujs, Sydonijs,
 Sodomæ eiusq; socijs ciuitatibus, illæ in cinere
 & cilicio pœnitentiam de peccatis egressent, Chri-
 stumq; & Deum ac eius fidem & legem agnouissent.
 Hoc posito, sequitur Iudæis tunc à Christo tantam
 gratiam, tantaq; media ad salutem fuisse collata,
 quantan non tantum sufficientia, sed etiam effica-
 cia fuissent ad conuersionem tot aliarum gentium.
 Sequitur ampliùs ex dictis. posse, quin & solere,
 Deum vnalicui personæ sanctæ, non sanctæ nihil
 refert, loquamur tamen nunc de sancta & iusta pos-
 se, & re ipsa illi Deum dare vni soli, tot ad salutem
 media, tot gratias, quæ si Deo placuissent, poterant
 plurimis personis dari, & datæ, in eis habuissent ef-
 ficaciam tantam, quantam in vna illa persona ha-
 bere & potuerunt & debuerunt, & nihilominus,
 quod vt plurimum fit, non habuerunt. Vni videm⁹
 in Mnis Euangelicis, quarum vna apud vnum ser-
 uum deposita, acquisiuit decem mnas, alia apud al-
 lium acquisit solum quinq; mnas, tertia apud ter-
 tium nihil acquisiuit: non vitio quidem suo, sed
 eius qui acceperat ignauia. Iam nunc te ad te ipsum
 o homo conuerte. Es Religiosus, talis religionis,
 quod cum dico, dico te accepisse gratias & media
 salutis atq; perfectionis, tot, & tanta, quot & quan-
 ta in centum in mille & amplius etiam homines di-
 uisa si à Deo fuissent, multoq; magis si integra data
 essent; omnes illi centum & mille & plures homi-
 nes seruiuisent & seruiret hodie Deo, tam perfecte
 sicut tu. immò longè & longè perfectius, exactius,
 ad suum statum plenus, quam tu & seruiuisti & ser-
 uis hæcenus. Ex quo conuenio (utinam me ipsū)
 te vnum solum Religiosum, attentis gratijs medi-
 isq; tibi à Deo datis, factum esse per eas, & propter
 eas, Deo tuo debitorem tantæ sanctitatis & perfe-
 ctionis in Dei obsequio, quæ æquivalent centum &
 mille & pluribus perfectionibus sanctitatisque.

Cum autem conscientia teste non adæquaueris vel unitam sanctitatem, non inquam efficaciam gratiarum mediorumq; tibi collatorum, effectum unius condignæ sanctitatis & perfectionis. inde agnosce, quantus tu sis debitor apud Deum, ob gratias tibi ad salutem perfectionemq; concessas constitutus? Inde etiam agnosce, quantus debitor sis coram eodem Domino ob alia & alia innumera beneficia tibi collata. Equidem si bonum sanctitatis oculorum quo tu polles, pluribus cæcis conferretur à Deo, si essent huius beneficii longè quàm tu gratiores. Tantæ ergo tu gratitudinis Deo debitor es ob sanitatem visus, quantæ plures, imò omnes cæci essent exhibitores, si visum reciperent. Quod autem supra exemplificaui in Religiosæ vocationis gratijs & medijs: fateor me amplum nimis adduxisse gratiarum exemplum. Nam idem omnino asseri potest debetq; etiam, de vnica quæpiam gratiâ Dei, de vnico instinctu ad bonum, de vnico lumine ac dictamine salutari, quo vnus aliquis infusus donatur (& donatur sæpissimè alijs, alijsq; etiam in diem, etiam in horam) quod si datum esset alicui alteri, vel etiam pluribus, plurimisq; alijs; ij omnes vbi lumine fuissent melius & in maiorem suum profectum, inq; maius Dei obsequium, quàm is, cui de facto tale quid est à Deo collatum. Vnde patet quantopere aggregetur debitum talis Hominis coram Deo? patet quantæ sit reus sanctitatis, quia illam non præstitit, patet quantæ debitor fuerit vt præstaret? patet insuper quantæ debitor sit, vt adhuc præstet?

Ex his autem luculenter constat, quid hac in parte faciendum sit illi, qui per tot annorum vitæ suæ decades, tantis gratijs Dei abundauit, & eis nõ utiq; satis respondit hætenus. Hoc utiq; restat, vt inuocato Dei adiutorio, totum se ad hoc conuertat, simulq; aliquam rationem ineat, hoc est, talem ad acquisitionem perfectionis in Dei obsequio con-

natum

natum assumat & adhibeat, per hoc, quod adhuc residuum habet vitæ ac temporis, vt & præteritarum & præsentium gratiarum beneficentiarumq; Dei, vastitatem capacitatemq; exaquet. Quod quidem etsi forsitan re ipsa minus præstabit, non parum tamen coram bono Domino suo faciet, si totum, quod in se est, exclusâ omni negligentia & cessatione, adhibito omni quo præualer conatu & instantia faciet. Sed ad hoc ipsum præstandum, exuere omnem præteritum inconsideratiûs, & negligentius, inordinatiûs; viuendi modum, induere autem & exerere ordinatum, accuratum, præmeditarum, sollicitum & fatigari cessareq; nescium oportet. Estimulante ad id semper semperq; tum breuitate remanentis adhuc ad laborandum vitæ, tum obligationis & debitorum iam explicatâ immensi & immensâ mole atq; magnitudine.

Prouisio XI.

*Per profusam Charitatem ac Misericordiam
rationem super proximos, peccatores,
iustos & in Purgatorio existentes.*

CONSIDERA inter innumera charitatis Proximâ bona atq; officia, hoc etiam esse, quod sit compendiosissima, fructuosissima, facillima & inexcusabiliter irrefragabiliterq; & omnino necessaria ratio, nostrarum omnium siue cum Deo transactionum, siue in via virtutis perfectionisq; promotionum. Vsq; adeo, vt Deus videatur magis & appetere & exigere & æstimare & remunerari charitatem nostram erga proximos, quam erga ipsam se
Nihil

- Rom. 13. 8.* Nihil attinet istud hoc loco fusiùs probare. Satis indicant hoc, illa Apostoli verba. *Qui diligit proximum, legem impleuit.* Et illa *Charitas operit multitudinem peccatorum.* Et illa *Nemini quidquam debeatis, nisi ut inuicem diligatis.* Alter alterius onera portate, & sic adimplebitis (quasi diceret superimplebitis) *legem Christi.* Neq; aliud dixit Dominus ipse noster, quando proximi dilectionem vocauit: *mandatum suum. Mandatum nouum.* vnicum discipulatus sui signum. His ad acuendam famem desideriumq; charitatis proximi adductis & consideratis.
- 1. Petri 4. 8°*
- Rom. 13. 8.*
- Gal. 6. 2.*
- Ioan. 15. 12a.*

Considera classes proximorum ad quos charitas Christiana extendi debeat quàm maximè. Sunt autem tres. Vna peccatorum seu in statu peccati degentium, siue fidelium siue etiam infidelium, quorumcunq;: Horum cum sit extremè deplorandus status, quippe qui quantum ex ipsis sunt victimæ atq; holocausta æternæ damnationis, in omni sincerè Deum & proximum diligente homine, maximus debet esse Amor, & quoad fieri potest efficacissimus, atq; laboriosissimus, vt ab infelici peccatorum suorum emancipentur Tyrannide. Ad quod præstandum, cum innumera possint, quin & sæpè propter statum nostrorum obligationem seu conditionem, debeant esse industria, quibus hic exponendis locus non est, & peti possunt satis ex cuiusq; conditione viuendi: vniuersalem hanc industriam asserre sufficiat, conandum esse vnicuiq; in dilectione proximorum, statui peccati implicitorum, excellere volenti, vt omnem vitam suam cum omnibus actionibus & passionibus suis, offerat Deo in auxilium spirituale & efficax huiusmodi proximorum, secundum Diuinum beneplacitum; ita vt omnis actio, omnisq; passio, ex intentione applicationeq; liberæ voluntatis nostræ, fiat ante Deum (propter Deum, vnitim ad JESU CHRISTI merita), & oratio atq; postulatio, & sacrificium & exsolu.

exsolutio & vadimonium pro peccatoribus, proq;
 ipsorum peccatis omnibus & singulis. Inuoluendo
 in hanc intentionem atq; applicationem, non suas
 tantum modo proprias personalesq; actiones &
 perpeffiones, sed etiam totius vniuersi, creatura-
 rumq; omnium & singularum, omnes pariter &
 singulas actiones atq; mutationes sibi appropriatas
 modo inferius explicando. Quo fiet, quantum
 quidem ex charitate nostra eiusdemq; intentione
 ac extensione, vt tam nos, quam omnes creaturæ
 reliquæ, exundent charitate supra peccatores, &
 faciant veluti vniuersalem perpetuumq; planctum
 super eos coram Deo, protegantq; illos ab ira Di-
 uina ipsis debita & parata, & postulent eis à Bono
 Deo, gratias congruas, oportunas efficaces ac eti-
 am finales ad poenitentiam condignam requisitas,
 iuxta Diuinum placitum. Quod Diuino cordi, im-
 pensissimè salutem & conuersionem fructusq; poe-
 nitentiæ dignos semper desideranti atq; expectan-
 ti, auxiliaq; ad id pronissimo affectu offerenti, non
 potest non esse gratissimum: toti; caritæ celesti,
 ac imprimis Domino nostro Iesu Christo, pec-
 catorum omnium sumptuosissimo Redemptori,
 eiusdemq; Pretiosissimæ Parenti, peccatorum vni-
 co refugio, iucundissimum & exoptatissimum ac-
 ceptissimumq;: ac demum vnicuiq; taliter apud
 Deum pro peccatoribus peccatisq; satagenti, corā
 Deo fructuosissimum, & tam in hac, quam in alte-
 ra vita maximè meritorium: propriorumq; pecca-
 torum omnium (quæ etiam istius modi pro alijs
 peccatoribus eorumq; peccatis, charitatiuæ appli-
 cationi adiungere fas, imò opus erit) expurgatio-
 ni efficacissimum. Quandoquidem charitas ope-
 rit multitudinem peccatorum. *1. Petr. 4. 7.*

Altera proximorum classis in quos se nostra cha-
 ritas extendere debet. Est iustorum omnium via-
 torum, Incipientium, Proficientium, Perfectorū;
 Quorum omnium cum status sit Deo gratissimus,
 & in

& in eorum vnoquoq; Sanguis Christi fructum suum desiderabilem habeat: quisquis pro suo posse adlaborauerit, ut hi omnes proximi in suo quisq; statu ad meliora & perfectiora proficiant, proficendiq; studio & conatu, semper amplius & amplius vigeant, ad idq; auxilijs Diuinis quàm copiosis-
 simis cumulentur, iisdem illi promptissimè & efficacissimè obediendo, ad ampliora Dei & auxilia & dona, & prætia inualescant, inq; bono & optimo ac Deo gratissimo statu permaneant: quisquis inquam in hoc pro suæ charitatis posse adlaborauerit, is utiq; pergratam Deo & Christo & vniuerso celo rem præstabit. is de omnibus iustis, quàm optimè merebitur. is in suam propriam perfectionem (nempe charitatem) optimum se diligentissimumq; exhibebit. is deniq; innumeris semetipsam Gratia, quàm Gloriæ meritis locupletabit: siquidem indubitè, particeps *omnium timentium Deum, & custodientium mandata eius* erit. Ad hoc autem præstandum, illa eadem industria, quæ nuper est, cum de charitate super proximos peccatores ageretur, explicata, percommode subseruiet, si nimirum quis charitatem suam ad omnes similiter iustos extenderit, eorumq; & iustitiæ seu gratiæ statum, & omnes singulasq; quibus Deo ipsi iusti placere actiones, passionēs & virtutes, amaauerit ut Dei dona, Deo placita, ex Christi meritis desumpta, ijsq; ornata & vegetata, eademq; durare, proficere, augeri, perseverare, consummari coronariq; omni æterno præmio desiderauerit, petierit, gratulatus fuerit, & omni charitatis suæ industria, intentione, extensione, intentione seu applicatione iuxta Dei placitum, necnon vnitim ad Christi merita elaborauerit. impendendo in eum effectum atq; finem, omnes & singulas suas tam personales, quàm ex omnibus reliquis existentibus & possibilibus creaturis, in se deriuatas appropriatasq; sibi actiones & passionēs.

Psal. 118. 63.

Tertia

Terria classis proximorum super quos charitas
 nostra se profunderet atq; extendere deber. Est
 Animarum in Purgatorio degentium & inibi iustas
 Diuinæ iustitiæ rigori pœnas dependentium. Im-
 perfecta esset atq; plurimum manca charitas no-
 stra: si in hac solum vita perdurans, ad proximo-
 rum illorum in purgatorij pœnis habitantium au-
 xilium solatiumq; se non desponderet; neq; ex-
 tenderet. Quomodo staret illud charitati datum
 ab Apostolo elogium. *Charitas nunquam excidit?* 1. Cor. 13. 3.
 Quomodo charitas vitæ continuato tractu in cha-
 ritatem Patriæ transire soleret aut posset, si se vsq;
 ad indigentiam proximorum in altera vita, quasi
 in intermedio ad Patriam cursu non porrigeret?
 Itane proximi illi, desinerent esse proximi nostri:
 extorres ab auxilio, cura, dilectione nostra? Et
 quomodo charitas nostra pertingeret ad Deum,
 quæ proximos illos nostros in medio itineris cur-
 sūq; nostri positos, ad Deum, vel non posset, vel
 non veller attingere, aut amplecti? quomodo cha-
 ritas nostra Deum diligeret, seu quod idem est, ac
 optimè Deo eiusq; Gloriæ veller, quæ creaturas il-
 las in purgatorio detentas, & à Dei conspectu fru-
 itioneq; , hoc est à Supremo, ultimato, Dei; glo-
 riæ gratissimo, laudandi & exaltandi & diligendi
 genere ac modo impeditas, ab hoc ipso impedi-
 mento expedire non posset, aut si posset, tamen
 pro posse non curaret? Absit hoc à charitatis in-
 dolo: nunquam illa excidere, nunquam cessare,
 nunquam interrumpi amat. Eius vestis tanta est
 semper, ut omnem latitudinem, altitudinem, su-
 blimitatem, profunditatem, multitudinem, dura-
 tionem comprehendat, quin & excedat, si quid es-
 set, quo procedere fasilli esset; Extendat ergo sese
 ad illos quoq; miserrimos, inq; miseris desolatis-
 mos, soli rigorosæ iustitiæ Diuinæ derelictos pro-
 ximos nostros, quibus ea sola portio Diuinæ mise-
 rationis est residua, quod nostræ charitatis suffra-
 gij

gijs adiuuari, calamitatibusq; purgantibus eripi, ac cælo inferi possint. Quod quantâ charitatis nostræ liberalitate præstari possit, subiectum paradigma docebit quod tamen viribus voluntatis charitatisq; suæ accommodare & attemperare cuilibet licebit. Igitur anima quæpiam, poterit se tributariam facere animabus purgatorij propter Deum, & Deo vicissim propter animas, huiusce modi tributo.

Dignissima Trinitas vnus Deus meus: puro Tui Amore, vt Tu exalteris quantum per me potes, debes, scis, & vis & das, quantum etiam ex Te dignus es; vt (esu Christo merita sua compensentur: vt Pretiosissima Parens Maria, & Tota quater sancta quaternitas exhilaretur: vt Animabus Tibi dilectis, sed nec dum purgatis Tuoq; Beato conspectu nec dum dignis, bene sit: vt earum Sancti Angeli Custodes, cæteriq; Patroni Sancti fructu curarum suarum, citò & finaliter gaudeant.

Ego N. totius residuæ mortalis vitæ meæ operationibus atq; passionibus quibuscunq; Animas illas iuuare cupiens & statuens; omnes & singulas actiones & passionibus meas vsq; ad mortem, ipsumque etiam mortis opus Tux Diuinæ Maiestati offero, applico & dono, & voueo in omni earum applicabilitate, quâ pro illis applicari illisq; prodesse possunt. Exceptis solum ijs, quæ quia alijs ob alienam potestatem debeo, non est mei arbitrij Animabus illis donare: quam tamen ipsam exceptionem pro iisdem in auxilium offero, secundum gustum tuum Domine Deus meus. Nullum omnino fructum omnium operationum perpersionumq; mearum mihi referuans, quicunq; aliquo modo Animabus prodesse possit coram Te.

2. Præter hoc Domine eodem affectu & voto, promitto ac permitto tibi, illa omnia quæcunq; post meam mortem pro me quomodocunq; futura sunt suffragia in subsidium animæ meæ [quantū hoc à

hoc à me fieri, congruè tuæ voluntati potest] pro
ijsdem Animabus Purgatorij, iuxta gustum tuum.

3. Insuper & hoc, quod ego ipse post meam mor-
tem, miserante Te, iuste passurus sum in Purgato-
rio, totum propter Te, nunc acceptans, & quoad
licet mihi meritorium satisfactoriumue faciens,
quantum possum, & quatenus prodesse Animabus
Purgatorij hoc etiam nunc potest, aut tunc forsam
poterit, ijsdem Animabus, iam nunc dono atque
aplico.

4. Insuper offero Tibi Deo meo, omnes totius Ec-
clesiæ tuæ Sanctæ, omniumq. Tibi gratorum satis-
factiones, quin etiam omnes omnium creatura-
rum actiones atq. passionis, mihi quoque modo
nunc iam appropriatas, & communicatas, & Ani-
mabus iuxta sapientiam tuam prodesse idoneas, &
nunc iam per me ad hoc applicatas. Meas item sa-
tisfactiones, nec non creaturarum omnium muta-
tiones, toti Sanctæ Ecclesiæ ab eius origine, ad vsq;
mundi finem dura turæ impersonatas: vniendo o-
mnes tam has quam illas quascunq; Domini nostri
Iesu Christi omniumq; Electorum meritis, iuxta
gustum Tuum, Animarumq; illarū indigentiam.

5. Insuper Domine Tibi offero, promitto, per-
mittoq; in subsidium Animarum Purgatorij, totum
quodcunq; satisfactoriè offertur, & fit, & fiet vn-
quam à quocunq; & vbicunq; siue in vniuersa Ec-
clesia, siue in tota nostra Societate, siue à quacun-
que confraternitate, cui ego participo, siue à qua-
cunq; particulari persona, siue in quacunq; alia
Tibi Domino Deo meo nota placitaq; circumstan-
tia pro me viuente vniendo totum hoc, quantum
ex me Sanguini meritisq; IESV Christi omniumq;
Electorum Tuorum, iuxta gustum & ad gustum
placitumq; tuum, & Honorem omni Maximo Ma-
iorem.

6. Insuper Domine offero Tibi in Animarum
Purgatorij subsidium, totum hoc, quod ego tam in

vita mea presenti, quàm post mortem meam, siue in ipso me, siue in quocunq; mei, sciens, nesciens, volens, nolens; iam tamen ex nunc pro tunc totaliter volens ac libens, siue in anima & bonis eius, siue in corpore, siue in fama, commendatione, memoriae meae, siue deniq; in quacunq; alia re, concernente & attingente me perpeffurus sum, vsq; ad extremi ludicij diem. Vniendo iam nunc omnem illam perpeffionem meritis & passionibus Domini nostri IESU Christi, ad fructum animarum illarum ampliorem, ad Tuam verò gloriam omni Maxima Maiorem.

7, Insuper Domine, omnem si quem apud Te ex dono Tuo & ex Christi merito pauperculus ego habeo satisfactionum Thesaurum: Tibi totaliter offero, atq; permitto, vt eum dispenses in Animas Purgatorij, vsq; ad exinanitionem & denudationem mei, quoad omnes satisfactiones meas, meritis, satisfactionibusq; Domini mei IESU CHRISTI vnitas; Solas mihi satisfactiones, solaq; Domini mei IESU Christi merita referuando, sine quibus Tibi gratus esse salutemq; aeternam consequi, neq; valeo, neq; volo, quæque adeo infinitæ efficacitatis sunt, vt earum virtus & valor, nullis ad alios applicationibus, ab ipsis applicantibus, (modo aliunde etiam capaces sint) auocari possint. Referuans etiam mihi satisfactiones & intercessiones, omnium Electorum Dei, tanquam fratrum meorum, specialissimè autem Pretiosissimæ Parentis ac Virginis Mariæ, tanquam Hæreditatis meæ.

Hæc porro omnia superius insinuata, & à me, Tux, Deus meus Maieftati in suffragium Animarum Purgatorij oblata: oblata esse volo, absq; vlllo meo (quatenus meo) præmio, mihi inde apud Te secuturo, sed in Animas easdem satisfactoriè redundaturo. Præmij loco, illud solum cupiens à Te, vt Tu in Tuis, & à Tuis creaturis amplius & amplius glorificeris: vt quàm plurimis Ecclesiæ Tux filijs, gratiam

tiam & spiritum, efficaciter tenerum, compāssiuū,
studiosum, liberalem, constantē, erga animas pur-
gatorij iuuandas, vnā mecum largiaris: vtq; per
meam hanc, quam ex dono tuo concepi voluntatē,
& depauperationem, Tuā quidem gloriā, animā-
rum Beatitudini, aliquid, siue plenitudinis, siue sal-
tem accelerationis accrescat.

Id ita totum Tuā Diuinā voluntati, charitati,
Maieſtati ac Dignitati voueo, promitto, iuro, &
dono, Sanguiniq; Iesu Christi Domini nostri, ōni-
umq; Electorum meritis, consigno. Nunquā vt
scienter prudenterq; ac deliberatē, quantum ad
me, sim retractaturus, neq; in toto, neq; in parte,
vsq; ad Mortem. Ad quā vtq; esse volo, & ero ser-
uus, operarius, mancipium, Tuū propter Ani-
mas illas, Animarum verō propter Te.

Tibi Deo meo omnis & semper maior Gloria in
sæcula sæculorum. Et Fidelium Animā per mise-
ricordiam Tuā, requiescant in pace. Amen. Am.

Et hæc de profusione charitatis & miserationis
super proximos, deq; Prouisione per eam dixisse,
sufficiat. quod ad omnes quidem fideles spectat,
præcipuē tamen incumbit ijs, quorum vita in pro-
ximo finem habet: his enim quā maximē ipsa
breuitas vitæ residua incumbere facit, illud moni-

zum Apostoli. *Animas vestras castificantes in O-*

bedientia charitatis, in fraternitatis amore,

simplici ex corde inuicem diligite

attentius.

1. Petr. 1. 22



PRO.

PROVISIONVM SENECTVTIS

Pars Secunda.

Adducis aliquibus prouisionibus Senectutis speculatiuis, etsi nihilominus exhortatiuis ad feruens instansq; studium perfectionis in obsequio Diuino. in hac altera parte Prouisiones practicas tradere aggredimur. Praxes nempe, quibus præterita vitæ omnia delicta, quantum ad pœnas eorum omnes, præsertim verò spirituales expiari, errata corrigi, neglecta suppleri, copiosa lucra cumulari possint, adiuuante Diuinâ gratiâ, in cuius conspectu facilè est ditare pauperem, & dare virtutem, vt quis in breui, expleat tempora multa.

Prouisio I.

*Ad omnium peccatorum panarum-
que expiationem.*

Quoniam nemo mundus à sorde: ne quidem infans, cuius vita est vnus diei super terram: quoniam item in multis offendimus omnes: quoniam etiam iustus septies in die cadit: quoniam delicta nemo intelligit, & ab occultis suis, nec non ab alienis sibi adherentibus mundari petit Sanctus nec non ignorantias suas oblivioni tradi: quoniam de propiti-

asio pec-

Iac. 3. 2.

pro. 24. 16.

Psal. 18. 23.

Psal. 24. 7.

atio peccato, prohibet nos Sapiens sine meta esse. quoniam nemo scit, utram odio an amore dignus sit: imò quoniam nemo non scit, quod non amore sed odio dignus sit: quoniam mensuram suppliciorum peccato cuiq; debitorum assignare solus Deus, & alius nemo potest, constat verò, tum Sacre Scripturæ, tum probatæ fidei exemplis, longè aliter, id est, longè magis peccata nostra in Divino iudicio examinari & graviora censeri, quàm à nobis. quoniam de cursu ordinario scire nemo nostrum potest, an condignam & plenam satisfactionem pro aliquibus saltem (quid dicam de omnibus) peccatis suis Deo fecerit. indeq; rationabiliter præsumere quisq; potest, attento rigore diuini Examinis, molitie nostra in pœnitendo, viuacitate affectionis in peccando, crebritate relabendi in eadem & habitatione, scandalis præbitis etiam ignoranter alijs mala nostra imitantibus, alijsq; similibus nobis occultis, sed nos grauantibus circumstantijs, apud Deum autem ponderari solitis. potest dico quisq; præsumere ingentem sibi adhuc coram Deo iudice superesse pœnarum exsoluendarum congeriem, quàm, necesse sit, vel in hac vita voluntarijs, vel in altera Purgatorijs pœnis aboleri: sit verò rationaliùs hic potiùs satisfacere, quàm sese in purgatorio Diuinæ iustitiæ manibus, in quas incidere horrendum est, expiandum reseruare.

Hebr.

Planè sequitur, vt quisquis sapit, quod fidelem sapere decet, decet autem ita sapere maximè veteranum in scientia Spiritus obsequioq; Dei, eundèque simul iam vitæ modicum tempus habentem, sequitur inquam, vt quisquis talis est, dum tempus habet consulat sibi, rationes expungendorum debitorum secum ineat, easq; seruet exactè, & assidue exerceat, donec cum Diuina gratia & omnes præteritas planè expungat, & nouas in præsentem, quàm minimas paucissimasq; contrahat, contractas quotidianis pœnitendi & expiandi praxibus aboleat,

detq; operam vt quoad potest fieri cum Deo sine
omni tam culpæ, quàm pœnæ obligatione vt pluri-
mum viuat. Cuius rei hæ praxes sint.

*Si. et. de
frequentia*
Prima assuescere vitæ Ordinatæ per omnia quo-
ad fieri fas erit, vt nullus fiat à me actus elicitus, im-
peratus, internus, externus sensus rationis, huma-
nus, & si fieri potest etiam hominis, qui non sit ex
ordine & præuisione, ex fide & ratione, ex intenti-
one pura & sublimi, intense, attentè, deuotè, ap-
plicatè, iuxta suas regulas & circumstantias perfe-
ctus. Sic fiet, vt raro, rarissimèq; peccetur, leui-
ter, cum celeri aduertentia & retractatione atq; ex-
piratione & emendatione facili expeditaq;.

Secunda. Examinum frequentia, super omnia,
quotidiana & non quotidiana opera facta aut faci-
enda: Notus est Sancti Patris nostri mos, in horas
singulas sese recolligendi actionesq; inspiciendi.
Estq; hæc cura commodissima, ad euitanda expian-
daq; simul delicta.

Tertia. Habere & seruare præscriptas praxes
consuetudinesq;, quibus quotidie, quavis hebdo-
mada, quouis mense, quouis anno, omnia & singu-
la totius vitæ peccata ex intentione propositoque
expiantur.

Quarta. Omnibus & singulis operibus quæ quā-
docunq; aguntur, itemq; passionibus quæ incidunt:
incidunt autem, cum omnis actio habeat respon-
dentem passionem, adiungere intentionem satis-
factionis. seu applicationem ad satisfaciendum,
quoniam hominis in gratia positi omne opus satis-
factorium est, si præsertim applicetur, & maxime
in personis religiosis, quarum status pœnitentiæ cū
sit, omnis earum actio & passio, erit ex vi status sa-
tisfactoria.

Quinta. Actus charitatis Diuinæ, contritionis
item. Condonationis iniuriarum sinceræ, orandi
etiam pro inimicis eisq; benefaciendi. Misericor-
dia in pauperes corporales vel spirituales. Resigna-
tionis

tionis in omnem Dei voluntatem. Abstinendi ab aliorum censuris, iudicijs, damnationibus. item Abstinendi à vindicatione sui, eam etiam apud Deum deprecando. Hi inquam actus tales, testimonio Scripturæ expiant penas peccatorum: si ergo crebrò accurate, feruenterq; fiant, inducent immunitatem à multis, aut etiam ab omnibus pœnis.

Sexta. Zelus Animarum tam in hac vita existētium, quàm in purgatorio patientium. qui quanto est insatiabilior, quantoq; liberalior, tanto ad hominem à pœnis propriorum peccatorum eximendum efficacior. *Si eduxeris pretiosum è vili, quasi os meum eris* ait Dominus. Et iterum. *Beatus qui intelligit super egenum & pauperem: in die mala liberabit eum Dominus.* Ierem.
Psalm.

Septima. Vita religiosa, quæ religiosè ducitur, cum obseruatione omnium exacta, iuxta vitam communem debitam spiritu & deuotione religiosa, nec relinquit spatium peccandi, & ex substantia naturæq; sua abolet peccata per modum pœnitentiæ & quidem grauis atq; diuturnæ. Quod si ingressus Religionis primus aut votorum nuncupatio, sunt homini vice Baptismi, cum non etiam, imò & magis, eiusdem vitæ executio quotidiana, diuturna, assidua, pari primæ deuotione & liberalitate animi, in Deum facta!

Octaua. creber vsus idemq; deuotus & diligens. Sacrificiorum Sacramentorumque Eucharistiæ & Pœnitentiæ idq; saltem spiritualiter (qui creberrimè exerceri potest) per actus.

Nona. Vsus Indulgentiarum familiaris, deuotus, diligens: quarum indiculum & praxim, seu applicationem ad operationes nostras faciendam expedit habere.

Decima. Feruens, deuota, crebra, recognitio Passionis Domini nostri, itemq; Dolorum Matris eius compassæ ipsi, cum studio experiendi dolores amborum in ipsis nobis. tam in animo & corde,

quàm etiam in corpore. iungendo etiam opera nostra, sanguini, dolori, meritùq; Chisti. Itemq; in balneo sanguinis & meritorum eiusdem, nostram præteritam vitam & opera vitæ, balneando, lauando, expurgando: nec præteritam solum, sed & præsentem, omnemq; absolute vitam nostram & opera eiusdem. quæ fuit praxis sancti Francisci Minorum Patriarchæ.

Vndecima. Vfus mortificationum tam cordis quàm corporis, adiunctarum meritis & passioni Chisti & Matris eius & sanctorum, præsertim cum præmio examine instar Iudicii Diuini. & censoriarum seueritatis. Mortificationis item instar Extremæ vntionis, qua omnes potentie sensusq; in specie affligantur & expientur peccata ijs commissa.

Duodecima. Conferet plurimum ad propositum effectum expiandi omnia & singula peccata à pœnis debitis, singulis diebus, vel aliis statis temporibus, indicare vniuersalem planctum pœnitentie toti tibi. Personæ scilicet & substantiæ tuæ. Corpori & Animæ. potentis & viribus, membris & partibus, particulis atq; atomis, functionibus & capacitatibus, circumstantiis & deniq; possibilitatibus tuis, vt omnibus his singulisq; elicias exeraf-
q; intentione tuâ, planctum vt dixi & luctum vniuersalem, contritionem, confusionem, confessionem, detestationem, odium, execrationem, retractionem, erubesceniam, tædium, propositum, emendationem. Ita vt nulla particula tua non labore conferatq; de suo totum in expiationem abolitionemq; peccatorum, in postulationem & emendationem veniæ totalis, in voluntatem, propositum desideriumq; emendationis, emundationisq; quàm plenissimæ coram Deo. Totus peccasti, dignum est vt totus de peccatis doleas & lugeas. Dole ergo ex intima apprehensione, simulq; nunc pro semper appretiatione & æstimatione ac dilectione æquali, laza à te Dignitatis, Maiestatis, Bonitatis, Benigni-

Benignitatis. Charitatis Diuinæ. Etiam dole ex profunda penetratione abiectionis, indignitatis, maliciositatis ingratitude tuæ, qui læsi & contempsisti & odio habuisti tantum Deum & tam in te, inq; omnia, & in se bonum. Dole autem eā serietate ac plenitudine, deuotæ & amantis amaritudinis, qua dolores, si intuitiue (seclusa beatitudine) intrueris Deum in omni Maiestate. Amabilitate, Bonitate, Charitate suā quā doluit Christus, tum aliās, tum in horto sanguinem sudans, tum in cruce agonizans, quā doleres in articulo mortis iudicii; extremi, particularis ac vniuersalis. Dole digne Deo, adæquatè tuis peccatis tuæq; vilitati, dole tota omni possibili proportionē feruoris dolendi & amandi, dole toto Te.

Decima-tertia. Ad hoc etiam propositum conferet, quoties Sacramentaliter confiteris, ita confiteri, vt in animo intentusq; habeas omnium totius vitæ peccatorum odium & dolorem, item retractionem, & emendationis propositum desideriumq; saltem conditionatum. si possunt scilicet præterita, & in quantum possunt retractari. item confiteri quantum sat videbitur omnia quoq; totius prægressæ vitæ peccata, per quæ quomodocunq; Sanctissimæ Trinitati displicuisti: tum etiam peracta confessione satisfactionem facere, intuitu omnium totius vitæ peccatorum expiandorum, vt hac ratione omnis particularis Confessio, fiat quasi Generalis.

Decima-quarta. Habere institutum quoddam Purgatorium Spirituale, ex varijs classibus Exercitiorum compositum, in quo statis temporibus expurgatio fiat peccatorum & poenarum ijs debitum. Quæ de re alibi.

Decima-quinta. Semper habere aliquam molestim seu cordis seu corporis: sponte vel aliunde oblatam, acceptatam tamen in eum finem, vt eius libenti toleratione cum vnioue Sanguinis Christi

meritorumq; Pretiosissimæ Parentis & omnium Electorum, satis fiat. Diuinæ Maiestati iustitiæq; pro tuis omnibus peccatis.

Decimasexta. Habere in more vt quoties aliquem cognoscis defectum tuum, cum pluribus actibus oppositis aut alijs virtuosis compenses, nec non (si licet) pœnalibus: adiuncta vel præuia retractatione & emendationis, proposito.

Prouisio II.

Ad iusticiarum imperfectarum perfectionem.

Considera hanc esse miseriam nostram, quam diu in hoc puluere gradimur vitæ fragilis & mortalis, quod non tantum multa passim peccemus, sed etiam ipsas nostras perfectiones imperfecte, diligentias, negligenter, feruores tepide, bonitates minus bene, Diuino oculo iudice operemur, fallentes non raro, neq; parum nosmetipsos. Hoc nisi ita esset, vt quid Dominus minaretur, se accepto tempore iustitias iudicaturum? vt quid Apostolus diceret: *nihil mihi conscius sum, sed non in hoc iustificatus sum. etenim qui iudicat me, Dominus est?* ut quid diceret alius Apostolus, in Iudicio Dei, iustum vix esse saluandum? vt quid diceret deprecans Deum Dauid. *Non intres in Iudicium cum seruo tuo, Domine, quia non iustificabitur in conspectu tuo omnis viuens, etiam scilicet, Iustus?* vt quid Sanctus Iob & dicit. *Si iustus fuero, non eleuabo caput. & petit, in inferno potius abscondi, quam in Iudicium eiusdem adduci?* Vt quid deniq; Isaïas affirmaret: *Facti sumus vt immundus omnes nos: & quasi pannus menstruatus omnes iustitie nostre.* Quocirca Iob iustissime simulq; humillime confitetur.

Iob. 10. 15.

Isa. 64. 6.

confitetur de se. *Quantus sum ego, & respondeam*
Deo, & loquar verbis meis cum eo? Qui etiam si ha-
buerio quidpiam iustum, non respondebo, sed iudicem
meum deprecabor. E. dat rationem subdens. *Si for-*
titudo quaritur, robustissimus est: si equitas Iudicii, ne-
mo audet pro me testimonium dicere. Si iustificare me
voluero, os meum condemnabit me. Si innocentem of-
fendero, prauum me comprobabit. Ergo ex mente,
tantorum Sanctorum, si ad rigorem Examini dis-
tricti Iudicis veniant iustitiæ nostræ, nec fidere ijs
possumus, & timere ijs debemus. Si eas vel à Chri-
sti meritis atq; gratia, vel à miseratione Diuina se-
parauerimus.

Quo posito benè prudentis consilij est, iustitias
suas benè suspectas habere, & timere, ne ijs dicat
Christus Dominus illud. *Non inuenio opera tua ple-*
na coram Deo meo. semper autem & inquirere &
habere adhibereq; rationes, quibus suæ plenitudi-
ni reddantur, seu quibus ad perfectionem iustitiæ
perducantur. Tales enim Dominus & desiderat &
commendat seruos cùm ait. *Beati qui esuriunt & si-*
tiunt iustitiam: nempe completam & perfectam:
quoniam ipsi saturabuntur eius plenitudine, quan-
do dabit eis Dominus, *Et dies pleni inueniatur in eis.*

Hoc verò omnibus quidem Dei seruis curare,
consultum est: at consultissimum ijs, qui iam vi-
dent propter ætatem & elapsam & deuexam, non
posse non esse sibi Tempus breue & reliquum, non
posse Dominum longè abesse, sed potius prope esse.
Talibus enim, nisi de numero fatuarum Virginum
sint, incumbit promptè, & vel de nocte media con-
surgere, lampadesq; non solum ornare, nec solum
accendere, verùm etiam & inprimis quidem oleo
implere. Cuius rei præstandæ antequam aliquas
ponam praxes, præmittam aliquas viles necessari-
alq; obseruationes.

Prima eaq; fundamentalis obseruatio sit desum-
pta ex D. Thoma. *perfectionis & perfectorum pro-*
prium

primum esse, omnia perfectè elaborare, quod nisi fiat à perfectionis sectatoribus professoribusq; eorum opera quantumlibet ex substantia sua sint, videantur perfectè, non erunt reuera perfectè. Ex hoc proinde surgit.

Secunda Observatio. Vulgatissimum esse eorū qui perfectionem querunt & amant, errorem in eos quod ambitiosissimè, magna, grandia, atq; ut illi vocant Heroica & perfectè, mirabilia, & oculos mentesq; omniū sapientia, operari queant & gaudeant, in eoq; & summam, & praxim perfectionis ponant, nihil de eo, parumue aliquid solliciti, va quidquid laborant, perfectè elaborent. Cum tamen iuxta sapientes, & iuxta ipsissimam veritatem, proprium sit perfectorum & perfectionis, perfectè operari. Alibi hoc argumentum fusiùs tractatum est, hic eius locus non est. Sit interim.

Tertia observatio. alterius erroris, quem etiam perfectionis cupidi sepe errant: nimirum quia magis volunt multa operari, quàm bene: malunt numerum, quàm valorem operum: quod perinde est, ac si quis mallet multos obolos, quàm vnum aureum, multa vasa testea, quàm solido ex auro vnum factum habere. Atqui certò certius est, apud omnes rectè æstimantes, maximèq; apud ipsum Deum: Minimum, & Naturà specieque suà licet vile opus, perfectè elaboratum, esse præstantius atque pretiosius, pluribus operibus bonis, ac non bene, non inquam perfectè elaboratis. Hic perfectorum error, à spirituali quadam avaritia profluit, quà volunt citò & multum coram Deo ditari, sed in modo ditescendi errant, nam uti dixi, coaceruare multa testea vasa seu opera meritaq; volunt potius, quàm vnum auro solido gemmisq; factum. obliui illius prouerbij. *Substantia festinata minuetur: quæ autem paulatim colligitur manu, multiplicabitur.* Quocirca, qui hoc inter detrimenta vitæ suæ ponunt, si pauca & lentè, sed perfectè elaborant, hi

Prov. 13. 11.

61
rant, hi hunc errorem deponant opus est. magisq;
credant Diuino, quam suo sensui. Deo enim non
placet multitudo filiorum (operum) inutitium.
plusq; ipsa Sapientia æstimauit ac probauit duo mi-
nuta à paupere vidua missa in gazophylacium, quā
multorum profusam pecuniam, affirmans eam plus
omnibus dedisse, non plus numero, sed plus animi
dantis pretio. quoniam Deus deuotione pascitur
& delectatur, non numero. & non attendit ad quā-
tum, sed ex quanto; neq; acceptat verba, sed ad-
uerbia.

Quarta obseruatio. Opera nostra aliās bona &
præclara de se, infici tamen solere potissimū. 1. Vel
quia ipse operans, non satis est gratus Deo, eo quod
non satis etiam sit purgatus coram ipso. 2. Vel
quia intentione non satis purā defecataq; opera-
tur. 3. Vel quia angusto, ignauo, illiberali ani-
mo affectuq; (quod sine deuotione dicimus) ope-
ratur. Vel quia. 4. non secundum debitas operi
circumstantias operatur. Vel deniq; quia 5. non
vsq; ad consummationem operatur. quamobrem
qui vult perfectionem in suis moribus operibusq;
& consequenter in se, vitaq; sua obtinere, opposita
quinque adhibeat in operando media. 1. Nitorem
& munditiem cordis. 2. Puram & ab omni crea-
tæ portionis intuitu liberam, in solumq; Deum
propter Deum directam intentionem. 3. Diligen-
tissimum, feruentissimum, liberalissimum animi
in agendo conatum & affectum. 4. Debitarum
circumstantiarum omnium nexum. 5. Et deniq;
vltimam finalemq; operationi & operi manum.
quandoquidem in suo sacrificio quod Holocaustū
vocat, neq; vngulam, neq; caudam, neq; pilos de-
esse vult Deus noster.

Quinta obseruatio est, vnicam tantum rem age-
re, non autem plures simul. Nam pluribus inten-
tus, minor est, neq; sufficit ad singula sensus. Ea
experientia nouimus, quod dum aliquid priuati-
um agi-

um agimus, & interim etiam aliquid aliud esto leue expedire veluti obiter volumus, ab illo primario opere nostram attentionem abduc i, in hac autem leuicula actione defigi: estq; hac illusio non infrequens, insipiens, & perfectioni operum nociua, proinde vitanda.

Sexta obseruatio. Et si vnica solùm agenda res & actio sit, agat tamen eam totus homo, & non vnica uel altera parte potentiâq; sui. Sic enim vnum opus bonum poterit simul & semel pluries agere, quod aliqui semel tantum egisset. Exempli gratiâ. Orat quis horas canonicas flectendo, aut stando, aut sedendo, aut ambulando, si ad orandum tantum applicat mentem seu rationem & voluntatem, & linguam, sola mente & lingua orabit, at si etiam ad orandum sua intentione, applicabit oculos quibus legit, aures quibus audit, manus quibus tenet aut voluit librum, pedes quibus vel stat, uel flectit, vel ambulat, os & pectus quibus respirat, reliquasq; sui partes, quibus inter actionem orationis illius utitur, toties iste horas suas orabit, quot erunt variorum membrorum ab eo simul exercitæ actiones inter orandum mente vel lingua. Hæc enim ab intentione & applicatione dependent volentis, & vim habent. Quod melius patebit ex obseruationibus sequentibus. Ad hanc autem adhuc addo alium sensum, vsumq; huius obseruationis præsentis. etenim hac obseruatione, quâ totus homo agit quando agit, non tantum possumus vnum opus pluries simul agere, modo explicato: sed etiam possumus plura simul, opera disparata & distincta agere, absq; detrimento actionis principalis & per se ad agendum assumptæ. exempli gratiâ. Orat quis canonicas horas modo dicto, ad hanc actionem expediendam, sufficit mentem & linguam cum cæteris suis modis adhibere. ambulatio, flexio, libri tentio aut volutatio, respiratio, aliarumq; partium & potentiarum exercitatio, ad hæc

ad horarum recitationem est de se impertinens: ergo ista omnis concomitantium actionum varietas, potest ad alios aliosq; fines iuxta arbitrium voluntatis humanæ applicari, atq; ad eos exerceri: sicut potuit ad horarum canonicarum recitationem intentione simili dirigi. Quare ore & mente horas dicet, vt satisfaciatur obligationi, standi vel flectendi laborem dabit animæ purgatorii. respiratione aspirabit ad Deum ut dilectum. & sic de alijs. Neq; opus est, inter recitationem horarum, has omnes applicationes in memoria actualiter voluere, id enim esset contra quintam obseruationē, sed eas sufficit semel initio fecisse, neq; mutatione interrumpisse. censebuntur enim virtualiter durare, dum durabunt actiones ipsæ applicatæ.

Septima obseruatio est Augustini de operibus nostris, quod & illa loqui possint, nosq; per illa loqui possimus. Habent enim & illa linguam suam, & possunt à nobis adhiberi, pro lingua aut cordis animiq; motu. Sic querenti ex nobis alicui homini, vbi sit venale vinum possumus hoc narrare voce, possumus intenta in locum manu, possumus ostensa hedera, potest hoc ipsamet exposita præstare hedera. Sic iram internam, non sola voce, sed etiam contracta fronte, aspectu toruo, minitante manu, possumus eloqui, seu manifestare. Sic ipsi, imò verò maximè Deo ipsi, non sola lingua, nec sola mens, nec solum cor loquitur, loquuntur etiam genua flexa; oculi eleuati, tensa brachia, sublata iunctaq; palmæ. Quemadmodum etiam Deus ad nos non tantum voce loquitur, loquitur etiam rebus & operibus, adeoq; omnis res, omne opus Dei, lingua est Dei. Mugiant tonitrua in ære, nonne loquitur nobis se esse terribilem & timendum? dat beneficia, nonne ait nobis, dilige me: quoniam bonus sum &c. Ita tot sunt linguæ Dei, quot creaturæ, quot opera manuum eius. Pariratione & nos sumus instructi infinitis instrumentis loquēte

*Habet similē
sensum etiā
Ambro: lib.
1. in Offic. C.
41. Habet &
sanguis vocē
suam, quā
clamat ad
Deum.*

loquendum Deo, eiq; sensus mentis nostræ explicandi. dum modo non desit intentio & applicatio, voluntatis nostræ liberæ quæ vna potest omnem rem, omnemq; actionem suam animare, vt loquatur Deo quidquid vult, laudem, amorem, timorē, adorationem, subiectionem, gloriam, gratiarum actionem, pœnitentiam, admirationem, desiderium, fidem, spem, sustinentiam, resignationem, obedientiam, humilitatem, orationem, postulationem. &c. Sicut enim oro Deum pro sanitate corporis, quando illi verbaliter dico. Sana me Domine ab infirmitate mea. ita quoq; id ipsum ab eo peto, quando pauperi stipem do hac impetrandi intentione, aut quando iniuriam condono. Sic, quando ambulationis, aut scriptionis, aut externæ laborationis meæ gressus, motusue manus, calami, instrumenti facio, vt me coram Deo tot vicibus humiliem, quot gressus faciam, tot sine dubio erūt humiliationis actus, quot pedum gressus, quod manus calamiq; motus. non minùs, quam si vel corde solo, vel etiam ore repeterem sæpiùs sæpiùsq;. Domine propter te, vilifico me. Domine vilis & vilitas sum &c. Habent enim opera linguam suam seu possumus nos, nostrâ voluntate operibus nostris dare linguam suam. Sic pro beneficio accepto à Deo, possumus agere gratias, non corde tantum aut linguâ, verùm etiam victoriâ aliquâ nostri in finem gratias agendi Deo. si verbi gratia nō obsequar curiositati oculorum vel aurium, si non obediam impatientiæ, si actum charitatis fraternæ, vel obedientiæ ad Prælātū aut regulam faciā. Itā enim omnia opera, loquuntur Deo gratias, melius etiam, quam si lingua tantum, aut cor diceret id ipsum. Addo hac eadem ratione posse nos omnem creaturam etiam brutam & inanimatam, omnesq; eius actiones, vires, partes, circumstantias facere loquentes, Deo gloriam & honorem & gratiarum actionem, postulationem, adorationem

69
rationem, obedientiam, humilationem, & omnis
genetis affectiones dignas Deo, tam pro nobis, quā
pro alijs, quā pro seipſis. Cuius rei luculentum
exemplum eſt, Canticum trium puerorum *Bene-
dicite omnia opera Domini Domino.* Et Davidis *Pſal.* Dan. 3.
mi plures, nominatim Laudate Dominum de celis. *Pſal. 148.*
Adbuc addo: hac eadem ratione poſſe nos omni
actione noſtra, (imò & aliena per nos ad id directā
quantum ex nobis) diſponi ad gratias Dei actua-
les & habituales, diſponi item ad Sacrificium Miſſæ
Sacramentumq; dummodo animentur iſta inten-
tione, & ad gloriam Dei ſiant, diriganturq; ea in-
tentione, vt inſuper diſponamur per eas ad fines
prædictos gratiarum, communionum, contritio-
nis, ſatisfactionis pro peccatis aut Animabus pur-
gatorii &c. &c.

Octava obſervatio. præcedentes illuſtrans &
fundans eſt, tenendam eſſe naturam, poteſtatem,
vaſtatem comprehensionemq; noſtræ liberæ vo-
luntatis, eiſq; uſum & praxim ſimul ſciendam &
exerendam exercendamq;. Voluntatis ergo no-
ſtræ tanta eſt vaſtitas, & capacitas, & natura, & po-
teſtas, vt quantumcunq; & quocunq; voluntate no-
ſtrā liberā intendimus, eo etiam eiſdem actiuitate
& actione pertingamus. idem enim & vnum iſta in
voluntate noſtra ſunt, aliquid vel aliquò intende-
re, & eodem actione pertingere. Itaq; ſi voluntas
libera extendit ſe intentione ſua tantum ad tres
verbi gratiā vlnas, actio eiſdem etiam tantum trium
vlnarum & ad tres vlnas erit. at ſi intenderit & por-
rexerit ſe ad centum milliaria, etiam actione centū
milliaria complectetur: quia voluntatis intende-
re, eſt actione pertingere. ita vt non vltèrius actio-
ne pertingat, quā intendat, nec vltèrius intendat
quā pertingat. Eſtq; hoc ſoli voluntati noſtræ li-
beræ proprium: aliæ enim potentie noſtræ id non
habent. Non enim poſſumus auditui vel viſui no-
ſtro præſcribere, vt non niſi ad tantum ſpatium au-
diat, vi-

diat, videatue. sed sæpè citra, sæpè vltra extenditur, quàm volueramus: At voluntatis intentio & eiusdem actio adeò commensurantur inuicem, vt altera alteram nihil excedat. Hac voluntatis nostræ proprietate in intendendo scire vti in spiritali negotiatione, & virâ & acquisitione perfectionis atq; augmento, singularis artis est, maximi fructus, modici laboris. Solus enim est hic labor, Intendere. Sit in hoc liberaliter assiduus, assiduèq; liberalis, imo auarissimè auarus lucrorum spiritalium conquisitor: & sine dubio tantum lucrabitur atq; ditescet, quantum intendet. iuxta illud Domini dictum ad populum suum. *quemcumq; locum calcauerit pes vester, vester erit.* quousq; enim sese pedes voluntatis nostræ intentione extendent, eodem efficitate & lucro profectusq; pertingent.

Deut. 11. 24.
Iosu. 1. 3.

2. Reg. 18. 23.

Nona obseruatio. In via & vita & negotiatione spiritali (tam verbi gratiâ in expiandis peccatis, quàm in supplendis imperfectionibus, quàm in cõpensandis omisiss, quàm in conquirendis magnis meritorum & profectuum lucris) sciendas & adhibendas esse artes quasdam compendiosas seu breues, quoad laborem, amplas autem & vastas quoad fructum. Sunt enim in vita spiritali etiam viæ cõpendij, per quas qui currunt praueniunt sæpè multos, *Et consummati in breui expleat tempora multa.* eoq; perueniunt in perfectione & meritorum atq; virtutum & gratiarum Dei opulentiâ, quo pleriq; per multos & annos & labores, vel nunquam, vel vix perueniunt. Tractaui hoc argumentum aliàs: nunc locus non est, tantum attexo istas compendij vias aliquas, seu dictamina ampla & vasta.

Tale ergo est. 1. Continuum suimet abnegationem & perditionem querere & exercere, Suimet dico, nempe Amoris, sensus, honoris, excellentiæ ac libertatis iudicij; proprii. Vt homo in nulla re seipsum quærat, sibiue faueat, maximè in puncto honoris & famæ contra cuius amorem, curam, tutelam,

relam, quanto animosiùs depugnârit, tanto celerius proficiet copiosiusq; Qui hoc punctum in ultimos annos vitæ spiritualis reijciunt, valde tam se, quàm alios seducunt. puniuntur à Deo tarditate & paritate profectus: tepiditate spiritûs, alijsq; incommodis, quorum fontes alibi deteguntur. Ab hoc certè ordiri nos conuersionem nostram docet Dominus toties dicens. *Qui vult venire post me, abneget semetipsum. Qui amat animam suam, perdet eam.* Proinde qui hoc studium differendū putant, Christi doctrinam corrigunt, suam ignauiam nutriunt.

2. Præsentia DEI studium assiduum & accuratum. Efficacissimum verò ad profectum diuitiasq; spirituales instrumentum, quod quia vulgò est laudatum & explicatum, & melius experimento discitur, quàm verbosa commendatione, sit satis hoc de eo dixisse: DEI amari & dignè apprehendi iugè memoriā, esse acceleratā & supremæ sanctitatis, perfectionisq; fodinam.

3. Vitæ communis & Obseruationis regularum omnium ad literam, inuerecundum (liceat ita loqui) & cæcum ad respectus humanos studium. Hac via incedere tutissimum Religioso præsertim. Neq; est ad iuuenes amandandum, sed à senioribus quàm maxime obseruandum: eos enim maxime decet, quorum vita veluti viua regula omnibus esse debet. Et omninò absurdum est, vt veterani ab iunioribus indignentur aliquid agi, præter communem disciplinam, ipsi autem permittant sibi, & velint permitti, vt possint impune esse, supra, extra, contra disciplinam. Qui est per omnia subiectus Regulis (scriptis aut viuīs, nil refert) & communi disciplinæ ad mortem. Hic sine iudicio ad beatam vitam admittetur. Non enim in eius quidquam reperietur actionibus, quod iam ab ipso Deo non sit canonizatum per regulas.

4. Dictamen amplum & vastum simulq; cōpendio.

pendiosum est. Ordinaria opera, sed non ordinario modo, non perfunctorio, non ex usu, non ad oculum, non ad præmium, verum exactissimo modo & dignè Deo facere. Grande dictamen & præcedenti consimile.

5. Est. Obedientia & dependentia in omnibus etiam minimis animi designationibus & motibus, à directione Superiorum Patrumq; Spiritualium: instar simplicissimorum paruulorum. Ita vt maioribus anima conscientiaq; sic pateat, quomodo vasa crystallina in lucem adducta transparent intuentibus. Quantum sit sanctitatis, compendium & perfectionis in hoc dictamine, nosse qui cupit, experiri velit.

6. Est Resignatio in Dei omnem secundū quascunq; condiciones voluntatem, tam circa nos, quā circa quascunq; creaturas, pro beneplacito suo ordinantis. Ita sine nostra voluntate in omnibus simus, præter quā in hoc vno vt omnia iuxta Dei voluntatem, propter ipsammet Dei voluntatem velimus. De hoc pluribus alibi, nec semel dictum à me. Nihil attinet reperere. Plura etiam dictamina non addo. longior enim est hæc prouisio, quā voluisssem, quanquam hæc vna, etiam sequenti, imo fors & sequentibus subseruiet.

Ex dictis colliget quisquis iustitiarum imperfectarum perfectionem supplere desiderat, quibus cum præxiis, quibusq; artibus & obseruationibus ad hoc tendere oporteat. 1. Dabit enim operam, vt omnia perfectissimè elaboret, 2. Vt opera sua siue maxima siue minima ex se sint, maxima modo operandi faciat. 3. Vt si fortè multa perfectè elaborare non possit, elaboret pauca, elaboret vel vnum. certus, plus Deo & gloriæ & gustus, itemq; sibi meriti & profectus esse ab vno perfectè elaborato opusculo, quā à multis, sed non perfectis; 4. vt puro corde, pura intentione, pleno studio & affectu, pleno omnium debitarum circumstantiarum comitatu,

69
mitatu, aduſq; finem ſeu vitæ ſeu operandi cum perfectione modi peragat. 5. Vt in agendo nec multiplex, nec feſtinus ſit: neq; aſtuet ad hoc, vt multa in arcto tempore perficiat, ſed omnia tempus habeant, neq; alia alijs obſtrepent. Optimè tempus collocat, quiſquis illud in ſingulis operibus ſuis perfectè conſummandis collocat, perdit, autem non lucratur tempus, qui non quàm benè, ſed quàm multa faciat attendit. Res tibi ſeruiant, non tu rebus. itemq; tempus eſt (& fit) propter res atq; actiones, non contra. Vulgo dicitur & benè. Quod cito fit malè fit, ſeu cito perit. Et qui duos lepores vno cane, captat ſimul, neutrum capit. 6. Dabit etiam operam, vt totus agat. Sic enim multiplicabit opera & lucra, labore vel nihil, vel penè omnino nihil multiplicato. 7. Animet etiam non tantum ſeipſum, nec tantum opera ſua, ſed res omnino omnes, earumq; operationes in ſuum ſpiritualem fructum Dei; obſequium, & gloriam, Idq; voluntatis & intentionum eius vſu quàm vaſtiſſimo & capaciſſimo. Ad hæc autem ſectetur vias compendij. Deniq; per hæc omnia illud intendat, vt (præter alias intentiones) iuſtitiarum ſuarum imperſectio perficiatur, & ſua plenitudo in quantum ab ea deficiunt, impleatur & etiam ſuperimpleatur.

Prouiſio III.

Ad ſecunditatem perfectionis & meritorum in operibus.

CONſidera, quod ſi quid ad Prouiſionem Senectutis pertinet, hoc certè pertinet, vt qui ſe in declinui ætatis videt, in hanc ſe præcipuè curam effundat, vt quæcunq; interea operatur, operetur quàm perfectiſſimè, ac per hoc etiam, quàm ſecunditatem.

diffimè. Et quidem ad hoc propositum non deest
 nobis Diuina incredibilis ac faciendum nobis bene
 liberalitas, dummodo nos in eâ acceptandâ nobis,
 & Deo non desimus. Præter quàm enim, quòd v-
 nis iisdemq; operibus & operationibus, tum præte-
 rita expiare peccata, tum præteritas bonorum im-
 perfectiones supplere, insuper etiam noua lucra,
 hoc est nouos profectus facere, noua merita com-
 parare possumus, & quidem in ea excellentia atq;
 copia in quantam sese nostræ voluntatis extendere
 studuerit intentio. Quocirca quæcunq; in duab;
 prouisionibus prædicta sunt, quæ praxes inibi inti-
 mata, ex omnes ad hoc quoque seruire nobis pos-
 sunt, quod hac prouisione intendimus: scilicet ad
 locupletandum nos meritis, gratijs, virtutibus, per-
 fectione in operibus nostris. Et nihilominus pos-
 sunt alix praxes ad eundem finem inueniri & ad-
 hiberi, quæ similiter duabus primis prouisionibus
 perinde poterunt deservire. Et si verò ism ante ex-
 plicatum est, quosnam fructus operum nostrorum
 nos habere possumus, tamen & hic proderit eorum
 memoriam reuocare, & indiculum forsitan plenio-
 rem, quàm ante retexere. Igitur omni opere suo
 bono, benè factò, iustus quis, & in gratia Dei posi-
 tus, potest. 1. Deum laudare, adorare, venerari,
 diligere. 2. Potest eiusdem voluntatem siue præ-
 cepti, siue consilij, siue beneplaciti ac supereroga-
 tionis, siue quasi talis adimplere. quòd addo ideo:
 quia etiam præceptum opus potest impleri superer-
 rogatiuâ voluntate, & ac si, aut etiam si præceptum
 non esset. 3. Potest eidem Domino, pro beneficijs
 sibi, toti;q; vniuerso impensis, naturalibus, Super-
 naturalibusuè gratias agere. 4. Potest coram eo-
 dem Domino suo, plurimos virtutum actus Theo-
 logicarum & Cardinalium in hisq; specificè contē-
 tarum peragere, vel tanquam pro ijs actibus vice
 illorum sua (quin & omnium aliarum creaturarū)
 opera substituere. 5. Potest iisdem operibus suis
 tanquā

tanquam orationibꝫ postulare & impetrare à Deo, sibi, alijsuè gratias naturales Spirituales, Supernaturales, temporales. 6. Potest adhuc ijsdem suis operibus satisfacere pro peccatorum suorum, vel etiam alienorum pœnis, nisi quid obftet & iuxta applicationem suam. 7. Potest supplere partim omisiones, partim imperfectiones, partim alia debita, ac etiam non debita, sed solum si fuissent pe-racta, nobis profutura Deoqꝫ placitura. 8. Potest etiam ijsdem suis operibus homo iustus mereri apud Deum sibi. 1. Gratias actuales auxiliaqꝫ; opportuna ad omnis generis bona spiritualia (gratias primas & finales excipio) 2. potest deindè mereri gratiarum habitualium & sanctificantium, nosqꝫ; amicos Dei facientium gradus, & incrementa maiora & maiora, pro perfectione operum. 3. Potest adhuc mereri augmentum charitatis Dei & proximi, quoad habitum eius siue charitas ista sit quid diuersum in substantia sua; ab Habitu Gratiz, siue non. 4. Potest quoqꝫ; mereri augmentum ceterarum omnium virtutum Theologicarum & Moralium, quæ ad augmentum Gratiz Sanctificantis & charitatis in nobis augentur, simul cum donis & fructibus Spiritus Sancti. Potest præterea mereri alia quoqꝫ; bona iuxta intentum suum & Dei placitum, etiam temporalia ac naturalia. Deniqꝫ; potest mereri incrementum Gloriz in Cælo, quæ secundum gradus amicitiz Dei, siue gratiz habitualis, proportionaliter, & quidem excessiue nobis hic quidem debetur, in altera vita exhibetur. 9. Ijsdè suis operibus bonis iustus potest se disponere ad plurima bona, secundum intentionem suam, aut secundum Dei placitum, siue fuerint illa ordinis Naturæ, siue etiam gratiz.

Hi verò fructꝫ penè omnes operum nostrorum, post Dei placitum, ex eiusdem ordinatione pendent potissimum, à voluntatis nostræ in talibus fructibus intendendis appetendisqꝫ; extensione, liberalitate, capacitate, vt alias dictum est. Quocir-

Quocirca hæc sit Prima ad coaceruationem fructuum id est meritorum & perfectionum quam maximam ex nostris operationibus praxis. Voluntatis nostræ quam maximè dilatare intentionem atq; tendentiam. Cuius extensionis dilatationisq; expedit formulam habere confectam, quam et si quisq; perfectorum melius atq; plenius pro suo gustu parabit, eam tamen hic subrexi.

Sanctissima Trinitas Deus Pater. Fili. Spiritus Sancte. ego N. volo & intendo, esse & mutari, agere & pati, ex, & cum gratia tua, sine qua nihil sum, ex voluntate & electione mea deliberata, omnem voluntatem tuam, ad voluntatem tuam, omnes & singulas actiones meas, passionisq; quocunq; modo meas, affectu, gustu, corde tuo Divino, nec non ad Tuas Divinas ad intra & ad extra, ad IESU CHRISTI quoque Domini nostri erga Te, erga se, erga nos, nem ad Pretiosissima Parentis omniumq; electorum intentiones, intentionumq; sublimitates, adæquatè obligationi capacitatiue meæ, impersonatè etiam ad omnes & singulas creaturas, pro, & cum omnibus illis, actionibusq; earum omnibus & singulis, mihi appropriatis, ac veluti meis & à me factis, Sacrificando & Holocaustu de me Tibi per omnes eas faciendo, Heroicè & quoad fas super Habitum, omni intentione, extensione, intensione, liberalitate, attentione, mentis, affectus, actus, excessus, ignitionis, capacitatis, òni proportionè, omni circumstantia atomicè, abyssaliter, insatibiliter, incessabiliter, omni possibiliter, cuncticreatè, cunctibeatè, cunctisleraphicè. Marianè, IESU CHRISTI formiter, Divinè: Sine ullo mereri, certè non propter vllum mereri, sine nidulo quietis, sine portu voluntatis, sine spe & interesse Amoris proprii. Desperatiue prorsus de me, speratiue in Solo Te. Cum expectatione & acceptione & auditate & postulatione (secluso proximi peccato) censura, linguæ, ingratitudinis, cōtempnus,

emptus, sterilitatis, impedimenti. Ad confusio-
nem mei, ad spem & amorem Crucis. ad mensuram
Dignitatis tuæ, debitiq; ad Te mei. Ad mensuram
amabilitatis tuæ.

In finem confessionis, dilectionis, adorationis,
laudationis, desiderationis, gratiarum actionis ti-
bi, imitationisq; tui. In finem impetrationis, me-
riti, satis factionis, suppletionis damni & debiti o-
mnis. In finē balnei & expiationis maculæ omnis,
sicut tu potes, scis & vis. Tanquam primum & vl-
timum salutis meæ, Laudis Tuæ, exaltationisque
medium. Semel pro semper. In omne bonum Vni-
uersi, cum abyssali presentis Tuæ amore & reue-
rentia, Dignè Te, Dignè Iesu Christo, dignè Pre-
tiosissima Parente, dignè Electis omnibus. Dignè
mercede Iesu Christi & Pretiosissimæ Parentis o-
perariorum meorum. Vt Tibi placeam: quia mi-
hi places vt mihi placeas & omnibus placeas, vt
Tibi omnes placeant, ampliùs & ampliùs. Vt de-
niq; sis id quod es in æternum & ultra, & quamdiu
Tu es. Sanctissima Trinitas vnus Deus. Amen, A-
men, Alleluia, Alleluia, Fiat, Fiat. Alleluia. &c.

Huic praxi, quod quisq; vult addat, vel subdu-
cat pro suo sensu. Hæc tamen praxis instruere po-
test, aut saltem intimare complures alias praxes,
quibus fecundatio operum nostrorum aggerari
potest accumulantiq; fructus eorum: ferè enim sin-
gulæ voces hanc fecundationem redolent, insinua-
nt, extenduntq; Addo tamen insuper aliquas
praxes ad idem propositum facientes. Sitigitur.

Secunda praxis, valens tum ad fecunditatem
fructuum, tum ad conseruationem praxis tam præ-
teritæ, quàm omnis alterius per ratificationem &
innouationem illius frequentem, hac vel simili
formâ.

Volo & intendo, vt omnis motus meus (siue
proprie personæ meæ, siue personatè ad omnes
creaturas earumq; motus) sit renouatio intentio-

nīs (prædictæ) atq; approbatio illius æterna. Vel certe hæc paulò plenior.

Sanctissima Trinitas Vnus Deus, Tuas Diuinas, necnon Iesu Christi, Pretiosissimæ Parentis, omniumq; Electorum, & meas intentiones intentionūq; sublimitates, omnes & singulas, & quæ vnquam bona benè volui, volo & rata habeo, quæ verò vnquam mala, malè volui, nolo & irrita habeo, semel pro semper, in omnimoda proportionē formalitatis & feruoris, ad gustum Tuum in me & meum in Te saginandum, deuotionemq; meam & voluntatē tuam explendam, in Æternitatem. &c.

Tertia praxis vno atq; eodem actu, licet sensu & intellectu dispari, affici erga Sanctissimam Trinitatem, erga Deum Hominem, erga Pretiosissimā Dei-Hominis Matrem, erga omnes Electos & Sanctos Dei. Comprehendendo has quatuor classes, Sanctorum vnā congruā appellatione atq; affectione, habendo & intendendo sensum congruum, cuiuslibet prædictæ classis. Sanctissimæ quidem Trinitati Latreuticum simpliciter. Deo. Homini Latreuticum, etiam propter vniōnem Hypostaticam. Pretiosissimæ Parenti Hyperdulicum, propter eiꝝ excellentiam, Electis & Sanctis. Dulicum. Et appellatio quidem seu titulus his omnibus classibus Sanctorum communis esse potest, hic verbi gratiā. Quater. Sancta quaternitas: vel Quater-Sanctus, quaternio: propter quāruplicem numerum atq; etiam gradum & modum sanctitatis. Affectio autem & actus pius quicunq; esse patet sensu mentis & intentione voluntatis attemperatus cuique gradui verbi gratiā Amoris. Adorationis. Benedictionis. Dignificationis. exaltationis. postulationis. laudationis. Desiderationis. gratiarum actionis &c. Ita vt vnā quidem vox sit v. g. Amandi, sed diuersus sensus erga Sanctissimam Trinitatem scilicet Latreutici amoris, itemq; erga Christum propter eandem rationem: erga verò Pretiosissimam Paren-

Parentem, sit amoris Hyperdulici, erga Sanctos autem & Electos Dei, sit Amoris Dulici.

Paradigma esse potest huiusmodi.

Quater-Sancte quaternio Toto te, toto me. Amo (Beatifico. Laudo. glorifico, exalto, adoro &c.) Te. & volo Tibi, omnia Digna Te. Dignè Te.

Quater-Sanctæ quaternitati. Toto me gloriam do. vanitatem do diabolo, mihi nihil, confusionē, & infernum referuo, omnia ad Sacrificium, ad Sacramentum, ad gratiam, ad gloriam, ad gratiarum actionem, ad adorationem, ad meritum, ad impetrationem, ad satisfactionem perfectissimè & ferventissimè agere & pati volo, in clibano ignis Seraphici, Mariani. Theandrici. in Christi sanguine. Adiuvā me ō quater-sancta quaternitas, adiuvā me: nihil enim mihi sum sine Te.

In his paradigmatis [atq; pari ratione in alijs ferè omnibus] notet Lector plures, variatq; & grādes latere praxes, quibus fecundantur tam perfectiones quàm merita quàm etiam intentiones operum. indico eas quàm possum brevissimè: non enim est hoc præsentis propositi.

1. Quid intelligatur Nomine Quater-Sancti quaternionis, aut Quater-Sanctæ quaternitatis, iam supra dixi: intelligitur enim (consequenter colitur) 1. Sanctissima Trinitas Pater. Filius & Spiritus Sanctus. 2. Humanitas Christi Theandrica seu Verbum Incarnatum Deus Homo. 3. intelligitur Beata Christi Mater. 4. intelliguntur omnes & singuli Electi Sanctiq; Dei, tam Angeli, quàm Homines.

2. Toto te. vel Tota te. intelligitur idem Quater Sanctus quaternio, assumiturq; totus quantus quantus est, in sua latitudine, capacitate, perfectione, dignitate, effectuositate seu efficacia, meritis, multitudine, plenitudine, æternitate, assumitur inquam, & ab Homine hunc actum agente sibi appropriatur, & in eundem quaternionem dirigitur refundi.

refunditurq; , tanquam si eo vel actu tota se quaternitas amaret in seq; ferretur, vel agens homo sit tota quaternitas sancta, in seq; ut talem afficeretur. Quo in sensu quanta sit & sublimitas & latitudo & extensio & intensio & perfectio & duratio actus, cogitari quidem potest, an autem ad plenum possit cogitari, equidem ambigo.

3. Toto me intelligitur. 1. Totus Homo agens actumq; exetens. Totus inquam secundum personam, animam, corpus, potentias, membra, operationes omnes externas, internas, etiam possibiles, prateritas, praesentes, futuras, omnium membrorum partiumq; suarum, omnium instantium ac momentorum, omnium atomorum: secundum omnes gradus, circumstantias, extensiones, intentiones, respectus, adiuncta, connexiones &c. &c. durationes, aternitates, & quidquid omnino quouis modo ad hominem attinet, seu ad quodcunq; homo ipse, qui agit, patitur alteraturue hoc affectu pertingit. ita ut omnibus istis praedictis, censeatur, velit, intendatq; & re ipsa actualiter amet quaternam quaternitatem. 2. Intelligitur vniversus creaturarum populus atq; cumulus: in numero indiuiduq; in specie, genere, ordine naturali, supernaturali, possibili, cum omnibus suis conditionibus, modo in ipso met homine adductis, omnibusque atomis rerum vniversalium, ijsq; vniversalitatis seu quasi totum vniversum hoc quantum quantum est, omnis creatura, omnisq; atomus creaturae esset, ita reputatis & intentione constitutis. Hic ergo populus creaturarum vniversus taliter accipitur, quasi in hominem, ab ipsius hominis intentione transformatus & impersonatus esset: ita toto illo sibi appropriato, impersonato insubstantiatoq; , Homo Quater sanctam quaternitatem amat Toto se. Fundamentum huius sensus est. Quia Deus est omnium creaturarum autor, pater, fons, cui omnes creaturae dicunt. Pater noster qui es in coelis. Ipse.

his. Ipse fecit nos. &c. & per hoc omnes creaturæ, in ipso omnes vnum sunt, & inter sese quasi fratres atq; sorores sunt: & omnes creaturæ, quasi vna creatura sunt: specialiterq; Homo cum omnibus creaturis, veluti vnum quid est: quia omnium creaturarum compendium est: idcirco habet fundamentum homo rationabile, ob quod se omnibus, & in se omnes creaturas vnire impersonareq; potest, omnibus illarum omnium substantijs, partib9, actibus, passionibus, atomis, conditionibus, veluti suis, veluti in se translatis transubstantiatisq; intentione suæ voluntatis. Maxime cum etiam Homo vniuersi finis sit, & princeps, & caput: ei9; incumbat pro omnibus præcipue irrationalibus creaturis Deo, laudem, amorem, obsequium præstare Electosq; Dei venerari &c. 3. Intelligitur etiam sub voce Toto me. ipsa quater sancta quaternitas, potissimum autem Sanctissima Trinitas vnus Deus, in quo & omnis creatura & Homo est vnum quiddam: & quidem idealiter ipsemet Deus est. efficienter autem ab ipso, & ex ipso, & per ipsum est. Finaliter verò propter ipsum, & in ipsum est. proinde meritò se vnitum Deo, & vnum quid cum ipso existimare, atq; agentem se, Deum agentem in se, atq; per se existimare imò facere potest. Vt omittam alias vnionis vnitatisq; rationes ac modos Hominis cum Deo, Dei9; cum Homine. Atq; hic etiam desidero uel obiter à lectore animaduerti, quanta, quam exaggerata & quam immensa sit, in hoc istius etiam, voculæ Toto me, sensu fecunditas ad merendum, quam cuilibet discutiendam relinquo.

4. Volo tibi: quibus voculis intelligitur omne genus volitionum, intentionum, affectionumque, quarum homo totus totalitate iam modo explicata capax etiam est, possibiliter atq; æternaliter.

5. Volo Tibi. Omnia Digna Te. quidquid nimium dignum est Sanctissima Trinitate. Deo Homine Pretiosissima Parente, omnibus & singulis Dei ele-

Dei electis: per quidquid honorari idoneè possunt siue internum, siue externum, siue præteritum siue præsens, siue futurum, siue possibile: siue à Deo, siue à Christo, siue ab omnibus Sanctis Electisq; siue à quibuscunq; creaturis pro nunc & pro omni æternitate. siue sit actus notitiæ naturalis, siue sit actus notitiæ fidei supernaturalis, siue actus visionis Beatificæ, siue actus affectusq; amoris, siue adorationis, siue Dignificationis, siue gratitudinis, siue laudis, siue timoris, siue reuerentiæ, siue spei, siue charitatis, siue inuocationis, siue fiduciæ, siue cuiuscunq; possibilis actus existentis in omni differentia durationis. Dum modo digna sit referri voluntate in Deum Trinitatem, in Deū Hominem, in eius Matrem, in electos eius.

6. Volo tibi omnia digna te Dignè te. Quod additur ideo: quia nos creaturæ & præcipuè homines multa volumus agimusq;, quæ sunt quidem Deo digna & eius Sanctis, ex seipsis, non semper tamen sunt digna ex modo operandi tepido, remisso, negligenti, de quo supra satis. Ergo apponitur Dignè Te. vt huic obuietur malo, apponatur autem & includatur omnis perfectio agendi, possibilis adhiberi ab Homine ipso, ab omni creatura, ab omnibus Electis & Beatis, à Beatissima Dei Matre, à Christo Domino, & ab ipsa Sanctissima Trinitate. Dignum est enim omnia Digna ita Dignè agere atque velle, Quater-sancto quaternioni.

7. Quæ in secundo paradigmate posita sunt, ex dictis intelliguntur. illud solum aduertendum, in eo paradigmate intendi quouis opere hæc. 1. Dispositionem condignam (meritumque eius apud Deum) ad celebrandum Sanctissimum Missæ sacrificium, itemq; ad recipiendum, tam poenitentia, quam Eucharistiæ, quam omne aliud cuius sit homo capax, & in specie, Extremæ Vnctionis Sacramentum. 2. Dispositionem ad Gratias potissimum actuales oportunas, assiduas, efficaces, finales. 3. Ad

les. 3. Ad gloriam beatificam merendam augen-
damq; 4. Ad adorationem, laudem, exaltatio-
nemq; Trinitatis, Dei Hominis. Pretiosissimæ Pa-
rentis. Electorum. 5. Ad gratiarum actionem pro
omnibus beneficijs, in me, in omnem creaturam
totius Quaternitatis quater sanctæ 6. Ad merē-
dum augmentum Gratia Sanctificantis, charita-
tis, donorum, fructuumq; Spiritus Sancti, virtu-
tum & earum perfectionis. Remissionem peccato-
rum tam quoad culpam, quam quoad poenam o-
mnem, in specie spiritualem. 7. Ad impetrandum
omnia bona naturæ, gratiæ, gloriæ, mihi, omniq;
creaturæ prout congruit illi, prout quater sancta
quaternitas scit, potest, vult. 8. Ad satisfaciendū
pro pœnis peccatorum tam meorū quàm aliorum,
quàm Animarum in purgatorio. ac in specie ad ex-
piandas auertendasq; pœnas spirituales, quibus in
hac vita nullæ formidabiliores Animæ piæ, esse
debent.

Explicatis hunc in modū prædictis paradigma-
tibus, non solum explicatæ manent superiores pra-
xes, atq; etiam (si fortè addentur) sequentes: ve-
rum etiam euidenter elucescit compendiositas
huius immensa fecunditas. Quare etsi omnib; Dei
seruis, Deo quàm maximè quamq; citissimè place-
re, in eiusq; laude gratia & gloria copiosissime pro-
ficere volentibus, vsus praxium harum commen-
datus esse debet. Senibus tamen atq; senescenti-
bus, aut quomodolibet aliter ad metam finemque
vitæ properantibus, debet esse quàm commenda-
tissimus. Ita vt qui saluis eorum viribus externis
fit in omni sua actione, passione, commotione, in
omni rerum circa se positarum mutatione, adiun-
ctione respectu, velint & intendant elici actum
aliquem ex prædictis: vt omnium momentorum,
atomorum, mutationum ab ipsis, & circa ipsos eue-
nientium sit hæc vox ex ipsorum intentione. Qua-
ter sancte quaternio, toto te, toto me, amo te. &c.
Quater-

Quater sanctæ quaternitati toto me gloriam do. &c. aliudne quid in eum modum. enitendo & intendendo hoc conatu, tum supplere præteritæ vitæ negligentias & omissiones, tum præsentium suarum operationum fecundare efficacias merendiq; condignitates, Deum verò Sanctos omnes laudandi ac demerendi diligentias & frequentationes.

† Aduertendum hoc ipso modo posse Litanias dici. verbi gratia. Sanctissima Trinitas vnus Deus volo tibi digna te dignè te. Sancta Maria. Volo tibi digna te dignè te. Sancte Petre. Volo tibi omnia digna te dignè tibi. Item posse proprias fieri humilia-
tiones. propter auariciam meam. bruti-
tatem carnalitatem. &c. Volo mi-
hi omnia digna me dignè me.

Prouisio IV.

*De Multiplicatione Meritoriarum
Actionum, etiam si vna tantum
actio agi videatur.*

POterat quidem hæc prouisio quarta subiecti præcedenti, verum ne in multam longitudinem excrescat, consultius videtur per eam constituere separatam prouisionem, ad cuius expositionem, intellectionem & vsum commodiorem, commodum erit quædam præmittere.

Sciendum igitur 1. Hominis actiones triplices esse. 1. Purè internas. 2. Purè externas. 3. Ex v-
trifq; compositas. Verbi gratia. Intellectio. Volitio purè interna est, imò & immaterialis ex se. Visio. auditio. ambulatio. est purè externa etiam ex se. Locutio est composita ex uerbis Mentis & oris. Et harum triplicium actionum, aliæ sunt Humanæ, aliæ Hominis. Humanæ sunt, quæ & ab Homi-
ne & a

ne & à science volenteq; & in finem directæ sunt. Hominis tantum sunt, quæ ab homine fiunt, sed nō humano modo, hoc est non à science voluntate prudente, nec in finem intentum ab eo aguntur.

Sciendum 2. Homines ordinariè loquendo, vix illas operari operationes vel purè internas, vel purè externas, sed vt plurimum compositas. Verbi gratia. Intellectio hominis nunquam fit purè à solo intellectu, sed necesse est eum phantasmata materialia speculari eaq; à sensib; externis desumpta. pariter & externa actio vix vnquam solitariè externa est, sed habet adiunctam interiorem, minimum phantasiæ operationem.

Sciendum. 3. Homines non solere, imò forte nec posse operari vnā tantum operationem, & per vnus solius partis aut potentiæ vsum, sed semper per plures, siue cooperantes, siue concomitantes in operando. v. g. quando Homo cum homine loquitur, operatur mente conceptus seu verba mētis, operatur & phantasmata quæ speculari mente, operatur ore, linguā, faucibus, gutture verba articulata sonumq; , quibus exterius conceptus internos, mentisq; verba manifestat, operatur visceribus, lateribus, pectore, arteriā quæ vocatur aspera, quibus omnibus halitus seu spiritus ad os loquens trahitur, & per linguam ad fauces dentesq; alliditur; operatur saliuā seu humore faucium, operatur motu labrorum, labiorum maxillarum, mentis. Insuper loquendo concomitanter videt aut flet, dolet, gemit, singultit, gaudet, irascitur, fremit, minatur, blanditur ambulat pedibus, mouet brachia, manus, manibusq; aliquid rei, sedet, stat, aspicit hæc & illa huc atq; illuc, audit, odoratur &c. quo fit vt cū homo vnā per se actionem agit, plurimas simul peragat concomitanter, & ferè præter intentionem, voluntatem, aduertentiam, & finem; ideoq; etiam passim sine merito supernaturali, otiose, cum iactura, & damno meriti, gratiæ, gloriæ, & aliorū bonorum.

Bonus negotiator, & avarus spiritualis mercator, qui compendia cœlestium thesaurorum vendit; quâq; corradit, hæc sibi damna minimè permittet, sed potius ex eis lucrum spiritualium diuitiarum, quàm maximè multiplex magnūq; corradet, quod quidem faciet, multiplici ratione, ac inter cæteras tali.

1. Quoniam vti vidimus ferè semper homo vñ actionem per se, alias autem interim simul, vel illius gratiâ vt pote comministras & potentiarum cooperatricum opera, vel concomitanter & incidenter operatur. 2. Idcirco, si nullam otiosam, omnè verò sibi fructuosam esse volet. Actioni quidem, quam per se facit, adiunget etiam finem per se, illi ipsi actioni debitum, tum etiam finem ab extra aduenientem, quo ad supernaturalem mensuram, ordinemq; ac meritum eleuetur. v. g. Si Horas canonicas dicit, dicendo intendat Deum laudare, officio suo satisfacere, impetrare aliquid Ecclesiæ, sibi, alijs, satis etiam facere pro suis vel aliorum peccatis. Actiones verò reliquas adiunctas recitationi officij, puta standi, inambulandi, flectendi, aspiciendi, respirandi, audiendi, tangendi, manus, aliaue membra mouendi, per eademq; sentiendi, vestitas, æris, rerumq; aliarum circumiacentium agitandi, insuperq; etiam aliquid fortè patiendi, &c. offeret intentione voluntatis præuiâ, vel coniunctâ, ad alios fines, perinde bonos, supernaturales, Deo gratos, laudis, & adorationis, & amoris, & gratitudinis Dei, &c. pro bona sua voluntate. Quo fiet, vt non sola illi recitatio Horarum canonicarū fructuosa multipliciter fiat, verum etiam ex omnibus adiunctis, recensitisq; actionibus, fructum, lucrumq; bonum ac Deo gratum decerpatur, quanto Spiritualium diuitiarum incremento? res ipsa loquitur.

Pari ratione, si cibum corporalem sumet, sumptionem eius in finem intrinsecum, reparandi vires cor-

res corporis, & extrinsecum, ad Dei gloriam obsequiumq; ad sustinendos peragendosq; labores ex officio, vel charitate in bonum animæ propriæ aut alienæ sibi incumbentes offeret; porro actiones adiunctas comestioni; V. G. gustandi, saporandi, mandendi, videndi, audiendi, manus; os, labia, palatum, fauces, guttur, viscera mouendi, instrumentis comestionis vtendi, alijsq; seu potentijs ac membris, seu rebus adiacentibus vtendi, peragere intendet, req; ipsa peraget ad alios pariter honestos & sanctos fines, pro libitu suo, omnes aut singulas, haud dubie cum ingenti suo spirituali commodo.

Quæ ratio agendi & viuendi omnibus quidem hominibus commendata & visitata esse debet: ac specialiter ijs, qui ad metas viuendi se positos videt, & in decursu vitæ, siue præteritis negligentias supplere, siue copiosa lucra spiritualia conquirere, æternæq; beatitudinî sese quàm maximè aptare, ac demum Diuinis oculis acceptissimos præbere concupiscunt. Eius rei paradigma huiusmodi esto.

Quater-Sancta quaternitas. propter tuam Gratiâ & gloriam, ego intendo omnibus actionibus meis, principalibus, & per se à me factitandis, iuxta statum meum vel officium, vel oblatum euentum, intendere & sectari finem earum innatum, insuperq; supernaturalem, atq; ita semper manere ijs integrum. Actiones autem accessorias & comitantes omnes & singulas applico, imò per eas elicere intendo, actum qui sequitur, vel omnem vel aliquem.

Quater-Sancte quaternio Toto Te, toto me, toto vniuerso, totis atomis vniuersi vniuersalitatis, amo, æstimo, exalto te, volo tibi omnia digna Te, dignè te. mihi autem volo omnia abiectionissima & vilissima digna me, dignè me. Vel.

Quater-Sancte quaternio &c. toto te, toto me. amo te, tibi gloriam do, vanitatem do diabolo, mihi nihil, confusionem & infernum reseruo: omnia

ad gratiam, ad gloriam, ad adorationem, ad gratiarum actionem, ad impetrationem, ad satisfactionem, ad meritum, ad sacrificium, ad Sacramentum perfectissimè & feruentissimè agere & pati volo. In elibano ignis Seraphici. Mariani Theandrici. in Iesu Christi sanguine. Aduua me, adiuua. Nihil enim mihi sum sine Te. Vel.

Toto me semper & ubiq; sit Laudatum Sanctissimum Sacramentum, quod ego semper & ubique Latreuticè adoro, desidero, recipio toto me: deq; eius dignitate & dignatione exulto toto me. atq; ad eius consecrationem & sumptionem disponi, per omnes actiones & passionis meas, meritis & sanguini Iesu Christi vnitas, desidero, peto, propono, Toto me. Vel.

Quater. Sancta quaternitas, toto me amo te &c. adiuua animas in purgatorio, & me in N. N. officio, actione, occasione, negotio. vel hunc illumè proximum. &c. Vel.

Sanctissima Trinitas vnus Deus, tuas Diuinas ad intra & extra, Iesu Christi erga te, erga se, erga nos, Pretiosissimæ Parentis, omniumq; Electorum tuorum intentiones, intentionumq; sublimitates, omnes, & quæ ego vnquam bona benè volui, volo nunc, & rata habeo: quæ verò vnquam mala malè volui, nolo, irrita habeo. Toto me, semel pro semper, in omnimoda proportionem formalitatis & feruoris ad gustum Quater-Sanctæ quaternitatis in me, & meum in Eâ, saginandum. deuotionemque explendam, vsq; & vsq; in æternitatem.

Hæ similesq; praxes & paradigma iam ex dictis nota sunt, possunt verò in memoria faciliè desigi, si crebrius vsurpentur, quomodo si memoriâ teneantur non difficulter, intentione, & proposito voluntatis, ratificari, intendi, reassumi repetiq; & exerceri possunt, quibuslibet actionibus, ad eas repetendas exercenda suè, intentione applicatis.

Potest etiam actionum illarum omnium, tam per se

per se quàm concomitanter exercitarum talis esse
vltus, vt per omnes singulasq; illarum actio aliqua
toties totiesq; repetatur seu peragatur, quot actio-
nes iam dictæ aguntur repetunturue. Exẽpligratia.

Sacrum quis facit (siue audit) præter actionem
illam, quæ proprie sacrum perficit, omnibus quoq;
reliquis actionibus comitantibus per intentionem
& applicationem voluntatis nostræ, Sacrum quoq;
fieri & repeti toties potest, quot ipsæ actiones esse
inuenientur. Item.

Recitat quis hymnum V. G. Te Deum laudam9.
potest eum non tantum ore, memoria, corde, vo-
luntate recitare, verùm etiam ambulatione, aut
flexione, aut sessione, aut expansione brachiorum,
aut mortificatione externa interim suscepã, aut
omnibus actionibus eidem infertis, aut oculorum
visu, in nuum motu, vestium, totius corporis, õni-
umq; membrorum & partium, & potentiarum &
circumstantiarum mutatione. &c. &c. ita vt quot
numero eiusmodi actiones sunt, totidem numero
vicibus Te Deum laudamus recitarum, Deusque
laudatus sit. Item.

Conferat se aliquis ad dormiendum: si dormiti-
onem suam ita præuia intentione formet, vt Deum
laudare (aliumue actum erga Deum exercere) in-
tendat tum dormitione sua, tum omnibus corpo-
ris & animæ actionibus inter dormiendum agen-
dis, in Dei laudem ferri. aut Te Deum laudamus
hymnum repetere, toties coram Deo hymnum di-
ctum repetet, Deumq; laudabit, quot actus erunt
dormientis. Imò si hoc intenderit agere Toto se,
in latitudine verborum istorum aliàs explicatã, tou
vicibus laudabit Deum, hymnumq; repetet, quot
seu res, seu actiones rerum existent, iuxta iam aliàs
sensum enarratum, & alibi in industrijs suis enu-
cleatum.

Ex quibus dictis elucescit, primo quidem for-
tunditas & facilis provisionis huius, deinde quã

86
tum ea esse debent commendata, & in vsum affi-
dum deducta, ijs præfertim, quibus ob æta-
tem & vitæ breuitatem redimere
tempus incumbit.

Prouisio V.

*Ad thesaurizationem Meritorum
vitæ Passionis Mortis IESV Chri-
sti, itemq; Pretiosissimæ eius Pa-
rentis, & deniq; omnium
Iustorum.*

Isai. 88. 5.
& sequ:
EXpendens Sapientissimus Dauid suam & cuius-
libet hominis coram Domino Deo suo, & con-
sequenter in veritate rei, opulentiam, hunc in mo-
dum tandem de illa pronunciauit. Locutus sum in
lingua mea. Notum fac mihi Domine finem meum,
& numerum dierum meorum quis est, & sciam quid
desit mihi. Ecce mensurabiles posuisti dies meos: & sub-
stantia mea, tanquam nihilum ante te: Verumtamen
Vniuersa Vanitas, omnis Homo viuens: Verumtamen
in imagine pertransit homo, sed & frustra conturbatur,
thesaurizat & ignorat cui congregabit ea. Grauißima
certè & exaggeratissima exaggeratio atq; descriptio
miseriæ, mendicitatis, vanitatis, vilitatis, stultitiæ
& ignorantie humanæ. Nam quid miserabilius,
quàm dies mensurabiles, & eos quidem incognitos
habere? quid vanius, quàm vniuersam vanitatem
esse? quid mendicius, & egentius, quàm nihil i ip-
sus substantiam, quàm nihilum substantiæ posside-
re? quid vilius, quàm in imagine, in vmbre simili-
tudine, non stare, sed pertransire? quid stultius,
quàm frustra conturbari? quid ignorantius, quàm
thesauri-

thesaurizare vanitatem, vmbra, nihilum, & in-
super ignorare cui frustra labores & sudes? Ea pro-
pter optimè sapientissimèque ibidem idem David
subiungit, cum ait. *Et nunc quæ est expectatio mea?*
Nonne Dominus? *Et substantia mea apud te est.* *Psal. 38. 8.*
Hoc quippe secundum omnem rationem consultis-
simum est: cum ipse exte, sis vilissimus; vanissi-
mus, atq; adeo *vniversa Vanitas*, tuq; tota substan-
tia, tanquam nihilum sit coram ipsomet Deo, qui
falli fallereq; in iudicio & decreto suo non potest:
à semet quidem ipso prorsus abscedere, & omnem
spem auellere, trāsferre autem illam omnem ad v-
num Deum, & apud ipsum, imò in illo ipso substan-
tiam suam omnem collocare, apud ipsum thesau-
ros omnes reperire, ex illo ipso eosdem coaceruare,
illum ipsum, substantiam suam omnem reputare,
inuenire, facere, habere? Tunc enim reuera desi-
nit homo nihilum esse, tunc vniversam exuit vani-
tatem, tunc annos æternos possidet, tunc thesauri-
zat, tunc congregat, & non ignorat cui congreget
ea, sed est in Deum diues, sed est in Deo diues. sed
est Deo diues. sine quo, omnis diues est miser &
pauper, quo vno & solo, omnis (esto cætera pau-
perimus) est supra omnem modum diues, neque
est finis thesaurorum eius.

Et hoc quidem quod præmissi extra omnem du-
bietatem est: in his verò fundata explicanda sunt
aliqua, vt demùm id quod in titulo propositum est
prouisionis huius enarretur.

Sciendum igitur 1. est. quinam sint thesauri
Dei? & hos enumerasse satis est. Primus ergo òni-
um thesaurus Dei, est ipse Deus, quo thesauro cer-
tiùs, veriùs, plenius, ditiùs, sincerius, nihil est, ni-
hil esse, nihil cogitari, nihil desiderari potest. 2.
Thesaurus Dei sunt (loquendo iuxta modum no-
strum, quo de Diuinis & Deo, cogitare loqui; pos-
sumus ac solemus) sunt inquam omnes perfectio-
nes omniaq; attributa Dei: quorum cognitio &

comprehensio plena est omnicreaturæ impossibilis, aliquorum autem est ambienda & desideranda curandaq; participatio & possessio, aliquorum veneratio nobis incumbit, sed vsurpatio aut possessio participatione, in hac præsertim vita, nequaquam. charitatem, miserationem, mansuetudinem, patientiam, longanimitatem, mansuetudinem, iustitiam, veritatem ac veracitatem, benignitatem, rectitudinem, aliâq; huiusmodi, possumus & debemus, quàm studiosissimè amare, conquirete, æmulari, coaceruare: dicente Filio ipso DEI. *Esote perfecti sicut & Pater vester cælestis perfectus est.* Et eodem. *Dico vobis, diligite inimicos vestros, benefacite his qui oderunt vos. &c. Et sitis Filij Patris vestri qui in cælis est, qui facit solem suum oriri super bonos & malos, & pluit super iustos & iniustos.* Hos thesauros Dei, quanto auarius & copiosius conquirimus, corradimusq; , tanto Deo ditiores & simul gratiores sumus. Hæc porro thesaurizatio peragitur assiduo & heroico virtutum exercitio. de quo in præsentī non plura. quemadmodum etiam de aliorum Dei attributorum & perfectionum thesaurizatione, non tentanda à nobis, hac, & pro hac salutem vita, nihil etiam addendum videtur: quia & per se res nota est, & scriptura monet. *Altiora te ne quaesieris, & fortiora te ne scrutatus fueris. Qui scrutator est Maiestatis opprimetur à gloria, & deniq; vel solius Luciferi de cælo casus, satis superq; ad deterrendum est.*

Eccl. 3. 12.

Prov. 25. 27.

3. Sunt thesauri Dei omnia creata & omnis creatura, sed erudiente nos Evangelio nouimus eiusmodi thesauros tunc optimè thesaurizari à nobis, quando maximè negliguntur dissipanturq; à nobis propter Dei placitum & propter Filij Dei exemplū dicente ipsomet Domino. *Si vis perfectus esse, vende, vende omnia quæ habes & da pauperibus, & veni sequere me, & habebis thesaurum in cælo.*

4. Ad thesauros etiam Dei pertinent omnia bona spiri-

na spiritualia, quæ bona quidem nostra sunt, & bonos nos coram Deo faciunt, Dei tamen propriissima dona sunt, nosq; debitores coram ipso constituunt, tanto obligatiores. quanto ex talibus donis videmur locupletiores. atq; hic iam quæritur inter eiusmodi possessores, vel potius vt loquitur Apostolus inter dispensatores, *vt fidelis quis inueniatur.* 1. Cor. 4. 2.

Tales thesauri sunt. Gratia Dei sanctificans, & filium, amicum heredemq; Dei ex quois nostrum, si eam potimur constituens. Virtutes omnes principi & animatrici suæ charitati copulatæ. Dona Spiritus Sancti, & fructus eiusdem aliaq; diuisiones gratiarum: tum etiam gratiæ actuales omnis generis, at imprimis efficaces & finales. Beatitudo deniq; ipsa, quanta est cælestis, æternæq; vitæ Hereditas, quæ promittitur nobis, & ad quam omnibus Dei gratijs prouident, ijsq; disponimur. Iuxta illud. *Diligentibus Deum omnia cooperantur in bonum, salutis Rom: 8. 28.*

5. Deus inter suos thesauros connumerat Animas omnes præsertim verò iustorum. De omnib9 promiscuè dictum illud accipe Diuinum: *Si separaueris pretiosum à vili, quasi os meum eris.* Jerem: 15. 19. Quanti hūc Animarum thesaurum æstimet, quantum eum desiderat sibi perpetuò crescere: nimium satis declarat, beneficium Redemptionis, totaq; Oeconomia Incarnationis Dominicæ: quam quidē rem Christus ineffabilem vel ipsi sibi visus est declarasse, quando Nicodemo dixit. *Sic enim DEVS dilexit mundum, vt Filium suum unigenitum daret.* Ioan: 3. 16. Sc. Lucas hoc ipsum Mysterium vocauit *Excessum.* Luc: 9. 31. Con- Eph: 2. 4. sensit & Paulus eidem. Vocans illud. *Nimiam*

1. Petr. 1. 18.

Matt. 16. 26.

Dan. 12. 3.

Matt. 5. 15.

Matth. 9. 35.

charitatem. Petrus autem id ipsum exaggeratè volens explicare Animabus omnium hominum: *omne aurum, omne argentum, omneq; pretiosum reiecit.* Neq; minus est exaggeratum illud Domini nostri dictum de pretio Animæ vel vnice. *Quid prodest homini, si vnuerſum mundum lucretur, anima vero ſua detrimentum patiatur. aut quam commutationem dabit homo pro anima ſua?* Eſt ergo ſupra modum pretioſus theſaurus Dei, Animarum ſalus, & perfectio; quem à luſtis coaceruari, inq; Dei tabernacula & officinas comportari, quemadmodum eſt Deo gratiſſimum, ita iuſtis ipsis eius theſauri comportatoribus eſt ſummè proficuum, & ad Spirituales cæleſtesq; diuitias cumulandas & conſtituendas maxime idoneum. ſecundum illud Prophe-
tæ. *Qui docti fuerint, fulgebunt quaſi ſplendor firmamenti. Et qui ad iuſtitiam erudiunt multos, quaſi ſtella in perpetuas æternitates.* à quo ſenſu non recedit etiam Chriſtus Dominus cùm dicit, quod *qui ſeruauerit vel vnum de mandatis Dei minimis, Et docuerit etiam ſic homines, hic magnus vocabitur in regno cælorum:* nec tantum in regno cælorum, Beatorū domicilio æterno: in quo eruditores ac zelatores Animarum ſpeciali fulgent laureolâ, ſed etiam in hoc regno cælorū, quod eſt militans Eccleſia Chriſti in qua vnusquisq; ad iuſtitiam erudiens animas hominum, vas electionis eſt chriſto Domino ad portandum nomen eius prædicandūq; ſicut de vno talium dixit Dominus. Quamuis autem hæc ita ſe habeant, in præſenti tamen prouiſione, non iſtam theſauri rationem, ſed aliam quandam ſuadere intendimus ſuper eſt itaq; apud Deum noſtrum, vnum, quoddam genus Theſauri, Meritorum ſcilicet Chriſti Domini Noſtri, quos ille, tanquam Deus Homo acquiſiuit totâ ſua vita, Paſſione & morte, acquiſiuit autem in ſuam quidem & Patris æterni gloriam, in Noſtrum autem omnium ſalutem, opulentiam, & beatitudinem. Qui meritorium Chriſti theſaurus eſt per

est per omnia infinitus, inexhaustus, immensus. sufficiens non ad vnus tantum mundi, sed ad omnium possibilem Deo mundorum, saluationem, ditationem, beatificationem. Qui thesaurus, non in hoc tantum est mirabilis, quod in se infinitus sit, quodq; nostra omnia bona spiritus & gratia & beatitudinis ex eo sint: quodq; æternum Patrem, Beatificatorem, & æternam vitam, Hæreditatem, Mercedemq; faciant: sed præterea hoc insuper nobis præstant, vt nostra opera quæcunq; (in Christo duntaxat facta) valorem etiam meritorium, vimque & pretium merendi obtineant coram Deo, ex Iustitia, ob nostrorum operum cum Christo eiusq; gratia ac meritis coniunctionem. ita vt operibus nostris quibuscunq; legitime factis, debeat coronari iustitiæ, merces gratia, præmiumq; vitæ æternæ. Præterea, hoc etiam Christi Domini merita, valore & dignitate sua, meritis nostris conferunt valoris, & efficacis dignitatisq; vt non tantum ipsis nobis, quorum propriè sunt personaliter, merita, operaq; meritoria prosint, sed alijs etiam proximis nostris, tam in hac, quàm in illa altera vitâ, (modo capaces sint) proficua sint, siue impetratoriè, siue satisfactoriè. Ex quo fit, vt ad Christi Domini thesaurum meritorum, adiungantur, & suo, & magis etiam Christi ipsiusmet iure, merita etiam omnium Sanctorum & Electorum eius, puta, Pretiosissimæ Christi Matris Virginisq; Mariæ, & reliquorum Beatorum, imò & viuentium iustorum. dicente Dauide. *Particeps ego sum omnium timentium te Domine & custodiantium mandata tua.* reliquaq; scripturâ passim attestant. Meritis & precibus & iustis Sanctorum protegi & iuari homines coram Deo, tum ad obtinenda beneficia, tum ad eleuanda iræ flagella omnis generis.

Hoc ergo thesauro meritorum Christi & Sanctorum eius, apud Deum nostrum inuento & comperito, ad omnes quidem homines, opum cœlestium, indigos,

Psalm. 118. 63.

Heb. 10. 25.

indigos, pertinet, totâ possibili diligentia, & (væ sic loquar) auaritiâ, thesaurum hunc ad suam possessionem vsumq; deriuare, eoq; sese quàm copiosissimè ditare, sine dubio tamen hæc cura, atq; auaritia inexplebilis, quàm propriissimè pertinet ad eos, quorum vita declinat, & ad exitum (in quo omnis diligentia velit nolit cessabit) appropinquat. Monente Apostolo, vt non deferamus collectionem nostram, sicut consuetudinis est quibusdam, sed cōsolantes, & tanto magis, quanto videritis appropinquantem diem mortis.

Quis porro modus esse possit hauriendi ex hoc Christi Electorumq; eius meritorio thesauro, eumque in diuitias suas & possessionem quàm copiosissimè ac simul compendiosissimè deriuandi, iam hoc loco explicandum est. cū hoc sit præcipuum Prouisionis huius intentum in eius titulo indicatum. Aduertendum verò est Christi Domini nostri vsum (suoq; modo etiam Electorū eius) multiplicem nobis esse posse, sicuti etiam multa, imò omnia nobis est Christus Deus noster. Possumus enim vti illo tanquam Deo creaturæ, tanquam Domino serui, tanquam Patre, filij; tanquam Principe, subditi tanquam medico ægri, tanquam Pastore ouiculæ, tanquam Doctore discipuli, tanquam Imperatore, milites. tanquam Duce errantes; tanquam capite membra tanquam vite palmites, tanquam mediatore reconciliandi, tanquam Aduocato debitores. tanquam Fideiussore obligati. tanquam Sacerdote & Sacrificio plebes, tanquam Fratre fratres. tanquam Amico amici, tanquam sponso sponsæ. tanquam iudice rei; tanquam misericordie miseri; tanquam vitæ mortui. & alijs infinitis penè modis Christū Dominum vsurpare, in rem nostram possumus: quoniā omnia nobis est Christus, sed hoc in præfati non agimus. Tantum enim strictè thesauro, rum eius substantiam nobis hauriendam destinamus, &

mus, & modos id præstandi quærimus. quos varios esse posse certum est.

Primus, isq; fundamentalis est. esse Implantatum in Christum insitumq; in eo, sicut palmitem in vite, indutum Christo, sepultum in ipso, renatum in ipso, renouatum, manentem, reformatum in eodem. quod fit in Baptismo Christi suscepto, & per Fidem, Spem, Charitatem atq; Gratiâ eius. quibus omnibus, moritur in nobis verus homo, destruiturq; corpus peccati, renascitur autem in nobis Christus, nosq; in Christo, accipientes ab eo & ex eo, potestatem filios Dei fieri, sicut & ipse est Filius Dei, etsi ille per naturam, nos per adoptionis gratiam.

Hoc fundamento regenerationis & infusionis Nostri in Christo supposito: incumbit nobis crescere in Christo, usq; in virum perfectum; neque verò qualitercunq; perfectum, sed usq; ad mensuram ætatis plenitudinis Christi, veritatem facientes in charitate, crescentesq; in illo per omnia, qui est caput Christus. Istud autem crescere in mensuram plenitudinis Christi, hoc sine dubio est, quod in præsentis indagamus, asserimusq; nempe ad quam maximam Christi similitudinem conscendere, per morum eius imitationem, doctrinæq; ac voluntatis eius executionem, & per meritorum eius, quàm copiosissimam in animarum nostrarum bonum derivationem.

Primus ergo modus in Christo crescere & ex Christo ditari (& idem cum proportionem de Sanctis atq; ex Sanctis Dei dicendum est: quoniam non nisi ex Christo, & in Christo, & per Christum, illi nobis proficui sunt) primus inquam modus est. Fide in Christum perpetuò viuere, perpetuò opera fidei, & opera fide imbuta facere, fidem in Christum in sese radicare, firmare, stabilire, vitæ, sanguini, bonis omnibus præferre. Fidem Christi & in Christum, sibi familiarissimam, sapidissimam, pretiosissimam, admirabilem, saluberrimam, viuacissimam

Eph. 4. 13.

Ibid. 15.

Matt. 12. 50.

1. Cor. 4. 15.

cissimam vitalissimamq; reddere. idemq; de ea in alijs proximis curare. Sic enim Christi erimus nō tantum *serui, aut amici, aut filij; sed etiam Matres atq; Patres.* prout tam ipse, quā Paulus attestatur.

Pari ratione, secundus ditescendi ex Christi Sanctorumq; eius meritis modus est, per spei fiduciamq; in Christum, & propter eum in eius Sanctos exercitium, & vsum assiduum. omnia nostra faciendo & patiando, quæcunq; acciderint, propter spem in Christum, & ex spe, atq; cum spe in Christum. Scientes omne bonum, omne auxilium, ōne pretium, omne præmium, omne solatium, omne gaudium nostrū, in Christo, à Christo, & per Christum, & propter Christum esse.

At vero maximè proficiuus, necessarius, indeq; & frequentandus frequentissimè est tertius modus, crescendi ex Christi sanctorumq; illius meritis, per charitatem: per hanc enim fides, per hanc spes, per hanc omnis virtus, omnisq; gratia, operari debet omnia, vt nobis proficua sint omnia. Rotundè siquidem dixit Apostolus. *Sine charitate nihil sum. si charitatem non habuero, nihil mihi prodest.* Quocirca charitatem Christi sic habere, sic exercere, sic in ea radicati & fundati, sic assidui, sic eā instructi esse debemus, & charitate viuamus, charitate spiremus, charitatem operemur, in charitate, ex charitate, propter charitatē, charitate agamus, quidquid agimus, patiamur quidquid patimur, speremus quidquid speramus, credamus quidquid credimus, timeamus quidquid timemus, simus quidquid sumus, vtq; adeo ipsa met quantum præualemus charitas efficiamur & simus. Si enim *Deus charitas est, & qui manet in charitate, in Deo manet. & qui adhaeret Deo, vnus spiritus est cum ipso,* quid ni etiam ipse per charitatem Dei atq; Christi, efficiatur charitas ipsa Dei atque Christi? Quocirca maximum & præcipuum medium ex Christo, & in Christo ditescendi, thesaurorumq; eius immensam congeriem aggregem.

1. Cor. 13. 1.

Ephes. 3. 17.

Col. 2. 2.

1. Ioan. 4. 8.

16.

1. Cor. 6. 17.

em aggregandi, est exercitium assiduum charitatis Christi, seu charitatis erga Christum & propter Christum. Omnia enim reliqua nostra, imò & Divina bona, in tantum nobis de Christo derivant, in quantum charitati in Christum unita, charitateq; formata sunt. propter quod charitas & gratia, & Beatitudo æterna, aut omnino vnum idemq; sunt, in substantia sua; tantumq; secundum esse, perfectius vel imperfectius, vel secundum statum differunt, aut ita sibi connexa sunt ut nullatenus separari queant. Itaq; etsi omnes prorsus fideles, præcipue tamen senectutem ingressi vel ingredienti, illud curare debent Apostoli monitum an præceptum? *Omnia vestra in charitate fiant.* & illud.

Simus induti loriceam fidei & charitatis, & galeam spei 1. Cor. 16. 14.
salutis Quia verò ista sunt generaliora media derivandi merita Christi & Sanctorum etiam eius, descendendum est ad præstiora & expressiora, magisq; vicina.

Sit igitur quartus modus coaceruandi merita Christi Domini, per frequentem, diligentem devotumq; usum Sanctissimorum Sacramentorum; Cum enim Sacramenta Christi omnia, sint veluti reconditoria quædam meritorum & sanguinis & gratiæ Christi: quisquis ea ritè, devotè frequenter usurpat, merita Christi, is tanquam de gazophylacijs suis haurit, divitiasq; gratiæ & æternæ vitæ sibi congerit. Hoc verò potissimum fit in duobus Sacramentis, Pœnitentiæ nimirum & Sacratissimæ Eucharistiæ, quorum usus & maximè necessarius, & ideo frequentandus, quod hoc loco suadendum non est pluribus: sed satis sit dicere, eos qui appropinquant ad metas vitæ Pœnitentiæ Sacramento uti debere, si commodè possint etià quotidie, & quidem ita, ut non tantum quotidianas expient maculas, sed ita etiam, ut totius vitæ labes tam efficaci lauacro emaculent, possintq; si non perpetuò (id enim hæc vita non patitur)

saltem

saltem creberrimè viuere absq; vlla coram Deo tam culpæ, quàm pœnæ, etiam purgatorij, etiamq; spiritualis obligatione. Quantum autem ad Sacrosanctam Eucharistiam: cum ea sit cibus & impinguatio animarum sanctarum, in eaq; ipsemer fons omnis ac potissimum sanctificantis gratiæ, compendioso, sed immenso haustu exhauritur, manifestum est, consultissimum esse; corpore senescentibus, vt Eucharistiam nullo non die sumant, quantum fieri potest, quod Sacerdotibus valde promptum est. ad eam porro sumendam, sese quàm accuratissimè disponant, eandem quàm deuotissimè fument, eâ verò sumptâ, tamdiu in deuotionis & virtutum actibus affectibusq; crescant, quàm diu species Sacramentales intra sese durare opinari possunt.

5. Quia verò non facilè cuius Communio Sacramentalis quotidie extra sacerdotium sacrificiumq; conuenire potest; Istorum industriæ erit, Sacramentalem communionem Spirituali, non tantum quotidianâ, verùm etiam horariâ, & si placeat perq; vires licet, etiam frequentiore, cum deuotione, & fame compensare, adiuncto etiam ad id vsu Indulgentiæ illis verbis. Sit laudatum Sanctissimum Sacramentum. seu. Lauderur Sanctissimum Sacramentum. attributæ, adiuncta insuper intentione. per omnes actiones & passionés, meritis Christi Domini Sanctorumq; coniunctas, sese disponendi ad omnes fructus Sanctissimi Sacramenti, tam Eucharistiæ, quàm Pœnitentiæ, quàm etiam Sacrosancti sacrificij. cuius rei formula & praxis forsitan esse posset huiusmodi.

Toto me, semper, & vbiq; sit Laudatum Sanctissimum Sacramentum, quod ego semper & vbiq; lætenticè adoro, desidero, recipio, toto me; atq; eius dignitate & dignatione exulto toto me; atq; ad eius consecrationem & sumptionem, disponi per omnes actiones, & passionés meas, meritis

ritis Christi & Sanctorum vnitas, desidero, peto, propono. Toto me. Atq; hic sit quintus modus conceruendi meritorum Christi Domini diuitias per Spirituales communionem quam deuotissimè frequenter.

Sit autem modus sextus. Libenter, frequenter, deuotè reuerenterq; Sacratissimum Missæ Sacrificium partim peragere, partim audire, partim meditari, eiq; sic assistere, ac si interesset primæ illi in cœnaculo incruentæ, & item primæ in crucis altari cruentæ Missæ; affectu Apostolico, affectu Parentis Pretiosissimæ, affectu ipsius Christi. A Sacerdotibus enim legis nouæ in Sacrificio quod peragunt, vtrumq; illud ab ipso Christo olim peractum, in eiusdem Christi Persona, eiusdemq; virtute & potentia repræsentatur, peragitur, repetitur, secundum per primum, seu cruentum per incruentum. Vt verò in Sacerdotem sacrificantem tanto copiosior fructus meritorumq; thesaurus redundet, ex Sacrificio Missæ, tam ex opere operato, quàm ex opere operante, ad cæteras præparationes suas, remotas proximæq; hanc etiam adhibebit, vt secundum suam intentionem firmam, crebrâq; repetitione ac ratihabitione stabilitam, per omnes actiones, passionem ac molestias seu mutationes suas, totius vitæ suæ, disponat se, (quod idem est ac disponere intendat) ad condigniorum Missæ celebrationem, vberiorumq; fructuum ex ea perceptionem, maioremq; meritorum Christi efficaciam in sese deriuandam. Quâ etiam ratione seu intentione & gratiæ post Sacrum agi, & defectus circa Sacrum admissi expiari possunt, prout in hac subiectâ formulâ patet.

Quater Sancte Quaternio, Toto te, toto me, Tibi omnes actiones & passionem seu mutationes totius vitæ substantiæq; meæ, (imò & omnium quantum in me est creaturarum) vnitas actionibus & passionibus, & meritis totius vitæ Domini mei Ie-

G

au Christi

Pater. Iacobus

1720

av Christi, in realem, verbalem, cordialem, præteritam, præsentem & futuram, omnimodam, possibilem, infinitam, incessabilem, offero, confecro, dono, trado, sacrifico, Gratiarum actionem, laudem, adorationem, amorem, venerationem, exaltationemq; Tui. Itemq; in præparationem ad futuras Missas & Communiones, & confessiones Sacramentales. item in dispositionem ad gratias ònis sacrificij, Sacramenti, beneplaciti, actuales, habituales, opportunas, efficaces, perseverantes, finales. Item in satisfactionem pro defectibus omnibus quidem, et in specie Missarum & Communionum & Confessionum mearum, pro omnibus meis tam culpæ, quàm pœnæ obligationibus, potissimumq; omnibus pœnis spiritualibus, Item pro animabus in purgatorio. Item pro gratia fervoris in vita & morte, proq; Sancta morte & pro finali in bonitate, sanctitate, perfectione, & Religioso statu, & Societate Iesu perseverantiâ.

Huius formulæ usus esse potest, & aliàs quidem semper, & potissimû, ante vel post, omne Sacrum. Potest autem esse, apud omnes quidem diuitiarum spiritualium amatores, Sacratissimorumq; Sacrificiorum & Sacramentorum cultores, & maxime apud eos, quibus brevis vitæ cursus restat, & ad cumulanda merita dies abbreviati, tempusq; reliquû modicum superest.

Sit tandem septimus modus, Merita Christi Domini & usurpandi & accumulandi, similiterq; aliorum Beatorum Dei, per quandam imaginationis, intellectusq; & voluntatis, seu intentionis appetitusq; rationalis, meritorum ipsorum, seu Sanguinis Christi apprehensionem, & per hanc animæ nostræ eiusdem applicationem. Docuit nos hunc modum, ipsemet Spiritus Sanctus in Scripturis suis, rum aliàs quidem sæpè, sed maxime ad propositum nostrum præsens congruè apud Isaiam. Vbi canit

Isa. 33. 2. *Propheta. Haurietis aquas in gaudio de fontibus Sal-*
uatoris.

uatoris. Et apud Zachariam, vbi dicitur. *In die illa erit fons patens domui David & habitantibus Ierusalem in ablutionem peccatoris & menstruata.* Qui enim sunt isti fontes saluatoris, patentes ad ablutionem, nisi vulnera & Sanguis & merita Iesu Christi? quæ in Sacramentis eius deposita, inde hauriuntur ab animabus nostris, partim ministerio Ecclesiæ, partim deuotione cuiusq; fidelis, siue is sit peccator poenitens, siue iustus proficiens atq; perfectus in via Domini. Hanc ipsam de Sanguine seu meritis Christi imaginationem vsurpat Beatus Iohannes in sua Apocalypsi: partim cum ait. *Hi sunt qui venerunt de tribulatione magna & lauerunt stolas suas, & dealbauerunt eas in sanguine Agni.* partim cum dicit. *Beati qui lauant stolas suas in sanguine Agni, & sit potestas eorum in ligno vite.* &c. Qui idem Apostolus alio loco vocat vestimenti nomine Merita Sanctorum Dei: ait enim. *Datum est illi (spõla Agni, Animæ, seu Ecclesiæ) & cooperiat se byssino splendenti & candido.* Byssinum enim iustificationes sunt Sanctorum. Eadem nomine Incensi, Aromatum, Odoramentorumq; idem Apostolus appellat. dicens. *Data sunt (Angelo) incensa multa, & daret de orationibus Sanctorum omnium super altare aureum, quod est ante thronum Dei.* altare autem hoc, est Christus. Et ascendit fumus incensorum de orationibus (& meritis similiter) Sanctorum, de manu Angeli. sub simili Allegoria, idem Apostolus Sanguinem Christi, vocat Redemptionis nostre pretium, quando ait. *Redemisti nos Deo in sanguine tuo.* Consentitq; in eadem phrasi Petrus Apostolus dicens. *Scientes, quod non corruptibilibus auro vel argento redempti estis, de vana vestra conuersatione paterne traditionis, sed pretioso sanguine, quasi Agni immaculati & incontaminati.* Hæc cum ita sint, licebit consimili ratione nobis, Sanguinem meritaq; Christi Domini, quin & Sanctorum eius, & apprehendere & vsuspare, inq; profectum nostrum

Zuch: 13. 1.

Apoc: 7. 14.

Apoc: 22. 14.

Apoc: 19. 8.

Apoc: 8. 3.

Apoc. 5. 9.

1. Petri. 1. 18.

Spiritualem & Animarum nostrarum coram Deo ditationem ornatumq; conuertere. v. g.

1. Cogitans & animo meo statuens Christum cum suis & Electorum suorum meritis, esse fontē limpidissimum & largi fluentissimum instar Paradisiaci manantis aquas salutis & Sanctitatis, & beatæ vitæ, & omnis gratiæ, virtutis, atq; perfectiōnis, impersonabo me toti vniuerso, imò vniuersis atomis vniuersi vniuersalizatis, & sic, Toto me, totq; faucibus, quot creaturarum atomis, totq; etiam vicibus, quot in tempore & æternitate sunt instantia, bibam, hauriam, deriuabo, & deducam, aquas meritorum in Christo contentorum, in cor, mentem, voluntatem, animam, substantiam meam, ipsq; replebo, non solum excitatiuam capacitatem meam quocunq; modo realem, sed etiam vel ipsam Immensitatem Nihilitatis meæ, atq; mendicitatis, quæ ex memetipso est in me, seu, quæ ipse, ex me ipso sum prorsus infinita.

2. Cogitans Christum esse vitē speciosissimam, fecundissimam, faciam me, totum, quantus quantus sum, in atomis meis, & in actionibus passionibusq; seu mutationibus meis omnibus & singulis, veluti multiplicem palmitem, atque etiam botris quarumlibet actionum mearum oblitum, sicq; ex Christo, & eius, nec non ex Sanctorum eius, meritis; humorem omnimodum traham, & botros operum tum producam, tum fecundos, turgidos, pretioso Christi & Sanctorum eius vino, faciam; gustuiq; mensæ, cellarijs Sanctissimæ Trinitatis, & ipsius Christi, & totius curiæ cœlestis adferam, & inferam, offeram & propinabo, recondam, & in omnem æternitatem reseruabo.

3. Cogitans Christum esse Balneum animarum nostrarum, quo & abluimur à sordibus, & omni puritate ac decore ornatur, & omnia opera nostra, tum purificantur, tum sublimantur, quotidie, sæpiusq; in die, & in singulis (quo ad fas erit) spirationi-

rationibus, commotionibus, ac momentis, Totum me, totamq; substantiam & entitatem meam actionumq; mearum inijciam in balneum hoc Sacratissimum, & in eo me, omniaq; mea abluam, purificabo, dealbabo, ornabo, sublimabo. Nunquam penitus ex hoc pretioso Christi meritorum balneo egrediens, nunquam me ab eo deficcans, sed semper in eo ad instar pisciculi natans.

4. Cogitans Christum eiusq; & Sanctorum eius merita, esse ingentem, vastissimam, immensam & inexhaustam Aurifodinam, vero & incorruptibili auro refertissimam, & sicut omnibus volentibus, ita etiam mihi paupereulo expositam, atq; ad erudendum omnimodas auri cœlestis opes, liberaliter concessam; ponam ædificiolum meum in hac fodina. & omnia scriniola, omnes sarcinas meæ substantiæ, mearum virium, potentiarum, articulorum, actionum, & passionum, volitionum & desideriorum, necessitatum, capacitatum & possibilitatum perpetuo implebo, inferciam, cumulabo, iterum iterumq; &c. &c.

Hac & simili ratione possum Dominum meum Iesum Christum, eiusq; ac Sanctorum eius merita cogitare, velut omnifarium quoddam Arsenalẽ cõtinentens omnigenas officinas rebus vsui necessarijs refertissimas. Hic Armamentarium, hic apotheca, hic vestiariũ, hic omnis artifex, hic bibliotheca, hic cellæ vinariæ promptuariæq; plena, & eructantia ex hoc in illud. hic (vno verbo) omne bonorũ genus coaceruatũ repositumq; ac simul vti, capereq; volentibus in rem suam expositum. Solus ergo restat hauriendi & in vsum deriuandi vtendique labor. Qui ipse labor, sine labore est, cum in sola voluntate libera, in solo desiderio, in sola intentione atq; cupiditate nostra propemodũ, principaliter, certè consistat. Adeo vt quantum desideras, quantum desideria, intentiones, cupiditates, vota; tua dilatas & distendis: tantum capias,

& adhuc infinities infinita supersunt, quæ si velis, si velle velis, eo ipso capias. Itaq; hic mihi tantum licet, quantum liber. Hic non duplicibus, sed millecuplicibus quotidie mutatorijs vestiri induique possum. desumendo, & induendo mihi præter Christi vestimenta, nunc Angelorum, nunc Archangelorum, nunc Cherubinorum, nunc Seraphinorum, nunc Apostolorum nunc Martyrum &c. &c. nunc huius. N. nunc illius N. nunc illorum N. N. nunc istorum NN. Sancti Sanctorumq; Idem dico de armatura fortium, quæ hic omnis est. de medicinali apotheca, quæ hic ad omnes morbos sanandos, ad omnes sanitates tuendas assiduò patet. Sed quia horum finis in enarrando nullus esset, & præstat illius vsus, & fructuum finem nullum facere, & præsens caput siue prouisio multum in longum processit, oportet vt eius explicandæ (at non prædicandæ) tandem finem faciamus.

Prouisio VI.

*Per Intencionum multiplicationem
ad vnum etiam opus.*

A pud homines prouerbium est qui vno cane duos simul lepores capiat, neutrum capit. Nimirum pluribus intentus minor est, ac tandem neque sufficit, ad singula sensus. Vnde etiam vulgò ridiculum est, vnâ fidelâ duos parietes dealbare; aut vnâ pecuniâ, plures simul merces emere, aut vno oculo sursum simul deorsumq; aspicere. Quâvis autem hoc ita sit apud homines in curis negotijsq; hominum, siue humanis: paulò tamen aliter est & in negotijs ac negotiationib; Spiritualibus & Diuinis, quas scilicet homines cum Deo, & cum Animabus exercent. Possunt enim Spirituales negotiatores, vnico cane plures simul lepores persequi &

103
qui & capere. possunt vnica pecuniâ, plures simul
merces emere. possunt inquam vno aliquo opere
suo, debite perfecto, plures simul fructus à D^{eo}.
consequi, meriti, impetrationis, satisfactionis. pos-
sunt plures virtutes exercere, possunt plura bona
postulare & impetrare, possunt pro pluribus debi-
tis obligationibusq; simul satisfacere. Ad quod
consequendum, sufficit sola intentionum multi-
plicatio. hæc enim quanta fuerit, & quocunq; se
porrexerit imperio & vsu voluntatis humanæ, tan-
ta erit capacitas feracitasq; operis ad plures inten-
tiones à voluntate directi.

Hæc igitur sit vna etiam Senectutis, declinan-
tisq; ad occasum ætatis ac vitæ prouiso: vt liqui-
dem desideret multas vno labore ac tempore cona-
tuq; spirituales opes meritorum tam gratiæ quàm
gloriæ conquirere, plurium simul virtutum actus
exercere, plura simul poscere & obtinere, plures
obligationes exsoluere, plures simul perfectiones
operi suo etiam vnico adhibere: det operam, vt
per voluntatem suam, plura & plura simul inten-
dat; plurium virtutum motiua, operi suo præfigat:
plura promerenda Dei dona designet, plura postu-
landa siue naturalia & temporalia, siue supernatu-
ralia & spiritualia proponat, plures obligationes
explere statuat, pluribus personis religionis ho-
norem, iuxta cuiusq; gradum exhibere desideret,
plures perfectiones perfectionumue sublimitates
operi vnico annectat: totumq; hoc solius volun-
tatis suæ efficaciam faciat: & quod desiderat, totū
pro latitudine, simulq; feruore & conatu volun-
tatis (quod deuotionem spirituales vocant) asse-
quetur.

Pluribus hæc doctrina aliàs exposita, quin eti-
am hic aliquatenus in superioribus enarrata est, &
repetere nihil attinet, sufficiet aliquod specimen
eiusmodi intentionis multiplicatæ compendiosum
afferre hoc loco. Sit ergo huiusmodi.

Sanctissima Trinitas vnus Dignissime Deus : volo ab hoc tempore omnia & singula facere & pati, motiuo atq; modo & fine, quo Tu vis, & quia Tu vis, illa & à Te, & à me fieri atq; pati. propter omnium & singulorum mandatorum, consiliorum, beneplacitorumq; Tuorum perfectam adimpletionem : propter virtutum omnium Theologicarum, & Moraliū Supernaturalium, naturalium quoq; sed supra naturam eleuatarum, Donorum etiam, Fructuumq; Spiritus Sancti in omni congruo mihi gradu assencionem, exercitationem, incrementum, postulationem ; propter gratiæ sanctificantis gloriæq; beatificæ in me apud Te, propter Te promeritionem, confirmationem, auctiōnem : propter instituti, officij, debitiq; omnis mei adæquatam executionem ; propter totius mundi in genere, specie, indiuiduoq; auxilium ; propter omnis pænæ meæ (nec non & omnis quoad licet alterius creaturæ) temporalis, spiritalis ac æternæ expiationem ; propter mei ad omne auxilium tuum supernaturale, congruum, & efficax & finale, capaciore dispositionem : propter quater-sanctæ quaternitatis, hoc est, propter omnium Electorum Hominum & Angelorum, Pretiosissimæ Parentis, Iesu Christi, Tuum honorem & imitationem. Super omnia verò, propter omnimodam tuæ Dignitatis exaltationem : tui gustus recreationem, Tuæ adorandæ voluntatis executionem : Summæ bonitatis dilectionem : mei deniq; in omnibus, & per omnia, vniuersalem annihilationem & vilificationem ; Amen.

Huic praxi atq; formulæ, licebit interferere per otium, & feruorem, specificas virtutes, perfectiones, postulationes, gratias, pœnas, debita, personas, negotia, difficultates, pericula, cæterasq; intentiones : pro quarum expressione & latitudine, simul ac mentis feruore, crescet tam efficacia, quâ copia consequendi.

Aliud

Aliud paradigma intentionis multiplicis paulò explicatius assero, vt habeatur praxis Intentionis perfectæ, & vt desumi possit, ars veluti quædam spiritualium tum intentionum, tum varietatis earum, tum reflexionum ad perfectiones, sublimitates, purificationesq; mentis & cordis nostri in operando. Sit ergo.

Sanctissima Trinitas, vnus Deus, Dominus meus: Ego N. seruus tuus me totum, & totam substantiam meam, ac vitam & omnes actiones passionesq; meas, totius vitæ meæ: in specie autem omnes huius diei, tam ordinarias, quam extra ordinem, impræuisè incidentes, omnes quoq; earum circumstantias: omnibus & singulis specialiter interferas, adiunctasq; atomos item earum, & momenta, mutationesq; singulas: creaturæ quoq; Tuæ cuiuslibet substantiam, actionem, passionem, mutationem, momentum, atomum, circumstantiam quâlibet, Tibi, pro me, proq; omnibus creaturis mihi imperfonatis, offero semel pro sæper ad hoc quidē.

1. Principaliter. Vt intentiones, voluntates, gustusq; Tuos Diuinos tam internos quàm externos, etiam quantum ex me, approbem, impleam, honorem, imiter.

2. Vt etiam intentiones Iesu Christi omnes, erga Te Patrem suum æternum, erga ipsum Se, erga nos habitas, honorem, æmuler, impleam.

3. Tum verò secundariò ad hoc; Vt Tibi Deo Domino meo, pro omnibus, cum omnibus, & per omnes, amorem, laudem, adorationem, exaltationem, obedientiam, timorem, fiduciam, reuerentiam, omnemq; debitam religionem ac deuotionem exhibeam, non exhibitam verò aliquando-cunq; suppleam.

4. Vt gratiam actualem habitualemq;: gloriâ item substantialem & accidentalem omnem, maiorem ac maiorem apud Te in cælo promerear: ad eamq; me, omni & in omni meo, & cuiuslibet

creaturæ

creaturæ actu, quomodocunq; bono, & à me nunc mihi assumpto, specialiter autem in Ecclesiæ ac meo Sacrificio, in omni quoq; Sacramento à me recepto ac recipiendo, promerendam, recipiendamque amplius & amplius disponam: eamq; finaliter, sicut Tu potes, scis, & vis obtineam.

5. Ut iuueni animas tam in peccato, quam in purgatorio positas.

6. Ut impetrem omnia omnibus, quæ Tu Domine potes, scis & vis, nobis creaturis congrua.

7. Ut exaltem imiterq; Iesum Christum, & eius Pretiosissimam Parentem, Sanctosq; omnes.

8. Ut vilificem, mortificem, abnegem, humiliem, perdam me Christi formiter.

9. Ut faciam exhibeamq; propter Te, charitatem, iustitiam, misericordiam, liberalitatem, exemplum, omni meo proximo, etiam ignoto, inimico, & ingrato.

10. Ut retractem, expiem, suppleam omnia mala, omnes neglectus, omnia damna nostra, Tibi Sanctissimo perfectissimoque Deo nostro, quouis modo, in quocunq; ex nobis displicita.

11. Ut gratias agam pro omnibus & singulis beneficijs, gloriæ, gratiæ, naturæ, super nos omnes, & singulas creaturas tuas, à Te profusus.

12. Ut adorandam voluntatem tuam omnem, bonam, beneplacentem & perfectam, expleam; eiq; me perfectè conformem, semper, omnimodè, per omnia, sponfaliter, transformatiue. Et hoc quidem ad saginandum gustum Tuum Diuinum, millies, millies infinitiesq; maiori proportionaliter glorificatione: cum millies, millies maiori proportionaliter feruore, ac feruentiori exercitatione, cuiuslibet atomi ac momenti super aliud, cuiuslibet actionis atq; passionis super aliam, cuiuslibet circumstantiæ ac mutationis, super aliam. In unione ac balneo Pretiosissimi Sanguinis, meritorumque Iesu Christi. Pretiosissimæq; eius Patris, San-
ctorumq;

Storumq; omnium triumphantium ac militanti-
um. quia Tu ita vis, & dignus es Deus meus: &
quia ita ego debeo velle, voloq; debere Tibi Vni-
Trino Deo meo. Propter nullum bonum meum,
quatenus meum, sed propter omne bonum Tuum,
quatenus Tuum. ad exaltandum Te, iuxta mensu-
ram indignitatis meae: in æternum & ultra: quā-
diu Tu Deus eris Deus. Amen.

Occurrit adhuc tertia multiplicis ac fecundæ
intentionis praxis, quam asserre hoc loco superflu-
um non erit. partim vt seligere cuiq; liceat, partim
vt quod in vna minus explicitum appositumq; sit,
apponere ex altera fas sit, partim vt iidem, qui su-
pra ex secunda praxi fructus promissi sunt, ex hac
etiam tertia desumi possint. Sit igitur hæc.

Per omnes & singulas actiones & passiones me-
as, vniuersaliter & incessabiliter, & irretractabili-
ter Toto me.

1. Intendo vnam, solam, semper, vbique, per o-
mnia momenta maiorem Sanctissimæ Trinitatis
Dei nostri gloriam, gustumq; voluntatis & exal-
tationem Dignitatis eius, propter illum ipsum, per
Iesum Christum: iuxta intentiones Dei atq; Chri-
sti erga se & erga nos, ad intrā & ad extrā.

2. Intendo exaltationem Domini nostri Iesu
Christi, Pretiosissimæ Parentis, omniumq; Electro-
rum, propter Deum per eundem Iesum Christum.

3. Intendo animarum in purgatorio auxilium,
quantum ego possum, & illæ capaces sunt iuxta, &
propter voluntatem voluptatemq; Dei & Christi,
& Pretiosissimæ Parentis Electorumque omnium,
iuxta Donum meum.

4. Intendo dispositionem mei omnimodè per-
fectam ad gratiam & charitatem & Dona Spiritus
Sancti eiusq; fructus, & ad omnem virtutem in
omni gradu congruo.

5. Intendo dispositionem mei ad gratias actus-
les omnes, opportunas, copiosas, efficaces, finales,
tam in

tam in Sacrificio, quàm in Sacramento, quàm extra illud in omni actione & passione.

6. Intendo emundationem mei coram Deo, ab omni tam culpæ, quàm pœnæ, præsertim spiritualis obligatione, in Sanguine Iesu Christi Domini nostri.

8. Intendo auxilium agonizantium, & in peccato mortali, & in graui calamitate eiusq; periculo existentium.

9. Intendo auxilium totius Sanctæ Ecclesiæ militantis, Religionis, Domûs, & omnium meorum, quos Deus scit, & vult, Amicorum & Benefactorum, inimicorum quoq; ac malefactorum.

10. Intendo præparationem mei ad sanctam mortem, ad poenitentiz vnctionisq; extremæ Sacramentum, & ad finale in bono perseverantiam.

11. Intendo deniq; omnem effectum Adoratorium, Laudatorium. Gratiarum ætorium, imperatorium. Satisfactorium. Meritorium. Imitatorium. Suppletorium, Indulgentiarum.

12. Non tamen propter vllum bonum meum, quatenus priuatum meum, sed purè, nudè, totaliter, propter suauissimum gustum Dei.

13. Et omnia, toto me, toto vniuerso, totisq; atomis vniuersi vniuersalizatis, Toto deniq; super omnia Deo meo, vt sis id quod est, & quia est id quod est.

14. In clibano ignis Seraphici, Mariani, Theandrici, in Iesu Christi sanguine. Quia, & Quare & quomodo. Quaternitas quater-sancta.

15. Et volo intendoq; vt omnis motus meus sit kenouatio & ratificatio, huius totius intentionis atq; approbatio illius æterna. Per Christum Dominum nostrum Amen Alleluia.

Harum intentionum (vel alicuius ex eis) vsus & exercitatio, non potest non esse supra modum utilis, & plurimorum in spiritu, & in omni gratia celesti profectuum ferax. modo sit & frequens & constant,

constans, & cum intellectu, & cum penetratione atq; ponderatione sensûs, & deuotione dilatationeq; per desideria vastissima, placere & ditescere quàm maximè Deo, cupientis voluntatis. Cùm verò hoc ita sit respectu omnium hominum, certè vel maximè curandum erit, vt ita sit, ijs, & alijs, quorum tempus breue est, quibus dies supersunt pauci & mali, de quibus plerumq; dicant, quia non mihi placent. Talibus enim per vias compendij currendum omninò est, vt in breui, & in paruo, lucrentur quàm maxima, quàm plurima, eademq; æterna.

Prouisio VII.

Per Intentionis simplicitatem Vnitatemque.

Proximè diximus prouisionem senescenti, aut aliter quouis modo ad finem appropinquantivitz siue animæ faciendam esse, per cumulationem quàm maximam Spiritualium diuitiarum: adhibendo ad eam veluti singulariter secundum medium, Intentionis nostræ varietatem, multiplicitatem, conglobationem. Hoc loco contrarium asserere velle videmur: volumus enim ad eam ipsam cumulationem spiritualium opum adhiberi intentionis simplicitatem atq; vnitatem: quod quomodo se habeat, quomodo cum proximè dictis cohareat, iam ex dicendis apparebit.

Non est difficile homines diuitiarum valdè cupidos, eosdem earum perstudiosos reperire. Magna tamen est varietas studiorum & mediorum, quibus ad ditescendi finem tendunt. Volunt enim quidam, vno aliquo genere abundare, & in eo diuites fieri contenti sunt. Volunt alij plura bona coaceruare. Volunt alij plurima, & si fieri posset, volunt

lunt quantum in ipsis est omnia cumulare. volunt alij vnum aliquod opum genus conquirere & aggregare, sed illud tale esse volunt, quod absq; varietate & multiplici congerie rerum minus pretiosum, in se vno ac solo contineat multa, plurima, omnia. Tales sunt V. G. qui soli auro argentouè concernendo, & in immensum congregando totis viribus inhiant; ducti nimirum auri argentiq; pretio, non tantum maiore, quàm inest bonis, opibusuè alijs, sed etiam quia auri argentiuè licet non maxima massa, in se tamen contineat pretium aliarum rerum, esto quam maximè multarum, in vnumq; collectarum. Vnde vnus solusq; auri studio, videntur sibi æquare, imò excedere studia plurimarum aliarum ab auro rerum: & vnus auri maxima congregatione, credunt se eo ipso in diuitijs, omnes alios auro minus, alijs verò licet rebus valde diuites excedere. Nimirum aurum tale quiddam est (aut magis ab hominibus putatur esse) quo curato omnia curantur, cumulado cumulantur omnia: habito possessioq; habentur & possidentur omnia bona, omniaq; diuitiarum genera. Tale quid inuenire est in spiritualibus hominibus atq; studijs. omnes ditescere spiritualibus bonis volunt, & student: sed studia eorum alia atq; alia sunt. Contenti sunt alij conscientiam à peccatis grandibus mundam habere. alij passionum dominium, vitiorum carentiam appetunt. Curant alij contemptum rerum caducarum solo affectu. alij etiam re ipsa, imò & voto adiecto eundemque plenè exequuntur. Alij student & sciunt custodire vas seu corpus suum in honestate. alij vnam, aut aliquot supra vnam, virtutes seligunt, in quibus proficere insigniùs satis habent. alij proficere in plurimis aliquantum cupiunt; alij intentionem bonam: alij meliorè, optimā alij, alij multas simul in operibus suis habere consuecunt; alij denique aliter & aliter salutem suam operantur, & per bona opera

ha opera eandem certam facere satagunt. Sed nihilominus, præter, & supra hos, similesq; his, ones sunt qui ab Apostolo moniti æmulantur charismata meliora: sunt quibus ab eodem Excellentior via demonstratur, sunt qui audiunt ab Apostolo dici sibi. *Qui diligit, legem implevit. Charitas nunquam excidit. Charitas Deus est, & qui manet in charitate in Deo manet, & Deus in eo.* Sine charitate nihil mihi prodest, Nihil sum. esto habeam fidem ita, ut per eam montes transferam, esto loquar linguis hominum & Angelorum, esto nouerim Mysteria omnia, esto liberalissimâ in cibos pauperum substantiæ meæ dispersione, euaserim nudissimus, ac pauperimus? esto tradiderim corpus meum etiam in ignem consummando Martyrio. esto Dominum meum de substantia mea non solum honorauerim, sed etiam in carne manentem inter nos pauerim, & circa frequens ministerium ipsi in persona Dei Filio exhibendum folicitus fuerim.

Ira nimirum etiam in his ipsis distinctiones & ascensiones cordium sunt: etiam in his; semita iustorum quasi lux splendens procedit & crescit usq; ad perfectum diem, etiam in his sunt, qui faciunt voluntatem Dei bonam tantum: alij qui etiam bene placentem exequuntur, alij qui completis prioribus euadunt insuper ad perficiendam perfectâ, & super eminentem charitatem, comprehendunt in latum, longum, altum & profundum, progressi de virtute in virtutem, usq; eo pertingunt, ubi videatur Deus Deorum in Sion. Totum hoc quod dicimus, seu dicere magis volumus, explicauit & comprehendit Dominus noster paucis illis verbis, quæ de duabus sororibus suis amatricibus protulit. Vna eadem Martha nomine, satagebat circa frequens ministerium, quin & studio vehementiori urgente turbabatur erga plurima obsequia & desideria, insuper sociam sororem, in partem laborum vocare conata, ipsum Dominum rogare non dubitauit,

bitauit, eam ut apud pedes Domini otiosè sedentē, & de iuuanda sorore nihil minus cogitantem, surgere, & sibi auxilio esse iuberet. Alia verò soror eius Maria, velut ignara, aut parum studiosa Hospitis sui, qui intrauerat in domum castellumq; suum, de nullo penitus ministerio, præsenti & Hospitali suo Domino exhibendo laborauit, ac ne cogitauit quidem, sed sedens secus pedes Domini sui, confabulatur secura & otiosa cum ipso, audiebatq; verbum illius. Quis hæc, vel audiens vel intuens, duarum istarum sororum circa Dominū Iesum officia & studia: non præferat Martham Mariæ, non plus laudet atq; æstimet labores circapleurima in gratiam Domini susceptos in Martha, quàm otiosam solam sessionem ad pedes Dominicos in Maria! quis non ampliores spondeat benedictionem & commendationem à Domino obuenturam Marthæ, quàm Mariæ! Sic utiq; nostris calculis res & lis ista determinaretur. hoc & ipsa Maria, sororem suam interpellantem contra se Domini iudicium audiens contra se decerni metuebat. Sed enim aliter sapientia & veritas æterna sententiam de ambabus tulit. dixit enim. *Martha Martha sollicita es & turbaris erga plurima. Porro vnum est necessarium. Maria optimam partem elegit: quæ non auferetur ab ea.* Bonum erat Marthæ ministeriū & sollicitudo, turbatioq; circa plurima, at vnum melius erat, quod quia elegit Maria. Optimam partem se elegisse audiit, & insuper nunquam à se tollendā in promisso accepit.

Hoc ergo vnum: hanc optimam partem: hanc nunquam auferendam ab Electore sui, dicimus & vocamus & ostendimus esse intentionem, seu intentionis simplicitatem & vnitatem & nuditatem & celsitudinem: quæ quia charitas est, & charitas perfecta, quatenus etiam in hac vitæ esse, haberiq; potest, & charitas perfectissimo

modo exercita: ideò illa vnum hoc Dominicum est, ideò illa optima pars est, ideò illa sola querenda & exercenda est, ideò illam solam & vnam exquirere, vnam solam petere, vnā solam exercere, vnam solam cumulare, vnam solam possidere: est possidere aurum quoddam, omniauro magis aureum, magis obrizum, magis pretiosū; quo auro Spiritus ditescere solo, æquat, excedit, præualet, explet & superexplet, omnium reliquorum bonorum spiritualium possessionem, & eius sola quæsitio, melior est possessione auri & argenti.

Hanc igitur charitatem intentionis, seu intentionem charitatis vnus, solius, simplicis & nudæ, & puræ: exercent, quin & assidue frequentet, quisquis in spiritu ditescere, magno quidem & vnico compendio, sed summo, & omnibus æquiparando diuitijs internis augmento desiderat. Desiderare autem hoc ille omnis quàm maxime debet, quisquis videt sibi appropinquantem finē, & cui iam re ipsa dicitur, Operamini dum lucem habetis, vt non vos tenebræ comprehendant. *Venit nox, in qua nemo operari potest*: nox utiq; mortis, post quam non est operari, ac multo minus est inuenire cibum: nisi quis hac in vita operatus fuerit cibum; non tamen qui perit, sed qui permanet in vitam æternam. *Æternam dico, imò Dominus dicit: vt quilibet apud se concludat, tantum sibi operandum esse hac in vita, quantum sufficiat pro æterna vita.* Cùm verò temporis ad æternitatem nulla sit comparatio: propterea quantumcunque multos quis se vel cibos operatum esse, vel thesauros opum coaceruasse putarit, aut etiam viderit: certus sit, totum illud & parum & nihil prorsus esse si cum æterna vita, in qua cibis in tempore partis erit viuendum in comparisonem venerit. Non cesset ergo manus nostra, non cesset pes noster, nō cesset labor noster, non cesset industria, auaritia,

H

fames,

fames, sitis, orexis, cupiditasq; nostra: vel ob hoc solum, quia hoc quidē tempus nostrum, quod provisioni faciendæ datum est, finem in proximo habet, æternitas autem pro qua nobis providendum est, Æterna, & ipsa Æternitas est.

Sed iam in quo consistat hæc intentionis adeo nobilis simplicitas atq; vnitas, omnibus æquiuales, multis & præualens, delineandum est. Compendiosius id dicere pleniusq; simul non possum, quam verbis ipsius Christi, nos ita & orare & operari, & pati omnia & singula, & semper docentis, vt in omnibus & ab omnibus, & per omnia nostra Sanctificetur nomen Dei ac Patris nostri, qui est in Cœlis. Adueniat regnum eius in omnes creaturas, & propagetur magis ac magis semper inter eas, & fiat voluntas eius sicut in cælo, ita & in terra, sicut in corde Dei, ita & in corde omnis creaturæ: idq; totum, ob aliud nihil, nisi vt sanctificetur nomen eiusdem Dei Patris, & adueniat floreatq; Regnum & gloria Maiestatis eius, & fiat voluntas eius sicut in cælo & in terra: quia hæc est Dignitas voluntatis eius, & voluntas Dignitatis illius. Hoc si indiget explicatione, ita explicari potest. Intentio simplex, & vna, & nuda, & sublimis, & pura, & defæcata est, operari aut pati ad vnus soliusq; Dei, Optimi, Maximi, Dignissimi mentem seu voluntatem, ad exaltationem eiusdem seu gloriam, ad contentationem expletionemq; seu gustum & voluptatem eiusdem puram, solam, quatenus eius, & quia eius, & quomodo eius est. Absq; vilo ad creaturæ placitum intuitu, absq; ullo ad tuum (qui operaris seu pateris & intendi) proprium gustum commodumue respectu, absq; vlla ad te ipsum conuersione, absq; vlla tuimet in operando, & operatione spe, quæstione, consolatione. Vt exaltetur vbiqu; amplius & amplius semper solus Deus, vt glorificetur & regnet in omnibus plenius & plenius semper solus Deus, vt impleatur & fiat ab omnibus & in omnibus per-

bus perfectius & perfectius semper sola voluntas Dei, & non ob aliud quidquam, nisi quia ille Deus: quia ille dignus Dens; quia hæc est voluntas eius, tam imperans, quam dirigens, quam informans seu transformans.

Sic effici, sic perfici, sic informari, transformari, est exui & exire quidem à seipso, perire ac mori sibi, omniq; simul creaturæ & affectioni creatæ, vivere autem Deo, transire in Deum & Deificari est. Sic constitui, est Optimam partem elegisse, & assecutum esse, est vnum necessarium possedisse & obtinuisse, est omnibus & sibi disperijisse; solum autem & vnum Deum prævalentem omnibus bonis & donis inuenisse, introijisse, immigrasse, inhabitasse, in eum se beatissimo commercio immutasse, eumq; pro se accepisse, & se in eum indiuiuisse. non quidem entitate sed voluntate, non substantia sed affectione: non essentiâ, sed charitate, nondum gloriâ, sed sola adhuc gratiâ, olim autem in futuro etiam Gloriâ. Sic se habere, est se non habere, sed Deum per se possidere. siue, est se, non in se, sed in Deo melius habere, est nihil habere, & omnia possidere. est omnia in vno, vnum pro omnibus habere, siue illud sit, quod purgat animam, siue illud quod exornat cor: siue illud quod venit & identifi-
cat Deo: auferens omne, quoad fas huic vitæ, non tantum aliud, non tantum disparatum, non tantum adiacens, sed etiam medium, etiam vnitium, retinens solum, quod faciat vnum, faciat idem, faciat nihil sui, faciat totum quod est vnus & solus Deus, vna, pura, & simplex Diuinitas. Atq; hoc præstat vnica, simplex, pura, defæcata Deiformis intentio: cuius exercitium, vsus, praxis, habitus, omnia alia obtinet, supplet, inducit, euincit, exsuperat, accumulatur cum immenso fanore, omnia alia Spiritus & virtutis, & perfectionis exercitia. De quo hæc dixisse sufficiat. Nam paradigma ex paulo ante dictis facile confici potest, & confecit tum in

Hæc

hac, quam

Exterior.

Interior.

Essentialis.

Matt: 23. 39.

hac, quam nos docuit, tum in sua quam ipse in coe-
de, & ore, & opere, semper habuit formulâ Chri-
stus. Vt cum orans dixit: *Non quod ego uolo Pater,*
sed fiat voluntas tua, Et iterum. *Ita Pater: quoniam*
sic placitum est ante te. Et rursus. *Ego quae placita*
sunt Patri, facio semper. Sicut *mandatum dedit mihi*
Pater, sic facio; Deniq; verbum eius est illud. In
capite libri scriptum est de me, *ut faciam voluntatem*
tuam. Itemq; illud. *Meus cibus est, ut faciam volun-*
tatem Patris mei. Et omnis qui fecerit voluntatem
Patris mei qui in caelis est, ipse meus frater & soror &
Mater est. in quibus omnibus Domini nostri sen-
tentia, & sensus & medulla, & praxis huius de qua
locuti vîq; huc sumus intentionis est. quâ in
Christi sensu praesertim, usurpare, satis
erit, & vota usurpantis excedet.

Prouisio VIII.

Per tuarum omnium actionum, pas-
sionum, intentionum, rerum cum o-
mnibus creaturis communica-
tionem.

NOtum est, omnes nos quicunq; in hoc vniuer-
so creato, tam visibili sublunari, quam inuisi-
bili, superq; coelesti continemur, ab vno Deo tan-
quam autore & factore opera, tanquam à Patre fi-
lij, tanquam à fonte riuuli, tanquam à radice ramî,
procedunt, sic procedere. ob quod meritò iubemur
dicere Deo nostro, *Pater noster qui es in caelis:* nimi-
rum quia tanquam filij vnius Patris Dei factoris no-
stri sumus omnes nos. Ob quod etiam mutuo quo-
dam neclimur vinculo, inter nos, vt alij alijs præ-
stemus obsequia, alij ab alijs accipiamus beneficia,
alij alio-

alij aliorum supportemus onera; Ob hoc etiam nemo sibi soli viuit, sed alijs pluribus, imò suo modo omnibus; ob hoc nemo quæ solum sua propria sunt quærere debet, sed quæ multorum, atq; adeò quæ omnium. Ob hoc nemo soli sibi placere debet, sed omnibus, faciendo omnibus ea pro posse, quæ secundum Deum ijs conducibilia sunt. Ob hoc deniq; nemo Deum laudare, gloriam eius procurare, voluntatemq; facere debet, pro seipso ac vno solo, sed etiam pro alijs, imò pro omnibus. & singulis concreaturis suis, pro quibus eorū omnium debitor est Deo obsequiorum, quorum est debitor pro seipso, imò fortè tanto plus debet pro alijs omnibus, quàm pro vno seipso, quante omnes simul præstantiores sunt solo ipso, licet nemo aliorum tantum curam gerere debeat, neglecto seipso. Nā dicitur illi. *Quid prodest homini, si vnuerſum mundum lucretur, se autem ipsum perdat.*

Ex his ergo fundamentis quæ perſtriſta ſunt, conſurgit hæc prouiſio præſens, per quam fructuoſe, quo ad meritum gratiæ & gloriæ aliarumq; virtutum proſectum opera ſunt, coram Deo ſatitanda ab omnibus, qui eiꝰmodi fructuum perſtudioſi ſunt. Eſſe autem debent omnes quidem homines, at ex ſpeciali cauſa ij, quibus tempus ſux reſolutionis inſtat, & iam ad metas vitæ accedente ſe ſentiunt & aſpiciunt. Id verò eſt quod diſimul, ut, quiſquis talis eſt, & per hoc quod adhuc ſuper eſt temporis copioſe coram Deo diſceſcere percipit: omnem ſuam quanta quanta illi eſt corporis, animæ, perſonæ, ſubſtantiam, omnes partes, potentiæ & vires, omnes aptitudines, habitus, diſpoſitiones, omnes operationes, paſſiones, alterationes, omnes appetitiones, deſideria, curas, omnes circumſtantias, capacitates, conditiones, omnia loca, tempora, adiuncta: omnes atomos omnia inſtantia, omnes poſſibilitates, omnia deniq; à ſe quouis modo prouenientia, nec non ad ſe quomodocunque

pertinentia, pertingentia, atq; vno verbo qualiter-
 cunq; sua: non velit esse tantum sua, nec velit tan-
 tum sibi soli esse, durare, seruire, agere, prodesse,
 sed intentione voluntatis suae velit & faciat ea esse
 omnium omnino rerum aliarum, velit omnib; pro-
 desse, omnibus seruire, omnibus existere, & inexistere:
 nominatim velit & intendat, omnibus &
 pro omnibus Deum nosse, credere, predicare, amare,
 adorare, audire, laudare, venerari: pro omnibus
 velit Deo seruire, subesse, obedire, voluntatem
 exequi, conformari, adherere, viuere, operari, pati,
 mori. Debet ipse humilitatem Deo, debet fide,
 debet spem, debet timorem, debet charitatem, debet
 religionem, debet orationem, debet iustitiam, debet
 misericordiam, debet patientiam, mansuetudinem,
 proximorum amorem &c. hac eadem omnia debent Deo
 pro suo statu omnes reliquae creaturae praeteritae,
 praesentes, futurae, possibiles. Hac ergo sua debita
 dum soluit Deo pro se, soluat simul tanquam
 pro omnibus singulisq; creaturis; ita ut ex intentionis
 applicationisq; ipsius vi, efficaciam, latitudine
 extensionisq; omnis eius actio, sit quasi omnium
 creaturarum actio: omnis eius humiliatio coram Deo,
 sit quoq; omnium creaturarum coram Deo humiliatio,
 omnis eius oratio ad Deum, sit omnium, sit pro
 omnibus oratio: & sic de alijs.

Est hanc coram Deo fecundissimam provisionem & valde
 aptam ad conseruationem spiritualium opum & diuitiarum
 nemo ut opinor non videt. Superest ergo, ut hac
 provisio in praxi sit, & apud omnes quidem; sed
 speciali ut dixi ratione, apud omnes eos, quibus
 vitae hora nouissima fuit. Quibus autor sum, ut
 huius provisionis materiam, hoc est, ut istam
 communicationem suarum rerum cum omnibus
 creaturis, non tantum ad praesentes creaturas,
 omnes futuras, omnes possibiles, omnesq; obligationes
 earum ad Deum &c. faciendo sua omnia non tantum
 suo, nec tantum nomine creaturarum praesentium

379
præsentium, sed etiam præteritarum futurarumq;
possibiliumq; nomine; quandoquidem cum his o-
mnibus habet homo aliquam in Deo & ex Deo fra-
ternitatem, habet etiam in se magnam cum præte-
ritis, habiturusq; cum futuris connexionem, vel ob
suam ab illis, vel ob earum à se dependentiam in-
essendo, viuendo, operando &c. possibilibus etiam
hoc debet: quia ipse existendo occupauit locum a-
liarum possibilium, quæ ideo non existunt: quia
ita expedire vitum placitum uè est apud inscruta-
bilem Dei, sapientiam, rerumq; nulli nisi Deo:
soli cognitam combinationem.

Prouisio IX.

*Per Communicationem omnium
creaturarum tecum.*

Opposita priori, sed ex iisdem deducta fontibus:
prouisionis faciendæ ratio. Sumus omnes vni-
us Patris filij, vnius fontis riuus, vnius Hæredis pos-
sessio, vnius Patris familias familia, ergo omnium
nostrum communis debet esse in rem nostri Patris-
familias labor, in rem Possessoris & Hæredis redi-
tus seu fructus, in honorem Patris, veneratio. ergo
quod facit vnus, tanquam omnes facere debet, &
omnes facere debent, quod faciunt omnes tanquã
etiam vnus facere, & vnus quoq; facere tenetur.
Nimirum respectu Dei, creaturarum omnium o-
mnia sunt communia, sicut creaturæ omnes in Deo
sunt vnum, & Dei sunt omnes, & Deo sunt omnes.

Hoc supposito, iam prouisionis præsentis sub-
stantia in hoc consistet, vt homo diuitiarum spiri-
tualium cumularum per studiosus, partim sciat,
partim faciat (voluntatis intentione) se vnũ eun-
demq; cum omnibus creaturis & rebus: vnum au-
tem per & propter Naturæ communicationem & con-

ditionem, maiorem quidem cum alijs, minorem
verò cum alijs, cum omnibus tamen aliquam, &
certè non exiguam neq; vnam. Etenim cum omni-
bus habet commune Originale suum nihil & non
esse, ex quo est. cum omnibus etiam habet commu-
nem creatorem à quo ex non esse ad esse traductus
est. cum omnibus habet communem fontem ef-
fendi, scilicet Dei essentiam, cuius participatione
aliquid omnia sunt, & cuius similitudinem boni-
tatem, potentiam, omnia aliquo modo imitantur.
communem habet etiam, cum omnibus aliquem,
saltem vnum, gradum Naturæ. Est enim sicut om-
nia sunt, vivit sicut omnia viventia, sentit sicut
sentientia omnia, intelligit sicut rationalia omnia,
spiritus est ex parte, sicut omnia spiritalia: com-
munem etiam finem cum omnibus, Dei scilicet
gloriam & servitutem, cum plerisq; etiam, vitam
gratiæ & gloriæ, fidei quoq; spei charitatis, Sacra-
mentorum etiam & Sacrificiorum, legum, rituum
aliorumq; mediourum, fini seu naturali, seu super-
naturali subseruientium. His potest addi commu-
nio Nationis, sanguinis seu generationis, cohabita-
tionis in vna domo, vrbe, Regione, & alia his si-
milis.

Sic vnum cum omnibus se partim sciens partim
faciens homo, omnia etiam omnium rerū sua par-
tim sciat, partim faciat (siue sint ea Naturæ & fin-
itates & personæ & supposita, siue partes & poten-
tiæ, siue operationes passionēsq; siue effectus & cir-
cumstantiæ & conditiones & possibilitates, & ato-
mi & deniq; omnia ad omnes attinentia) omnia si-
bi usurpet, omnia se quoq; cum omnibus, in omni-
bus, per omnes operari & pati sciat, faciatq; inten-
dendo: omnia hæc in Deum, in eius gloriam, ob-
sequium, venerationem, dilectionem dilectionisq;
effectum dirigat, omnia virtutibus & conditioni-
bus supernaturalibus, & ad meritum gratiæ gloriæ-
que apud Deum idoneis imbuat, Fine atq; scopo,
quo po-

quo potest & vult sublimissimo, Diuinoq; gustui placitissimo afficiat, sanguini & meritis Iesu Christi, omniumq; Electorum vniat, ornet, appetiet: perinde ac si omnia eius essent, sicuti reuera sunt eius, cum sint eorum, qui sunt aliquid eius, & vnū quiddam cum ipso, & intentione, applicatione, usurpatione, directione eius propriā, facta sint, & fiant eius.

Licebit ergo homini omnes res inanimatas, summo cælo ad vsq; terræ centrum contentas, omnes inquam & singulas, omnesq; earum partes, vires, effectus, alterationes, atomos, quæ fuerunt, sunt, erunt, esse possunt, in se quasi vnum, vel se vnum in omnes transferre & impersonare: & pro omnibus, cum omnibus, in omnibus, deniq; omnibus illis, Deum agnoscere, amare, laudare, exaltare, venerari, voluntatem eius exequi, se humiliare, se in eius manus dare, donare, resignare. Deum prædicare, voluntatem eius annunciare. modo illo quo *cæli enarrant gloriam Dei, & opera manuum eius annunciat firmamentum.* illo modo, quo *dies diei erubescat verbum, & nox nocti indicat scientiam.* adeo quidem luculenter & sonore, vt *in omnem terram exierit sonus eorum, & in fines orbis terra verba eorum.* Si enim *cæli enarrant Dei gloriam,* etiam faciunt Dei voluntatem, etiam possunt se humiliare coram Deo, etiam possunt se subdere Deo, etiam possunt agere gratias Deo, etiam possunt iustitiam, misericordiam, dilectionem exhibere alijs propter Deū, eo modo, quo per innatam capacitatem iubentur à Deo. Et quod faciunt cæli, facit sol, luna, planetæ, stellæ, faciunt virtutes siderum, & lumen & motus; facit ignis, aer, aqua, terra, cum omnibus quæ in eis sunt. His si accedat hominis alicuius creaturæ rationalis intentio applicatioq; deuota, melius & nobilius & gratius Deo & vtilius homini, id ipsum facient.

Licebit consimili ratione homini, omnes res viuentes,

wentes, vitam vegetatiuam habentes, cum suis omnibus accidentibus conditionibus, circumstantijs suis facere, se omnibus inletere, vnire, imperfonare, & quidquid illæ sunt, agunt, patiuntur, his omnibus in Deum ferri & affici, hæc q̃q; omnia morali bonitate supernaturali, virtutibusq; quibuslibet Deo gratiosis imbueri, Deoq; offerre, Deum omnibus, & pro omnibus laudare, colere, amare, Deo obedientiam, iustitiam, charitatem sui & proximi, misericordiam, modestiam, mansuetudinem, humilitatem, patientiam, castitatem, deuotionem, & quidquid demum Deo placitum est, his & pro his omnibus, iam suis, & à se perfectis exhibere, atque præsentare. Moneatur folium in arbore, eum motum faciat hominis voluntas suum, faciat eum humilitatis, obedientiæ, timoris, fiduciæ, amoris actum. toties humiliabitur voluntas hominis coram Deo, toties obediet, amabit Deum, quoties movebitur folium. Par de alijs ratio.

Licebit hoc ipsum homini facere cum omnibus animantibus brutis, volatilibus, Natatilibus, gradientibus, serpentibus atq; reptilibus; omne quidquid illæ sunt, possunt, agunt, patiuntur, in totis se aut suis partibus exterius interiusq; per omnes sensus suos exteriores interioresq; faciat homo suum, faciat se, faciat tanquam factum perpeffum à se, & per se (per hoc enim factum, & fit cum quo habet commune esse) imbuat hoc intentione directa in Deum, & oblata offerenteq; hæc omnia eidem Deo; imbuat supernaturalitate, finis aut medijs, imbuat virtute seu Theologica, seu morali quacunq; imbuat actu cuiuscunq; virtutis, perfectionis, sublimitatis. imbuat vnione meritorum Christi & Electorum eius. Quidquid omnia & singula fecerunt, faciunt, facient, facere possent, si essent, quidquid etiam patiuntur, quauis alteratione, in se totis, in suis partibus, in suis atomis; totum id meritorium erit homini per intentionem hæc sublimanti,

blimanti, & suum facienti, Diuinæq; voluntati & gustui probanti, erit inquam meritorium gratiæ & gloriæ, erit augmentativum omnis virtutis, perfectionis, habitusq; boni.

Licebit hoc ipsum homini facere cum omnibus Rationalibus creaturis, siue sint homines reliqui, siue sint Angeli & Spiritus puri. Totum hoc quod homines præteriti, præsentis, futuri, possibiles, ut quod Angeli existentes, aut possibiles, sunt, agunt, petiuntur, in totis se, in potentijs, viribus, partib9, atomis, momentis, æternitatibus suis, faciat hominem suum, faciat à se factum seu perpeffum, in corpore, in anima, in persona, in externis, attingentibusq; rebus, circumstantijs, conditionibus: Deo hæc omnia singula, tanquam sua appropriata sibi offerat, his singulis omnibusq; Deum credat, speret, amet, laudet &c. tanquam bonum suum omne, supremum, vltimum, supernaturale. Imbuat hæc omnia sine supernaturali, virtute supernaturali, vna & pluribus, imbuat perfectione variâ, sublimi, Deo gratiosâ, vniat meritis Christi & Electorum eius. Totum hoc erit homini sic imbuenti & operanti meritorium gratiæ & gloriæ æternæ. Siue creaturarum rationalium actiones, passionesq; fuerint puræ, naturales siue supernaturales, siue fuerint bonæ moraliter, siue tantum entitatiuè, siue fuerint sanctæ & iustæ, ac meritoria, siue fuerint etiam malæ ac peccaminosæ, sed quatenus (exclusâ malitiâ morali) habent entitatiuam bonitatem, ad quam Deus ipse per se concurrit, tanquam causa prima, eumq; concursum & actum vt talem ad suam gloriam, ad aliosq; sibi volitos fines refert. Quo fiet, vt actiones malæ, quæ operantibus erunt damnabiles: homini modo dicto, eas intendenti, & in Deum referenti, erunt salutare, & ad gratiam gloriamq; ceteraq; bona Spiritualia proficua: Perinde quomodo dictum est, easdem actiones à Deo fieri, ad se referri, & ad gloriam nominis sui augendam,

gendam, voluntatemq; suam perficiendam conuertit. Itaque hunc in modum operanti, in suumque vsum & fructum spirituales conuertenti omnia: Homini, nulla erunt opera otiosa, nulla malitiosa, nulla perditione digna, sed omnia & singula, etiam damnatorum in inferno, erunt illi sancta, pia, iusta, meritoria, gratiosa Deo, & digna Beatitudinis aeternae praemio.

Et quid potest hac industria esse feracius, quid hac prouisione ditiùs, simulq; optabiliùs; modone Operantium hominum, diuitiasq; Spiritus cupientium cesseret langueatq; industria. Neque est quod quis hac reputer ardua, difficilia, & laboriosa. Nam in primis solius est hoc liberae pie voluntatis opus, quod internum tantummodo esse sufficit, sufficit etiam interdum solam identidemq; reassumptum, repetitum, ratificatum esse, quod penè momentaneo voluntatis actu peragi potest. vñ moderatè frequenti habitus contractus in animo, totum negotium faciliat, & in naturalem actionem conuertit. Postremò in hoc peragendo, nihil omninò plus est laboris, quàm est in simplici vulgariq; nostra operatione, nostrorumq; priorum operum supernaturali & meritoria transactione. Probet qui vult, & aduerter oculis suis tantundem esse in hoc atq; in illo operandi modo laboris, temporis, fatigationis, conatù, reflexionis, memoriae & similium requisitorum. Quare difficultas neminem deterrere debet ab huius prouisionis exercitatione; quæ difficultas vt aliqua sit, satis, superq;, & valde excessiue compensatur Immenfa fructuositate atq; fecunditate, quæ prope modum maior & omni humana opinione, & spe, & cupiditate. Quod si in avaritia temporalium, videmus rerum non minui cupiditatem auarorum hominum, sed potius augescere amplius ampliusq; etiam extrema senectute grauescentium: quos difficultas augendi non deterret, neq; fractos

fractos licet, frangit. Quid conuenit facere, quomodo affici, quomodo inualescere & inardescere ampliori cupiditate diuitiarum spiritualium aternarum Diuinarumq; homines ad earum studium, & curam, & cumulationem factos, natos, ordinatos, quantumlibet corporeis viribus & annis debiles atq; fractos/ Si in perditē auaris crescit amor nummi, quantum ipsa pecunia crescit: ita vt qui conquisiuit decem millia nummorum, non cupiat acquirere insuper vnum nummum, vel duos, vel decem, vel etiam mille solum, sed exardescat in cupiditatem studiumq; conquirendi vel alia decem millia, vel etiam viginti millia. In Sancta & salutari auaritia cœlestium diuitiarum, quarum vsus fit per omnem aternitatem, & quarum demum sit & cumulus & merces & finis Deus, quo nihil maius; nonne addeceret homines Diuinos, vt in eis crescat amor, crescat conatus acquirendi thesauri cœlestis, tantum quantum ipse thesaurus crescit? ita vt nulla se offerat industria ditescendi, quam non sienti & insatiabili animo, apprehendant, exercent, continuent, & in omni labore, conatuq; non tantum perseuerent indeficienter, sed progrediantur ad alia aliaque ad ampliora & ampliora, inexplebiliter.

Prouisio X.

*Per Communicationem cum DEO,
& eius diuitiis atque Operibus
ad Extra.*

APerit (an operit melius dicam?) adhuc sese nobis Prouisio quædam, quæ si nobis aditus pate fiat, etsi ad vsum exercitiumq; eius ex Dei quidem parte liceat, ex nostro autem studio libeat absq; vlla & comparatione, & dubitatione, in immensum

mentum immensius ditescere ex diuitijs thesauris-
q; spiritualibus liceat. Deus tamq; est, & Deus
quantus quantus est, qui venit nobis, exhibetq; se,
vt ex eo, ex omnibusque bonis eius prouisionem
nobis faciamus, quā in æternum, & fruamur, &
glorificemur. Vtinam eius explicationi nec intel-
lectus succumbat, & desiderio voluntas sufficiat,
& executioni vires non deficient. Sed speramus ad-
futurum cum tua virtute gratiaq; auxiliante illum,
in quo & ex quo est omnis sufficientia & prouisio
nostra..

Certum est esseq; debet, Deum esse super ònia
creata, & ita quidem super omnia, vt omnes crea-
turæ tam possibiles quàm existentes, eius solius
comparatione, magis non sint, quàm sint, & abso-
lutè nihil sint. attestatur hoc Sapientia Dei cum ait.

Sap. 11. 23.

*Tanquam momentum statera, sic est ante te orbis ter-
rarum (Domine) & tanquam gutta roris antelucani,*

Psal. 38. 6.

qua descendit in terram Expressius autem per Da-
uidem loquitur sic. *Substantia mea tanquam nihilū
ante te.* quæ verba non tantum ex Persona Dau-
dis dicta sunt: sed etiam ex persona omnis absolu-
tè creaturæ, quoniam eadem omninò est, omnis
atq; vnius creaturæ ratio & conditio coram Deo.
Cui etiam perinde congruit illud, quod idem Da-
uid. tam ex suo, quàm ex omnium nomine dixit.

Psal. 15. 2.

*Dixi Domino. Deus meus es tu: quoniam bonorum
meorum non eges.* Mira quidem sed vera ratiocina-
tio: vt dicatur, sitq; Deus ideo Deus creaturarum
omnium, quia nullius earum bonorum eger: sed
omnibus ille dat omnia affluenter & non impro-
peranter: propter solius creaturæ bonum, propter
nullum verò suum vsum. Id ipsum legere est apud

Isa. 40. 15.

*tes (omnes) quasi stilla situla, & quasi momentum
statera, reputata sunt. Ecce insula quasi pulvis exigu-
us: & libanus non sufficiet ad succendendum, & ani-
malia illius non sufficient ad holocaustum. Omnes gen-
tes quasi*

res quasi non sint, sic sunt coram eo, & quasi nihilum reputate sunt ei. Ut iam non debeat esse in admiratione clausula illa Dauidica. *Veruntamen vniuersa vanitas omnis homo viuens, & illa Salomonis altera. Vanitas vanitatum & omnia vanitas, Nec non & illa Pauli assertio de Deo. Qui vocat ea, quae non sunt, tanquam ea quae sunt.* siue quia tam coram illo sunt nondum creata, quam sunt iam creata: in eius enim potestate est creare illa, sicut fuit creare ista: siue quia coram Deo tam nihil sunt quae creata sunt, quam illa sunt nihil, quae creata adhuc non sunt. Ergo ut supra dicebam, in tantum est Deus noster super omnia alia, ut eius comparatione Nihilum, Inane, vanitas, & non existentia sint omnia.

Idem Deus noster est complectens & continens in se omnia. Quidquid enim creauit, qui omnia creauit, utiq; hoc esse, hoc in se habere debuit; & hoc de seipso, deq; sua ipsius omnipotentia creauit, & omnibus apud se inuenit principium. Haec est argumentatio ipsiusmet Dei nostri apud Prophetam cum ait. *Qui alios parere facio, ipse non pariam? dicit Dominus. Si ego qui generationem cateris tribuo, sterilis ero, ait Dominus Deus tuus? Hoc ipsum affertur de Deo nostro illis verbis. Spiritus Domini repleuit orbem terrarum, & hoc quod continet omnia, scientiam habet vocis: Et rursum. Verbo Domini firmati sunt caeli, & spiritus oris eius omnis virtus eorum. Deniq; omnia per ipsum Deum (scilicet verbum) facta sunt, & sine ipso factum est nihil, quod factum est, in ipso vita erat. Nemo siquidem dat alteri, quod non habet, quare cum Deus omnibus omnia, ipsa etiam sibi der creando, omniumq; inueniat originem ea formando: necesse est, ut eadem omnia, in sese contineat: & omnia in eo contineantur, in ipsoq; omnia viuant, moueantur & sint. Igitur in seipso Deus habet atq; continet caelos & quae in eis. Terras, & quae in eis, omnia & singula. siue spiritualia & intelligibilia, siue materialia &*

Psal: 38. 6.

Ecclesi: 1. 2.

Rom: 4. 17.

Isa: 66. 9.

Sap: 1. 7.

Psal: 32. 6.

Ioan: 1. 3.

2. Mach: 7.

23.

Act: 17. 28.

rialia & bruta & inanimata. Non continet tamen
 ista Deus in se, tanquam sylva arbores, aut feras,
 aut tanquam mare pisces, aut tanquam navis ve-
 ctores, aut tanquam arbor fructus, aut tanquam
 caula greges; brutæ essent enim istiusmodi cogi-
 tationes de Deo, sed continet hæc tanquam im-
 perfecta perfectissimus, tanquam artifex arte fa-
 cta, tanquam architectus domum idealem, tan-
 quam causa effectus, tanquam mare fluvios & fon-
 tes. continet (vt scholasticè loquar) eminenter, æ-
 quivalenter, & perfectiori modo, quàm res ipse
 sunt in se. Proinde perfectius est in Deo coelum,
 quàm est in seipso. perfectior est sol in Deo, quàm
 in seipso. perfectior terra in Deo, quàm in seipsa.
 perfectiora deniq; omnia sunt, quatenus in Deo
 sunt, quàm quatenus in seipsis sunt. perfectiusq;
 ibi operantur in Deo, quàm in seipsis. nunquam
 ibi aberrant aut deficiunt à ^{fine} in operando, vt
 hic in se existentes sæpè deficiunt. Nunquam ibi
 cessant earum operationes, & efficacitates, & fru-
 ctus, & actus, quæ hic perpetuò transeunt, defici-
 unt, cessant, mutantur. & ab esse ad non esse, ab
 operari ad non operari desinunt. Michaél Ange-
 lus est in Deo, cum sua entitate, perfectione, acti-
 uitate, operatione actuq; omni, quem ab origine
 creationis egit, & quemcunq; per omnem duratio-
 nis suæ æternitatem peraget, eritq; sic in æternū.
 quemadmodum & fuit eodem modo totus ab æter-
 no: licet ipse in semetipso non existerit ab æter-
 no. Idem de omnibus singulis creaturis cogitan-
 dum & censendum, Ex hoc fonte existentium re-
 rum omnium, omniumq; actionum nostrarum in
 Deo, siue antequam in se fuerunt, siue dum sunt
 & fuerunt, siue dum erunt, ita David philosopha-
 tur, tam in sua, quàm in omnium creaturarum,
 omnium nostrum imprimis persona. *Domine pro-*
basti me & cognouisti me, tu cognouisti sessionem me-
am & resurrectionem meam. Intenderisti cogitationes
meas de

Psal. 138. 1.

*meas de longè, semitam meam & funiculum meum in-
 uestigasti. Et omnes vias meas praeuidisti: quia non
 est sermo in lingua mea quem tu non audieris etiam
 antequam locutus eum essem. Ecce Domine tu co-
 gnouisti omnia nouissima & antiqua: tu formasti me:
 & posuisti super me manum tuam: Mirabilis facta est
 scientia tua ex me: confortata est & non potero ad eā.
 Et quis possit? quando tenebrae ipsae Nihili mei,
 non obscurabuntur a te; & nox mea non existen-
 tia, sicut dies illuminabitur: quoniam sicut tenebrae
 eius, ita & lumen eius. Hanc ipsam sapientiam phi-
 losophatus est Sanctus Iob, deriuans eam ex hac o-
 mnium rerum in Deo praesentia & scientia: ex ea-
 que Iudicii Diuini rigorem simul ac formidinem
 discit & docet. ait enim: Posuisti in neruo pedem me-
 um: & obseruasti omnes semitas meas, & vestigia pe-
 dum meorum consideraisti. Tu quidem gressus meos di-
 numerasti. Signasti quasi in sacculo delicta mea. Haec
 ille. sed haec propositi praesentis non sunt: ideo ad
 nostra nobis redeundum est.*

*Deus non solum omnes creaturas in se conti-
 net eminenter, cum omnibus perfectionibus, viri-
 bus, actionibus, effectibus, circumstantijs, condi-
 tionibus earum: sed continet praeter has, quae exi-
 stunt in aliqua temporis moderni differentia, aut
 etiam aeternitate, continet inquam in se alias atq;
 alias omnes genere, specie, numero infinitas, &
 continet cum omnibus conditionibus earum possi-
 bilibus: quae in cognitionem nullius creati intel-
 lectus cadere possunt, alioqui comprehendenda es-
 set Dei tum essentia, tum bonitas, tum vtriusque
 communicabilitas, tum sapientia, tum potentia.
 Solus Diuinus intellectus, solus eius spiritus, qui
 scrutatur etiam profunda Dei, capit & intelligit il-
 la, quae in Deo continentur omnia. Ibi sunt mun-
 di alij atq; alij, partim huic similes, partim ab hoc
 per omnia diuersi: ibi sunt series & ordines guber-
 nationis mundorum illorum aliae atq; aliae, & omni-
 um &*

Ibid: 6. 12.

Iob: 13. 27.

Iob: 14. 16.

um & singulorum numero & specie innumerabiles ac infinitæ. Ibi sunt infiniti Angelici spiritûs, numero, specie, choris, Hierarchijs distincti. Ibi sunt infiniti cœli, infiniti soles, infinitæ lunæ, infiniti planetæ, infinitæ stellæ. Ibi infinita numero Maria, ibi innumerabiles terræ globi, ibi gentes & nationes hominum infinitorum infinitæ, ibi species, & varietates infinitæ animalium, quadrupedum, reptilium, natantium, volantium. Ibi species infinitæ plantarum; herbarum, florum, seminum, radicum, virtutum. Ibi infinita metalla auri, argenti, gemmarum omniumq; similium numero & specie diuersorum. Ibi infinita rerum omnium opera permanentia, atq; transeuntia, permanenter tamen in Deo præsentia. Ibi infinitæ vrbes, palatia, templi, horti, viuaria, æraria, gazophylacia, castra, classes, regiones, insulæ, sylvæ, campi, agri, prata, fluij, fontes, lacus. Ibi infinitæ species rerum, honestatum, iucunditatum, vtilitatum, necessitatum. Quibus non tantum comprehendendis, sed neq; cogitandis quidem creata vlla mens sufficit, enumerandis sola par æternitas, continendis verò sola idonea & sufficiens Diuinitas: seu Diuina essentia, sapientia, omnipotentia, bonitas. quia hæc sola omnia est, omnia cognoscit, omnia potest, omnibus se communicare sufficiens & abundans est, & illi soli omnia sunt nuda & aperta & præsentia. cum totis se, cum totis suis conditionibus possibilibus, obedientialibus.

His ita (prout nobis fas erat) de Deo nostro nõ exactè quidem explicatis, quod fatemur impossibile, sed aliquantulum delineatis; addendum est illud, quòd in eodem Deo nostro, sit actu & creatio, & conseruatio, & gubernatio & cooperatio, Naturalis ordinis ac supernaturalis: quæ omnia continent in se, aut potiùs æquiuvalenter sunt innumerabiles actiones Diuinæ circa creaturas, quas omnes & singulas creat, perducitq; ad esse, omnes & singulas

singulas omnibus momentis cōseruat in eodem ef-
 fe, omnes gubernat & dirigit in fines sibi notos:
 omnibus velut causa prima cooperatur, in omni-
 bus earum commotionibus & actionibus. Quid
 si creatura vna, in totā se sumptā habet actiones,
 alterationes, circumstantiasq; specie plurimas, nu-
 mero autem innumeras, ad quas omnes singulasq;
 Deus effectiua cooperatione & finali directione
 concurrat: cogitet qui potest, quā infinita mul-
 titudo est in Deo actualium istarum cooperatio-
 num, cum omnibus singulisq; actionibus, omni-
 um singularumq; creaturarum? Quanta erit mul-
 titudo actionum creantium, conseruantium, gu-
 bernantium spectatarum in omni ordine & serie &
 fine naturali, supernaturali, iustitiæ, misericordiæ,
 gratiæ & gloriæ, mediorum & etiam finium subor-
 dinatorum ad vltimum, permissiue insuper Dei vo-
 luntatis erroribus & defectibus & malitijs creatu-
 rarum, incomprehensibiliter ad bonum & placitū
 suum vtentis. & ex pessimis optima eruentis. ex
 inobedientia obedientiam, ex superbia modestiam,
 ex rebellionē subiectionem, ex morte vitā, ex per-
 ditione salutem, ex delicto veniam, ex malitia bo-
 nitatem, ex confusione gloriam, ex miseria beati-
 tudinem emedullantis. Atq; hoc non solum in cre-
 aturis actu existentibus in aliqua differentia tem-
 poris præsentis (quarum ipsarum alia atq; alia esse
 potuit, paratq; apud Dei Sapientiam fuit guber-
 natio & coordinatio in infinitum variabilis) sed et-
 iam in creaturis pure possibilibus, & nunquam in
 actu extra causas existituris, quarum infinites infi-
 nitē est variabilior & multiplicabilior (sed in Deo iā
 actu præexistens, & decreta, sub conditionibus &
 combinationibus, numerum finemq; nullum ha-
 bentibus) varietas & multiplicitas.

Hac vniuersā infinitatum actualitatum siue a-
 ctionum (modo quidem nostro Diuina concipien-
 di maxime supposito, alias enim in Deo multiplici-
 tas, oeg

tas, neq; est, neq; esse potest vlla actu, sed solum per æquiualentiam & eminentiam) varietate ac multiplicitate, quæ iam vt cunq; indicata est, vti potest, si fiat & velit. Diligens, ac amore pius spiritualis homo: ex eisq; sibi infinitorum thesaurorû Diuinorum gratiæ gloriæ, cæterorumq; prouisionem conflare omni æternitati suffecturam. Vtendo iure suo quod habet ex fraternitate, vnitæ atque adeo identitate cum omnibus creaturis actualibus atq; possibilibus. maximè quatenus in Deo existentibus & ex Deo emanantibus, totumq; suum esse (actuale vel possibile) totum posse, totum operari, in omni possibili vel actuali conditione ac circumstantia ab eodem Deo desumentibus, & intra Deum habentibus. Accedente præsertim piâ, fideliqu; ac deuotâ, deliberatâ, voluntariâ, supernaturali intentione, applicatione, ordinatione in ipsummet Deum, in eius essentiæ, bonitatis, Sapientiæ, potentiæ, iustitiæ, misericordiæ, charitatis, rectitudinis, maiestatis, dignitatis, infinitudinis, immensitatis, & omnis Diuinæ perfectionis agnitionem, confessionem, venerationem, laudationem, subiectionem, amorem, & quidquid Religio atq; deuotio cum charitate atq; gratia excogitare, audere & agere potest, circa Deum, propter Deum, cum Deo, ex Deo, in Deo, per Deum.

Vtinam, vtinam, repeto milliesq; vtinam, hæc in hominum mentes & corda possint ascendere! sed nimirum abscondita hæc sunt ab oculis etiam oculatorum. quorum miseriam hac in parte deploare potius, quàm sugillare velim. Velim etiam potius exemplo præire, quàm verbis laudare. Velim ipso facto conatuq; meo factibile demonstrare, quod conitor verbis faciendum suadere. Quidquid autem de hoc interim sit: hoc certum esto, ad quod semper nostra præsens tractatio respicit, hominibus iam de propè æternitatem salutantibus & quasi subintrantibus, si copiosam prouisionem

uisionem æternitatis suæ vitæ facere, in hac, quæ
superest, mortalitate percipiunt, eam non aliunde
copiosam, confertam, coagitatam supereffluentemq;
vnam facturos, quàm ex ista cum Deo suo, cum-
que Diuinis actionibus communicatione. Hanc
igitur faciamus, si qui copiosè ditescere cælo, &
æternitatem illam quàm ditissimi ingredi volumus;

Sicut enim Deo, nihil est ditius, ita quoq; ad
ditescendum Deo, nihil est ipso illo
Deo ditius, siue accommodatius

Prouisio XI.

*Per Communicationem cum DEO,
eiusque Operibus ad Intra.*

Occurrit animo, aliquid huic prouisionum fa-
ciendarum de spiritualibus diuitijs, thesauris-
que negotio, & maxime proprium, & maxime ido-
neum; quod ebalbutire (nam enarrare vel mo-
dicè arduitas atq; immensitas argumenti, nec me-
um, neq; vllum intellectum creatum sinet vnquã)
animus est, & nî fallor operæ pretium erit. Est au-
tem hoc, vt prouisionem cælestium opum, dum in
huius vitæ cursu, & specialiter dum in decursu su-
mus, nobis ex ipso Deo, quantus quantus & qua-
lis qualis ille in ipso se, totaq; tum essentia, tum
Oeconomia sua interiore reperitur, faciamus &
coaceruemus.

Arduum opus & sine dissimulatione per quam
difficile, & quis aspirabit nedum attinget ad illud?
Sed firma spes est, quod adiuvabit ille, qui nos fe-
cit, quanquam de limo & nihilo, attamen ad simi-
litudinem & imaginem suam, & nobis præceptum
dedit. *Estote ergo perfecti, sicut & Pater vester cæle-*

Mat. 5. 48.

stis perfectus est. Præsertim quando, quod conabi-
mur, conabimur verecundè simul & amanter, non

quasi scrutatores, sed quasi speculatores. quod si scrutabimur ut exaltemus, non ut exaltemur, scrutabimur, non ut vanitate inflemur, sed ut veritate humiliemur ac solidemur: scrutabimur non ut rapinam arbitremur, & exerceamus; sed ut diuitias salutis, spem, & panem vitæ æternæ meramus, transformati de claritate in claritatem, tanquam a Domini gloria.

Deus noster, est, qui est. merus, purusq; per omnia Actus, simplicissimus, omnis compositionis, omnis multiplicitaris, omnis potentialitatis, omnis pluralitatis expers, & incapax in sua entitate atq; essentia. In eo non sunt aliqua, non sunt quædam, non sunt omnia; sed ipse est, qui est, est idem & vnus in essentia: Trinus autem in Personis. Quando tamen non pusilli homines de Deo Diuina cogitamus, necesse habemus attemperare illa nobis, & de illis loqui ad modum nostri limitati & ex pluribus coagmentati esse: in quo aliud quidem est Essentia, aliud potentia essentia, aliud operationes potentiarum, aliud perfectiones & quasi doctes Essentia atq; Naturæ. v. g. In nobis aliud est homo, aliud humanitas, aliud corpus, aliud anima, aliud compositum ex his, resultansq; persona. aliud memoria, intellectus, voluntas, aliud actiones harum potentiarum, memoratio, intellectio, volutio. aliud sapientia, iustitia, bonitas, charitas, veritas &c. In Deo secus se habent ista: omnia sunt vnum, & idem penitus ista. In solis Tribus Personis, quia est processio, est etiam oppositio, est distinctio, est numerus: ita tamen. ut etsi alius sit Pater, alius Filius, alius Spiritus Sanctus, nequaquam sint aliud, & aliud: quia vnitas, identitas consubstantialitasq; Essentia ac naturæ, aliud aliudq; esse perhibet: quamuis alios esse, aliosq; incomprehensâ veritate requirit. Itaq; in Deo nostro, personæ quidem inter se sunt plures, id est, tres, inter se distinctæ & ab inuicem alia: in sua
tamen

ramentum essentia, singulae sunt vnum & idem, vni-
 tate atq; identitate absoluta, sicut & essentia ipsa
 earum, est prorsus eadem, prorsus vnica, prorsus
 illa ipsa. In eadem essentia Diuina simplicissima,
 eademq; ac plus quam vna & vnica: inueniuntur
 perfectiones (attributa aliàs dici, vsus est) Deo &
 eius Essentiâ dignæ: quæ in semetipsis, non sunt
 reuera perfectiones essentia, quasi quidpiam aliud
 ab essentia, & perficientes essentiam: sed sunt re-
 ipsâ, & reuera ipsamet Essentia; ita vt sicut Deus
 est per essentiam Deus, ita quoq; per essentiam sa-
 piens, per essentiam omnipotens, per essentiam
 bonus, iustus, clemens, verus, viuens, immensus.
 &c. Et sicut essentia eius, est Diuinitas eius, siue
 sicut Diuinitas eius, est essentia eius, sic etiam sa-
 pientia eius, sit Diuinitas & essentia eius, omni-
 potentia eius, sit Diuinitas & essentia eius, omni-
 potentia eius; sit Diuinitas & essentia eius. Bo-
 nitas eius, sit Diuinitas & Essentia eius: sicq; de
 alijs. Insuper verò (& sequitur ex prædictis) Sa-
 pientia eius, est omnipotentia eius, est iustitia, est
 bonitas, est veritas eius. Insuper etiam Sapientia
 eius, est actus Sapientia eius, omnipotentia, est a-
 ctus omnipotentia eius: iustitia & misericordia est
 ipsa actus iustitia ac misericordia eius. Insuper
 adhuc actus sapientia eius, est actus iustitia eius.
 Actus iustitia eius, est actus misericordia eius. a-
 ctus sapientia, iustitia, misericordia eius, est actus
 omnipotentia, veritatis, bonitatis eius; quia omnia
 quæ in eo sunt, nec omnia sunt, id est plura, nec in
 eo sunt quasi ab eo & eius essentia alia, sed sunt
 idem & vnum realiter & essentialiter; & ille vnus
 ac idem, est ista omnia, quæ scilicet nos concipimus
 vt plura, & quæ dicimus omnia, cum in eo sint ab-
 solutè vna, eademq; essentia & Diuinitas, illa om-
 nia.

Noster ergo modus concipiendi, cogitandi, con-
 templandi, explicandi Deum & essentiam natu-

ramq; eius, & contenta in Essentia eius, hunc in-
modum partitur. 1. Concipit essentiam & Natu-
ram, quæ est vna, vnica, vnitasq; Deitas, Diuini-
tas, Deus. 2. Concipit personas tres. Patris & Fi-
lij & Sancti Spiritus. Pater à nullo originem nisi ex
seipso habet. Filius est Patris Filius, naturâ na-
scens, vnigenitus: idemq; Verbum. Idem & Ima-
go. Coæternus, consubstantialis Patri, ex eius es-
sentia per intellectum nascens ab æterno, & sem-
per, & in æternum. Spiritus Sanctus, est Patris &
Filij Spiritus, non natus vt Filius, non factus vt
creatura, non à se vt Pater, sed procedens & spirans
à Patre & Filio, ex Patre & ex Filio, non tamen
quasi à duobus distinctis principijs, sed quasi à
vno. 3. Concipit attributa seu perfectiones Natu-
ræ essentiaq; in existentes, eiq; quasi accedentes,
& eam veluti perficientes, complentesq; (licet re-
uera sint ipsamet identicè essentia) & concipit eas
quasi alias, tum ab essentia, tum à semetipsis inui-
cem. quasi Sapientia sit alia à bonitate, hæc à po-
tentia, ista à iustitia, hæc rursus à misericordia,
sicq; de alijs: cum tamen omnes istæ perfectiones
sint vna eademq; perfectio, vna eademq; entitas,
vna eademq; & ipsamet Deitas ac Essentia. 4. Cō-
cipit earum perfectionum quosdam veluti gradus,
ac latitudines extensionis & intensionis. Ita con-
cipit Sapientiam seu scientiam existentium, aliam
futurorum, aliam possibilem, aliam conditiona-
torum, aliam necessariorum, aliam liberorum seu
contingentium, aliam visionis, aliam intelligentiæ
simplicis. Sic etiam concipit voluntatem aliam bo-
nam, aliam beneplacentem, aliam perfectam, ali-
am absolutam, aliam permissiuam, aliam exter-
nam, aliam internam, aliam essentialem. Sic eti-
am concipit iustitiam, aliam distributiuam, aliam
vindictiuam, aliam legalem. Sic concipit poten-
tiam, aliam creatiuam ex nihilo, aliam producti-
uam ex prælatente subiecto, aliam naturalis ordi-
nis opera,

nia opera, aliam supernaturalis operantem. &c.
 5. Concipit in Deo prædictarum perfectionum Di-
 ninarum veluti exercitationes atq; actus tum ad
 extrin creaturarum bonum emanantes à Deo. de
 quibus in præcedenti provisione dictum est: tum
 ad intra in ipsomet Deo veluti operantes, Deum-
 que id quod est, Deum scilicet facientes, omni bo-
 no explentes, glorificantes, beatificantes, satian-
 tes, & omne, quod nulla mens capit præter Divinā
 eidem bonum absolutum omnimodumq; conte-
 rentes. Sic B. G. Sapientia Dei eminentissimè fa-
 cit Deum sapientem, comprehendentem, adæquā-
 tem scibilitatem omnium scibilium, dans quasi se
 Deo in lucem intelligentiæ per se subsistentem, pa-
 rem omnibus cognoscendis & cognoscibilibz. Ipsa
 vero cognoscibilia omnia eidem Deo, ex eodem
 Deo, inesse reperiens & ostendens: quo fit ut neq;
 lucem intelligentiæ, neq; ipsam intellectionem, ne-
 que obiecta intelligibilia aliunde habeat, sed à se-
 meripso hauriat, vel potius ipsamet sibi omnia ista
 sit, substantialiter, & per se subsistenter sit simul
 deniq; & vno eodemq; indivisibiliter & essentiali-
 ter actu sit; quamvis noster intellectus in hoc a-
 ctu essentialiter tam vno quàm immenso & æter-
 no & simultaneo, propter inadæquatam & man-
 eam concipiendi suam facultatem, ordinet priora
 cognita, prioresq; cognitiones, deinde posteriores
 &c. alias alijs quasi succedentes. Hoc modo dici-
 mus nos, Deum p̄r suam sapientiam infinitam, seu
 infinita claritate pelluentem & penetrantem omnia
 cognoscibilia, in quavis conditione, cognoscere
 primum (in primo signo rationis loquuntur The-
 ologi) atq; comprehendere comprehensione abso-
 lute plenā, propriam essentiam, processiones per-
 sonarum, procedentesq; ipsas personas Divinas
 Patris quidem à nullo, Filij verò à Patre tantum.
 Spiritus autem sancti ab utroq; 2. Dicimus De-
 um cognoscere in alio seu secundo signo rationis,

per ean-

per eandem sapientiam suam ab omni æternitate, & in omnem æternitatem omnia possibilia / quæ possibilium omnium omnimoda cognitio, promanant Deo, ex vi prioris cognitionis, Essentia nimirum suæ, in qua eminenter latent, continentur, representanturq; omnia iam dicta possibilia. 3. Dicimus Deum suâ sapientia cognoscere & comprehendere perfectissimè omnia illa, quæcunq; siue creabilis potentia, siue iam creata qualibet vis, facultasq; efficere potest. 4. Dicimus Deum per suam sapientiam cognoscere & scire ea omnia, quæcunq; fierent, positâ quacunq; conditione, atq; combinatione, præsertim ex parte liberi arbitrij, rerumq; illi subiectarum; in quo est infinities infinita varietas, perinde vt infinitis motibus atq; modis & excitari potest arbitrium liberum, & conditiones circumstantiarq; variari & combinationes fieri.

5. Dicimus Deum per suam sapientiam cognoscere, omnia absolute futura, cum suis & in suis omnibus circumstantijs, per omnem æternitatem: quâ cognitione gubernat Deus mundum hunc vniuersum in hoc tempore, & gubernabit post finem horum sæculorum, postq; iudicium mundi vniuersale peractum, per omnem æternitatem. *Cum Christus tradiderit regnum Deo & Patri, & cum euacuauerit omnem principatum & potestatem & virtutem.* Ecce quomodo sapientia Dei, vnica licet in se, idèque quod Deus est in se. multiformis est tamen, secundum quodd à nobis cognoscitur: quia nullatenus potest cognosci sic, quomodo est in se. Posset autem hunc ipsum in modum disputari de alijs Diuinis perfectionibus, quæ in Deo idem penitus sūt, tam secum, quàm cum Deo, sed à nostra inadæquata cognoscendi (præsertim verò res Diuinas) ratione, aliter cognosci nequeunt, nisi diminutè, nisi affecta multiplicitate, nisi apposita distinctione.

His ita ebalbutitis à nostra infantia de Deo, deq; illius essentia & personis & perfectionibus atq; proprie-

proprietatibus, & de earum seu distinctionibus,
 seu quasi operationibus multiplicibus, licebit cui-
 us studiosæ spiritualium thesaurorum animæ, me-
 diante intentione voluntatis suæ, inferre se, cum,
 omni obseruantia & dilectione in Deum, in Dei
 personas, proprietates, operationes, tam nobis ex
 sacra doctrina notas, quam etiam nunquam mani-
 festas reuelatasq; nobis, quarum in immensæ infi-
 nitæq; perfectionis Deo, innumerabilis restat nu-
 merus necessario, quandoquidem earum, quas re-
 uelatas habemus restricta satis est copia. Licebit in-
 quam, in eas sese inferre, inter eas domicilium sta-
 tuere, in ijs demorari, intra illas disperire, ab eis
 absorberi, atq; transformari; perinde vt transfor-
 matur absorbeturq; atomus aquæ in mari vini, ato-
 mus arenæ in mari auri, atomus aëris in mari solis,
 atomus rei, in mari vniuersi, atomus temporis, in
 mari æternitatis; atomus nihili in mari Essentiæ.
 Licebit etiam tota Dei, & iam aliquomodo suâ Es-
 sentiâ, totis & omnibus Diuinis processionibus at-
 q; communicationibus internis, totis processionū
 terminis seu personis Diuinis, totis omnibusque
 proprietatibus & attributis, totis attributorum si-
 ue perfectionum perfectionibus, gradibus, exten-
 siuisq; ac intensiuis capacitatibus, totis & omnibus
 singulisq; perfectionum communicationibus & a-
 ctuationibus, & tam in Deum, quam extra Deum
 ebullitionibus, & quasi influxibus effluxibusq; li-
 cebit dico, hunc in modum Toro, quantus quan-
 tus est à parte rei, & essentialiter in se, quantusque
 ex parte nostra moduloq; nostro, Deo magnificare
 Deum, amare Deum, exaltare Deum. Licebit To-
 to Deo, Deum velle, non tantum sibi, non tantum
 creatis omnibus, etiam possibilibus, sed etiam ipsi-
 met Deo, imò maximè ipsimet Deo. agnoscendo &
 confitendo Deum Deo, laudando Deum Deo, ap-
 petendo Deum totum, toti, & toto Deo. dignifi-
 cando Deum totum, toto Deo, totaq; dignitate &
 diguifi-

dignificatione Dei. Zelando Deum totum, toto Deo, & toti Deo. ambiendo & amplexando Deum totum, toto Deo. offerendo Deum totum, toti & toto Deo. elargiendo toti Deo, Deum totum, toto Deo, tota eius in seipsum largitate, profusione, propensione, prodigalitate. Beatificando Deum totâ beatitudine & beatificatione Dei, quâ seipsû beatum facit, quâ ipse in seipso, ex seipso, seipso beatus est. Possidendo Deum totum, toto Deo, fruendo Deo, toto ipso Deo, totâq; fruitione Dei. Congratulando & congaudendo totum Deum, toti Deo, toto Deo, totis bonis eius, totis gaudijs eius, totis gratulationibus eius, quibus ille gaudet & congaudet, gratulatur & congratulatur seipsum Totum sibi, nempe Pater & Filius & Spiritus Sanctus: qui est vnus super omnia benedictus Deus in sæcula.

Q admirandam occupationem creaturæ in Deo! o stupendam coniunctionem! o ineffabilem communicationem! o piè præsumptuosam usurpationem! o incogitabilem Dei ad suam creaturam dignationem & inclinationem! o excessiuam creaturæ sublimationem! Quis capiat, quis eloquatur, quis attentare præsumat, vsq; eo, vsq; adeo creaturam subintrare suum creatorem. vsq; adeo illam se Deum ipsum facere, se in Deo deperdere, seu in Deum transmutare, vt iam quasi omni perfectione Dei perfecta sit, omni bonitate Dei bona sit, omni Charitate Dei amer, aut etiam amor sit. Omni Sapientia Dei sapiat, omni voluntate Dei velit, omni potentia Dei potens sit. omni iustitiâ Dei iusta sit, omni misericordiâ Dei misericors sit. omni Diuinitate Dei Diuina sit & Deus quodam modo sit, & quidem ipsi Deo sit. Quid aliud faciunt, quid aliud habent, quid aliud sunt beati, quando sunt Beati? Quid aliud est Deus quando est Deus, & quo est Deus, nisi quia ipsi sibi omnia sua totus est Deus. At Deus est sibi essentialiter & naturaliter
& necessa-

& necessariè Deus. Animæ autem & creaturæ, anima quoq; & creatura, est Deo, est in Deo, est ex Deo, est propter Deum, dilectione, voluntate, intentione, charitatis ardore, est Deus, voluntariè est Deus, conuertibiliter est Deus, cum formidine, amissionis, cum horrore abiectionis, cum metu expulsionis & deredtionis est Deus. Talis est enim de lege absolutâ, imò & ordinariâ, huius vitæ status: vt nunquam liceat esse absq; metu & timore. vt semper opus sit salutem æternam operari noscuntur tremore. Verumtamen non derelinquit Deus, nisi derelinentes se.

Ego autem semper sperabo in te Domine & adijci. Psal: 70. 14.
am super omnem laudem tuam, Os meum annuntiabit iustitiam tuam, tota die salutara tuum. Introibo in potentias Domini. Domine memorabor iustitie tue solius Deus docuisti me à iuuentute mea & vsq; nunc pronuntiabo mirabilia tua. Et vsq; in senectam & senium Deus ne derelinquas me: Donec annuntiem brachium tuum generationi omni quæ ventura est. Potentiam tuam & iustitiam tuam Deus, vsq; in altissima quæ fecisti magnalia. Deus quis similis tibi? Nemo Domine nemo, neq; in Cœlo sursum, neq; in terra deorsum, sed tamen qui diligit Dominum, eius anima cognoscet nimis. & pascetur de diuitijs omnibus Domini Dei sui. & ingredietur, & egredietur, & pascua inueniet; quia Dominus humiles spiritu saluabit, & propè est omnibus in toto corde requirerentibus eum. Et ponet eos iuxta se, qui autem adhæret Deo, vnus spiritus est cum eo. Et tunc exaltabitur sicut vnicornis cornu meum, & senectus mea in misericordia vberi. Neq; hoc solum verum qui plantati sunt in domo Domini, in atrijs domus Dei nostri florebunt. & adhuc multiplicabuntur in senecta vberi. Non enim potest senectus vber non esse, cui datur, in misericordia vberi esse.

Non ergo grauetur virtus omnis, neq; animus succumbat corpori, sed quantumuis domus nostra huius

Psal: 91. 11.

huius temporis dissolui incipiat, & minetur ruinam, ob hoc ipsum anima solutor, & quasi mox educenda sit de custodia ad confitendum nomini Domini, respiret in misericordias Domini: & leuans se super se, iam nunc incipiat consuescere, apud Dominum esse, cum Domino esse, in Domino esse. Sit ei diuersorium in templo, sit colloquium in prece, sit vita in ieiunio: & dierum noctiumq; temporibus indefesso deuotionis obsequio, quamuis corporis agnoscat sentietq; senectutem, pietatis tamen nesciat ætatem. Imò tanto solutiori & solertiori in Deum festinet appetitu, in Deo maneat sedulitate, ex Deo ditescat cupiditate, hauriat totum Deum studio: sibi pereat, Deo sit, & viuatur plenitudine: ut iam nunc assuescat ad ea officia in terris, quibus non ita multo post distinebitur, & beatificabitur per totam æternitatem in cælis: iam hic ditescat Deo, saginetur, pinguescat, Deo, tota, fiatq; totus ac solus Deus, qui in proximo tam illi, quam electis omnibus, futurus est omnia in omnibus, atq; per omnia & super omnia Deus.

Quæris. Quomodo fiet istud? Ad quod dico, & compendiosissime dico, sed scienti amanter, & amanti scienter Deum dico. Dic ergo.

Sanctissima Trinitas vnus Deus & Pater noster, qui es in cælis Toto te, (toto me) sanctificetur nomen tuum. Adueniat Regnum tuum. Fiat voluntas tua sicut in cælo & in terra. Vel ita breuius. Deus meus Toto te, amo te. Vel ita. Deus, Toto Te, volo, (gaudeo, gratulor, elargior) Tibi omnia tua. omnia digna te, dignè te. Toto Te Domino, Te volo Tibi & mihi & omnibus propter Te.

Hæc similia ué in sensu suo supra iam explicato, dic millies in horas, ad singulas spirationes spira in vita, & Totus Deus, erit toties, erit tantus, erit totus, erit Deus. erit tantum à Te (quasi tamen non à te, sed à Deo ipso se) erit inquam volutus, laudatus, ama-

us, amatus, exaltatus, glorificatus, donatus, doratus, totalizatus, essentiatu, gratulatu, & existentiatus? quantum est, & quantus est, ipse ex seipso realiter sibi, & quotquot habet in se, ex se, eminenter, formaliter, essentialiter, identice, æquivalentia omni multitudini, ab ipso se cogitabili.

Et est ne aliqua possibilis cupiditas, aut auaritia, aut fames sitisue tanta, quam non expleat Deus totalitate suâ? Et potestne vel in aliquo, vel in ipso etiam Diuino corde enasci desiderium desiderijq; simul implementi maius Dei, quàm hoc, per quod, ipsi Deo, ipso Deo, & desideratur, & desideratus donatur, totus Deus. Potestne glorificatio & exaltatio Dei, vel ab alio, vel ab ipso etiam Dei affectu & studio fieri maior, vberior, expletior, quàm hæc, per quam totus ipse Deus, ipso toto Deo glorificatur & exaltatur? Nunquid nam videris o Animæ: quia *omnis locus*, etiam ipsa essentia Dei abyssus, ipseque quantus est Deus: quemcunq; voluntatis & intentionis vestra: Amoris, desiderij, studij, conatusq; vestri, *pes calcauerit, vesper erit*, vestra possessio erit, vester thesaurus erit, vester thesaurorum coelestium oceanus imò abyssus erit. *Ponite ergo corda, & desideria vestra, in virtute, & liberalitate immensa Domini Dei vestri: & ne deficiatis. Congregate sicut in vitro* (nam quid est aliud cor hominis & creaturæ cuiusvis, ad diuitias & liberalitatem Domini) *aquas maris, & haufite de abyssis Domini thesauros. quoniam Dominus est ponens in thesauris abyssos. qui exhauriri non poterunt in æternum.*

Deut: 11. 24.

Psal: 47. 14.

Psal: 32. 7.

PROVI-

PROVISIONVM

SENECTVTIS

Pars Tertia.

EXpeditis duabus partibus Prouisionum Senectutis. restat tertia expedienda. in qua stimuli admouendi sunt Mentibus nostris, ad procurandas omni cum diligentia, infatigabiliq; cum assiduitate & feruore, eas omnes, quas iam adduximus, proposuimus, laudauimusque Prouisiones. Adspiret utinam Deus conatibus nostris, tam in exponendis quæ agenda sunt: quàm in exequendis, quæ exponenda sunt. Tres in classes stimulos istos partimur, secundum trium iustitiarum Christianæ partium rationem, ita vt sint stimuli desumpti, alij à via purgante, alij à proficiente. alij deniq; à perficiente. Esto itaq;

Classis Primæ

Stimulus I.

Conscientia Obligationis.

Naturaliter & magis etiam supernaturaliter nobis indita: impositaq;. Ad hoc enim à Deo factore nostro conditi, & ipsa conditione ordinati sumus, omnes vt obligemur ipsi eidem Deo ad seruitutem, & obedientiam & voluntatis eius sanctissimæ accuratissimam adimpletionem. *Hæc est autem voluntas Dei. Sanctificatio vestra, ait Apostolus.*

Sancti

Sancti estote: quoniam & ego Sanctus sum. loquitur Dominus. Attendenda sunt verba & signanda.

154
Leuit. 11. 44.

Mpræcepta. Apostolus voluntatem Domini, Dominus verò ipse Exemplum suum proponit. Ibi obedientia, hic imitatio exigitur; Sed Sanctitas nostra, est affectio sancta ad Deum scilicet & ad Diuina omnia, nempe voluntatem, gloriam, imitationem vitamq; æternam, in qua est vltima & perfecta cōsummatio obligationis nostræ. Quisquis ergo se facturam Dei agnoscit, sentiat obligationem, exhibeat voluntatis executionem, præster exempli imitationem, tendat & in tendendo ne torpear, sed potius in dies horasq; ampliùs ferueat ad vitam æternam. *Odit enim Deus noster rapinam in holocausto,* torporem in suo obsequio, tarditatem in cursu, procrastinationem in brauiò, obliuionem in debito, aberrationem ab Archetypo. Quid multa? Obligauit te Deus: ampliùs ne aliquid requiris? adhuc ne quasi onager liberum te natum putas? Ecce insuper deficit te tempus, imò illud iam iam accipit Deus; iam lampas tua extinguitur, iam ingruit nox longa: tu adhuc dormiras? adhuc ne chis moras? adhuc in annos feruorem laboris differs? cui dies vna non satis certa est?

Isa: 61. 8.

Stimulus II.

Conscientia Peccatorum.

Admissorum à prima pueritia, eorumq; grani-um & multorum & scienter, volenter, malitiosè, ex animo repetitè admissorum. Parum tibi erant ad onus, debita naturæ: adiunxisti etiam malitiæ seu volūtatis malignæ. Ecce omnia ista signata sunt, quasi in sacculo apud Deum. Vnicum peccatum detraxit in profundum inferni Apostatam Angelum: quid facient de te tua innumera, eaque natura sua partim vni illi paria, partim etiam longè grauiora. Remedium à pœnitendo est. pœnitendi tempus multum multa peccata grauiaq; requirunt,

K

quirunt,

quirunt, tuum autem tempus iam breue est. Ergo vt in breui tempore pœnitendo expientur peccata graui & multa, explenda sunt tibi in breui tempore multa. Hoc autem segnities, hoc procrastinatio, hoc mollis pœnitentia, hoc vana spes & præsumptio non faciet. Paratus est Deus semper dare veniam, sed si tu semper à commissis delictis agas pœnitentiam. Nam qui in cras differt pœnitere, probat se hodie adhuc velle peccare: quod iram Dei prouocat, & in crastinum dilatat eneruat, imò impedit pœnitentiam. Nam qui cras pœnitentibus veniam promisit: diem crastinum ad pœnitentiam non promisit. Porro ille benè pœnitentiam agit, qui tempus in quo adhuc peccare potuit, in peragenda pœnitentia transigit.

Stimulus III.

Conscientia exigua Pœnitentie.

PERACTÆ pro peccatis grandibus & mole, & numero, & malitia: vnum hoc, quod in Deum peccaueris, omnis naturæ iudicio inexpressibile est; sine licet cætera leuiora: Iracundior sono in fratrem crepuisse, fatuum appellasse; iudicio & gehēnali supplicio dignum iudicauit ipsa Æquitas: in Deum si peccasti, nihil grandis supplicij promeruisti? poteris hoc osculo manus tuæ expiare? Satis delicatè decreuit, qui dixit. *Quantum glorificauit se, & in delicijs fuit, tantum date illi tormentum & luctum.* terreat hoc in collatione voluptatis peccati cum grauitate supplicij: at in comparatione peccantis hominis (qui est putredo & vermis & caput canis mortui) cum Deo, cuius maiestatis & magnitudinis non est finis, numquid vili satis erit, nō dico æqualitas, sed vel proportio? Metire igitur te qui peccasti, & eum in quem peccasti, & tunc finem condignæ pœnitentiæ, mensuramq; inueni. At Deus ipse, tantum rigorem non requirit. Id quidem bonitatis eius est. Nunquid autem te Bo-

nitas eius ad audaciam peccandi, & ad ignauiam
pœnitendi adducere debuit? Si pecuniam credito-
ri deberes, & ille multum tibi ex summa debita
condonaret, nihil tibi condonatio ad debitum pec-
cuniae, multum verò ad gratitudinis officium ad-
deret. Sed quando illata iniuriæ contemptusq; fa-
cti enormiter reus es, quanto minora exigit qui læ-
sus est, tanto te constituit maioris iniuriæ contem-
ptusq; reum; quia te ostendit immanius peccasse
in adeò mansuetum atq; placabilem, minusq; &
minus fuisse lædendum. diligentius autem & studi-
osius placandum. Ergo augenda tibi sunt pœniten-
di studia & opera. tum quia peccatum est plurimū,
tum quia in Deum tantum, abs te tantillo pecca-
tum. cui ut vel pro minimo delicto satis fiat: toti-
us æternitatis pœnitentia non sufficiat.

Stimulus IV.

Conscientia Dubia remissionis.

Scriptum est monitum quibusdam pœnitenti-
bus licet. *Cum extenderitis manus vestras, auer-
tam oculos meos à vobis. Et cum multiplicaueritis ora-
tionem, non exaudiam.* Narrat quoq; Sacra Histo-
ria de quodam pœnitente & dicente. *Iustum est
subditum esse Deo, Et Mortalem non paria Deo sentire.*
quid ad pœnitentiam defuisse huic putes? audi ta-
men quod sequitur. *Orabat autem sceleratus hic Do-
minum, à quo non esset misericordiam consecuturus.*
Vide Iudam traditorem. *Nonne pœnitentià ductus,
retulit argenteos, & proiecit in templo, & confes-
sus est. Peccaui tradens sanguinem iustum.* Nihilo-
minus laqueo se suspendit. Deniq; prouius est inue-
nire tales, qui innocentiam conseruauerunt, quàm
qui post peccatum condignam pœnitentiam ege-
runt. Vnum Dauidem inuenies, qui postquam di-
xit *Peccaui*, audiuit. *Dominus transtulit peccatum
suum à te.* At Caimos, Saulos, Antiochos, Iudas
quàm plurimos, quorum pœnitentia ipsa pœniten-

Isa: 1. 15

2. Mach: 9. 10

Matt: 27. 35

2. Reg: 12. 35

da & impœnitens fuit. *Non omnis qui dicit mihi Domine Domine intrabit in regnum cœlorum*, neque omnis qui dicit mihi peccaui, assequitur remissionē peccatorum. *Est enim non vnus, qui se nequiter humiliat: interiora autem eius plena sunt dolo.* Vel quia non peccare metuit, sed ardere; vel quia pœnitentiam agit, non quia peccauit, sed quia peccare iam nequit, vel quia licet pœniteat, tamen affectu ad peccatum adhæret, atq; in procinctu est, vt canis ad vomitum redeat: vel quia pœnitendo plus damna sua, quàm iniurias Dei deplorat. Non quælibet ergo pœnitentia, est pœnitentia, sed multæ sunt pœnitentiæ pœnitendæ. Quare cautè ambula, & vide, ne aliquando, ne sapere pœnitentiam agente, fuerit in spiritu tuo dolus. Saltem nunc charitas te pœnitere inuitet, charitas pœnitere doceat, charitas tecum pœniteat. charitas peccata expendat, charitas exhorreat, charitas defleat, charitas erubescat, charitas detestetur, charitas exurat, charitas operiat, charitas expiet, charitas ab animo, ab affectu, in æternum proscribat, charitas ex nunc absq; dilatione mortem peccatis indicat & inferat. Procrastinantem enim pœnitentiam, charitas vera non nouit, sicut lux tenebras, aut vita mortem. sed sicut ad exortum lucis nox fugit, ita ad præsentiam charitatis peccata de corde præcipitantur & eliminantur.

Stimulus V.

Conscientia timenda remissionis.

DAuidi pœnitenti dictum est, quòd Dominus transtulisset peccatum suum ab eo: & nihilominus additum est illi. *Verumtamen quia fecisti blasphemare inimicos Domini, propter verbum (peccatum) hoc, filius qui natus est tibi, morte morietur.* En peccatum dimissum, & tamen quasi non dimissum esset, castigatum est; & causa addita, *quia fecisti blasphemare inimicos Domini.* Grandis causa, formi-

formidanda causa, paucis & raro nota, paucioribus
 æstimata causa. Nota erat Davidi remissio, & ta-
 men timenda fuit remissio. Quid sanctius Moyse,
 Aarone & Samuele? priorum duorum defectum
 eorum Domino nouimus, postremi nullum omni-
 nò legimus, & tamen de omnibus his dicit Dauid
 laudans iustitias & misericordias Domini super
 eos. *Deus Tu propitius fuisti eis & vlciscens in omnes* *Psal: 98. 8.*
adinventiones eorum. Tantis suis amicis Deus & pro-
 pitius abatur, & tamen in omnes eorum defectulos
 vlciscebatur. Iam verò veniat in considerationem
 illud quod Sapiens monet. *De propitiato peccato,* *Eccl: 6. 7.*
(aliàs de propitiatu peccatorum) noli esse sine me-
tu. Et si enim Dona Dei sunt apud Deum absq; pœ-
 nitentia, neq; Deus retractat verbum suum: attamen
 sæpè numero apud se restringit verbum su-
 um: & conditionem apponit, quam non semper
 exponit: sed nonnisi per residuum inflictæ pœnæ,
 manifestam facit. Accedit quòd Deus paulò seu-
 riùs peccata nostra ponderat, quàm nos vulgò so-
 lemus. ad maioresq; & plures, & diuersi generis
 pœnas ea taxat, quàm nos credimus. Neq; verò sè-
 per quoties pœnitentibus nobis peccata relaxat.
 Deus, toties totas omnesq; pœnas relaxat: sed æ-
 ternam quidem temporali commutat, tempora-
 lem autem non vnâ assignat, quandoq; autem ex
 eis neq; vnâ condonat, quandoq; condonans vnâ
 nam vel alteram, alias tamen reservat. Neq; sem-
 per est (imò raro est) nostra talis pœnitentia co-
 ram Deo, vt adæquet iustitiam taxamq; iustitiæ
 Dei: quocirca partem & sæpè modicam nostra
 satisfactio abolet pœnæ, reliquum remanet à Di-
 uina vindicta exigendum. Quibus pœnis à Deo
 taxatis, annumerandæ sunt, ac simul præ omnibus
 metuendæ, atq; vt expientur per nos curandæ pœ-
 næ spirituales: dictæ ita Deo: quia per eas spiri-
 tus noster, id est, Homo spiritualis & interior à Deo
 flagellatur. flagellatur verò substractione, ex toto,
 vel ex

vel ex parte opportuna gratia, occasione tentationum uè permissione, in ipsa derelictione, lapsum permissione, obduratione cordis, excacatione mentis. &c.

Hæ pœnæ spirituales infliguntur à Deo sæpè, & non pro mortalibus tantum noxis, nec etiam pro venialibus culpis solum, sæpè inferuntur etiam pro non culpis, etiam pro omisissis inculpabiliter dispositionibus ad auxilia & aduentum gratia. sæpè pro tardato solum aditu ad Deum, pro dilata tantum apertione cordis pulsanti Deo.

Habet ergo conscientia vnde timeat vel ipsam remissionem peccatorum suorum. Habet vnde timeat seipsam leuissimè peccantem, accuratè poenitentem, atq; etiam ne quidem peccantem, vix certè delinquentem. Quod cum ita sit, semper quidem & omnes quidem stimulare conscientia sua debet, vt non sint sine metu, at reuera illis maximè hic stimulus opus est: quos vicina viuendi meta percellit metu. Decet enim hos, vt quàm maximè vrgeant exsolutionem, quando se vident vrgeri ad resolutionem. Qui enim adhuc vegeti sunt, malè quidem, attamen quasi rationabiliter peccant in spe, dum procrastinant. at quibus iam tempus resolutionis suæ instat, hi non nisi irrationabiliter, ac proinde inexcusabiliter atq; & damnabiliter vocem Corui Cras, Cras, occinunt.

Stimulus V I.

Conscientia peccatorum venialium.

Dicit fortè tibi (ô Homo) conscientia tua. Gratiarum Deo: non mihi mortalium conscius sum. Venialia quæ sola sentio, non me damnabunt in perpetuum. Quia enim venialia sunt, facilem habent apud veniæ Dominum & condonationem & expiationem. Hæc qui dicit atq; sentit ignorantia & tepiditatis filius est, de gente exasperante, de populo graui corde processit. Veniale peccatum non tam est parum

*Psalm: 43.
Iacob: 3.8,*

est parui faciendum, quia veniale; quàm potius
 formidandum est, quia peccatum est. Mittamus
 hoc (quod tamen præcipuè in oculis haberi debet
 à veris Dei seruis) quodd peccatum etsi veniale in
 Deum tamen sit, & ei displiceat, & Spiritum San-
 ctum contristet, & gratiæ spiritum seu spiritûs gra-
 tiam extinguat, & multam animæ labem scabiem-
 que inducat, & auxilium Dei speciale efficaciq; re-
 pellat, & sternat complanetq; viam facillimam ad
 mortales lapsus, & mentem excæcet, & cor obdu-
 ret, & spirituales sensus hebetet atq; obtundat,,
 mittamus hoc torum: illud expendas (mi homo)
 peruelim. Cares peccatis mortalibus, & sola venia-
 lia in te agnoscis. dic quæso, estne hoc multæ &
 magnæ gratiæ Diuinæ auxiliantis protegentisq; ac
 vigilantis circa te, & super te? negare non potes,
 nisi impiissimus æquè ac ingratisimus. Est ergo
 gratiæ copiosæ, ampliæ, singularis: carere mortali-
 bus. iam te iudicem ipsummet volo. Estne hoc bo-
 ni ac veri filij Dei: abundare Diuinis auxilijs co-
 piosis & præstantibus, & nihilominus scatere pec-
 catis venialibus? An putas Deum, qui te à mor-
 talibus protegit, velle à te per venialia offendi, ir-
 ritari, conspurcari, contemni? Audistine aliquã-
 do Patrem, qui dicat: Fili mi, liberum tibi esto, cæ-
 dere, vulnerare, lapidare, irridere, despuere, luto,
 cæno, sordibus me oblinire. contemptum habere,
 in oculis meis omne genus ingratiarum agere: so-
 lum parricidium vide ne commiseris, caue ne me
 vitâ spoliaueris. Homo, qui peccata venialia sicut
 aquam bibis, qui solis te illis scatere panè gloria-
 ris, penè gratias agis. tu videris talem tibi Deum
 tuum Patremq; tuum effinxisse: cui tantum par-
 ricidium mortalis culpæ displiceat, culpas autem
 tuas veniales vltro abs te exposcat. Domine: co-
 ne vsq; insipientiæ & improbitatis, amici tui, filij
 tui, sponsæ tuæ deuenient: vt ijs peccare in te ve-
 nialiter pro magna tua in eos gratiâ fauoreq; sit?

Monstrum ignorantiae simul & tepiditatis & ingrati-
tudinis! Sine peccatis quidem esse non possumus,
sicut neque sine morbis, atqui non ideo morbos
ultrò querimus, immò repellimus, fugimus &
fugamus. Non ergo etiam ideo peccata venialia ad-
mittenda vel dissimulanda sunt, sed potius & fu-
gienda & effuganda, & persananda & expianda om-
ni ratione sunt omnibus quidem: at certè omni
sobrio iudicio iudice, ijs vel maxime, quos cum-
annis etiam tempus viuendi, simul ac venialibus
delinquendi deserit. Ne à Deo inueniantur tunc
primum defuisse venialiter peccare, quando defecit
eos tempus, quo possent peccare. Potius hoc agat,
ut spatia peccandi, occupent actione & labore pro
peccatis suis venialibus accuratè poenitendi, & quā
plenissime Deo satisfaciendi.

Stimulus VII.

Conscientia Mortis aduenientis.

Nauigatio est vita hominis super terram. tam-
diu in mari nauigatur, quàm diu ad portum
non peruenitur. Inuecta est in portum nauis, cel-
sat nauigatio, exitur de nauì, exportantur quæ in
nauì uehebantur. Et in mari quidem nauigantes,
non raro declinant in portum ingredi, sed in vita
hac qui nauigant, velint nolint ad portum mortis
accedunt, eumque intrant mercesque exportant.
Portus maris non ubique est, portus vitæ ubique est,
ubique enim ad mortem perueniri potest. O quanti
putarunt, se vix dum soluisse: putarunt se adhuc
in medio Oceani spatari, & ecce inuenerunt se
in portu: an potius naufragio mortis? Et tamen
cum hoc omni momento penè homines oculis ma-
nibusque usurpent, cordibus suis ne capillum extre-
mum hoc tenent: cum in omni puncto vitæ, mori
se posse certò sciant; viuunt tamen adeò securi,
curas & studia & cupiditates, in adeò longas desti-
nant moras, quasi aut nunquam morituri sint, aut
pactum

paſſum cum morte quoddam in annos perennes inierint. Et hoc faciunt non florentes tantum iuuenum, aut robuſtæ virorum ætates, ſed etiam ſeneſcentium, etiam ſenum, etiam ſeneciarum tremuli caligantesq; dies. Audire mentionem mortis horror eſt illis, & iræ materia, qui ſunt mortuis quàm uiuis penè ſimiliores, propè viciniore. Hæc verè ſtulta ſeneſtus eſt, eſſe in fine viuendi, nec tamen videre finem viuendi. velle longam vitam, cuius nec ſpem habere poſſint longam. Illa eſt præclara ſeneſtutis Sapientia: providere non tam futuris, quàm iſtantibus: amandare curas & cogitationes longæ vitæ proprias. aſſumere eas, quas faciendæ æternitati proſpiciant. extendere vitam magnis & multis factis atq; meritis, & breuitatem dierum ſæculis admetiri: Hoc igitur agamus, quot quot morti ſeneſtute appropinquamus.

Stimulus VIII.

Conſcientia reddenda DEO rationis.

Omnibus quidem incumbit lex iſta: Redde rationem ſcilicetationis tuæ. & illa. Statutum eſt omnibus hominibus ſemel mori, poſt hoc autem iudicium. Ut recipiat vnusquisq; prout geſſit in corpore. Attamen ſenibus ea lex incurrit in os, & incumbit ſupra ſcapulas humerosq; grauens eos ad terram uſq;: vt velint, nolint, ſepulchri locum quærant aſſiduò. Iſtis enim propriè ſeruit quod addidit Dominus villico iniquitatis. *Iam eni non poteris amplius ſcilicare. Non poteris amplius ſcilicare:* quia te iam incipiunt anni grauari, & non tantum villæ, ſed etiam vitæ gerendæ ineptum reddere. Age ergo quisquis iam ſorte ſeneſtutis viuus. Delibera tecum dum adhuc tempus eſt. *Quid faciam?* Dies mortis iſtat, diem mortis comitatur Iudicij particularis paſſus timendus & anguſtus, poſt hoc reſeruatur dies iudicij: dies illa, dies iræ; dies, amara valdè. ibi tribulabitur fortis. ibi deuorabitur

Luc. 16. 1.

Hebr. 9. 77.

2. Cor. 5. 10.

astutia sapientis. ibi diuitiæ & gloriæ proderunt, nullæ. ibi preces & lachrimæ steriles. ibi minæ terrebunt Iudicem nullæ. gratiæ lenient vltorem nullæ. In illa *instus vix saluabitur, & impius peccatorum tibi parebunt?* Intret ergo homo quotidie, quauis hora, quauis vitæ portione, in Iudicium cum seipso, & suo Iudicio sui, præueniat iudicium Diuinum de se. Qui enim se iudicat, Dei se iudicio subtrahit: qui autem non iudicat se, iudicio Dei reseruat se. *Si nos ipsos iudicaremus, non vtrig iudicemur* ait Apostolus. Ex quo vltèrius sequitur, quòd quali nos iudicio iudicamus, à tali nos iudicio subducimus. Si rigide iudicamus nos, rigide non iudicabimur à Domino, sed placide. tale enim iudicium reseruauimus, qui rigidum præoccupauimus. Contra si nobis in iudicio de nobis blandimur, blandè non iudicabimur à Deo, sed rigide, tale enim iudicium reliquimus Deo. Vnde hic etiam seruit illud Domini nostri. *Qui amat animam suam perdet eam: & qui odit animam suam, in vitam æternam custodiet eam.* Amat animam blandus iudex sui, sed hoc ipso perdit eam, quia rigido iudicio Dei reseruat & exponit eam. Odit verò & perdit animam suam, qui rigoroso sui iudicio examinat, diiudicat, accusat, damnat eam: sed hoc ipso eam seruat, quia placido Dei iudicio eam reseruat. Nemo ergo præposterè amet se, nemo parcat sibi. Nemo metuat assumere in se personam Iudicis Christi, dum viuit; & dum morietur non subeat personam Christi Iudicis, quàm meritò metuit. Statuat se & accuset & erubescat apud iudicium suum, vt euadat accusationem confusionemq; apud Tribunal Diuinum. Nonne satius est coram vno se confundi, & tamen absolui, quàm coram iudice Deo, spectatore toto mundo, & patescere, & pallefcere, & tamen in æternum perire? Timet stultus homo oculos vnus, nempe etiam suipfius & non attendit, quia quondam manifestandus est oculis Christi, &

sumul.

simul mundi totius. Sed hic metus, minor, vt potè remotior, sit apud iuuenes; cur vero apud senes, aliterq; morti vicinos neglectui esse debeat, nemo facile causam inueniet idoneā: prater inolitam vulgò ad talia hominum fœcordiam. Iudicemur à nobis, vt non iudicemur à Deo, damnemur à nobis, vt absoluiamur à Deo. Inueniat nos Deus occupatos in iudicio nostri, vt nos iniudicatos abire faciat in vitam æternam ab iudicio suo.

Stimulus IX.

Conscientia promeritarum poenarum

Stipendia peccati mors; & quidem cum omnibus mortis tum anteambulonibus, tum comitibus, tum pedissequacibus. Quasi enim quidam belli (contra Deum) ductor est. Peccatum, cui militat omnis peccator. *Qui enim facit peccatum, seruus est peccati.* & iste militibus, siue seruis suis soluit stipendiā, Mortem. Mortem temporalem cinctam omnibus miserijs huius vitæ, quæ omnes veluti additiæ mortem principem, principalemq; cōsectantur, comminanturq;. Mortem deinde Animæ Spiritualem: quoniam peccatum est mors animæ, priuatio gratiæ, & Amicitie Diuinæ, venenum charitatis & omnis virtutis, Traditio in seruitutem diaboli, & possessionem pabulumq; inferni. Hæreditatio damnationis æternæ. eradicatio omnis meriti & iuris ad vitam æternam, æternum exilium à Deo, irreconciliabilis auersio & rebellio à Deo. Malitia omni peior malo, cuius pænæ & vindictæ, nullus infernus, nulla damnatio sit satis: propter quod æterna illi assignatur punitio ab iustissima æquitate Dei: vt quæ castigari satis nunquam possit, semper castigationi sublit. Atq; hoc est tertium stipendium Peccati Mors scilicet, atq; damnatio æterna. habens amissionem Dei æternā, habens ardores & combustionem æternam, habens vermem, qui non moritur in æternum. habens

despera-

ApoC. 14. 11.

desperationem, furorem, rabiem æternam, habens mortem immortalem, immortalitatemq; mortuam. habens cibum & pastorem mortem æternam. habens maledictionem æternam, habens societatem supplicij, cum diabolo, & angelis eius æternam. habens salitionem ignis æternam. Age iam homo: peccasti? ecce hæc sunt stipendia tua: quæ tibi numerat Dominus tuus. Non te delectant ista stipendia? non etiam ergo delectent te peccata tua. Non vis *ut ascendat fumus tormentorum tuorum peccatorum in secula seculorum?* hoc age nunc, ut nunquam non ascendat coram Deo deploratio, & detestatio & expiatio, & digna per omnes gradus poenitentia peccatorum tuorum. En iustitiæ Dei, æternitas tormentorum inferni ad scelera tua vindicanda non sufficit: tibi ad eadem in hac vita deploranda, tantillus poenitentia (utinam non & ipsius poenitentia) luctus propè momentaneo tempore decursus sufficiet? Pro Superi! Peccator reservat poenitentiam suam in extremum vitæ halitum: & in eo se abundè credit persoluturum, tam omnem in Deum, & coram Deo reatum, quàm totius æternitatis supplicium. Quis credat veram huic inesse poenitendi voluntatem, qui adeo perfunctoriam credit sibi suffecturam poenitentiam? Non est quidem impossibile apud Deum omne verbum, nec est abbreviata manus Domini ad miserendum. Non est tamen voluntaria procrastinatione abbrevianda coram Deo poenitentia. Brevis enim poenitentia, ut plurimum levis est, & quæ sera est, raro vera est. Deniq; hostis hominis est diabolus, qui seram breuemq; laudat & suadet poenitentiam. Deus est autem, qui & citam & longam & seriam severamq; desiderat, requirit & probat acceptatq; poenitentiam. Ad causam utriusq; poenitentia decidendam, satis præiudicij adferunt sui Auctores. Nemo sanus, dubia, securis præposuit.

Stimulus

Conscientia damnorum Spiritualium.

AD pœnas spirituales peccatorum nostrorum
 rursus reuoluor, vt earum metu, imò consci-
 entiâ, animam segnescentem ad expianda fugien-
 daq; mala, ad procurandum feruescendumq; in-
 bonis exstimulera. Ad pœnas peccatorû non tan-
 tum mortalium, sed etiam venialium, ac ne talium
 quidem etiam occasionum & causarum, Iustus De-
 us, pertinere debere arbitratus est, pœnas spiritua-
 les: quæ maxime consistunt in subtractione au-
 xiliorum Dei efficacium singulariumq; & animæ
 necessariorum ad euitanda peccata grauiora, ad
 cauendas vel vincendas tentationes & occasiones
 periculosas, ad peruincendas difficultates tam à
 diabolo quàm ab alijs creaturis, quàm ab ipsius a-
 nimæ habitibus affectibusuè consurgentes. ad vi-
 denda & declinanda pericula lapsuum, ad aggre-
 diendum perficiendumq; feliciter præclara Diui-
 ni obsequij opera, ad promptè, commodè, flexibi-
 liter obsequendum voluntatibus Diuinis, ad con-
 tinuandum bona, ad progrediendum ad optima,
 ad perseuerandum in perfectis & arduis, ad obti-
 nendam victricem congruamq; suauitatem volun-
 tatis, ad excludendam duritiem cordis, & stupo-
 rem cæcitatemq; mentis, & derelictionem Diuinæ
 specialis protectionis. Sitne aliquid his pœnis &
 damnis animæ periculosius & perniciosius: puto
 quod vt explicetur fufius nemo desiderabit. Irro-
 gat Deus huiusmodi pœnas, occulto sed iusto ni-
 mis iudicio suo. Vel ob peccata non tam in se,
 quàm in voluntaria deliberataq; voluntate graua.
 Vel ob scandalosè in plures propagata durantia,
 duratura uè per imitationem. Vel ob deductos de-
 territosuè multos, aliquos uè ab obsequio Domini,
 perfectionis studio &c. Vel ob pluries (contra-
 cto habitu, audaciore animo, oppresso remorsu o-
 blatratusq;

blatratuq; conscientia, dissimulatis vel spretis Diuini motibus) eadem commissa, ommissaue cum profectus damno, cum laudis gustusq; Diuini immutatione. Vel ob minus integrè minusue diligenter ac minus seuerè retractata, iudicata, castigata suppleret delicta, & neglecta. Vel ob tardatā aut etiam negatam Deo in suis gratijs, pellectionibus, suationibusq; obedientiam. Vel ob periculo alicui expositam animam conscientiamq; ac mentis puritatem, ex inconsideratione, ex praesidentia sui viriumq; suarum, ex studio placendi, seu non displicendi creaturæ. Vel ob admissas inconsultè, bonas licet in specie vel etiam re curas importunas, superfluas, à Dei congressu & consortio mentem præpedientes Deumq; excludentes. Vel ob vehementiorem amplioremq; iusto effusionem, adhesionem, zelotypiam, spiritus & affectus, in rem, causam, personam, alioqui obligatoriam de se. Vel ob tardam Diuinæ opis inuocationem. Vel ob maiusculam in se, in aliāue creaturā depositam fiduciam. Vel ob seram perfunctoriamue gratitudinem & gratiarum actionem Deo. Vel ob præposterè (esto specierenus necessariò) præposita Diuinis humana creaturæ. Vel ob immisericordem aliorum censuram in lapsu aut tentatione eorum. Vel ob nimiam suimet, ac super alios eleuati donis naturæ vel gratiæ reputationem: vt dicat sibi de se: *Non sum sicut ceteri hominum*. Vel ob minus humilem reuerentemq; in tractando Diuina, aut cum Deo familiaritatem. *Deus enim noster ignis consummens est*: si nimium appropinques, adureris. Propter hos aliosq; similes occultissimos cordis nostri anfractus & prauitates, oculatissimus Deus atq; spon- sus, amicus licet sibi animas deserit, & subtractione sui castigat. Genere pœnæ admodum tristi, incognito, ideoq; maximè periculoso. Quandoque enim talis pœna desinit vsq; in mortalem, vsq; in finalem ruinam, ac perniciem. quod quis ambigit

horren-

Heb. 12. 29.

horrendum esse maximè? *Et quis vestigia Dei comprehendet. Et usq; ad perfectum omnipotentem reperiet? In turbine enim conteret me, & multiplicabit vulnera mea etiam sine causa. Qui etiamsi habuero quippiam iustum, non respondebo, sed iudicem meum deprecabor.* Et hæc est vna, ne dicam sola ratio euadendi spiritualia Dei flagella. Humillima scilicet deprecatio, deuota operatio, cauta, oculata, Diuina Diuinorum tractatio, rigida in semetipsum etiam pro minimis, etiam pro antiquis, etiam pro cōdonatis, etiam pro occultis, etiam pro inter iustitias reputatis, etiam pro alienis, etiam pro neglectis animaduersio. quàm differre non minus est, quàm planè negligere periculosum.

Iob: 11. 7.

Iob: 9. 17.

Ibid: 15.

Stimulus XI.

Conscientia Purgatorij.

Quia Deus æterna peccatis debita supplicia, in pœnas temporales Purgatorij præsertim ignis commutat: ideo homines contenti euitasse æterna supplicia, purgatorium usq; adeo non metuunt, vt etiam exoptent, & inter felicitates misericordiasq; Domini reputent, ad eas deuenisse. Est quidem misericordiæ Dei deputandum pro æterno supplicio, pœnâ puniri temporaneâ: at etiam est iustitiæ Diuinæ, pœnas temporales & purgatorias ita exacuere, vt quantum ad substantiam (demptâ æternitate) exæquent acerbitate sempiternas. Irridet ergo aut ignorat Diuinam iustiti-
am, quisquis leuè reputat purgatorij pœnam: quæ acerbitate sui, par est per omnia infernali. Si autem infernalis cruciatus, vel ad horam toleratus ridiculus esse creditur, restat, vt neq; Deus iustus reputetur. In summa: grauiores sunt pœnæ purgatorij, quàm vulgò reputantur; quibus nullæ humanæ vitæ, neq; simul plures, neq; simul omnes comparari possunt. Proinde quisquis se pœnis purgatorij releuat, quisquis eas hac in vita expiare medijs con-

dijs congruis non curat, hic vel inter mente captos, vel inter sui met ipsius hostes computandus est. Tu si sapias, ante mortem tibi purgatorium facito, nihil in te inexpectatum negligito, quantum potes ve coram Deo assidue absq; obligatione culpæ & pœnæ viuas, satagito, quotidiano cordis balneo, ex iustitijs miserationibusq; Dei, ex sanguinibus Meritisq; Christi, ex doloribus & affectibus in Deum tuis confecto, cor tuum à quoridianis maculis debitisq; eluito: quin etiam supererogatorijs operib9, arbitrarijsq; pœnis, Animæq; tuæ sacrificijs, debitorum tuorum mensuram supergredi contendito.

Psal. 111. 7. Talis in morte, *ab auditione mala non timebis:* & *Psal. 90. 3.* asperum verbum non audies: et si transieris per ignem: odor ignis non erit in te: & flamma non nocebit tibi. Alioqui aduersarius tuus (conscientia) tradet te ludici, iudex autem tortori, qui te in carcerem mirtet, *ibi erit sletus & stridor dentium.* *Eccl. 51. 6.* Amen dico tibi, non exies inde, donec reddas ad nouissimum quadrantem. vniuersum debitum.

Stimulus XII.

Conscientia paucorum bonorum Operum ac Meritorum.

Apo. 3. 17. Dicebat quidam in corde suo: *diues sum & locupletatus, & nullius egeo.* audiuit autem à veritate iudice. *Nescis, quia tu es miser, & miserabilis & pauper, & cæcus & nudus.* En quam diversa iudicia, Hominis & Dei de vno eodemq; homine: quem oportebat vtriq; esse notissimum. Nam nemo nouit quid sit in homine, nisi spiritus hominis, qui in ipso est. Et Deus quoq; est is, qui nouit quid sit in homine, & scrutatur corda & renes. Attamen mendaces filij hominum in stateris. *Iudicia autem Domini vera, iustificata in semetipsa.* Non ergo homo facile vel sibi met ipsi de seipso attestanti credat, non facile cum Phariseo bona sua gloriabundus reco-

1. Cor. 2. 11.

Rom. 8. 27.

Psal. 7. 10.

Psal. 18. 10.

Thre. 3. 1.

du
am.
mo
na
Ap
con
hi
den
con
qui
rum
con
nit
ita
me
tio
tiu
bo
qu
pro
ce
Cu
am
mi
di
tia
ex
No
ho
op
fu
ra
S
d

dus recogitet. Sit potius vir *videns pauperatē su-*
am. sit potius inspiciens scrinia sua, & videat ad-
 modum pauca reposita esse ibi bona opera atq; bo-
 na merita sua. Rara est etiam inter electos Dei,
 Apostolica illa vox. *Bonum certamen certavi, cursum* 2. Tim: 4. 7.
consummaui, fidem seruaui, in reliquo reposita est mi-
hi corona iustitiæ. Nostrium cuiam licet eā confi-
 dentiā vti? Pauca merita habere me, dicat mihi
 conscientia mea: quia serò nimis ea operari cepi,
 quia pauca & rara feci: quia comparatione malo-
 rum quæ patraui bona admodum pauca sunt: quia
 comparatione auxiliorum & mediorum, quæ infi-
 nita ad manum obuia habui, prorsus pauca sunt;
 ita vt vix respondeat vnum opus bonum auxilij: &
 medijs, & commoditatibus mille: quia compara-
 tione aliorum, tam ante me, quàm mecum operan-
 tium in Dei vinea, ego prorsus inopiā bonorum la-
 borum laboro, cum ceteri opulētissimi ab eis sint.
 quia deniq; comparatione mercedis mihi à Deo
 promissa, merita mea bona, vix vnam vnciam mer-
 cedis gloriaq; mihi in æternum destinata adæquāt.
 Cum ergo adeo inops meritorum sim, cumq; eti-
 am breues dies vitæ meæ iam sint: nunquid parua
 mihi incumbit necessitas sanctè & perfectè viuendi,
 strenuè atq; heroicè laborandi, avarè ac insa-
 tiabiliter celestia bona coaceruandi? Nunquid
 excusabilis ero vel ipsimet mihi, si segnis fuero?
 Nunquid aliud tempus merendi mihi superest, si
 hoc præsens infructuosum perdidero? *Egestatem*
operata est manus remissa; velox autem in opere Prov: 10. 4.
 suo affluet bonis. *Manus enim fortium diuitias pa-* Ibid.
rat.

Stimulus XIII.

Conscientia bonorum imperfectorum.

Sint mihi bona opera multa: pauca; sint modò;
 esse aliquantum satis poterit, ad solatium, ad si-
 duciam, ad mercedem. Sed ecce conscientia ne-
 scio quid

Apoc: 3. 2.

scio quid immurmurat dicens. *Non inuenio opera tua plena coram Deo meo.* Quid est non inuenire opera plena coram Deo? Est utiq; habere bona quidem opera sed imperfecta, sed imperfectè peracta, sed scitentia nãuis, sed infecta circumstantiis ingratis, sed polluta inquinamenti mentis. Ecce in illo opere præcessit operationem ignauia aut tergiuersatio, aut excusatio, aut humanus pudor metusue: aut spes humanæ laudis, aut sponso mercedis. Nunquid purum est? Iam illud opus aliud factum est oscitanter, repidè, cum cessatione, ad oculum. Aliud imperauit minus recta & pura intentio, peractioni eius accessit, finem eius concludit, inquinatus proprietate finis. Nunquid bonum perfectum est? Illud opus infecit complacentia, illud iactantia, illud super alios elatio, illud imprudentia in fine, medijs, modo, loco, tempore. Illud inchoatum studiosè, sed defecit constantia. illud iam mercedem suam recepit, æternam à Deo amisit. Nunquid & hoc placere, nunquid cælum intrare potest? Argumentatio Domini hæc est. neq; potest solui scriptura. *Si offeratis cecum ad immolandum nonne malum est? Et si offeratis claudum & languidum, nonne malum est? Offer illud Duci tuo, si placuerit ei, aut si suscepit faciem tuam? Pergit autem virgere Dominus. Quis est in vobis, qui claudat ostia, & incendat altare meum gratuito? Non est mihi voluntas in vobis, dicit Dominus. Et munus non suscipiam de manu vestra.* Et putat quis, quia remunerabitur talia munera? quæ nec dignatur accipere. Illud verò apud Isaiam nonne idem sonat? *Ecce in ieiunijs vestris inuenitur voluntas vestra.* Videsne ô homo, bona non esse bona, si eis adhæserit quæpiam conditio non bona? Ergo iam interroga conscientiam tuam, immò attende attestantem illam: quia non inuenit opera tua plena coram Deo: quia *dies pleni non inveniuntur in te. Habe ergo in mente qualiter acceperis, & audieris,*

Mal: 1. 8.

ibid: 10.

Isa: 58. 3.

Ezeli: 72. 10.

*Et audieris, Et serua Et age poenitentiam. Si non vigi-
laueris, veniet (Dominus) ad te tanquam fur, Et ne-
scies quâ horâ veniet ad te. Quiesce agere peruersè,
agere tepidè. agere cum nausea Domini: Disce be-
ne agere: diligenter, feruenter, accuratè, iuxta
Dei cor & gustum agere.*

163

Apoc. 3. 3.

Isa. 1. 17.

Stimulus XIV.

Conscientia elapsi temporis.

NEc elapsi tantum verum etiam perdit: quid
verò si etiam perditè elapsi? Parum est enim
plerisq; nostrum, si perdamus tempus, nisi etiam
perdamus nos ipsos cum tempore. Et tempus
quidem perit, perditio autem manet, & cum per-
ditio sit, tamen perditionem non subit. O tem-
pus quàm es vile? quàm tibi pretium nemo ponit?
quàm multi gaudent etiam te sibi periisse! quàm
nemo est, qui damna temporis non fecerit? quàm
nemo qui illa etiam vltro non accerserit? quàm
multi implent præposterè illud Apostoli monitū:
Redimentes tempus. Redimunt enim multi perdi-
tionem eius. quia soluant pretium pro perditio-
ne eius, sumptibusq; non parcunt, vt perdant il-
lud, & agunt tam sumptuosè quàm & studiosè ea,
per quæ plurima est perditio illius. O Sapiens se-
cundum Deum: in hoc sapias vt redimas tempus:
Etenim magna portio sapientiæ, magnum artifici-
um est, scire vti, & re ipsa vti rectè tempore. Du-
rissimum Deus exercet iudicium cum hominibus
de transactò, sibi dato tempore; Sicut de vita no-
stra, ita & de tempore nostro ratio reddenda est.
commixta enim est temperi nostro nostra vita,
adeò vt tempus nostrum, sit penè ipsa nostra vita:
certè neq; lucrum, neq; damnum patimur tempo-
ris, nisi simul & subeamus vitæ. cum enim efflu-
it tempus, eripit nobis simul & vitam. Et nos stulti
per iacturas temporis, arbitramur nos lucrari vitæ
Sed Deus eodem calculo computat nostrum tem-

Eph. 5. 16.

Psal: 74. 8.
Thi: 1. 15.

1. Cor: 7. 29.
Apoc: 19. 9.
Iob: 10. 20.
Gal: 6. 10.

pus & nostram vitam. perditum tempus & perditam vitam. Quidni, ergo si sapio, immò, quidni sapio tandem & æstimo & redimo & lucror tempus, ut simul lucrer etiam vitam. antequam Deus accipiat & vocet aduersum me tempus: & statuatur illud contra me, audireq; faciat querimonias eius de me. exposcentisq; vindictam ex me: quia non in eo pretio, non in eo usu, non in ea obseruatione, non in ea dispensatione fuit apud me: qualem fuisse, & ipsa vita, & professio vitæ, & obligatio status, & propositus finis, & commoditas obtinendi finis, & elapsio velocissima, simul ac incompenfabilis ipsius temporis. exigebat à me. Ecce iam ipsi anni mei, ipsa conditio corporis, valetudinisque meæ, in horas atq; momenta inclamant auribus meis. *Tempus breue est. Tempus non erit ultra. Breues dies hominis. Nunquid non paucitas dierum meorum finietur breui? Ergo dum tempus habemus operemur bonum, operemur bonum benè, operemur studiosè, copiosè, assiduè, infatigabiliter, insatiabiliter, incessanter. per hoc redimentes, per hoc extendentes, per hoc multiplicantes, per hoc fenestre, lucrosus, pretiosus, superabundans facientes nobis tempus.*

Stimulus XV.

Conscientia Confusionis & Insultationis.

Confusionem ipsa faciet, ipsa sentiet, ipsa etiam menti animæq; ingeret conscientia. Accusabit enim ipsa se, atq; conuincet negligentia, insipientia, inobedientia, ad Deum, ad rationem, ad fidem, ad seipsam, in negotio salutis, in negotio æternæ Beatitudinis, in negotio Diuinæ gloriæ ac voluntatis, in negotio seu potius periculo sempiternæ damnationis. de quibus omnibus veluti ludens, aut somnians, aut aliud nescio quid agens curam habuisse arguetur. Hæc confusio est quidem totius vitæ labor, at præcipuè infestare conuenit

fuenit moribundos, morientesq; & iam iam ante-
 tribunal Christi sistendos, quando iam nihil cura-
 rum praesentium obstreperet, nihil obtundet aciem
 mentis & conscientiae, sed omnia in luce, omnia in
 facie propofita & in oculis, patebunt Christo, pa-
 tebunt & Angelis Sanctisq; eius, patebunt demo-
 nibus, ipsi conscientiae deniq; patebunt. Tunc ve-
 ro vndiq; proclamabitur. Ecce homo & opera ei.
 En vineam Domini vitemq; electam, *qua expecta-* *Isa: 5. 2.*
batur si faceret vinas: fecit autem labruscas. En fi-
 cum, quae in optimo Ecclesiae Dei agro confita,
 plantata, putata, adulta, nec per biennium, neq;
 per tricennium *protulit fructum bonum.* Agricola,
 nec quidem proprio sanguini ad rigandum.
 ad stercoreandum illam parcenti. Venient etiam *Luc: 13. 8.*
 tor industriae & gratiae Diuinae, per Angelos, per
 homines, per alias creaturas, per Sacramenta, per
 documenta, per exempla ceteraq; media caritatis
 prouisa. quae omnia suum laborem exponent, fru-
 ctum exigent, sterilitatem inuenient, securim ad
 excindendum exacuent. Putasne o anima, pu-
 tasne o conscientia, capiesne & comprehendes,
 quae tibi tunc confusio, quae angustia, quis pudor
 superueniet? Quid autem erit, si ad haec accedet
 (accedet vero indubitate) tot inimicorum tuorum
 iuratorum conglobatorum insultatio: quando om-
 nibus in vnum adductis, hinc quidem sancte &
 perfecte uiuendi subsidijs, debitis, commoditati-
 bus: illinc vero tepore in summo atq; inueterata
 ignauia, probrosa inconstantia, putidissima pro-
 crastinatione, abominabili lentitudine, omnibus
 exactis vitae diebus simul ac operibus: amaritudi-
 ne omni amationibus vocibus diabolica phalanx,
 audiente & assentiente Iudice Christo, totoq; coe-
 lesti eius comitatu, approbante magis, quam mise-
 rante, exprobrans insultabit, insultans exprobra- *Matt: 13. 27.*
 bit: *Domine nonne bonum semen seminasti in agro
 tuo: unde ergo habet zizania? Quid debuit ultra fa-
 cere si-*

Thr: 2. 16.

Dent: 32. 24.

Prov: 6. 3.

Pſal: 69. 4.

cere vinea iſti Dominus, & non fecit ei? Et ecce quomodo conuerſa eſt illi in prauum vinea aliena? Ecce quomodo in terra ſanctorum iniqua geſſit? Ecce quomodo in loco pinguedinis, in ſterilitate defecit. in ſchola charitatis didicit tepiditatem & acediam. In ſchola humilitatis, didicit ſuperbiam, in ſchola paupertatis, exquiſiuit abundantiam. in ſchola mortificationis & crucis, mollis facta eſt & delicata. In ſchola ſilentij, garrula, murmuratrix, oblocutrix facta eſt. In ſchola obedientia, propria ſeruiuit voluntati, in ſchola manſuetudinis iracundiam exercuit. In ſchola deuotionis & feruoris, in negligentia & ſocordia conſenuit. Hæc dicent: & ſic inſultabunt, aperientes ſuper te os ſuum; omnes inimici tui, ſibilabunt, fremunt dentibus, & dicent. Deuorabimus. En iſta eſt dies, quam expectauimus, inuenimus, vidimus. Et quid ad hæc conſcientia? quid ad hæc anima? quid ad hæc o homo, ſi quando inſultatione inſultabunt tibi, & conſument te, & deuorabunt te dracones inferni, morſu amariffimo. Nunc ergo audi conſilium Domini: tepiditates tuas feruoribus redime negligentias tuas, dilationes tuas diligentijs & feſtinatione. Non ceſſet manus tua, non ceſſet pes tuus: fac quod dico, & temeripſum libera: quia incidifti in manum proximi tui: diſcurre, feſtina, ſuſcita amicum tuum, ne dederis ſomnum oculis tuis, nec dormitem palpebra tue. Erueſe quaſi damula de manu, & quaſi quis de manu aucupis. Nunc igitur dum ſuperat tempus, libera te o conſcientia mea, à tua propria confuſione: libera etiam te, à diabolica inſultatione, & auertantur ſtatim erubeſcentes, qui volunt tibi mala, qui dicunt tibi Euge, euge. Exultent autem & latentur in te omnes, qui quaerunt te, & dicant ſemper. Magnificetur Dominus: qui diſtingunt ſalutare tuum.

Classis

Classis Secundæ.

167

Stimulus I.

Ipsa Ingruens vel urgens Senectus.

EA quidem est Senectutis prerogativa, ut hominem quem afficit, a plerisque humanæ vitæ officiis, operibus quoque bonis æque ac malis absoluat. Prudentia tamen ut plurimum præ omnibus ætatibus in senibus viget, una ex virtutibus: sicuti Philargyria seu avaritia una ex vitiis inualescit. Vtrumque horum, si ad spiritualia studia conferat senilis voluntas: vix vlla erit ætatum virtuti & perfectioni paranda, diuitijsque spiritualibus ac Divinis conquirendis, magis idonea. Nihil enim optabilius in negotiatione spirituali avaritiâ & insatiabilitate in conquirendo. Nihil quoque necessarium magis, prudentiâ consilio, discretionem in studio studioque ad vitæ æternæ brauium, per viam virtutum absque offensa decurrendo. Optima ergo & securissima studiis cœlestibus, diuitijsque ac negotijs Divinis pertractandis & comparandis senectus est. Cui si addideris deuotionem mentis, vnctionem Spiritus, & abundantiam præsentis gratiæ cum cæteris auxilijs ab ipso statu copiose & connaturaliter suggeri solitis, itemque cum melioribus habitibus in antegressa vita conquistis, facillima, feracissima, suauissima est Senectutis in decurrendo perfectionis tramite, vita. Accedit spes confirmans, simul roborans & exstimulans, appropinquans metas, & cum meta brauij æterni sese de proximo iam iam ostentantis & veluti ultro in manus protensas deferentis. Quæ spes senectuti est valde connaturalis & propria, cum alijs ætatibus sit naturâ suâ remotior. Et si enim etiam iuniores citò mori possint: senes tamen diu vivere, proinde mercedem expectare laborum diu non possunt.

Sicut autem spes qua differtur affligit animam, & facit languescere operantem, sic è contra, spes vicinæ mercedis exhilarat desiderium, confirmatq; manum etiam defessi operarij. Quisquis ergo temescere persentiscis, exere & exerce prudentiam, exacue & exaspera famem sitimq; avaritiæ ad concupiscendam iustitiam, collabora gratiæ. & spe vicinæ retributionis hilaresce.

Stimulus II.

Damna Præterita.

Isa. 1. 2.

Avditè hoc senes & auribus percipite omnes habitatores terra: super hoc narrate filiis vestris, & filij vestri filiis suis, & filij eorum generationi alteri. Residuum erucæ comedit locusta, & residuum locustæ comedit bruchus, & residuum bruchi comedit rubigo. Expergiscimini ebrij & flete & blulate omnes. Ecce ista cantilena indicitur senibus: quia præcedens ætas eorum omnis, quæ in messem multam nimis exolescere agricolæ cœlesti sperabatur & debuit: delust spem omnem eius: & confusum est gaudiū eius à filiis hominum. abierunt omnia in populationem & vastitatem, & in pastum erucæ, locustæ, bruchi, rubigini. Audire ergo iubentur auribusque percipere, vt saltem in decliuore ætate sapere incipiant, & præteritorum annorum suorum negligentias, omissiones, perfuntoria & ad oculum peracta obsequia, fraudulenter facta Divina opera, elusas cœlestis Patrisfamilias spes, & vota; non adimpletas promissiones, ædificij spiritualis posita sed minime perfecta fundamenta, consummare, adlaborent, damna sarcire, fructus cum sænore reddere, pecuniam Domini & talenta negotiationi impendere, & vel vnicā Domini mnā, decem mnas Domino acquirere & exhibere connitantur. Oporteret meminisse sermonum Domini Iesu, quibus ille crebro & graphicè nimis suam in exigendis damnis, sibi per nos ipsa sterilitate & infructuositate.

Ibid. 6. 12.

offrate bonorum, illatis, sterilitatem austeritatem-
que deprædicat; adeo vt non diffiteatur se *ibi etiā*
metere cupere, ac solere: vbi non seminavit. Nonne
immanem incutit horrorem, & merum & solici-
tudinem, maledictio illa directa *in scilicet neam, non*
habentem ficus quas carperet efuriens Dominus:
non obstante, neq; excusante apud illum, quod
tunc necdum esset tempus. ficorum?

169
Matt: 25. 24
Mor: 11. 13.

Stimulus III.

Pretium bonorum salutarium.

Quatuor sunt pretiosissima hominum bona:
duo horum Naturalia. Tempus & vita. duo
supernaturalia. Sanctificans gratia & Beatitudo
æterna. Priora duo posterioribus sunt deputata
in obsequium & acquisitionem: ita vt non nisi Tē-
pore & vitā præsentī conquiri possint Gratia Di-
uina & Gloria æterna. Quidquid aliud habet mū-
dus in diuitijs suis, nihil eorum proficit ad Grati-
am & Gloriam, solum Tempus & vita præsens eam
habet à Deo inditam conditionem, vt quantum-
cunq; ex his impenditur acquisitioni illorum, tan-
tum ex illis acquiratur & obtineatur. Et quia pre-
tium Sanctificantis nos gratiæ Dei, tantum habet
pretij in æstimabilitatisq; coram ipso Deo, vt mini-
mum gratiæ granum, superet in suo pretio totius
mundi pretium, esto mundus esset totus gemme-
us gemmisq; repletus: Pretium autem gratiæ asse-
ctatur exceditq; etiam pretium æternæ gloriæ,
cuius & consecutio & auditio ad mensuratur posses-
sioni augmentoq; gratiæ, & quidem cum excessu
proportionali. ad minimum in proportionē dupla
(vt communiter sensus est Doctorum) inde fit; vt
Tempus vitæq; præsens, suppar pretium mereatur
& acquirat ex eo, quia his, & in his solis duobus
medijs acquiri & exerceri & augeri potest gratia,
huicq; secundum proportionem ratam etiam cœ-
lestis gloria. Videant ergo Mortales, quàm parci,

quàmq; sobrij esse debeant dispensatores temporis & vitæ præsentis, & rursus quàm avari & insatiabiles conquisitores gratiæ & gloriæ Diuinæ, in tempore vitæq; præsentis: quibus solis durantibus & impensis, illæ acquiri possunt & augeri: quibus solis elapsis & finitis acquiri nihil amplius & augeri potest per omnem æternitatem. Quare nec vitæ, nec temporis particulam, quantumlibet minutam, parui quisquam æstimet, aut otiosè (id est sine merito & augmento Gratia atq; Gloriæ) elabi sibi permittat: sed totum quicquid ei de vitæq; superest, in mercatum Gratia Gloriæq; & iucrum conuertat.

Stimulus. I V.

Occasionum & Mediorum plurima Opportunitas.

Non sunt tot occasiones lucente sole oculis ad videndum, quot sunt bonæ oportunitates menti nostræ, ad benè, sanctè, meritorie, fructificare operandum. Etsi enim oculus illuminatarum rerum plurimas videat. tantum tamen illuminatarum consortio seu conspectu potitur, quæ autem luce non perfunduntur, hæc oculis non subiacent. Similiter, quæ ad alios sensus pertinent, hæc sub aspectum oculorum non cadunt: at verò sub meritoriam sanctamq; operationem voluntati cordiq; nostro, omnia Diuina, omnia humana, omnia, creata subiacent: modò velit pia voluntas libertate officioq; suo fungi, & fungendo non languere, auxiliariq; Diuina sibi vitæ semper parata, quin & semper illam excitantia sollicitantiaq; ad benè agendum, & æterna promerendum, otiosa, & cassa sibi elabi non sinere. Nisi enim hoc ita esset: nunquam Apostolus præciperet: *Omne quocumq; facitis in verbo aut in opere, omnia in nomine Domini Iesu Christi, gratias agentes Deo & Patri per ipsum.*

Coloss. 3. 17.

Non

Non etiam idem ipse repeteret monitum suum.

171

Sive ergo manducatis sive bibitis sive aliud quid faci-

1. Cor. 10. 31.

tis, omnia in gloriam Dei facite. Non item Prophetæ Rex ad laudandum Deum prouocaret, hoc est laudandi Dei, sibiq; cœlestes opes emerendi, materiam & occasionem faceret, Angelos, Cœlos, solem, lunam & stellas, & volucres cœli, & nubes, & pluias, & rores, & æstus & frigus, & diem & noctem, & Maria & fontes, & flumina & pisces maris, & grandinem & niuem & glaciem & spiritû procellarum, & ventos & terram, & graminæ germinaq; campi, & bestias terræ, & deniq; totum orbem terrarum, cum omnibus quæ in eo sunt, viuunt, mouentur, sentiunt, intelligunt. Iam verò interroget quisq; statum suum, & conditiones statû sui, si rectè & sobriè iudicat omnia (quantum ex ordinatione Dei) in salutem, in meritum & vitam gratiæ gloriæq; æternæ destinata & prouisa inueniet. neq; vllum alium præter suam propriam inscitiam ignauiamq;, si illi secus accadat, culpandam esse cognoscat. Stat enim & stabit semper vox veritatis per Apostolum enuntiata. *Diligentibus Deum omnia cooperantur in bonum salutis, & vite æternæ, gloriæq; Diuine* Hoc enim solum est coram oculis Dei nostri Bonum? I nunc, mi homo & ini numerum occasionum oportunitatumq; ordinarum & seruientium tibi, (quantum ex Deo) ad salutis profectusq; tui bonum. ac simuleriam ini pariter numerum neglectum, omissum, abusum contemptumq; tuarû, & simul, quod ad ista consequens est, damnorum tuorum spiritualium, cœlestium, nunquam recompensandum. Tandem ergo tandem incipe sapere, tandem ignauiam cæteraq; impedimenta tua excute, & da operam, vt tibi omnia cooperentur in bonum, & omnia in gloriam Dei, in salutis tuæ facias lucrum.

Rom. 8. 28.

Stimulus

Perfectio virtutis bonum desiderabile.

Tanta est pulchritudo virtutis, ut si oculis corporeis cerni posset, omnium oculos ad sui aspectum, omnium animos ad sui amorem raptura sit. Elogium est hoc virtutis ordinem naturæ non transgressæ; datum ab eo sapiente; qui pariter supra naturam, nihil sensit. Sed si hoc Ethnica virtus ab Ethnico pariter iudice promeruit iudicium, quale par est ut referat Encomium, virtus omnium naturæ ordine præcellior, virtus perfectiorque Christiana ab homine Christiano, ab homine virtutis Christianæ perfectionem professore? Non desiderat Christianus homo virtutem Christianam oculis carnis subijci, ut eam amare ac desiderare possit; quin potius ob id ipsum ei contemnenda esset, quia carnis oculis pateret sua pulchritudo. Habet oculos fidei, habet lucem gratiæ, habet pupilam charitatis, cuius acie penetrat usque ad interiora virtutis, cuius doctrinam de cælo nobis attulit: Incarnata veritas, cuius magisterium verbo, magis autem exemplo exercuit inter nos manens Deus homo. Iste nobis thesaurum absconditum, iste pretiosam margaritam perfectionis Christianæ exposuit, eiusque latibulum in ipso usque; agro Divinitatis se abscondentis, eam ostendit, ibique eam querendam, & inde hauriendam derivandamque; edocuit dicens. *Perfecti estote, sicut & Pater vester cælestis perfectus est.* Et rursus. *Exemplum dedi vobis: ut quemadmodum ego feci, ita & vos faciatis.* Et quid possumus addere vel ad pretium, vel ad inuitamentum: quando Deus & Christus eius in partem venit utriusque? Solum superest desiderium, solum studium, sola insatiabilis avaritia charitatis, totam se impendens in amorem, in laborem, in acquisitionem, in multiplicationem, in possessionem, in fructificationem eius boni: pro quo si dederit, siue diuendiderit:

*Matt: 5. 48.**Ioan: 13. 15.**Gal: 2. 7.*

uenerit homo, omnem substantiam domus sue, de-
deritq; pauperibus & nudum Iesum affectatus fuerit,
quasi nihilum despiciet omnia: dummodo tandem
esto per scalam vel ipsius Crucis Christi a-
scendat, & apprehendat dulces fructus eius. Ibi
Christiane, ibi desige cursus profectusq; tui me-
tam, ubi prior & propter te Christus crucifixus po-
suit suam, atq; per hoc simul etiam tuam. Meta
profectus tui perfectus Deus. exemplar cursus ad
hanc metam tui, ipse Dei Filius. cursus tuus, desi-
derium cordis tui. Expende & dilata cordis sinum
ut capias perfectionis fructum.

Stimulus VI.

Exemplum Caelestium Omnium.

Habemus primum exemplum Dei, qui cum
per suammet essentiam ab omni aeternitate
vniuersam perfectionis suae perfectionem com-
plexus sit: ea ad plenum usq; iuxta immensam
infinitamq; Essentiae suae capacitate inundatus
sit, adhuc tamen inundari eadem gaudet & gau-
debit per omnem Aeternitatem. Est aliud huic
suppar Dei-Hominis Christi exemplum & exem-
plar, qui & ipse. Exultauit ad currendam viam
perfectionis in carne, à summo caelo Idealium su-
arum virtutum egressio eius: & occursum eius usq;
ad summum pariter eius. nec est qui se abscondat
à calore perfectionis, siue à perfectione caloris c-
ius. Non aliam formam expressam habemus in-
pretiosa nimis, nimisq; perfectionis bonis super-
abundante Dei Matre Virgineq; Mariâ, quae à
primo instanti vitae suae, ad usq; vltimum instans
vitae in via Dei, & virtutis & perfectionis, nec ad
vnicum momentum stetit aut quieuit, sed con-
tentissimo atq; humano intellectui non assequen-
do conatu, cursu atq; progressu viam suam per-
currit, & in diuitijs, omnes Diuinæ creationis gra-
tiarq; filias supergressa est. omnesq; colles Beato-

rum

rum transcendit, & in vertice montium Sanctorum fundamenta sua prima composuit. Ad Diuinum, ad Christi Domini, ad Matris Dei exemplum, tota se multitudo Electorum conformat. Angeli Sancti vnico instanti, hoc est conatu per vnicum instans durante, consummarunt cursum perfectionis suae, quantus quæso fuit ardor, quanta contentio, conatus illius licet instantanei, qui omnibus dedit gloriam, dedit maximam & celsissimam, iuxta gradus suos gloriam, dedit æternum duraturam gloriam? De sanguinis autem nostri Sanctis quid dicam? Vnus pro omnibus dicat. *Verumtamen existimo omnia detrimentum esse propter eminentem scientiam Iesu Christi Domini nostri, propter quam omnia detrimentum feci: Et arbitror ut stercom, ut Christum lucrifaciam, Et inueniar in illo, non habens meam iustitiam quæ ex lege est, sed illam quæ ex fide est Christi Iesu. quæ ex Deo est iustitia in fide ad agnoscendum illum, Et virtutem resurrectionis eius, Et societatem passionum illius, configuratus morti eius: si quomodo occurram ad resurrectionem, quæ est ex mortuis. Non quod iam acceperim, aut iam perfectus sim. sequor autem si quomodo comprehendam, in quo Et comprehensus sum à Christo Iesu. Fratres ego me non arbitror comprehendisse. Vnum autem: quæ quidem retrò sunt obliuiscens, ad ea verò quæ sunt priora extendens meipsum. ad destinatum persequor, ad brauium supernæ vocationis Dei in Christo Iesu. Hæc Apostolus de seipso, de quibus omnibus Sanctis Dei etiam nunc in hac, ac demum concludit, eam regulam quæ omnibus seruit, in seipso omnibus se expressisse ostendens, ac dicens. *Quicunq; ergo perfecti sumus, hoc sentiamus. Sentias & tu. vade, curre, persequere similiter. ad brauium supernæ vocationis. quæ iam retrò sunt obliuiscens, quæ verò priora ad ea teipsum extendens, ut fiat senectus tua in misericordia vberi. Sicq; ingrediaris**

Psal 91. 11. in abundantia sepulchrum.
106

Stimu-

Stimulus VII.

175

Desiderium Sanctorum.

Non tantum exemplis prouocant nos Sancti nostri Sanctusq; Sanctorum ipse, vt in via Dei curramus alacriter, velociter, sublimiter, & constanter: sed etiam cursum nostrum, ad se, suamq; societatem incessantibus votis desiderant. Hæc est voluntas Domini Dei nostri Sanctificatio nimirum nostra. Nec aliud desiderare possunt Sancti ipsius, quam quod maximè placere agnoscunt cordi ipsius. Votis ergo Sanctorum non cupiet, non ardeat, satis superq; satisfacere homo, qui scilicet cupit & ardet adnumerari cætib; Sanctorum? Numera Sanctos si potes & complectere numerum eorum, qui clamant pro te ad Dominum: desiderantes pacem serui eius: & vt benignè faciat Dominus animæ tuæ, *Et adificentur muri Ierusalem suæ,* etiam per te. Et potesne frustrari vota eorum, tarditate, tepiditate, morâ, dilatione tuâ, negligentia tuâ, mollitie tuâ, sensualitate, concupiscentiâ, amore proprio tui? Quomodo comparebis inter Sanctos illos totos igneos, toros ardentes, totos flammam ignis. tu tepiditate & languore, negligentia desidiiq; solâ, inter eos insignis incedens? Memoria & conscientia languoris tui præsentis diluet tibi gloriam & dulcedinem beatitudinis: & quamuis ibi non sit locus pœnitudinis, pœnitebit te tamen, non consummatius seruire virtutis obsequiijq; Diuini ad cœlum, inter Sanctos venisse diuitem, comparuisse instructum, degere insignem.

Psalm. 50. 20.

Stimulus VIII.

Tempus præsens suppletioni indultum.

Cogita mi homo te esse arborem illam, cui cum Dominus ob inutilem fertilis terræ occupationem, excissionem decreuisset, agricola pro ea im-

Luc. 13. 6.

ea impetrauit indulgentiæ annum vnum, dicens Domino. *Dimitte eam etiam hoc anno, vsq; dum fodiam circa illam & mittam stercora; & si quidem fecerit fructum: sin autem, in futurum succides eam.* Videsne non ablatam sed dilatam succissionem? Reliquum vitæ tuæ, annus ille vnus est, per indulgentiam indultus, vtiq; non vt continues sterilem desidiâ, sed vt commutes in fructuosam fecunditatem. *Vt iam non desiderijs (neq; desidijs) bo-*

1. Petr. 4. 2.

minum, sed voluntati Dei, quod reliquum est vnius temporis. Sufficit enim præteritum tempus ad voluntatem Gentium (negligentium) consummandam: nunc autem tempus est acceptabile & dies salutis, in quo definendum est, à veteris negligentia & incessantia delictis: viuendum vero iustitiæ & voluntati Dei, in eo quod reliquum est temporis in carne. Neq; vero grauari te putes eiusmodi doctrinis. Audi enim Apostolum qui ait. *Humanum*

Rom. 6. 19.

dico: & condescendo vobis, propter infirmitatem carnis vestra: Sicut enim exhibuistis membra vestra seruire immunditie (negligentiæ) & iniquitati ad iniquitatem (repperituri vsq; ad Diuinam nauseam & vomitum) ita nunc exhibete membra vestra seruire iustitiæ & sanctificationi. Ergo humanum est & per indulgentiam dictum Apostoli, cui tamen vix audet satisfacere, vulgaris nostra in seruitio Dei diligentia. Alioqui impleri deberet in nobis à nobis illud Prophetæ. *Sicut enim fuit sensus vester, vt erraretis à Deo, decies tantum iterum conuer-*

Bar. 4. 28.

tentes requiretis eum. Et Prophetæ, quidem decuplum tantum requirit, adhuc etiam humanum dicens, propter veteris legis conditionem. at Dominus Iesus, qui venit ignem mittere in terram, eumq; voluit vehementer accendi, non decuplum sed centuplum, & optat, & laudat, verbi sui, in seruis suis fructum. Quod si tu attenderis ad omnes condiciones tuas, ad locum quem occupas, ad auxilia de cælo quibus abundas, ad media statûs qui-

Luc. 8. 8.

bus cir-

bus circumfiois, ad incitamenta, quibus non tantum prouocaris, verum etiam planè traheris: reperies parum & planè humanum adhuc esse, si ceteris afferes: sed omninò sit opus, & valdè conueniens, imò & necessarium vt afferas offerasque fructum Deo tuo millesimum; & super superque millesimum. *sic enim decet impleri omnem iustitiam ab eo, cui mensuram bonam, confertam & coagitatam & supereffluentem dabant in sinum suum.* Luc: 6. 38.

Stimulus I X.

In fine proficiendum ad meliora.

IN finem, ne corrumpas. ait & monet Diuina Scriptura. Finis enim omnia vel corrumpit vel perficit. Finis coronat opus, finis perfundat opus. Curre optimè, velocissimè, rectissimè; si vel desideas, vel subsistas in fine, neq; ad finem decurras, quid proderit cucurrisse? *Qui perseverauerit usq; in finem in bono, hic saluus erit.* qui perseuetauerit usq; in finem in malo, hic peribit quia ex fine omnia reputantur. *In finem ne corrumpas.* Multi enim bona aggrediuntur, quæ deinde non coronant sine bono, sed ab eo deuiant in malum. Alij mala amplectuntur ab initio, deinde respiciunt & conuertuntur in finem bonum. Optima portio eorum, quorum initia, media & fines bonum possident: post istos meliores reliquis, qui in finem non corrumpunt, neq; corrumpuntur. Siue ergo hactenus malè tepideq; Deo seruisti, siue benè & strenuè, in finem ne corrumpas. Imò sine corona, sine perfice omnia tua. In fine motus velocior: attestante naturâ, si hoc facit natura in lapide, cur non facit in te gratiâ? Omnia etiam grauissima ad suum finem festinant, sola virtus in fine torpescet & tardabit? Lapis festinet ad terram, vt quiescat; virtus ad beatitudinis æternæ requiè, non euolat? Et fluij quidem & fontibus suis paruo initio egredienti, multis cum aquarum fluctibus in mare sese euoluunt.

vunt. Cur non sic etiam humana industria, multis cum virtutum meritorumq; agminibus & fluminibus, in mare suum Deum eiusq; Beatitudinē ingreditur? Nunquid naturalius tendit lapis deorsum, vel ignis sursum? quam anima in Deum? aut melius est flammæ sursum lapidiuē deorsum, quam Homini apud Deum suum, apud summum Bonum ultimumq; finem suum? Qui in fine torpescit ad salutem, quando feruescet? Nam qui initio, adhuc in fine spem habet; sed qui in fine, ubi remanet spes eius? Paupertatem delegit & putrescit in ea, cui finis adueniens non adfert diligentiam ac feruorem in negotiō salutis æternæ. qui autem in fine tendit velocius, ditabitur. Sapientis est vox ista, qui dicit *Laborauit diues in congregatione substantiæ, & in requie sua replebitur bonis suis. Laborauit pauper in diminutione victus: & in fine inops fuit.* Quanto ergo vides magis tibi appropinquantem diem seu finem, tanto in omnibus operibus tuis esto velox: & omnis infirmitas atq; egestas non occurret tibi in nouissimo.

Eccl. 31. 3.

Eccl. 31. 27.

Stimulus X.

Sancti ad finem vitæ feruere quasi de nouo solari.

Quemadmodum equi de via licet fessi, vicinitatem tamen hospitij sui sentientes, velocius decurrunt; ita comprobatum est illustres Deiferos atq; Sanctos, accedente vitæ fine nouos feruores in via Domini, nouos labores in vinea Christi excolenda quæsiuisse. Iam erat Dauid grandior natu, & cepit moliri ædificationem Domus Domini, quam cum ad eius filium Deo reijcere placuisset: præparauit ille nihilominus impensas Domus Domini, ex quibus filius Salomon Domum Domini ædificaret. quin & formam domus illius filio eidem reliquit, vt omni quâ posset ratione particeps esset tam domus Domini, quam totius Regionis

3. Reg. 7. 32.

1. Paral. 22.

Agionis & cultus à fideli populo inibi Deo exhibē-
 di vsq; in sempiternum. Eiusdem Sancti vox est il-
 la, quam omnes ab eo discunt, quotquot Deo pla-
 cere statagunt. *Ego dixi. Nunc capi. Hac mutatio* *Psal. 76. 11.*
dextera excelsi. Certè ab adolescentia sua Dauid
 timebat Dominum & placebat ei, grandistamen
 natu dicit: *Nunc capi* & nouam illam viuendi ra-
 tionem Diuinæ super se dextera commutationi at-
 tribuit. Nempè agnoscit proprium hoc Dei donū
 & magnis seruis eius communicari solitum; vt post
 decursum penè obsequij Diuini stadium, quasi de-
 nuò ad primordia regrediantur, de nouoq; incipi-
 ant, & dicant. *Nunc capi*, seruitium Dei & seruo-
 rem nouum primumq; in eo. Dignum est admi-
 ratione sed & imitatione, quod Abraham à Deo suo
 audiit iam centenarius, iam Dei veteranus & ser-
 uus & amicus. *Abraham ambula coram me: Et esto* *Gen. 17. 1.*
perfectus. Nonne antea & coram & cum Deo am-
 bulauerat? Attamen grandescenti licet hoc ei
 præcipitur, vt veluti à principijs inchoaret, quo
 ad perfectionem tenderet. Quid Elias ille igne-
 us, ille ignis, audit tamen Angelum monentem. *Ecel. 48. 1.*
Surge, comede, grandis enim tibi restat via. scilicet
 vsq; ad videndum in monte Horeb Dominum De-
 um suum. Sed Apostoli Pauli exemplum magis est
 nostrum, hunc igitur audiamus, intueamur, æmu-
 lemur. *Non desicimus ait, sed licet is, qui foris est* *2. Cor. 4. 16.*
noster homo corrumpatur: tamen is qui intus est, re-
nouatur de die in diem, & rationem addit sanè di-
gnam sensu Apostolico: & quæ omnem feruorem
exacuat amplius & amplius. Id enim (inquit) quod
in presenti est momentaneum & leue tribulationis no-
stra, supra modum, in sublimitate æternum gloriæ pō-
ditur operatur in nobis Ita quidem Paulus: qui om-
 nes etiam hortatur dicens. *Renouamini Spiritu* *Eph. 4. 23.*
mentis vestra. S. Bonauentura locupletestis nar-
 rat Sanctum Franciscum suum, iam licet Stigma-
 tibus Domini insignem & in Seraphicum Spiritum
 penè

Sar: in vita.

*Nis: Soc: p.
3. L. n.*

Apoc: 2. 5.

Apoc: 2. 4.

penè commutatum: nihilominus biennio antè mortem suam, novos ac omninò nouitios labores resumpisse, & tunc primum seruitium Diuinum inchoasse. Præclarum Sydus gloriosissimi Prædicatorum Ordinis Beatum Henricum Susonem: illam titulo ministri Æternæ Sapientiæ insignem, constat statim temporibus, vetera sua pietatis studia tanquam obsoleta exportare atq; sepelire solitum, nouum verò hominem, nouitate Spiritûs indutum, innouatis exercitijs spiritûs, ipsoq; inprimis spiritu, assumere, & omnia quæ Diuini obsequij essent, perficere. Nostri Ordinis historia narrant, Bartholomæum Bultamantium: magnis & multis laboribus in Societate nostra perfunctum, iisdemq; ac simul annis fractum, novos Nihilominus labores, nouo Spiritûs ardore susceptasse: & exhaustisse. Id aliquibus in eo iam senè & morbo admiranibus; memorabili responso, egregie satis fecit, dicens. *Tempus breue est* (vixit nimirum senem) *calum autem adhuc procul, duplicandus ergo est cursus* Hæc scilicet est Sanctorum prudentia, ex senectute, non otij & quietis, sed laborum & feruoris anlas desumere. More lampadum, quæ fortius ardent atq; lucent amplius, dum deficiunt. Et ad normam moniti Angelo Ephefino dati. *Prima opera fac.* Est enim res periculi plena. *Charitatem primam* reliquisse.

Stimulus XI.

Vocatio Religiosa.

VOcatio Religiosa, si quem ea tenet, eadem ad cursum perpetuum, indefessum, contentissimumq; premittit. Nam quid est aliud Vocatio Religiosa? nisi status atq; professio cursûs ad virtutû perfectionem incitati atq; perpetui? Hæc est enim Essentia Religiosi, semper proficere, semper tendere ad perfectionem Christianam, adeo, vt negligere hanc tendentiam, atq; non curare ex proposito cri-

20 criminale & damnabile sit in hoc statu. Neque opus est, ut quis vltro regrediatur à perfectioribus ad imperfectiora, sufficit ad malum, nolle proficere, nolle meliorem esse aut fieri. In statu personarū Religiosa, ipsa intermissio, proficiendi, est regressus & defectio. Sicut qui est in fluuiō, per hoc solum descendit retrō deorsum, quia non nititur ascendere sursum: etiam si nauim non agat in descensum. Videat ergo quisquis statu Religiosus est, ut etiam simul perpetuo proficiens sit: quia hæc est spes vocationis suæ, quā vocatus est, & quā carere sine noxa non potest, nisi essentia suā carere velit. Quale monstrum est, velle Hominem se esse, absq; Rationalitate. tale est, velle se esse Religiosum, absq; proficiendi alacritate. Attendant hoc senes Religiosi, & videār, velintne in morte aut iudicio Christi inueniri ita monstrofi?

Stimulus XII.

Statu Sacerdotalis.

STatus & vocatio Sacerdotalis ampliùs aliquid importat obligationis Homini in Sacerdotio posito, quàm Religiosa Vocatio. Hæc enim solum proficere & ad perfectum conari iubet. at illa perfectum in virtute hominem, eiusq; actuale possessorem esse requirit. Atqui perfectus esse nemo solet, nisi proficiendo; ergo ut Sacerdos perfectus sit, proficiens esse, & perfectui vacare debet. Quis enim ad terminum peruenit, ad quem non cucurrit? Quid quòd Sacerdos, non soli sibi debet vel proficere, vel perfectus esse, sed etiā plurimis alijs? Sicut enim Sacerdos non sibi, neque propter se est. *Omnia namq; Pontifex ex hominibus assumptus, pro hominibus constituitur. in ijs quæ sunt ad Deum.* Hebr. 5. 1. ita etiam non sibi soli proficere aut perfectus esse debet, sed etiam alijs: quos verbo & exemplo suo, sui similes, Deo dignos placitosq; tenetur efficere. alioqui audiet à Domino. *O Passer! O Idolum. Pa.* Zach: 1. 1. 1.

M 3

Ror qui.

flor quidem vocatione & nomine, idolum vsu &
 ipsa re. Sed enim nihil ita vel suaviter, vel effica-
 citer tenaciterq; obligat Sacerdotem ad proficien-
 di insigne studium, insignemq; actu ipso perfecti-
 onem, quam Sacrosancti siue Sacramenti, siue Sa-
 crificij altaris adeo libera, adeoq; familiaris, adeo
 intima vsurpatio atq; tractatio. Potestne homo
 scitens negligentij & desidijs teporibus, potest-
 ne non euolans Seraphicis (dicam Diuinis) alis
 atq; volatibus accedere ad Deum? adglutinari,
 commisceri, conuiscerari, concorporari, indiui-
 riq; Deo? Hac quidem propter stuporem mentiū
 nostrarum sub intelligentiam nostram, quasi non
 cadunt: attamen fides nostra non est non est possi-
 bile, vt intellectum nostrum non conuincat. Me-
 tiatur ergo Sacerdos quantum chaos discriminis
 firmatum sit inter Deum & Sacerdotem offeren-
 tem, aut communicantem, & intelligat quanto sit
 opus sibi conatu in cursu, ad superandum decur-
 rendumq; discrimen illud abyssalis distantia, per-
 condignam seu sumptionem, seu oblationem Do-
 mini Dei sui in Eucharistico Sacramento atq; Sa-
 crificio. Ad vnicum tantum Communionis vel
 oblationis Eucharisticæ actum, totius vitæ cursus
 sanctissimus vix satis esset: ad sæpè, ad quotidie cō-
 municandum ac offerendum condignè, quanta
 putamus, quanta putare debemus opus esse con-
 tentione in sanctitatis studio, & in perfectionis o-
 mnimodæ apparatu conquirendo? Deus, noster in
 Eucharistia absconditus cibus grandium est, faci-
 ens grandeicere manducantes: & tamen nos, neq;
 grandescimus, neq; gigantescimus, sed vix pigmæ-
 es & nauos exequamur, post multos quamuis Sa-
 crificij annos. Quis se exhibebit Deo Sacerdotem,
 qui ita viuere curet, ita in studio sanctitatis perfe-
 ctionisq; currat, vt merito quotidie communicare
 atq; celebrare possit? Sed nouerit Dominus, qui
 sunt secundum cor eius. Certum est, quod si non
 omnis

omnis Sacerdos cōmunionē & sacrificatiōe quotidiana grandescit, tota nihilominus grandescit Sancta omnium nostrum Mater Ecclesia.

183

Stimulus XIII.

Vocatio Societatis IESV.

Stimulus hic non ad omnes pertinet; pertinet tantum ad Filios Societatis IESV, quos Benedictus Deus vocavit in Societatem Filij sui. Horum antesignamus Dei Filius Deus Homo, ipse testatur de seipso: quia *Ego veni, ut oves meae vitam habeant, & abundantius habeant.* Non ergo potest alia esse indoles Filiorum Societatis IESV, quam quod & ipsi ubi ubi sunt, quocunq; veniunt, veniunt ut oves Christi vitam habeant & abundantius habeant: quomodo autem hoc facient, nisi & ipsi in se (non tamen ex se, sed ex Christo) vitam habuerint, & abundantius habuerint? Finis huius Societatis est cum omni diligentia in Domino, incumbere tam in propriam quam in proximorum salutem atq; perfectionem. In moralibus, finis est Natura & Substantia siue essentia eorum. Filius itaq; Societatis IESV, sine diligentia omni tam in se, quam in proximo quovis promouendo ad salutem & perfectionem, est absq; sua essentia, substantia, & natura. Quidlibet aliud esse potest, verus & germanus Societatis Iesu Filius esse non potest. Eiusdem Societatis & Filiorum eius omnium eminentior adhuc est finis, semper promovere & omnia facere ad Maiorem Dei gloriam, ad maius Dei obsequium. Quomodo possunt hac praestari, nisi omnes & singuli Societatis Iesu Filij semper crescāt, semper proficiant, crescereq; & proficere semper proximos suos faciant cū omni diligentia, in Deo, in omni virtute atq; perfectione? Quae enim aut quomodo maior & maior semper queri, semperq; exhiberi Deo potest gloria, si in ipsis querentibus atq; exhibentibus, non emineat amplior ampliorq;

IOAN: 10, 10.

virtutum perfectio, & profectus in perfectione? Ipse hominum seculiq; autor, ipse primus Dux & Princeps Sociorum omnium Iesu Dominus Iesus, quomodo inter homines conuersatus est, nunquid aliquando stetit in via sua, in executione omnis voluntatis paternæ, aut in manifestatione hominibus Diuinæ gloriæ? Et quidem pertransijt benefaciendo & sanando omnem languorem, & omnes oppressos à diabolo. Cucurrit ergo Dominus Iesus velut Gigas, porro currentem quis apprehender, qui & ipse pariter non curret? Et quid prodest Christum sequi, si non contingat consequi? quid prodest vocari Socium Iesu, & esse interim nimum quantum seicunctum ab Iesu, nimum quantum dissimilem Iesu? Sic ergo currite Filij Socii Iesu, sic currite, vt comprehendatis. Quod si hæc indoles ad omnes Societatis Iesu homines pertinet; nonne amplius ea veteranorum esse debet? eorum scilicet, qui exercitatos habent sensus, eorum, quorum & omnis vita & qualibet vitæ actio, magisterium esse debet atq; norma virtutis, norma profectus, norma perfectionis, norma promouendæ inter alios salutis, atq; perfectionis: norma exequendæ omnis Diuinæ voluntatis, & exaltandi semper semperq; amplius Diuini nominis? Turpe certe est & valde confusibile, eos qui esse debuerant (forte & fuerant) magistri aliorum propter aetatem & tempus, inueniri egentes vt doceantur, quæ sint exorata & elementa sermonum Dei: facti tales, quibus lacte opus sit, non solido cibo. Vitandus est ille Apostoli laqueus. Si tu Iudæus (Iesu socius) cognominaris, & requiescis in lege (Societatis) & gloriaris in Deo (nomineq; Iesu) & nosti voluntatem eius, & prociac vtiliora instructus per legem, confidat teipsum. Ipsi autem cæcorum, lumen eorum qui in tenebris sunt, eruditorum insipientium, magistrum infantium, habentem formam scientiæ & veritatis in lege. Qui ergo alium docet, teipsum non docet, quæ in lege gloriatur, per prauitatem suam legem Dei in bonorum.

Hebr: 5. 12.

Rom: 2. 17.

P
san
lus
iran
stru
sue
mu
huc
fica
quis
bon
gau
agi
bus
Dei
nob
Dei
ben
per
qui
in
pro
in
Spi
ext
ne

11

Classis Tertiæ

185

Stimulus I.

DEI Sanctissima Voluntas.

Pondus æquum voluntas Domini. Hæc est autem voluntas Dei sanctificatio vestra. quæ est autem sanctificatio nostra? Hæc utiq; quam idem apostolus exponit sic dicens. Quoniam non posuit nos in iram, sed in acquisitionem salutis per Dominum nostrum Iesum Christum, qui mortuus est pro nobis, & siue vigilemus, siue dormiamus, simul cum illo vivamus. pergit verò addere & enucleatius exponere hunc in modum Dei voluntatem nostramq; sanctificationem. Patientes estote ad omnes. Videte, ne quis malum pro malo alicui reddat, sed semper quod bonum est sectamini in invicem, & in omnes. Semper gaudete. Sine intermissione orate. In omnibus gratias agite. Hæc est enim voluntas Dei in Christo Iesu in omnibus vobis. Quapropter superest, ut fiat voluntas Dei sicut in celo & in terra. superest ut regnet in nobis per omnia & in omnibus, & semper voluntas Dei bona, beneplacens & perfecta. Superest ut in beneplacito voluntatis Dei nostri abundemus semper magis ac magis in omne opus bonum. Nam quid est aliud siue super terram, siue super cælum. in quo oporteat nos aut vivere, aut ambulare, aut proficere, aut sanctificari, aut gloriarī, præter quā in Domini Dei nostri voluntate beata. Hic est Spiritus Dei. Scriptum est autem. Spiritum nolite extinguere. Extinguit illum, qui in Sanctificatione non proficit.

Prov: 11. 1.

1. The: 4. 3.

1. The: 5. 9.

Ibid: 5. 14.

Rom: 12. 2.

1. The: 5. 19.

Stimulus II.

Eminentissima DEI Dignitas.

Ita quidem est excelsus & eleuatus super omnia & creata & possibilia Deus noster in maiestate
M 5 atque

atq; Dignitate sua, vt in nullius creaturæ mentem ascendere possit mensura eius. Quidquid volueris comparare Deo, non illa erit comparatio, sed contumelia atq; iniuriatio. & quidem vtriusq; Nā perinde est iniuria creaturæ, si Deo comparatur; atq; est iniuria Dei, si creaturæ conferatur. Deus est & vnus atq; solus, & non apponetur alius ad eum.

1. Tim: 6. 15.

Beatus Et solus potens, Rex Regum Et Dominus Dominantium, qui solus habet immortalitatem; Et lucem habitat inaccessibilem, quem nullus hominum vidit, sed nec videre potest, cui honor Et imperium sempiternum. Amen. Hic ergo Deus adeo magnus, adeo excelsus, adeo immensa maiestatis & dignitatis delectatur profectibus nostris, & gaudet honorari deuotis obsequijs atq; honoribus nostris. Et quanto altius conniti videt creaturam suam ad exaltationem Dignitatis suæ: tanto munificentius condescendit studio eius, tanto plenius se infundit desiderijs eius. Nescit enim atq; etiam nequit, Deus vinci munificentia affectu à creatura sua: sed quanto illam magis videt & habet profusam & infatigabilem argumentosamq; in exaltatione & dignificatione Dignitatis suæ: tanto illi facit vicissim obligatiores & indulgentiores Misericordias & Dignationes suas.

1. Reg: 2. 39.

Quicumq; glorificauerit me, glorificabo eum: protestatio Domini est, neq; euacuari potest. Nunc itaq; si Dignus est Deus. imo quia Dignus, & omni dignitate dignior, neq; vnquam satis dignè dignificabilis est Deus, nemo fatigetur, nemo deficiat, nemo tepescat in ascensu & progressu de virtute in virtutem in exaltatione Dei per quotidianam perfectionem in glorificatione Dignitatis eius per excellentiam Sanctitatis & iustitiae coram ipso, propter ipsum. O homo dicite tibi Deus tuus. Labora & contende ad profectum tuum, oblecta me progressibus tuis, cupio saginari feruore & ardore deuotionis in obsequijs meis. Dignus enim sum, vt talem te feruum habeam, consecratum.

secratur Maiestati, deuotumq; dignitati meæ. Sufficitne tibi mi homo, ista à Deo tuo allegata causa? an potes requirere aliam? an inuenis aliquid maius digniusuè Dignitate Dei? Itaq; sufficiat tibi ad Seraphicum, ad Marianum, ad Theandricum feruorem, vnicum hoc. Dignus est Deus, quem vel per vnicum instans exaltare posse: amplius est omni reliqua dignitate creata, ad quam creatura eleuari possit. si absq; dignificatione Dei eleuetur, aut eleuari possit. Deniq; sufficiat illud ad stimulum; *Glorificantes Dominum quantumcunq; potueritis, superualebit enim adhuc, & admirabilis magnificentia eius. Benedicentes Dominum, exaltate illum, quantum potestis: maior enim est omni laude. &c.* Eccl: 43. 32.

Stimulus. III.

DEI nostri super omnia Boni dilectio.

Si diligitis me mandata mea seruare. Qui enim habet mandata mea, & seruat ea, ille est qui diligit me. Argumentatio æternæ Sapientiæ est. Non denunciat indignationem suam, neq; supplicia: non ostentat promissiones & mercedes suas, satis est illi ad euincendum propositum allegasse dilectionem sui. Si diligitis me, inquit, mandata mea seruare. Probatio dilectionis exhibitio est operis. ille enim solus veraciter Deum diligit, qui exercet opere, quod Deo placere nouit. alias frustra quis ingeminat. Domine Domine, si non facit ea omnia quæ vult Dominus. Neruosa est ergo argumentatio Christi. Si diligitis me mandata mea seruare, facite quæ dico. diligite non verbo neq; lingua, sed opere & veritate. Sed quærat quis, quanam sint hæc mandata Dei? At notum satis est, quod præcepta Domini & multa, sunt, & vnum sunt. Multa in diuersitate operationis, vnū in radice dilectionis. Sicut enim multarboris rami, ex vna radice procedunt; sic multæ virtutes virtutumq; operationes, ex vna charitate descendunt. Et quia charitas est diligere Deum propter

Ioan. 14. 15.

Ibid: 5. 46.

Luc: 6. 46.

2. Ioan: 3. 18

Greg: Hom: 27. in Euan.

1. Cor. 16. 14.

1. Cor. 12. 13.

1. Cor. 13. 8.

propter Deum: & proximum sicut seipsum, nihilominus in Deo & propter Deum. ideo cum Christus dicit. *Si diligitis me, mandata mea servate.* hoc utiq; dicit. *Si diligitis me, hanc ipsam mei dilectionem, operatione dilectionis, exercitatione charitatis probate.* Nihil enim habet viriditatis ramus cuiuscunq; boni operis; si non manat & dependet à radice charitatis. propter quod & Apostolus Christi hortatur. *Omnia vestra in charitate fiant,* quasi dicat: Omnes rami, à radice virorem sumat. Sed enim charitatis praestantissimum opus est, Magna facere & nunquam deficere. propter hoc enim maior est virtutum omnium charitas: quia nunquam excidit charitas. Euacuabitur fides, euacuabitur & spes, Charitas nunquam excidit. nunquam deficit. Imò verò ubi aliae virtutes operando deficiunt. & veluti officio suo functae ante ianuam caeli subsistant, ibi charitas praecipue fungitur, praecipue regnat, praecipue consummatur, & coronatur. Dicentis ergo Domini. *Si diligitis me mandata mea servate,* sensus & voluntas haec est. Per hoc mihi dilectionis vestrae perfectionem monstrabitis: si nunquam à charitatis meae operationibus cessabitis, si semper in studiis charitatis permanebitis, si semper in charitatis exercitiis & proficietis & perseverabitis. Sicut enim ignis in nulla lignorum congerie dicit sufficere: ita charitas neq; inter huius saeculi irruentia flumina, neq; inter futurae beatitudinis Maria excidit.

Stimulus IV.

DEI Nostri erga nos dilectio.

Cant. 8. 6.

Quanta sit Dei nostri erga nos dilectio: primum omnium nobis id prodat & probet canticum dilectionis: ait ergo. *Fortis est ut mors dilectio. dura sicut infernus amulatio. Lampades eius, lampades ignis atq; flammarum. Aquae multa non potuerunt extinguere charitatem, nec flumina obrui illam. Si deacrit.*

dederit homo omnem substantiam domus sue pro di-
 lectione. quasi nihil despiciet eam. Exposuit hæc om-
 nia Diuinæ super nos dilectionis encomia Chri-
 stus Deus noster: magnificis exēplis ea illustrans
 atq; confirmans: quale est vnum illud. Sicut Moy- *Ioan: 3. 14*
 ses exaltauit serpentem in deserto, ita exaltari opor-
 tet Filium hominis, & omnis qui credit in ipsum non
 pereat sed habeat vitam æternam. Sic enim Deus di-
 lexit mundum, & Filium suum vnigenitum daret, &
 omnis qui credit in eum non pereat, sed habeat vitam
 æternam. Non enim Deus misit Filium suum in mun-
 dum, & iudicet mundum, sed & saluetur mundus per
 ipsum. Ecce quomodo Salomonem, hic plus quam
 Salomon, ad vnguē interpretatus est. facit verò
 alibi aliam quoq; eiusdem argumenti interpreta-
 tionem huiusmodi. Ego sum Oſtium: per me si quis *Ioan: 10. 9*
 introierit: saluabitur, & ingredietur & egredietur,
 & pascua mueniet. Ego veni & oues meæ vitam habe-
 ant & abundantius habeant. Ego sum Pastor bonus,
 & agnosco meas, & cognoscunt me meæ. Sicut nouit
 me Pater, & ego agnosco Patrem & animam meam
 pono pro ouibus meis. Maiorem hac dilectionem ha- *Ioan: 15. 13*
 bet nemo, & animam suam ponat quis pro amicis suis.
 Hæc Dominus Iesus. Apostolus autem ipse Paulus.
 Maiorem assignat charitatem in ipso Christo:
 quippe qui non pro amicis, sed pro impijs, pro pec-
 catoribus, pro inimicis mortuus sit. Probare enim
 volens Apostolus, quia charitas Dei diffusa est in *Rom: 5. 5*
 cordibus nostris per Spiritum Sanctum, qui datus est
 nobis. vtitur hoc argumento. Vt quid enim Christus,
 cum adhuc infirmi essemus secundum tempus pro im-
 pijs mortuus est? Vix enim pro iusto quis moritur.
 num pro bono forsitan quis audeat mori. Commenda-
 dat autem charitatem suam Deus in nobis. quoniam
 cum adhuc peccatores essemus secundum tempus, Chri-
 stus pro nobis mortuus est. Multo igitur magis nunc
 iustificati in sanguine ipsius, salui erimus ab ira per
 ipsum. Si enim cum inimici essemus, reconciliati su-
 mus Deo

Eph. 2. 4.

Ioan. 1. 1.

6. 14.

Luc. 9. 30.

mus Deo per mortem Filij eius : multò magis reconciliati, salui erimus in vita ipsius. Hucusq; Paulus satis Apostolicè de Diuina in nos etiam inimicos dilectione. Nec verò minùs dulce est & grande ad charitatem Dei in nos laudandam ab eodem dictū illud. Deus autem, qui diues est in misericordia, propter nimiam charitatem suam qua dilexit nos, & cū essemus mortui peccatis cōiunxit nos in Christo (cuius gratia saluati estis) & conresuscitauit, & consedere fecit in caelestibus in Christo Iesu. Et ostenderet in saculis superuenientibus abundantes diuitias gratiae suae in Bonitate super nos in Christo Iesu. Superuenientia ista secula alpestantia redundantes hasce diuitias Gratiae Dei in bonitate super nos in Christo Iesu. & quamnam putamus esse, nisi nostra haec in quos fines saeculorum deuenerunt: & qui in fines saeculorum deuenimus? Sed enim ecce adhuc charitatem Dei Ioannes Apostolus commendat nobis, ex ipsis, seu in ipsis nobis. ait enim. In principio erat Verbum & Verbum erat apud Deum, & Deus erat Verbum. Hoc erat in principio apud Deum. omnia per ipsum facta sunt. Et Verbum caro factum est & habitauit in nobis. Quid Maiestuosius: quàm in principio esse Verbum, & Verbum esse Deum? quid amorosius, quàm Verbum illud, carnem esse factum, & in nobis habitasse? An verò possit luculentius simul ac neruosius explicari mentibus nostris, hoc totum Dilectionis Dei super nos negotiū quàm explicatum legimus apud Lucam Euangelistam: omni animæ fideli relinquo in medio adiudicandum. Ecce duo viri loquebantur cum Christo in monte Thabor. erant autem Moyses & Elias, visi in Maiestate, & dicebant Excessum eius, quem complecturus erat in Ierusalem. quod Salomon vocauit omnem substantiam, hoc plus quam Salomon Exaltationem & Maiorem charitatem: quod Paulus nimiam charitatem, & abundantes diuitias. quod Ioannes verbum carnem. Hoc Lucas, siue cum

cum Moyse Elias dixerunt Excessum eius. Nimirum breui, sed totum Dilectionis Diuinæ in nos profluvium diluviumq; comprehendente verbo. Sus est, & eo demum processit, ut quo amplius pergerat nihil superfit. Hic igitur subsistamus: & iam quid à nobis vicissim exigat ista Dei charitas erga nos, iste Excessus dilectionis eius super nos, quid nos facere iubeat, aduertamus, decernamus, exequamur. Neq; antea desinamus, quam vel omnem substantiam domus nostræ exhibeamus pro dilectione: vel nimiam charitate diligamus, vel excessum charitatis compleamus, quod si nunquam fiet, nunquam ergo dilectio nostra in Deum cesserit, nunquam charitas nostra excidat, sed semper crescat, semper proficiat, semper & in singula momenta amplius & amplius inualescat, seraphinescat, fecundescat, in omne bonum opus, in omnem charitatis fructum, in omnem Dei voluntatem bonā, beneplacentē, & perfectam. Et his omnibus completis dicent nihilominus omnes animæ nostræ Deo. Amat charitas, amat immensitas Deus. Nos autē vicem rependimus in mensura, in gutta, in stilla.

Stimulus V.

Diuini Cordis gustus & expletio.

A Bsq; iniuria Diuinæ Maiestatis simulq; Bonitatis, nequit dubitari, de eiusdem tum desiderio, quo fertur in dilectarum desponsarumq; sibi Animarum perfectionem, perfectionisq; assequendæ infatigabilem conatum, tum gaudio & gustu cordis ex eius affectatione atq; assécutione. Hæc est enim vnica & sola merces, quam Diuina Maiestas & intendit & exigit, & expectat & acceptat, à sua rationali creatura. pro suis beneficiis omnibus, quibuscunq; earum quamlibet dignatur, ut nempe pro omnibus collatis in se muneribus, siue naturæ siue gratiæ, afferant & offerant ei fructum sanctitatis & perfectionis suæ, in eoque

quàm

quàm copiosissimo conquirendo & apportando, quam copiosissime desudent Quæcunq; alia offerat creatura Deo suo, si hoc, quod prædictum est, mercedis fructusq; genus non adiungat, contemptum, ingratum, exosum est Deo. *Ut quid mihi ihus de Saba offeris, & calamus suauolentem de terra longinqua? holocaustomata vestra non sunt accepta, & Victimæ vestra non placuerunt mihi* quid igitur desiderat Dominus? Hæc dicit Dominus. *Stare super vias & videte, & interrogate de semitis antiquis, quæ sit via bona, & ambulate in ea.* Michæas Propheta inducit hanc disquisitionem. *Quid dignum offeram Domino? curuabo genu Deo excelsio? Nunquid offeram ei holocaustomata & vitulos amniculos? Numquid placari potest Dominus in millibus arietum, aut in multis millibus hircorum pinguium? Numquid dabo primogenitum meum pro scelere meo: fructum Ventris mei, pro peccato animæ meæ? Demum concludit hunc in modum. Indicabo tibi o homo, quid sit bonum, & quid Dominus requirat à te. Virg. facere iudicium. & diligere misericordiam, & sollicitum ambulare cum Deo tuo. Cum itaq; hoc sit vnicum, quod Dominus requirit à te o homo, ut facias iudicium tecum, misericordiam diligens in proximum, & per quam sollicitè ambules cum Deo tuo: ut quid ergo non te totum, non te semper, non te profusissime impendis in hæc, quæ Deo tuo placita, in hæc quæcunq; Deo tuo experita, in hæc quæ Deo tuo gratissima, atq; in odorem, in gustum, in oblectamentum, in gaudium suauissimum esse agnoscis? Quæ tibi quæstio crebrior in mente esse debet, quam hæc. quid faciam, ut Dei gustum oblectem & expleam? quid operabor eiusmodi, quo quam maximè recreetur & exsatiatur Cor Dei mei? quid offeram Deo meo, quo saginem voluptatem voluntatemq; Dei mei? Quis mihi det ut reperiam aliquid, quod gaudeat suscipere de manu mea Dominus meus? Et audies dicentem tibi*

tibi: quia gaudium Domini est, fortitudo nostra. &
quia vocaberis. Voluntas Domini in eo. & vocabuntur
in te Fortes iustitie. plantatio Domini ad glorifican-
dum. tantummodo noli timere, & non dissoluantur
manus tua. Dominus in medio tui gaudebit super te
in latitia, silebit in dilectione sua, exultabit super te
in laude. Noli ergo languescere in vijs Domini, noli
telescere in obsequijs eius. Noli negligenter facere
opera eius. vt in te nunquam diminuat, vt per
se semper accrescat gaudium Dignitatis eius.

197

2. Esdr: 8. 10.

Isa: 52. 4.

Isa: 61. 3.

Soph: 3. 15.

Ezech: 24. 25.

Stimulus VI.

DEI gloria atque gloriatio.

Solemne est Deo, quod gloriatur in seruis suis
fidelibus: qui fideles inueniuntur in testamen-
to eius. Estq; hoc vnum ex gaudijs Domini super
nos: quia in nobis gloriatur. Seruus meus es tu
Israhel: quia in te gloriabor. Gloriatu est Dominus
in seruo suo Iob & gloriatus vsq; ad triumphum, in
eo reportatum de Sathan; Sed & in Paulo Aposto-
lo Dominus & gloriatus, & glorificatus est. quem
sibi has electionis fecit, ad portandum nomen suum co-
ram gentibus, & regibus, & filijs Israhel. Quin imò,
quotquot sunt electi eius, qui faciunt voluntatem
eius, & ponunt cor suum ad custodienda mandata
eius: omnes hi sunt gloria eius, omnes sunt glo-
riatio eius, in omnibus his gloriatur Maestas Di-
gnitatis eius. Omnes hi sunt currus gloriæ & exal-
tationis eius. Ea propter quisquis amator & zela-
tor esse desiderat gloriæ Domini Dei sui: nullo nō
die, nulla non horā, nullo non momento magni-
ficet nomen eius. Det in omni opere suo confessionem
Sancto & Excelso in verbo gloriæ. De omni corde suo
laudet Dominum, & diligit Deum, qui fecit illum.
Ornet tempora (sua) vsq; ad consummationem vite
(sue) & laudet nomen Sanctum Domini, & ampli-
ficet mane (iuxta & vespere) Dei Sanctitatem. Et
tunc gloriabitur in te Deus tuus: exaltabitur ex te

Isa: 49. 3.

Iob: 1.

Act. 9. 15.

Eccl: 47. 21.

N

Sanctus

Sanctus tuus: & eris sedes gloriæ Domini Dei tui
in æternum.

Stimulus VII.

Christi Meritorum præmium.

Isa: 58. 11.

Rom: 12. 21.

GLoria & beatitudo Sanctorum, est iustissimū
præmium Christi meritorum: attestante Pro-
pheta. *Pro eo quod laborauit anima eius, videbit &
saturabitur: in scientia sua iustificabit ipse seruus me-
us multos, & iniquitates eorum ipse portabit Ideo dis-
persit ei plurimos, & fortium diuidet spolia, pro
eo quod tradidit in mortem animam suam.* Non ve-
rò ipsa sola gloria beatitudoq; nostra præmium est
Christi, sed etiam ipsa nostra merita bona, quibus
vitam gloriamq; æternam acquirimus, ad præmi-
um eorundem Christi meritorum pertinent. Ex
his enim habent vniuersam dignitatem suam, &
omnem valorem atq; proportionem, tam ad gra-
tiam, in qua & per quam sunt, quam ad gloriam,
ad quam & propter quam sunt, & per quam præ-
miantur. Inde verò sequitur, quod quanto quis-
piam iustorum ardentior est, studiosiorq; in bonis
& meritorijs operibus perficiendis, amplioreq; tã
gratia in hac vita, quam gloria in futura compa-
randa, tanto is ad ampliorem Christi Domini &
meritorum eius remunerationem operetur, adau-
geatq; præmium redemptionis suæ, ipsi Redem-
ptori suo. quæ res, quam sit per omnem modum
grata eidem Redemptori, cuius meritis infinita de-
betur præmissio, non est quod explanetur, cum e-
tiam non sit quod ambigatur. Caterum sicut qui
sunt *spiritu feruentes & in omni diligentia Domino
seruientes*, meritaq; gratiæ & vitæ æternæ sibi ma-
gis ac magis cumulantes, præclare valde de Domi-
no suo, deq; eius meritorum copiosa præmissione
merentur: ita per contrarium omnes illi, qui sunt
remissi & languentes in operibus suis, quorum o-
pera nequaquam plena inueniuntur coram Domi-
no, &

no, & coram Christo eius: necesse est vt maledicti
 sint & euomantur ex ore Domini, & inter seruos
 inutiles atq; pigros computentur, ligatis isq; mani-
 bus & pedibus proiecti in tenebras exteriores, ha-
 beant partem suam cum hypocritis, perfidis, & in-
 iurijs Christo Redemptori suo, ac ideo etiam o-
 dibilibus Deo suo. *Si quis habet aures audiendi, au-
 diat.* Non potest in eius vel gratiam vel gloriam
 liberalis esse Christus, qui se non exhibet quantum
 praeulet liberalem in glorificandum Christum. E-
 contra, quanto se quis liberaliorem in eum prae-
 terit, tanto eundem in se liberaliorem habebit.

Nati. 11. 15.

Stimulus VIII.

Sanctorum Angelorum merces.

DEVS noster mandauit Angelis suis de nobis, & *Psal. 90. 11.*
custodiant nos in omnibus vijs nostris. Custodi-
 unt ergo nos, tanta sedulitate, tanta fide, tanta cō-
 stantia, tanta morositate nostrae supportatione, vt
 euincant charitate sua erga nos, omnem aliam quā-
 cunq; familiarium nostrorum beneuolentiam dili-
 gentiamq; Nam quae Mater aut Nutrix tam ob-
 stinata viscerositate curat infantem suum diebus
 infantiae eius, quam inuincibili propensione atq;
 profusione curant nos Angeli nostri omnibus die-
 bus, omnibusq; momentis, in omnibus vijs vitae
 nostrae? Et hoc agunt mercede à nobis alia nulla,
 praeter quam, vt conculcato leone & dracone, vt
 inoffenso pede nostro pergamus atq; omnino per-
 tingamus ad vsq; portas vitae aeternae, quas intro-
 gressi efficiamur *domestici Dei; Cuiusq; Sanctorum,* *Eph. 2. 19.*
 adscripti ad Societatem multorum millium Ange-
 lorum. In quo cursu salutis, o quantum illi & in-
 seruiunt nobis, & congaudent laboribus nostris &
 applaudunt progressibus nostris, & pascuntur per-
 fectione nostra, & recreantur seruire nostro, &
 annunciant Domino Maiestatibus bona de nobis, &
 offerunt conatus nostros, & referunt benedictio-

nes studijs nostris. O quanto cum gaudio, quanta cum hilaritate, quanta cum gratulatione occurrunt nobis, excipiunt nos & porrigunt dexterar, & ruunt in amplexus, & adstringunt brachijs, egredientes de navigatione vitæ, deq; navigio corporis huius, & subintrantes portum salutis & terræ viuientium capeffentes, atq; beatæ æternitatis primordis delibantes. Tunc nos illi, tunc in manibus portant, vniuersasq; meritorum sarcinulas, tunc nos Diuino præsentant conspectui, atq; præparatis à Diuina dextera coronis submittunt capita nostra. tunc nos destinatis inserunt ordinibus & in promeritis collocant sedibus, adgratulantes sibi felicem, optatum, finalem, suum circa nos finem & exitum laborum. Quæ tunc consolatio & congratulatio Angelorum atq; Animarum vicissim. quando illi quidem suas exponent in curandis animabus industrias, illæ contra recensent suam in obediendo sanctissimis saluberrimisq; Angelorum monitis & consilijs facilitatem, fidelitatem atq; perseuerantiam! Tunc omnium momentorum vitæ hic actæ erit gratissima rememoratio. tunc profusio erit mutua mentium in Diuinas laudes & gratias. Ad istius ergo inenarrabilis gaudij congratulationisq; mutux complementum: ad auctiōē Mercedis Angelicæ, Angelis adeo debitz simul & gratæ: nonne per. quàm dignum est, vt omnis anima, quibus maximè studijs, conatibus, vigilijsq; potest (dum per hanc vitam adhuc potest) tota cooperetur? tota se effundat: tota se impendat: & superimpendat. agendo feruenter, operando nauiter, sitiendo iustitiam insatiabiliter, progrediendo & proficiendo infatigabiliter: semper amplius & amplius Diuinum beneplacitum & voluntatem, Diuinam gloriam & exaltationem, Diuinā possessionem atq; fruitionem, Deniq; Deum super omnia gloriosum cōcupiscēdo inexplebiliter. Esto talis & tu, Angelosq; custodes ac Benefactores & Amicos

Amicos tuos, quotidianis ad meliora profectibus,
ad Diuina desiderijs, ad perfectissima & heroica
conatibus, in omnibus vitæ tuæ reliquæ momentis
recrea, & satia, & remunerare. Gratia siquidem *Iob: 14. 61.*
est omni Mercenario dies eius.

Stimulus IX.

Sanctorum in calo Consolatio.

Regnat etiam in cœlis consortium sanguinis.
Ided Deus Homo factus est. vt connaturalius
Hominum misereri posset. vt benefaciendo nobis,
sibi etiam ipsi quodammodò faceret benè, eo
quod esset caro de carne nostra & os ex ossibus nostris.
Et quidem (ait Paulus) cum esset Filius Dei, didicit ex ijs, quæ passus est, obedientiam: & consummatus factus est omnibus obtemperantibus sibi, causa salutis æternæ. Quod si hoc in Deo nostro habemus,
qui *Verbum Caro factum est & habitauit in nobis.* *Ioan: 1. 14.*
Cur non etiam id ipsum cogitamus & sentimus de
Sanctis nostris, qui nos præcesserunt in carne &
præuenerunt in illam patriam; ad quam & nos peregrinamur per fidem, & per spem ambulamus, in
dilectione operantes salutem nostram, donec occurramus & comprehendamus in quo & comprehensum sumus. *Philip: 3. 12.*
Expectant nos Sancti & serui sui, solitudinem gerunt pro nobis, de Patriæ æternæ portu beato, prospectantes pericula nostra, quoniam ex his, quæ ipsi in semetipsis experti sunt didicerunt super nos, & compassionem & solitudinē & consolationem atq; gaudium. Gaudere & exultare fecimus illos, dum ad Deum nostrum & ad ipsius obsequium Sanctum conuersi sumus à vana nostra seculi nequam conuersatione. perficiamus gaudium illorum atq; solatium omnimodâ contentione diligentiaq; nostra in facienda & consummanda omni voluntate Dei. Venerunt iam nuptiæ Agni, sed vxor & sponsa eius necdum ex toro parata est occurrere illi. Ecce adhuc expectantur de quibus

nuptiæ impleantur, necdum enim plena est domus discumbentium, sed neq; byssinum sponsæ candidum & splendens ex toto perfectum est, quia defunt adhuc multa ad consummationem eius. Hac est ergo consolatio Sanctorum in coelo de nobis, cōsummari quàm maximè omnē sanctitatis virtutumq; perfectionem in nobis. Tot sunt Beatorū gaudia, quot nostri profectus; tot eorum solatia, quot nostri conatus; tot illorum gloriæ, quot nostri feruores, tot illorum aureolæ, quot nostra merita. Qui si diligamus Sanctos nostros, in hoc diligamus eos: quia quotidiana innouatione cursus nostri, quotidiana instauratione feruoris nostri, quotidianis desiderijs profectus nostri solamur & pascimus eos. Etsi enim iam satiati sunt beatitudinibus suis ab vbertatē Domus Dei; adhuc tamē famescunt profectus nostros, quibus per nos, conatusq; & feruores nostros satiari concupiscunt & expectant. Beati qui in hac vita cum iusto, cumq; semper nouo Sanctorum viuunt solatio: quoniam & ipsi, & Deus eorum, erunt solatium ipsorum æternum in altera vita.

Stimulus X.

Edificatio Conuiuentium.

Habent iustorum merita fructum hunc, quod in exemplum proueniunt aliorum: quia cōmune est bonum iustitia & communis virtus. Propterea monet Apostolus, vt omnes cooperemur in *edificationem Corporis Christi*, quod est Ecclesia: vtq; nemo quæ sua tantum sunt quærat, sed etiam quæ multorum: quin etiam *vt omnibus omnia fiat*, quomodo omnes Christo lucrifaciat. Et quemadmodum *vt homini illi, per quem scandalum venit*: ita è diuerso beatus ille, qui non soli sibi viuit, sed tum ei qui *pro omnibus mortuus est*, tum istis pro quibus vnus ille mortuus est. Vnde etiam Dominus seruos suos salī comparat, eò quod ipsorum & vita & morum

Eph: 4. 12.

1. Cor: 10. 24.

33.

1. Cor: 9. 23.

Mat: 18. 7.

2. Cor: 5. 15.

Mat: 5. 13.

& morum exempla, & oratio atq; prædicatio con-
diuentum esse debeat atq; conseruatio cæterorum.

Ac si vniemq; Deus mandauit de proximo suo: ita ut *Ecclesiæ 17. 15.*

vnusquisq; teneatur diligere proximum sicut sei-
psum. dando imprimis operam pro modulo suo, ut
sic saluare cupiat proximum suum, sicut desiderat
saluare semetipsum. Id vtiq; magis incumbet his,
quos Dominus statuit vocationis & gratiarum sin-
gularitate in salutem aliorum: quibus nimirum
conferens duos præceptorum charitatis denarios,
atq; semiuuos, saucios, spoliatosq; ostendens di-
cit. *Curam illorum habe & quodcumq; supererogaue-
ris, ego cum rediero reddam tibi.* Vides quoniam
vsq; ad supererogationem curam te habere velis.

Luc. 10. 30.

Dominus sauciorum! Sed ista forsitan alterius
sint considerationis, pressius hic agimus & dicim⁹,
Iustorum opera seruire ædificationi communi;
ut ergo quàm maxima & solidissima perfectissima-
q; sit ædificatio multorum ex te: necesse est te, *2. Cor. 9. 8.*

abundare quàm maximè in operibus bonis, in studijs
perfectionis, in exemplis virtutum excelsarum.

Et omnis quidem Iustitiæ fructus proficit in ædi-
ficationem aliorum: nescio tamen quomodo ope-
rationes feruoresq; Seniorum, ampliùs ad exem-
plum faciunt plurimorum. An quia inexcusabiles
sunt iuuenes, quo minus faciant eadem, quæ vi-
dent facere in oculis suis senes? An quia ipsamet
Senectus commendat opus alijs, in quo feruet ipsa?

An quia factibile & facilè esse factum demonstrat, &
persuadet alijs id, quod ipsa facit ætas, minus ex se
facitirando idonea? Quidquid sit, certum est il-
lud: quòd quemadmodum *corona dignitatis est Se-
nectus:* ita quoq; corona Senectutis est ardor feruo-
ris, in operibus perfectionis, virtutum & disci-
plinæ. Nihil enim ita Senectutem Iustorum com-
mendat, quàm vegeta & indeficiens pietas & aui-
da iustitiæ fames. propter quod addidit Sapiens.

Prou. 16. 31.

*Corona dignitatis Senectus: quæ in vjs iustitiæ re-
perietur.*

perietur. Quid est enim Senectutem in vijs iustitiz reperiri aliud: nisi in via studioq; perfectionis occupari & feruere?

Stimulus XI.

Senectutis ipsius profectus.

PRæter proximè dicta, refert Senectus alias præclaras utilitates ex feruore spiritus sui & ex generoso ad profectum vltiorè perfectionisq; opera perpetranda conatu. Nam quod in alijs vsu venit; vt carnis senectus hebetet etiam vires animi: huius per omnia oppositum fit in senectute iustorum feruentium, nam & animus in eis feruet, vegetusq; ad labores inuenitur, & ipsemet corpori vigorem alacritatemq; adspersit, vt animo conanti subseruire non grauetur. robore animi sui & ipsū roboratum. Fuit Sanctus Simeon Hierosolymorum Episcopus, Saluatori etiam secundum carnem propinquus, hic licet centum viginti annorum esset, martyrium tamen crucis pro Christo fortiter sustinuit & superauit, mirantibus cunctis tantum in adeo sene robur: ignaris illud à feruentis animi inuicto robore prouenire. Vbi enim est robustum velle, ibi etiam adest validum posse. Accedit senectuti ex feruore interni spiritus & illa gratia, quod non sinat à tentationibus concuti, neq; in tentationibus concidere senes, alioqui casui ex suamet conditione obnoxios. Exemplo fit Eleazarus: quē cum malè amici quidem indignā viri commiseratione moti hortarentur, vt pro carne suilla alijs carnibus licitis vesceretur & simularer manducasse sicut Rex Antiochus præceperat. At ille cogitare, capit, ætatis ac senectutis suæ eminentiam dignam, & ingenite nobilitatis canitiem, atq; à puero optime conversationis actus, & secundum sanctæ & à Deo condita legis constituta, respondit citò dicens. præmitti se velle in infernum. Non enim nostra ætati dignum est inquit fingere, & multi adolescentium arbitantes Ele-

azarum

2 Mach. 6. 18

arum non aginta annorum transisse ad vitam alieni-
 genarum, & ipsi propter meam simulationem & pro-
 pter medicum corruptibilis vita tempus decipiantur,
 & per hoc maculam atq; execrationem mee senectuti
 conquiram. Nā etsi in presenti tempore supplicij ho-
 minum eripiar, sed manus Omnipotentis, nec viuis,
 nec defunctis effugiam. Quamobrem fortiter vitā ex-
 cedendo, senectute quidem dignus apparebo. Adoles-
 centibus autem exemplum fortē relinquam, si prom-
 pto animo, ac fortiter pro grauissimis ac sanctissimis
 legibus honesta morte perfungar. Dignissima nona-
 genario sene oratio: dignissimum veterani senis,
 omnium senum iustorum imitatione exemplum.
 Ecce virtus non grauatur annis: quin potius an-
 nos ipsa subleuat, & facit vegetos atq; robustos at-
 q; vegetorum & robustorum iuuenum imitatione
 dignos. Currat ergo senectus, currat, etsi non cor-
 poris, sed tamen animi pedibus, faciatq; magnos,
 quin & semper maiores ad virtutum perfectionem
 passus, seu progressus, currat dilatato corde viam
 mandatorum Domini, nec quidquam prætermi-
 rat eorum, per quæ intelligit Diuino se placito gra-
 uorem effici posse: priusq; illam Spiritus mortali-
 sis vitæ, quàm fames & sitis iustitiæ voluntatisque
 Diuinæ deficiat. Inter præcipuas laudes Patriar-
 chæ Caleb positam legimus hanc. *Vsq; in senectute
 permansit illi virtus: et ascenderet in excelsum
 terra locum.*

Eccl: 46. 11.

Stimulus XII.

Confusio Aduersantis Inimici.

Essē omnibus nobis aduersarium & per omnia
 capitale implacabilemq; inimicum in via &
 opere salutis æternæ & experimento scimus, &
 Scripturarum testimonijs docemur. Paulus Apo-
 stolus cū hortatus esset omnes confortari in Do-
 mino & in potentia virtutis eius, induig. armaturam
 Dei: subdit mox hortamenti sui causam luculen-

Eph: 6. 10.

Ibid: 5. 16.

Eph. 6. 13.

tam huiusce-modi. *Et possitis stare aduersus insidias diaboli. quoniam non est nobis colluctatio aduersus carnem & sanguinem: sed aduersus principes & potestates, aduersus munus rectores tenebrarum harum, contra spiritualia nequitia in celestibus.* Cum ergo omnibus singulisq; nobis incumbat hæc indeclinabilis colluctatio, & ab igneis nequissimi telis infestatio: sine dubio & eadem, & grauior periculiorq; incumbit illis iustis, Deiq; famulis, quos citò manu mittendos, & ab ista militia exautorandos propter instantem finem apparet. Quemadmodum enim pyratæ, non vacuum nauem, & tum primum merces alicunde petituram inuadunt: sed potius iam onustam mercibus pretiosis, & ad portum properantem aggrediuntur, expugnant, & diripiunt. Sic etiam infernales isti prædones, non vq; adeò impotenter, primordia, vel cursum conuersionis nostræ ad Deum infestant: sed cum nos aduertunt iam portum cælestem, cum pretiosis virtutum & perfectionum meritumq; & donorum Gratiæ mercibus, meditari, eiq; ob vicinam mortem propinquos esse, tum verò illi totis viribus, totis fraudibus, totis malitiæ inuidiæq; conatibus, in nos inuehuntur, & de nobis prædas agere conituntur. Idq; eo etiam agunt virulentius, quòd bene sagaciterq; aduertunt, ex vnius alicuius iusti-senis depredatione, patet fieri sibi ostium & viam, ad multorum aliorum despoliationem, atq; perniciem. Vnius enim veterani lapsus, trahit post se exemplo suo ruinam plurimorum. quod solet, quàm maximè dæmonum rabiem in perniciem seniorum procurandam exacuere. Quamobrem egi omnibus, vt supra dixi, incumbit monitum Apostoli, de induenda *armatura Dei*; vt possint stare aduersus insidias diaboli: præcipuà tamen ratione, ea cura afficere debet veteranos, ac multorum stipendiorum milites Christi, *Et possint resistere in die malo, & in omnibus perfecti stare.* Et non tantum

tantum non venire in prædam gaudium e inimicis suis, verum etiam potius ipsos debellare & concutere, ducereque ex eis prædam, & eruere de manibus laqueisque illorum eos, qui ducuntur ad mortem, in gladio spiritus (quod est Verbum Dei) & per exemplum atque instructionem. & per omnem orationem & obsecrationem, orantes omni tempore in spiritu, & in ipso vigilantes, in omni instantia & obsecratione pro omnibus. Ita vi. nō solum non confundantur ipsi cum loquentur inimicis suis in porta, sed etiam inimicos eorum operiat confusio, & opprobrium sempiternum veniat super illos, videntes & tabescentes, & cum desiderijs suis dispareuntes in æternum, *submersi quasi plumbum in aquis uehementibus damnationis sue.* Sic pereant omnes inimici tui & nostri simul Domine, sic pereant. confundantur & reuercantur, qui quaerunt animas nostras. aueruantur retrorsum & erubescant, qui volunt nobis mala. aueruantur statim (& semper) erubescantes, qui dicunt nobis Euge. euge. Qui autem diligunt te Domine, sicut sol in ortu suo splendat; ita rutilent in Occasu suo: colligant spolia impiorum, & decantent Nomen Sanctum tuum Domine. & uiridicem manum tuam laudat in æternum & ultra.

Exod. 15. 16


Iud. 5. 31.

Psalm. 69. 3.

Iud. 5. 31.

Sap. 10. 20.

F I N I S.



STIMU-

STIMVLORVM VICEM IN- SVPER OBEANT. TRACTA- tumque concludant.

SENTENTIÆ S. SCRIPTVRÆ.

- A**braham deficiens mortuus est in Senectute bona: prouectusq; æ-
tatis & plenus dierum. Gen: 25. 8. & 1. Paralip. 29. 28.
Mortuus est senex & plenus dierum. Gen. 35. 29.
Reliquum vitæ Tobia senis in gaudio fuit & cum bono profectus ti-
moris Dei perrexit in pace. Tob. 14. 4.
Hodie octoginta quinq; annorum sum, sic valens, Et eo valebam tem-
pore, quando ad explorandum missus sum, illius in me tem-
poris fortitudo &sq; hodie perseuerat, tam ad bellandum, quàm
ad gradiendum. Iosue. 14. 11.
Vsq; in senectam permansit illi (caleb) virtus, Et ascenderet in ex-
celsum terra locum. Eccl: 46. 1.
Dies pleni inueniuntur in eis Psal: 72. 10. (141. 8.
Educa de custodia animam meam ad confitendum nomini tuo Psal:
Appropinquant anni, de quibus dicas. Non mihi placent. Eccl: 12. 1.
Non defrauderis à die bono, & particula boni doni (bona diei) non
te pratercat. Eccl: 14. 14.
Ante obitum operare iustitiam: quia non est apud inferos inueni-
re cibum. Ibid: 6. 17.
Memor eslo: quoniam mors non tardat. Ibid: 6. 12.
Quidquid potest manu tua operari: instanter operare: quia nec ra-
tio, nec scientia, neq; consilium, nec prudentia apud inferos
est, quo tu properas. Eccl: 9. 10.
Vsq; in senectam & senium: Deus ne derelinquas me. Psal: 70. 17.
Qui plantati sunt in domo Domini, in atrijs domus Dei nostri flore-
bunt, & adhuc multiplicabuntur in senectate &beri. Psal: 91. 12.
In finem ne corrumpas. Psal: 74. 1.
Benedixit Dominus: monifima Iob: magis quàm principio eius.
Iob: 41. 12.
Ingredie-

*Ingrederis in abundantia sepulchrum, sicut inferri solet aceruus
tritici. Iob: 5. 26.*

Dauid Rex senuerat nimis, nec poterat caleferi. 3. Reg: 11.

Cum senuisset Salomon, insatuatum est cor eius. 3. Reg: 11. 4.

Finis venit, venit finis. Euigilauit aduersum te. Ecce ueni. Ezech:

7. 6. Fac conclusionem Ibid: 8. 23.

Qui perseuerauerit usq; in finem, hic saluus erit. Matt: 10. 12.

Ego me non arbitror apprehendisse: sequor autem. Philip: 3. 13.

Velox est depositio tabernaculi mei. 2. Petri. 1. 14.

*Tempus breue est. reliquum est. 1. Cor. 7. 29. Tempus non erit vl-
luz. Apoc: 19. 9.*

Redimentes tempus: quoniam dies mali sunt. Eph: 5. 16.

Filioli nouissima hora est. 1. Ioan: 2. 18.

*Ambulate dum lucem habetis. Venit uox in qua nemo operari po-
test. Ioan: 12. 35.*

Vigilate quia nescitis diem neq; horam. Matt: 24. 42. 25. 13.

*Date nobis de oleo vestro: quia lampades nostra extinguuntur.
Matt: 25. 8.*

Ergo dum tempus habemus operemur bonum. Galat: 6. 10.

*Renouamini spiritu mentis vestrae. quotquot perfecti sumus, hoc sen-
tiamus. Eph: 4. 25.*

Non inuenio opera tua plena coram Deo meo. Apoc: 3. 2.


Momentaneu & leue tribulationis quod in praesenti est. Ephes. 4. 13.

*Licet is qui foris est noster homo corrumpatur, tamen is qui intus est
renouatur de die in diem. 2. Cor: 4. 15.*

*Novi opera tua & fidem & charitatem tuam, & ministerium & pa-
tientiam tuam & opera nouissima plura prioribus. Apoc: 2. 19.*

*Operemini opus vestrum ante tempus (mortis, iudicij) & dabit vo-
bis (Dominus) mercedem vestram in tempore suo. Eccl: 5. 38.*

*Corona dignitatis Senectus, quae in vijs iustitiae reperietur. Prov:
16. 31.*



INDEX

INDEX CAPITVM IN PROVISIONIBVS SENECTVTIS.

Pars I.

- Prouisio* 1. Per Satisfactionem obligationi quā tenemur ad omnem perfectionem curandam. 1.
- Prouisio* 2. Per suppletionem paucitatis perfectorum operum, meritorumq; hactenus partorum. 4.
- Prouisio* 3. Per nostram Cooperationis quam Diuina Gratia atque Gloria summe debemus expletionem. 6.
- Prouisio* 4. Per adaequationem (quantum fas) liberalitates Christi in nos merita sua influentis. 9.
- Prouisio* 5. Per Imitationem & Supergressionem Electorū Dei. 19.
- Prouisio* 6. Per Imitationem Pretiosissima Dei Matris quam perfectissimam. 18.
- Prouisio* 7. Per Imitationem & fruitionem Domini Nostri Iesu Christi Crucifixi. 22.
- Prouisio* 8. Per Imitationem & fruitionem Domini Dei nostri quam familiarissimam. 27.
- Prouisio* 9. Per debitorum, quibus plurimis obstricti sumus plenam exsolutionem. 27.
- Prouisio* 10. Per adaequationem bonorum, potissimum verò Gratiarum quibus respondere adaequatē obligamur. 39.
- Prouisio* 11. Per profusam Charitatem ac miserationem super proximis, peccatores iustos & in Purgatoris existentes. 43.

Prouisionum Senectutis Pars 2.

- Prouisio* 1. Ad amittum peccatorum panarumq; expiationem. 52.
- Prouisio* 2. Ad iustitiarum imperfectarum perfectionem. 58.
- Prouisio* 3. Ad secunditatem perfectionis & meritorum in operibus. 69.
- Prouisio* 4. De multiplicatione meritoriarum Actionum etiam si una tantum actio agi videatur. 80. Pro-

Prouiso 5. Ad thesaurizationem meritorum vite Passionis Mor-
tis Iesu Christi, itemq; Pretiosissima eius Parentis & de-
niq; omnium Iustorum: 86.

Prouiso 6. Per Intentionum multiplicationem ad vnum etiam
opus. 103.

Prouiso 7. Per Intentionis simplicitatem vnitatemque. 109.

Prouiso 8. Per tuarum omnium actionum, passionum intentio-
num rerum cum omnibus creaturis communicationē. 116.

Prouiso 9. Per Communicationem omnium creaturarū tecū. 119.

Prouiso 10. Per Communicationem cum Deo & eius diuitijs atq;
operibus ad extra. 125.

Prouiso 11. Per Communicationem cum Deo eiusq; operibus ad
intra. 135.

Prouisionum Senectutis Pars 3.

Classis Primæ.

Stimulus 1. Conscientia Obligationis. 144.

Stimulus 2. Conscientia Peccatorum. 145.

Stimulus 3. Conscientia exigue Penitentia. 146.

Stimulus 4. Conscientia Dabie Remissionis. 147.

Stimulus 5. Conscientia tenenda remissionis. 148.

Stimulus 6. Conscientia peccatorum venialium. 150.

Stimulus 7. Conscientia Mortis aduenientis. 152.

Stimulus 8. Conscientia reddenda Deo rationis. 153.

Stimulus 9. Conscientia promeritorum pœnarum. 155.

Stimulus 10. Conscientia damnorum spiritualium. 157.

Stimulus 11. Conscientia Purgatorij. 159.

Stimulus 12. Conscientia paucorum bonorum Operum ac Merito-
rum. 160.

Stimulus 13. Conscientia bonorum imperfectorum. 161.

Stimulus 14. Conscientia elapsi temporis. 163.

Stimulus 15. Conscientia Confusionis & Insultationis. 164.

Classis Secundæ.

Stimulus 1. Ipsa ingruens vel vrgens Senectus. 167.

Stimulus 2. Damna præterita. 168.

Stimulus 3. Pretium bonorum spiritualium. 169.

Stimulus 4.

<i>Stimulus</i>	4.	<i>Occasionum & mediorum plurima opportunitas.</i>	170.
<i>Stimulus</i>	5.	<i>Perfectio virtutis bonum desiderabile.</i>	172.
<i>Stimulus</i>	6.	<i>Exemplum caelestium omnium.</i>	173.
<i>Stimulus</i>	7.	<i>Desiderium Sanctorum.</i>	175.
<i>Stimulus</i>	8.	<i>Tempus praesens suppletioni indultum.</i>	<i>ibide.</i>
<i>Stimulus</i>	9.	<i>In fine proficiendum ad meliora.</i>	177.
<i>Stimulus</i>	10.	<i>Sancti ad finem vitae ferre quasi de novo soliti.</i>	178.
<i>Stimulus</i>	11.	<i>Vocatio Religiosa.</i>	180.
<i>Stimulus</i>	12.	<i>Status Sacerdotalis.</i>	181.
<i>Stimulus</i>	13.	<i>Vocatio Societatis IESV.</i>	183.

Classis Tertiae.

<i>Stimulus</i>	1.	<i>DEI Sanctissima Voluntas.</i>	185.
<i>Stimulus</i>	2.	<i>Eminentissima DEI Dignitas.</i>	<i>ibidem.</i>
<i>Stimulus</i>	3.	<i>Dei nostri super omnia Boni dilectio.</i>	187.
<i>Stimulus</i>	4.	<i>Dei nostri erga nos Dilectio.</i>	188.
<i>Stimulus</i>	5.	<i>Divini Cordis gustus & expletio.</i>	192.
<i>Stimulus</i>	6.	<i>DEI gloria atque gloriatio.</i>	193.
<i>Stimulus</i>	7.	<i>Christi meritorum praeium.</i>	194.
<i>Stimulus</i>	8.	<i>Sanctorum Angelorum merces.</i>	195.
<i>Stimulus</i>	9.	<i>Sanctorum in caelo consolatio.</i>	197.
<i>Stimulus</i>	10.	<i>Aedificatio Coniuventium.</i>	198.
<i>Stimulus</i>	11.	<i>Senectutis ipsius profectus.</i>	200.
<i>Stimulus</i>	12.	<i>Confusio Aduersantis Inimici.</i>	201.
<i>Sententiae Sacrae Scripturae.</i>			203.

F I N I S.



s. 170.
172.
173.
175.
ibidē.
177.
178.
180.
181.
183.

185.
ibidem.
187.
188.
192.
193.
194.
195.
197.
198.
200.
201.
203.

21



Biblioteka Jagiellńska



stdr0014369

